



唐唐宋漢 張司裴司守馬 馬 節貞駰遷 正索集 義隱解撰

中 華 書 局 第一〇二至卷一一七(傳)

史記卷一百二

張釋之馮唐列傳第四十二

行也。」「图」於是釋之言秦漢之閒事,秦所以失而漢所以興者久之。文帝稱善,乃拜釋之爲 得調,無所知名。釋之曰:「久宦減仲之産,不遂。」欲自免歸。 乃請徙釋之補謁者。如釋之既朝畢,因前言便宜事。文帝曰:「卑之,毋甚高論,令今可施 張廷尉釋之者,堵陽人也,自己字季。有兄仲同居。 以訾爲騎郎、二事孝文帝、十歲不 中郎將袁盎知其賢,惜其去,

謁者僕射。

[一] [索隱] 韋昭堵音赭,又音如字,地名,屬南陽。 陽故城在鄧州穰縣西三十里,楚之郇邑也。 及蘇秦傳云『楚北有郇陽』,並謂此也。」 [正義] 應劭曰:「哀帝改爲順陽,水東南人蔡。」 括地志云:「順

[二][集解] 蘇林曰:「顧錢若出穀也。」如淳曰:「漢儀注訾五百萬得爲常侍郎。」 索隱一皆音子移反。 字苑云「費,

[三][正義] 百官表云「謁者,掌賓讚受事,員十七人,秩比六百石」也。

積財也」。

129 |__/ 索隱案:卑,下也。 欲令且卑下其志,無甚高談論,但令依時事,無説古遠也。

張釋之馮唐列傳第四十二

辯而無其實。且下之化上疾於景響,舉錯不可不審也。」文帝曰:「善。」乃止不拜嗇夫。 過,陵遲而至於二世,天下土崩。今陛下以嗇夫口辯而超遷之,臣恐天下隨風靡靡,争爲口 若是邪? 尉無賴 [[8] 乃韶釋之拜嗇夫爲上林令。釋之久之前曰: 「陛下以絳侯周勃何如 嗇夫「『〕從旁代尉對上所問禽獸簿甚悉,欲以觀其能口對響應無窮者。

文帝曰:「吏不當 「夫絳侯、東陽侯稱爲長者,此兩人言事曾不能出口,豈斅此嗇夫諜諜「吾」利口捷給哉!且 人也。」上曰:「長者也。」又復問:「東陽侯張相如何如人也。」上復曰:「長者。」釋之曰: 釋之從行,登虎圈。〔一〕上問上林尉〔三諸禽獸簿,十餘問,尉左右視,盡不能對。 虎圈

[二]正義 求遠反。

〔三〕 [索隱] 漢書表上林有八丞十二尉。 [百官志尉秩三百石。

[二][正義] 掌虎圈。百官表有鄉嗇夫,此其類也。

[四] [樂解] 張晏曰:「才無可恃。」

〔五〕【集解】晉灼曰:「音牒。」 [索隱] 音牒。漢書作「喋喋」,口多言。

[六][索隱]案:謂空具其文而無其實也。

上就車,召釋之參乘,徐行,問釋之秦之敝。具以質言。自己至宫,上拜釋之爲公車令。

[一][集解]如淳曰:「質,誠也。」

遂劾不下公門不敬,奏之。薄太后聞之,文帝免冠謝曰:「教兒子不謹。」薄太后乃使使承 韶赦太子、梁王,然後得人。文帝由是奇釋之,拜爲中大夫。 頃之,太子與梁王共車人朝,不下司馬門、「」於是釋之追止太子、梁王無得人殿門。

一][集解]如淳曰:「宫衞令『諸出人殿門公車司馬門,乘軺傳者皆下,不如令,罸金四兩』。」

之前進曰:「使其中有可欲者,雖錮南山猶有郄;〔+〕 使其中無可欲者,雖無石椁,又何戚 焉」文帝稱善。其後拜釋之爲廷尉。 乎!以北山石爲椁、[8] 用紵絮[馬]斮陳,蕠漆其閒,[4] 豈可動哉!」 左右皆曰:「善。」 釋 曰:「此走邯鄲道也。」〔三〕使慎夫人鼓瑟,上自倚瑟而歌,〔三〕意慘悽悲懷,顧謂羣臣曰:「嗟 頃之,至中郎將。從行至霸陵,居北臨廁。〔一〕是時慎夫人從,上指示慎夫人新豐道,

一」「樂解」李奇曰:「霸陵北頭廁近霸水、帝登其上,以遠望也。」如淳曰:「居高臨垂邊曰廁也。」 也。」韋昭曰:「高岸夾水爲廁也。」 |索隱||劉氏廁音初吏反。按:||李奇曰「霸陵北頭廁近霸水」。 蘇林曰:「廁,邊側 蘇林曰「廁,

張釋之馮唐列傳第四十二

邊側也」。包愷音側,義亦兩通也。

[二] (集) 解] 張晏曰:「慎夫人,邯鄲人也。」如淳曰:「走音奏,趨也。」 索隱音奏。 案:走猶向也。

[三][集解]漢書音義曰:「聲氣依倚瑟也。 書日『聲依永』。」 [索隱] 倚,於綺反。案:謂歌聲合於瑟聲,相依倚也。

[四][正義] 顏師古云:「美石出京師北山,今宜州石是。」

(五)[索隱]上張吕反,下息慮反。

[<] [集解] 徐廣曰:「斮,一作『錯』。」 駰案:漢書音義曰「斮絮,以漆著其閒也」。 索隱一断陳絮漆其閒。 断音側

略反。絮音女居反。案"斮陳絮以漆著其閒也。

[4] [集解] 張晏曰:「錮,鑄也。 帝北向,故云『北山』, 迴顧南向,故云『南山』。」 憂焉。若使厚殉,冢中有物,雖并錮南山,猶爲人所發掘也。言「南山」者,取其高厚之意,張晏殊失其旨也。 阿房或作酈山石槨是也」。故帝欲北山之石爲槨,取其精牢。釋之答言,但使薄葬,冢中無可貪,雖無石槨,有何 向,故云『北山』;回顧向南,故云『南山』」。今案:大顔云「北山青石肌理密,堪爲碑槨,至今猶然。故奏本紀作 索隱案:張晏云「錮,鑄也。 帝北

傷我乎?而廷尉乃當之罰金」。釋之曰:「法者天子所與天下公共也。〔四〕今法如此而更重 廷尉奏當,一人犯蹕,當罰金。〔11〕文帝怒曰:「此人親驚吾馬,吾馬賴柔和,令他馬,固不敗 之治問。曰:「縣人來,〔三〕聞蹕,匿橋下。 久之,以爲行已過,卽出,見乘輿車騎,卽走耳。」 頃之,上行出中渭橋,〔一〕有一人從橋下走出,乘輿馬驚。於是使騎捕,屬之廷尉。釋

之,是法不信於民也。且方其時,上使立誅之則已。今既下廷尉,廷尉,天下之平也,一傾 而天下用法皆爲輕重,民安所措其手足。唯陛下察之。」良久,上曰:「廷尉當是也。」

[一][樂解] 張晏曰:「在渭橋中路。」瓚曰:「中渭橋兩岸之中。」 [索隱] 張晏、臣瓚之説皆非也。案今渭橋有三所· 所在城西北咸陽路,曰西渭橋,一所在東北高陵道,曰東渭橋,其中渭橋在古城之北也。

[二][集解]如淳曰:「長安縣人。」

』][集解]如淳曰:「乙令『蹕先至而犯者罰金四兩』。蹕,止行人。」 [索隱] 案:崔浩云「當謂處其罪也」。案: 百 官志云「廷尉平刑罰,奏當所應。 郡國讞疑罪,皆處當以報之」也。

[四][索隱]小顏云:「公謂不私也。」

之、「二非吾所以共承宗廟意也。」釋之免冠頓首謝曰:「法如是足也。〔三〕且罪等、〔三〕 奏當弃市。上大怒曰:「人之無道, 其法乎。」久之,文帝與太后言之,乃許廷尉當。 逆順爲差。今盗宗廟器而族之,有如萬分之一,假令愚民取長陵一抔土,「鬥」陛下何以 王恬開「『見釋之持議平,乃結爲親友。 張廷尉由此天下稱之。 其後有人盜高廟坐前玉環,捕得,文帝怒,下廷尉治。釋之案律盗宗廟服御物者爲奏, 乃盜先帝廟器,吾屬廷尉者,欲致之族,而君以法奏 是時, 中尉條侯周亞夫與梁相山都侯 然以 加

[一][索隱]案:法者,依律以斷也。

[三][集解]徐廣日:「足,一作『止』也。」

釋之馮唐列傳第四十二

張

[三][集解]如淳曰:「俱死罪也,盗玉環不若盗長陵土之逆也。」

[四][集解] 張晏曰:「不欲指言,故以取土譬也。」 [索隱] 抔音步侯反。案:禮運云「汙尊而抔飲」,鄭氏云「抔,手掬 之,字從手」。字本或作「盃」,言一勺一杯,兩音並通。又音普迴反。坯者,塼之未燒之名也。張晏云「不欲指

言,故以取土醬」者,蓋不欲言盜開長陵及説傷迫近先帝故也。

[三][集解]徐廣曰:「一作『閒』。漢書作『啓』。啓者、景帝諱也、故或爲『閒』。」

後文帝崩,景帝立,釋之恐,〔一〕稱病。欲免去,懼大誅至,欲見謝,則未知何如。 用王

性計,卒見謝,景帝不過也。

[一][索隱] 謂帝爲太子時,與梁王人朝,不下司馬門,釋之曾劾,故恐也。

故聊辱廷尉,使跪結韤,欲以重之。」諸公聞之,賢王生而重張廷尉。 張廷尉,使跪結韤。」王生曰:「吾老且賤,自度終無益於張廷尉。張廷尉方今天下名臣,吾 解」、「「顧謂張廷尉:「爲我結韤」」「三」釋之跪而結之。既已,人或謂王生曰:「獨柰何廷辱 王生者,善爲黄老言,處士也。嘗召居廷中,三公九卿盡會立,王生老人,曰「吾韤

[一][正義]上萬越反,下閑買反。

(二) 索隱 結音如字,又音計。

張廷尉事景帝歲餘,爲淮南王相,猶尚以前過也。久之,釋之卒。其子曰張擊,字長公,

官至大夫,免。以不能取容當世,故終身不仕。口

【一][索隱] 謂性公直,不能曲屈見容於當世,故至免官不仕也。

尚食監高袪數爲我言趙將李齊之賢,戰於鉅應下。今吾每飯,意未嘗不在鉅鹿也。[四]父知 我,獨無閒處乎。」唐謝曰:「鄙人不知忌諱。」 之乎。]唐對日:「尚不如廉頗、|李敗之爲將也。」上曰:「何以。]|唐曰:「臣大父在趙時,爲官 |帝輦過、「三問唐日:「父老何自爲郎。「 E 」 家安在。」唐具以實對。 |文帝日:「吾居代時,吾 臣![ヤ]陛下雖得廉頗、李牧,弗能用也。」上怒,起人禁中。 良久, 召唐讓曰:「公柰何衆辱 人,良[к]説,而搏髀曰:「嗟乎!吾獨不得廉頗、李枚時爲吾將,吾豈憂匈奴哉」」唐曰:「主 (卒)[率]將,[三]善]李牧。臣父故爲代相,善趙將李齊,知其爲人也。」上既聞廉頗、李牧爲 馮唐者,其大父趙人。父徙代。漢興徙安陵。唐以孝著,爲中郎署長,八二事文帝。

[一][樂解]應劭曰:「此云孝子郎也。」或曰以至孝聞。 索隱 案:謂爲郎署之長也。

[二] [索隱] 過音戈。謂文帝乘輦,會過郎署。

[一] [索隱] 案:崔浩云「自,從也。帝詢唐何從爲郎」。又小顏云「年老矣,乃自爲郎,怪之也」。

張釋之馮唐列傳第四十二

[四] [集解] 張晏曰:「每食念監所説李齊在鉅鹿時。」

五] 集解 徐廣曰:「一云『官士將』。」 駰案:晉灼曰「百人爲徹行,亦皆帥將也」。 案國語「百人爲徹行,行頭皆官師」。賈逵云「百人爲一隊也。 官師、隊大夫也」。 |索隱||注「百人爲徹行將帥」

[六] 樂解] 如淳曰:「良,善也。」

ゼ〕[索隱] 案:樂彦云「人臣進對前稱『主臣』,猶上書前云『昧死』」。 案: 志林云「馮唐面折萬乘,何言不懼」,主臣 已見前志也 爲驚怖,其言益著也。 又魏武謂陳琳云「卿爲本初檄,何乃言及上祖」,琳謝云「主臣」,益明主臣是驚怖也。解

也。 之。二門 萬、「八」 闖以内者、「鬥」寡人制之,閫以外者,將軍制之。軍功爵賞皆決於外,歸而奏之。 [出]私養錢,[lo]五日一椎牛,[le]饗賓客軍吏舍人,是以匈奴遠避,不近雲中之塞。 任而責成功, 曰:「公何以知吾不能用廉頗、李牧也。」唐對曰:「臣聞上古王者之遣將也,跪而推轂, 臣大父言,李牧爲趙將居邊,軍市之租皆自用饗士,「臣」賞賜決於外,不從中擾也。 當是之時, 是以兵破士北,爲秦所禽滅。 是以北逐單于,破東胡、「五」滅濟林、「一一四抑彊秦,南支韓、魏。當是之時, 其後會趙王遷立,其母倡也。[三]王遷立,乃用郭開讒,卒誅李牧,三三令顔聚代 故李牧乃得盡其智能, 匈奴新大人朝邢,(二)殺北地(三)都尉卬。(三)上以問寇爲意,乃卒復問唐 今臣竊聞魏尚爲雲中守,[三] 其軍市租盡以饗士卒, 遣選車千三百乘、「《」彀騎萬三千、「り」百金之士十 。此非虚言 虜曾一 趙幾

罪! 文帝説。 臣愚,以爲陛下法太明,賞太輕,罰太重。且雲中守魏尚坐上功首虜差六級,陛下下之吏, 削其爵,罰作之。由此言之,陛下雖得廉頗、李牧,弗能用也。〔三〕臣誠愚,觸忌諱,死罪死 車士。三言 力戰,斬首捕虜,上功莫府,Ciùi一言不相應,Cili文吏以法繩之。其賞不行而吏奉法必用。 尚率車騎擊之,所殺甚衆。夫士卒盡家人子,自己起田中從軍,安知尺籍伍符。自己終日 是日令馮唐持節赦魏尚,復以爲雲中守,而拜唐爲車騎都尉,主中尉及郡國

〔一〕[索隱] 上音朝,早也。下音乃何反,縣名,屬安定也。 [正義] 在原州百泉縣西北十里, 漢朝 縣是也。

(三) 正義 北地郡,今寧州也。

〔三〕[索隱]案:都尉姓孫名卬。

韋昭曰:「此郭門之閩也。 門中橛日閫。」 正義 閫音苦本反。

謂門限也。

(五) [索隱] 案:謂軍中立市,市有税。 税卽租也。

「人」「索隱」案:六韜書有選車之法。

[+] [索隱] 如淳云:「彀音構。 彀騎,張弓之騎也。」

[八] 樂解] 服虔曰:「良士直百金也。」或曰直百金,言重 百金也。」劉氏云:「其功可賞百金者。」事見管子及小爾雅 索隱 晉灼云:「百金取其貴重也。」 服虔曰:「良士直

【充〕[索隱] 案:崔浩云「鳥丸之先也。國在匈奴之東,故云東胡也」。

張

[10] 集解 徐廣曰:「澹,一作『襜』。」 [索隱] 澹,丁甘反。一本作「檐檻」。

[二] 索屬 幾音祈。

[三] [索隱] 按:列女傳云「邯鄲之倡」。 [正義] 趙幽王母,樂家之女也。

[三] 索隱] 按:開是趙之寵臣。戰國策云秦多與開金,使爲反閒。

[12] [索隱] 聚音似喻反。漢書作「冣」。本齊將也。 [正義] 絶庾反。

漢書曰:「尚,槐里人也。」 正義。雲中郡故城在勝州榆林縣東北三十里。

[1六][樂解]服虔曰:「私廩假錢。」 [索隱] 按:漢書「市肆租税之人爲私奉養」,服虔曰「私廩假錢」是也。 或云官所

别廩給也。

[1十][索陽]椎音直追反,擊也。

[1公][索隱]按:謂庶人之家子也。

[1元] [集解] 如淳曰:「漢軍法曰吏卒斬首,以尺籍書下縣移郡,令人故行,不行奪勞二歲。 五符亦什伍之符,約節度 也。」或曰以尺簡書,故曰尺籍也。 保,不容姦詐。注「故行不行」,案謂故命人行而身不自行,奪勞二歲也。「故」與「雇」同。 [索隱]按:尺籍者,謂書其斬首之功於一尺之板。伍符者,命軍人伍伍相

[三0] [索隱] 按:莫訓大也。又崔浩云「古者出征無常處,以幕爲府舍,故云莫府」。 「莫」當爲「幕」,古字少耳。

[三] [索隱] 音乙陵反,謂數不同也。

[三] [樂解] 班固稱「楊子日孝文帝親詘帝尊以信亞夫之軍,曷爲不能用頗、牧?彼將有激」。

□三 (集解) 服虔曰:「車戰之士。」

七年,景帝立,以唐爲楚相,免。 武帝立,求賢良,舉馮唐。 唐時年九十餘,不能復爲

官,乃以唐子馮遂爲郎。遂字王孫,亦奇士,與余善。

其人,視其友」。二君之所稱誦,可著廊廟。 太史公曰: 張季之言長者,守法不阿意;馮公之論將率,有味哉!有味哉!語曰「不知 書曰「不偏不黨,王道殤蕩, 不黨不偏,王道便

便」。「二張季、馮公近之矣。

【索隱述贊】張季未偶,見識袁盎。 太子懼法,嗇夫無狀。 驚馬罰金,盗環悟上。馮公白首,味哉論將。

因對李齊,收功魏尚。

史記卷一百三

萬石張叔列傳第四十三

幸失明。家貧。有姊,能鼓琴。」高祖曰:「若能從我乎?」曰:「願盡力。」於是高祖召其姊 時奮年十五,爲小吏,侍高祖。高祖與語,愛其恭敬,問曰:「若何有。」對曰:「奮獨有母,不 **積功勞至大中大夫。無文學,恭謹無與比。** 爲美人,以奮爲中涓,「鬥」受書謁,徙其家長安中戚里,「鬥以姊爲美人故也。其官至孝文時, 萬石君〔〕名奮,其父趙人也,〔〕姓石氏。趙亡,徙居温。〔三〕高祖東擊項籍,過河內,

[一][正義]以父及四子皆二千石,故號奮爲萬石君。

[三][正義] 洛州邯鄲本趙國都。

[三][正義]故温城在懷州温縣三十里,漢縣在也。

[四][正義] 顔師古云:「中涓,官名。 居中而涓絜也。」如淳云:「主通書謁出入命也。」

[五]索隱 一小顔云:「於上有姻戚者皆居之,故名其里爲戚里。」長安記戚里在城内。

【石張叔列傳第四十三

文帝時,東陽侯張相如爲太子太傅,免。選可爲傅者,皆推奮,奮爲太子太傅。及孝景

皆以馴行孝謹、「『」官皆至二千石。於是景帝曰:「石君及四子皆二千石,人臣尊寵乃集其 即位,以爲九卿;迫近,憚之,〔一〕徙奮爲諸侯相。奮長子建,次子甲,次子乙,〔三〕次子慶,

門。」號奮爲萬石君。

[一] 集解] 張晏曰:「以其恭敬履度,故難之。」

[三][集解]徐廣曰:「一作『仁』。」 [正義]顔師古云:「史失其名,故云甲乙耳,非其名也。」

[三] 樂解]徐廣曰:「馴,一作"訓』。」 [索隱] 馴音巡。

伏而食之,如在上前。其執喪,哀戚甚悼。子孫遵教,亦如之。萬石君家以孝謹聞乎郡國, 者在側,雖燕〔三〕居必冠,申申如也。僮僕訢訢如也,〔四〕唯謹。上時賜食於家,必稽首俯 讓了口爲便坐了回對案不食。然後諸子相責,因長老肉袒固謝罪,改之,乃許。子孫勝冠 雖齊魯諸儒質行,皆自以爲不及也。 趨,見路馬必式焉。子孫爲小吏,來歸謁,萬石君必朝服見之,不名。子孫有過失,不譙 孝景帝季年,萬石君以上大夫禄歸老于家,以歲時爲朝臣。過宮門闕,萬石君必下車

(一) [索隱] 上才笑反。譙讓,責讓。

【三】[索隠] 上于僞反,下「便」音婢緜反。蓋謂爲之不處正室,别坐他處, 故王者所居有便殿、便房,義亦然也。音婢見反,亦通也。 故曰便坐。 坐音如字。便坐,非正坐處

「三」[索隱] 燕謂閒燕之時。燕,安也。

[四][集解]晉灼曰:「訴`許慎曰古『欣』字。」 韋昭曰:「聲和貌。」

建元二年,郎中令[1]王臧以文學獲罪。皇太后以爲儒者文多質少,今萬石君家不言

而躬行,乃以長子健爲郎中令,少子慶爲内史。〔三〕

[一][正義]百官表云郎中令秦官,掌居宫殿門户。武帝太初元年更名光禄勳也。

[三][正義] 百官表云内史,周官,秦因之,掌治京師。景帝分置左内史。武帝太初元年,更名京兆尹,左内史名左馮

郊也,

者,取親中帬廁腧,身自浣滌,气息復與侍者,不敢令萬石君知,以爲常。建爲郎中令,事有 可言,屏人恣言,極切;至廷見,如不能言者。是以上乃親尊禮之。 健老白首, 萬石君尚無恙。 健爲郎中令,每五日洗沐歸謁親,〔〕入子舍,〔三〕竊問侍

[一] (集解) 文類曰:「郎五日一下。」 [正義] 孔文祥云:「建爲郎中令,即光禄勳,九卿之職也。 直五日一下也。」按: 五日一下直,洗沐

[二] 索隱 案:劉氏謂小房内,非正堂也。 小顔以爲諸子之舍,若今諸房也。

萬石張叔列傳第四十三

也 [集解]徐廣曰:「腧,築垣短板也,音住。 廁牏謂廁溷垣牆,建隱於其側浣滌也。 晉灼云「今世謂反開小袖衫爲『侯腧』,此最廁近身之衣」。而徐廣云「腧,短板,以藥廁牆」,未知其義何從,恐非 「牏音投,又音豆」。孟康曰「廁,行清;牏,行清中受糞函也。言建又自洗盪廁寶。寶者,洗除穢汙之穴也」。又 周官,械,虎子也。 窬,行清也」。 孟康曰「廁,行清;窬,行中受粪者也。 東南人謂鑿木空中如曹謂之窬」。晉灼 建又自洗蕩廁寶。廁寶,瀉除穢惡之穴也。」吕静曰:城窬,爽器也,音威豆。」駰案:蘇林曰「牏音投。 曰「今世謂反閉小袖衫爲『侯窬(廁)』,此最廁近身之衣也」。 [索隱] 案:親謂父也。中君,近身衣也。 一讀『腧』爲『竇』,竇音豆。言 賈逵解 蘇林日

車中自如,固當一乃謝罷慶。慶及諸子弟人里門,趨至家。 罪,不許。舉宗及兄建肉袒,萬石君讓曰:「内史貴人,入閭里,里中長老皆走匿,而内史坐 萬石君徙居陵里。〔一〕内史慶醉歸,人外門不下車。萬石君聞之,不食。慶恐,肉袒請

[一] [集解] 徐廣曰:「陵,一作『鄰』。」 [索隱] 小顔云:「陵里,里名,在茂陵,非長安之戚里也。」 也。茂陵故城,漢茂陵縣也,在雍州始平縣東北二十里。 正義茂陵邑中里

萬石君以元朔五年中卒。長子郎中令建哭泣哀思,扶杖乃能行。 歲餘,建亦死。

孫咸孝,然建最甚,甚於萬石君。

上譴死矣」甚惶恐。其爲謹慎,雖他皆如是。 健爲郎中令,書奏事,事下,建讀之,曰:「誤書!『馬』者與尾當五,今乃四,不足一。(一)

[一][樂解] 服虔曰:「作『馬』字下曲而五,建時上事書誤作四。」 正義 顔師古云:「『馬』字下曲者尾,并四點爲四

足,凡五。」

子中最爲簡易矣、〔〕然猶如此。 萬石君少子慶爲太僕,御出,上問車中幾馬, 爲齊相, 舉齊國皆慕其家行,不言而齊國大治,爲立石相 慶以策數馬畢,舉手曰:「六馬。」慶於諸

祠。

如此也。

[一] [正義] 漢書「慶爲大僕,御出,上問車中幾馬,慶以策數馬畢,舉手曰『六馬』」。 按:慶於兄弟最爲簡易矣,

嘗欲請治上近臣所忠、九卿咸〔三〕宣罪,不能服,反受其過,贖罪。 等推文學至九卿,更進用事,事不關決於丞相,丞相醇謹而已。在位九歲,無能有所匡言。 子巡狩海内,修上古神祠,封禪,興禮樂。公家用少,桑弘羊等致利,王温舒之屬峻法,見寬 爲丞相,封爲牧丘侯。」是時漢方南誅兩越,東擊朝鮮,北逐匈奴,西伐大宛,中國多事。天 元鼎五年秋,丞相有罪,罷。〔〕制韶御史:「萬石君先帝尊之,子孫孝,其以御史大夫慶 元狩元年,上立太子,選羣臣可爲傅者,慶自沛守爲太子太傅,七歲遷爲御史大夫。

[一][集解]趙周坐酎金免。 [索隱]案漢書而知也。

萬石張叔列傳第四十三

[三][樂解]服虔曰:「音『減損』之『減』。」

質,上不忍致法。願歸丞相侯印,乞骸骨歸,避賢者路。」天子曰:「倉廩既空,民貧流亡,而君 之。上以爲丞相老謹,不能與其議,乃賜丞相告歸,而案御史大夫以下議爲請者。丞相慙 欲請徙之,摇蕩不安,動危之,而辭位,君欲安歸難乎。」「三」以書讓慶,慶甚慙,遂復視事。 不任職,乃上書曰:「慶幸得待罪丞相,罷駑無以輔治,城郭倉庫空虚,民多流亡,罪當伏斧 元封四年中,關東流民二百萬口,無名數者四十萬,(一) 公卿議欲請徙流民於邊以適

[一][索隱]案:小顔云「無名數,若今之無户籍」。

三]索隱]難音乃彈反。言欲歸於何人。

諸子孫爲吏更至二千石者十三人。及慶死後,稍以罪去,孝謹益衰矣。 慶中子德,慶愛用之,上以德爲嗣,代侯。 慶文深審謹,然無他大略,爲百姓言。 後爲太常,坐法當死,贖免爲庶人。 後三歲餘,太初二年中,丞相慶卒,諡爲恬侯。 慶方爲丞相,

謹 無他。 建陵侯「□衞綰者,代大陵人也。「□綰以戲車爲郎、「□事文帝,功次遷爲中郎將,醇 孝景爲太子時,召上左右飲,而館稱病不行。〔□〕文帝且崩時,屬孝景曰:「館長者,

善遇之。」及文帝崩,景帝立,歲餘不噍呵〔三〕館,館日以謹力。

[一][正義] 括地志云:「漢建陵縣故城在沂州丞縣界也。」

[三] 索隱 地理志縣名,在代。 屬焉,故言代六陵人也。 [正義] 括她志云:「大陵縣城在并州文水縣北十二里。」按:代王耳時都中都,大陵

[m] [樂解] 應劭曰:「能左右超乘也。」 如淳曰:「櫟機轉之類。」 之戲。 櫟音歷,謂超踰之也。轊音衞,謂車軸頭也。 索隱 按: 應砌云「能左右超乘」。 案今亦有弄車

[四] [集解] 張晏曰:「恐文帝謂豫有二心以事太子。」

〔至〕索隱]誰何二音。 誰何猶借訪也。一作「譙阿」。譙,責讓也,言不嗔責館也。

爲將,將河閒兵擊吳楚有功,拜爲中尉。三歲,以軍功,孝景前六年中封綰爲建陵侯。 將争;有功,常讓他將。上以爲廉,忠實無他腸,〔三〕乃拜綰爲河閒王太傅。 以功次遷爲中郎將,不自知也。」 獨至今乎。」「綰曰:「具在。」上使取六劍,劍尚盛,未嘗服也。 罪,實病一」上賜之劍。 景帝幸上林,韶中郎將參乘, 館曰:「先帝賜臣劍凡六,劍不敢奉詔。」上曰:「劍,人之所施易、「二 上問曰:「吾爲太子時召君,君不肯來,何也。」對曰:「死 還而問曰:「君知所以得參乘乎。」綰曰:「臣從車士幸得 郎官有譴,常蒙其罪,不與他 吴楚反,

二集解 如淳曰「施讀日移。 言劍者人之所好,故多數移易貿換之也。」 索隱 上音移,下音亦

三] |索隱] 小顏云:心腸之内無他惡也。

萬石張叔列傳第四十三

栗氏。 侯舍气,爲丞相,朝奏事如職所奏。〔貳〕然自初官以至丞相,終無可言。天子以爲敦厚,可相 其明年,上廢太子,誅|栗卿之屬。[二]上以爲|館長者,不忍,乃賜|館告歸, 而使|郅都治捕 既已, 上立膠東王爲太子,召館,拜爲太子太傅。久之,遷爲御史大夫。 五歲,代桃

(一) 集解 也。 蘇林曰:「栗太子舅也。」 正義 顔師古云:「太子廢爲臨江王、故誅其外家親屬也。」 如淳曰:「栗氏親屬也,卿,其名也。」 索隱、栗姬之兄弟。 蘇林云栗太子之舅

少主,尊寵之,賞賜甚多。

〔三〕[正義] 故|桃城在渭州|胙城縣東三十里,劉舍所封也。

. 三] [索隱] 以言但守職分而已,不别有所奏議也。

任職,免之。 爲丞相三歲,景帝崩,武帝立。 其後館卒,子信代。 坐酎金失侯。 建元年中,丞相以景帝疾時諸官囚多坐不辜者,而君不

此稱爲長者。 而 !金主覺,妄意不疑,「一不疑謝有之,買金償。 塞侯〔一〕直不疑者,南陽人也。〔一〕爲郎,事文帝。 文帝稱舉,稍遷至太中大夫。〔即朝廷見,人或毁曰:「不疑狀貌甚美, 而告歸者來而歸金,而前郎亡金者大慙,以 其同舍有告歸,誤持同舍郎金去,已 然獨無

奈其善盗嫂CEJ何也!」不疑聞,曰:「我乃無兄。」然終不自明也。

(一][正義]上音先代反。 古塞國,今陝州桃林縣以西至潼關,皆桃林塞地也。

三] [索隱] 案:塞,國名,今桃林之塞也。直,姓也;不疑,名也。 與雋不疑同字。

[三] | 索隱] 謂妄疑其盜取將也。

四〕[集解]徐廣曰:「漢書云稱爲長者,稍遷至太中大夫,無『文帝稱舉』四字。」

「五」索隱 案:小顔云盗謂私之。

吴楚反時,不疑以二千石將兵擊之。 景帝後元年, 拜爲御史大夫。天子修吳楚時功,

乃封不疑爲塞侯。武帝建元年中,與丞相綰俱以過免。

不疑學老子言。其所臨,爲官如故,唯恐人知其爲吏跡也。 不好立名稱, 稱爲長者。

不疑卒,子相如代。孫望,坐酎金失侯。〔〕〕

(一][索隱]漢書作彭祖,坐酎金,國除

郎中令周文者,名仁,其先故任城人也。〔二以醫見。景帝爲太子時,拜爲舍人,積功

稍遷,孝文帝時至太中大夫。 景帝初即位,拜仁爲郎中令。

萬石張叔列傳第四十三

[一][正義]任城,兖州縣也。

諸侯羣臣賂遺,終無所受。 之。」然亦無所毁。以此景帝再自幸其家。家徙陽陵。上所賜甚多,然常讓,不敢受也。 宫祕戲、「一」仁常在旁。至景帝崩,仁尚爲郎中令,終無所言。上時問人,「四」仁曰:「上自察 仁爲人陰重不泄,常衣敝補衣溺袴,〔〕期爲不絜清,〔三〕以是得幸。景帝人卧内,於後

[一] (集解) 服虔曰:「質重不泄人之陰謀也。」張晏曰:「陰重不泄,下溼,故溺袴,是以得比宦者,出人後宫。 |仁有子 後宫也。仁有子孫者,先未得此疾病所生也」。二者未知誰得其實也。 補衣及溺袴,故爲不絜清之服,是以得幸人卧内也。又張晏云「陰重不泄,陰下溼,故溺袴,是以得比宦者,出人 重,不泄人之陰謀也」。小顔云「陰,密也,爲性密重,不泄人言也。霍去病少言不泄,亦其類也」。其人又常衣弊 孫,先未得此病時所生。」韋昭曰:「陰重,如今帶下病泄利。」 [索隱] 案:其解二,各有理。服虔云「周仁性質

[三] [索隱] 謂心中常期不絜之服,則「期」是「故」之意也。 下溼,故得人卧内後宫,比宦者。 小顔亦同。 [正義] 清,清净;期猶常也。 言爲不絜净,

[三] | 索隱] 謂後宫中戲劇所宜祕也。

[四][正義] 顔師古云:「問以他人之善惡也。」

武帝立,以爲先帝臣,重之。仁乃病免,以二千石禄歸老,子孫咸至大官矣。

拜歐爲御史大夫。自歐爲吏,未嘗言案人,專以誠長者處官。官屬以爲長者,亦不敢大欺。 然歐雖治刑名家,「巴其人長者。景帝時尊重,常爲九卿。至武帝元朔四年, 上具獄事,有可卻,卻之,不可者,不得已,爲涕泣面對而封之。其愛人如此。 御史大夫張叔者,名歐、「」安丘侯説之庶子也。「三」孝文時以治刑名言「三事太子。 韓安國免,詔

[一][集解] 史記音隱日:「歐,於友反。」 [索隱]歐音鳥後反。漢書作「歐」,孟康音驅也。

[三][集解]徐廣曰:「張説起於方與縣,從高祖以人漢也。」 [索隱] 説音悦。

[m] [集解] 章昭曰:「有刑名之書,欲令名實相副也。」 [索隱] 案:劉向别錄云「申子學號曰『刑名家』者,循名以責 實,其尊君卑臣,崇上抑下,合於六經也」。説者云刑名家即太史公所説六家之二也。

[四][正義]刑,刑家也。名,名家也。在太史公自(有)傳,言治刑法及名實也。

老病篤, 請免。 於是天子亦策罷,以上大夫禄歸老于家。 家於陽陵。子孫咸至大官

矣。

萬石 張叔 列 傳第四十三

太史公曰:仲尼有言曰「君子欲訥於言〔〕而敏於行」,其萬石、建陵、張叔之謂邪。是

以其教不肅而成,不嚴而治。 塞侯微巧,气气而周文處讇,气气君子譏之,爲其近於佞也。 然

斯可謂篤行君子矣!

〔一〕[集解]徐廣曰:「『訥』字多作『詘』,音同耳。 古字假借。」

〔三〕 [索隱] 功微。案:直不疑以吴楚反時爲二千石將,景帝封之,功微也。 [正義] 不疑學老子,所臨官,恐人知其

爲吏跡,不好立名稱,稱爲長者,是微巧也。

| [索隱] 周文處調者,謂爲郎中令,陰重,得幸出人卧内也。 [正義]上時問人,仁曰「上自察之」,上所賜,常不

受,又諸侯羣臣賂遺,終無所受:此爲處讇。故君子譏此二人,爲其近於佞也。

【索隱述贊】萬石孝謹,自家形國。郎中數馬,内史匍匐。

敏行訥言,俱嗣芳躅。

史記卷一百四

田叔列傳第四十四

叔爲人刻廉自喜,喜游諸公。〔四〕趙人舉之趙相趙午,午言之趙王張敖所,趙王以爲郎中。 田叔「一」者,趙陘城人「一」也。其先,齊田氏苗裔也。叔喜劍,學黃老術於樂巨公「一」所。

數歲,切直廉平,趙王賢之,未及遷。

[一] 索隱 案下文,字少卿。

[二] 索隱] 脛音刑。按:縣名也,屬中山。

[三] [索隱] 本燕人,樂毅之後。 [正義] 樂,姓; 巨公,名。

[四][正義] 喜音許記反。諸公謂丈人行也。

駡之。是時趙相趙午等數十人皆怒,謂張王曰:「王事上禮備矣,今遇**主**如是, 亂。」趙王齧指出血,曰:「先人失國,微陛下,臣等當蟲出。〔三〕公等柰何言若是! 會陳豨反代,自己漢七年,高祖往誅之,過趙,趙王張敖自持案進食,禮恭甚, 臣等請爲 高祖箕踞 毋復出口

田

叔

列傳第

四十

四

矣」於是貫高等曰:「王長者, 爲郡守、諸侯相。叔爲漢中守十餘年,會高后崩,諸吕作亂,大臣誅之,立孝文帝 唯孟舒、田叔等十餘人赭衣自髡鉗,稱王家奴,隨趙王敖至長安。 出,廢爲宣平侯,乃進言田叔等十餘人。上盡召見,與語,漢廷臣毋能出其右者,上説,盡 及羣臣反者。 於是趙午等皆自殺,唯貫高就繫。是時漢下詔書:「趙有敢隨王者辠三族。」 不倍德。」卒私相與謀弑上。會事發覺,「『」漢下詔捕趙王 貫高事明白, 趙王敖得

[一] 樂解 徐廣曰:「七年,韓王信反,高帝征之。十年,代相陳豨反。」

[二][索隱]案:謂死而蟲出也。左傳「齊桓公死,未葬,蟲流於户外」是也。

者也。 害,孟舒知士卒罷敝,不忍出言,士争臨城死敵,如子爲父,弟爲兄,以故死者數百人。 者數百人。長者固殺人乎。公何以言孟舒爲長者也。」叔叩頭對曰:「是乃孟舒所以 在,欲以身死之,豈自知爲雲中守哉!漢與楚相距,士卒罷敝。 雲中尤甚,免。上曰:「先帝置孟舒雲中十餘年矣,虜曾一人,孟舒不能堅守,毋故士卒戰死 「公,長者也,宜知之。」叔頓首日:「故雲中守孟舒,長者也。」是時孟舒坐虜大人塞盜劫, 孝文帝既立,召田叔問之曰: 「公知天下長者乎。」對曰: 「臣何足以知之」上曰: 夫貫高等謀反,上下明詔,趙有敢隨張王,罪三族。然孟舒自髡鉗, 匈奴冒頓新服北夷,來爲邊 隨張王敖 孟舒 爲長 之所

豈故驅戰之哉!是乃孟舒所以爲長者也。」於是上曰: 「賢哉孟舒」復召孟舒以爲雲中

卧不安席,此憂在陛下也。」景帝大賢之,以爲魯相。 爲也。」上曰:「何也。」曰:「今|梁|王不伏誅,是|漢法不行也; |景帝曰:「|梁有之乎。]|叔對曰:「死罪!有之。」上曰:「其事安在。]|田叔曰:「上毋以|梁事 後數歲,叔坐法失官。 梁孝王使人殺故吳相袁盎,景帝召田叔案梁,具得其事,還報。 如其伏法,而太后食不甘味,

之。相曰:「王自奪之,使相償之,是王爲惡而相爲善也。」相毋與償之。 二十、「己怒之曰:「王非若主邪?何自敢言若主」魯王聞之大慙, 魯相初到,民自言相,訟王取其財物百餘人。田叔取其渠率二十人,各笞五十,餘各搏 發中府錢,[三]使相償 於是王乃盡償之。

(一) ||索隱||搏音博

(三) 正義 王之財物所藏也。

使人請相休,終不休,曰:「我王暴露苑中,我獨何爲就舍」」魯王以故不大出游。 魯王好獵、「己相常從人苑中、「己王輒休相就館舍,相出, 常暴坐气一一待王苑外。

[一] 正義 魯共王,景帝子,都兖州曲阜縣故魯城中。

田

二七七八

ここ正義 括地志云「矍相圃在兖州曲阜縣南三十里。禮記云孔子射於矍相之圃,觀者如搖牆也。」

[三][索隱]上音步卜反。

數年,叔以官卒,魯以百金祠,少子仁不受也,曰:「不以百金傷先人名。」

坐縱太子,下吏誅死。仁發兵,長陵令車千秋上變仁,仁族死。 陘城今在中山國。 [+] 餘,上遷拜爲司直。〔四〕數歲,坐太子事。〔四〕時左丞相自將兵,〔五〕令司直田仁主閉守城門, 丞相長史,失官。其後使刺舉三河。〔三〕上東巡,仁奏事有辭,上説,拜爲京輔都尉。 仁以壯健爲衞將軍〔〕舍人,數從擊匈奴。衞將軍進言仁,仁爲郎中。數歲,爲二千石 〔三月

[一] 樂解 張晏曰:「衞青也。」

[]] [正義] 百官表云:「監御史,秦官,掌監郡,漢省,丞相遣御史分刺州,不常置也。」案:三河,河南、河東、河内也。

[三][正義]百官表云:「右扶風、左馮翊、京兆尹是爲三輔。」元鼎四年,置三輔都尉。」服虔云:「皆治長安城中也。」

[四] [集解] 漢書百官表曰:「武帝元狩五年,初置司直,秩比二千石,掌佐丞相舉不法。」 好五年,初置司直,秩比二千石,掌佐丞相舉不法也。 正義 百官表云 一武帝元

[五][正義]謂戾太子。

[六] 集解]徐廣日:「劉屈氂時爲丞相也。」

[4][集解]徐廣日:「陘城、縣名也。」 [正義]今定州也。

太史公曰:孔子稱曰「居是國必聞其政」,田叔之謂乎!義不忘賢, 明主之美以救過。

仁與余善,余故并論之。

民,出爲三百石長,「宀」治民。坐上行出游共帳不辨,斥免。 任少卿曰:「某子甲何爲不來乎。」諸人皆怪其見之疾也。 處,衆人皆喜,曰:「無傷也,任少卿「も〕分别平,有智略。」明日復合會,會者數百人。 父。「馬」後爲亭長。「云」邑中人民俱出獵,任安常爲人分麋鹿雉兔,部署老小當壯劇易 邑也,谷口蜀剗道近山。「鬥」安以爲武功小邑,無豪,易高也,「鬥安留,代人爲求盜亭 人將車「己之長安,留,求事爲小吏,未有因緣也,因占著名數。「己武功,扶風西界小 褚先生曰"臣爲郎時,聞之曰田仁故與任安相善。 任安,榮陽人也。 其後除爲三老,「△」舉爲親 少孤貧困,爲

[一] |索隱] 將車猶御車也。

(三) [索隱] 言卜占而自占著家口名數,隸於武功,猶今附籍然也。 占音之豔反。

[][正義]括地志云:[漢武功縣在渭水南,今盩厔縣西界也。駱谷閒在雍州之盩厔縣西南二十里,開駱谷道以通梁

州也。」按"行谷有棧道也。

[四] [索隱] 易音以豉反。言邑小無豪,易得高名也。

田叔列傳第四十四

二七八〇

[五]集解]郭璞曰:「亭卒也。」 [正義] 安留武功,替人爲求盜亭父也。應劭云:「舊時亭有兩卒,其一爲亭父,掌閱

閉掃除;一爲求盗,掌逐捕盗賊也。」

[八][正義] 百官表云:「十里一亭,亭有長也。」

[七][正義]少卿,安字。

[八][正義] 百官表云:「十亭一鄉,鄉有三老一人,掌教化也。」

[元][正義] <u>(五) (正義) 百官表云:「萬户已上爲令,秩千石至六百石;滅萬户爲長,秩五百石至三百石。皆有丞、尉也。</u>」

以事將軍家監,家監使養惡齧馬。兩人同牀卧,仁竊言曰:「不知人哉家監也」任安 奴同席而食,此二子拔刀列斷席别坐。 . 「將軍尚不知人,何乃家監也.」衞將軍[二]從此兩人過平陽主,主家令兩人與騎 乃爲衞將軍舍人,與田仁會,俱爲舍人,居門下,同心相愛。此二人家貧,無錢用 主家皆怪而惡之,莫敢呵。

[二]正義 衛青也。

欲入奏之。會賢大夫少府趙禹來過衞將軍,將軍呼所舉舍人以示趙禹。趙禹以次問 其君視其所使,不知其子視其所友』。今有詔舉將軍舍人者,欲以觀將軍而能得賢者 之,十餘人無一人習事有智略者。趙禹曰:「吾聞之,將門之下必有將類。 其後有詔募擇衞將軍舍人以爲郎,將軍取舍人中富給者,令具竃馬絳衣玉具劍, 傳日『不知

|安護北軍,使田仁護邊田穀於河上。 者,何也。」「二將軍不得已,上籍以聞。 「夫決嫌疑,定是非,辯治官,使百姓無怨心,安不及仁也。」武帝大笑曰:「善。」使任 相推第也。田仁對曰:「提桴鼓立軍門,使士大夫樂死戰鬭,仁不及任安。」任安對曰: 曰:「家貧無用具也。」將軍怒曰:「今兩君家自爲貧,何爲出此言。鞅鞅如有移德於我 者。」衞將軍見此兩人貧,意不平。趙禹去,謂兩人曰:「各自具鞌馬新絳衣。」兩人對 趙禹悉召衞將軍舍人百餘人,以次問之,得田仁、任安,曰:「獨此兩人可耳,餘無可用 文武之士也。今徒取富人子上之,又無智略,如木偶人衣之綺繡耳,將柰之何。」於是 此兩人立名天下。 有韶召見衞將軍舍人,此二人前見,韶問能略,

[一][集解]徐廣曰:「移猶施。」

其後用任安爲益州刺史、「」以田仁爲丞相長史。「三」

【二】[正義] 地理志云武帝改曰梁州。 今採訪按察六條也 百官表云:「元封五年,初置部刺史,掌奉韶條察州,秩六百石,員十三。」按:若

[二][正義] 百官表云:「丞相有兩長史,秩千石。」

倚中貴人,與三公有親屬,無所畏憚,宜先正三河以警天下姦吏。」是時河南、河内太 田仁上書言:「天下郡太守多爲姦利,三河尤甚,臣請先刺舉三河。」三河太守皆内

仁爲能不畏彊禦,拜仁爲丞相司直,威振天下。 守皆御史大夫杜父兄子弟也,「己河東太守石丞相子孫也。「己是時石氏九人爲二千 也,願少卿無相誣汙也。」仁已刺三河,三河太守皆下吏誅死。仁還奏事,武帝説,以 石,方盛貴。田仁數上書言之。杜大夫及石氏使人謝,謂田少卿曰:「吾非敢有語言

[二] 集解 社,杜周也。

(三)正義 謂石慶。

縱太子」,丞相對言「使司直部守城門而開太子」。 之閒不甚欲近,去之諸陵過。是時武帝在甘泉,使御史大夫暴君气了下責丞相「何爲 其後逢太子有兵事,丞相自將兵,使司直主城門。 司直以爲太子骨肉之親,父子 上書以聞,請捕繫司直。司直下吏,

[一][樂解]徐廣曰:「暴勝之爲御史大夫。」

錢官小吏,小吏上書言之,以爲受太子節,言「幸與我其鮮好者」。「『〕書上聞,武帝曰. 節,人,閉門不出。武帝聞之,以爲任安爲詳邪,「二不傅事,何也。「三」任安答辱北軍 「是老吏也,見兵事起,欲坐觀成敗,見勝者欲合從之,有兩心。」安有當死之罪甚衆,吾 是時任安爲北軍使者護軍,太子立車北軍南門外,召任安,與節令發兵。安拜受

常活之,今懷詐,有不忠之心。」下安吏,誅死。

[一] [集解] 徐廣曰:「佯,或作『詳』也。」 [索隱] 詳音羊。 謂詐受節不發兵,不傳會太子也。

[三][索隱]不傅事可也。傅音附,謂不附會也。

〔三〕[索隱] 鮮音仙。謂太子請其鮮好之兵甲也。

夫月滿則虧,物盛則衰,天地之常也。知進而不知退,久乘富貴,禍積爲祟。 故范

| 蠡之去越,辭不受官位,名傳後世,萬歲不忘,豈可及哉!後進者慎戒之。

【索隱述贊】田叔長者,重義輕生。張王既雪,漢中是榮。孟舒見廢,抗説相明。按梁以禮,相魯得

情。子仁坐事,刺舉有聲。

史記卷一百五

扁鵲倉公列傳第四十五

引爲傳首,太倉公次之也。 相次。以淳于意孝文帝時醫,奉韶問之,又爲齊太倉令,故太史公以次述之。扁鵲乃春秋時良醫,不可别序,故 索隱]王劭云:「此醫方,宜與日者、龜筴相接,不合列於此,後人誤也。」 [正義] 此傳是醫方,合與龜策、日者

脈[10]爲名耳。爲醫或在齊,[1]或在趙。在趙者名扁鵲。 人也。扁鵲以其言飲藥三十日,視見垣一方人。「云以此視病,盡見五藏癥結,「五〕特以診 鵲:「飲是以上池之水,三十日當知物矣。」〔fì 〕乃悉取其禁方書盡與扁鵲。忽然不見,殆非 閒與語曰:[k]「我有禁方,年老,欲傳與公,公毋泄。」|扁鵲曰:「敬諾。」乃出其懷中藥予|扁 過,「一」扁鵲獨奇之,常謹遇之。長桑君亦知扁鵲非常人也。出入十餘年,乃呼扁鵲私坐, 扁鵲者、「一」勃海郡鄭人也、「一」姓秦氏,名越人。少時爲人舍長。「一」舍客長桑君「四」

[一][正義] 黄帝八十一難序云:「秦越人與軒轅時扁鵲相類,仍號之爲扁鵲。 **倉公列傳第四十五** 又家於盧國,因命之日盧醫也。」

ご集解 徐廣曰:「『鄭』當爲『鄭』。 鄭,縣名,今屬河閒。」 索隱 一案:勃海無鄭縣,當作鄭縣,音莫,今屬河閒。

[三] [索隱] 爲舍長。劉氏云:「守客館之帥。」 [正義] 長音丁丈反。

「四」[索隱] 隱者,蓋神人。

〔三〕[正義] 過音戈。

「六」「正義」 別音閉。

【刊】[索隱] 案:舊説云上池水謂水未至地,蓋承取露及竹木上水,取之以和藥,服之三十日,當見鬼物也。

[八][索隱]方猶邊也。言能隔牆見彼邊之人,則眼通神也。

[f.] [正義] 五藏謂心、肺、脾、肝、腎也。 六府謂大小腸、胃、膽、膀胱、三焦也。 王叔和脈經云:「左手脈横,癥在左; 右手脈横,癥在右。脈,頭大者在上,頭小者在下。兩手脈,結上部者濡,結中部者緩,結三里者豆起。 陽邪來見

[10] [索隱] 診,鄒氏音丈忍反,劉氏音陳忍反。 司馬彪云:「診,占也。」浮洪,陰邪來見沈細,水穀來見堅實。」

[二] 正義] 號盧醫。今濟州盧縣。

大夫皆懼,於是召扁鵲。 當晉昭公時、「己諸大夫彊而公族弱,趙簡子爲大夫,專國事。簡子疾,五日不知人,「三」 扁鵲人視病,出,董安于問扁鵲,扁鵲曰:「血脈治 也, 而何怪!昔

秦穆公嘗如此, 七日而寤。寤之日,告公孫支與子輿「『日」目:『我之帝所甚樂。吾所以久

於殽而歸縱淫,此子之所聞。今主君之病與之同,不出三日必閒,閒必有言也。」 令而國男女無別。」』公孫支書而藏之,秦策於是出。夫獻公之亂,文公之霸,而襄公敗秦師 者,適有所學也。「鬥帝告我:「晉國且大亂,五世不安。其後將霸,未老而死。霸者之子且

[一][索隱]案左氏,簡子專國在定、頃二公之時,非當昭公之世。且趙系家敍此事亦在定公之初。

[三][索隱]案:韓子云「十日不知人」,所記異也。

三] 索隱] 案:二子皆秦大夫。公孫支,子桑也。子輿未詳。

[四][索隱] 適音釋。言我適來有所受教命,故云學也

有也。』」董安于受言,書而藏之。以扁鵲言告簡子,簡子賜扁鵲田四萬畝。 以賜之。』帝告我:『晉國且世衰,七世而亡。〔二嬴姓將大敗周人於范魁之西,〔三〕而亦不能 羆,羆死。帝甚喜,賜我二笥,皆有副。吾見兒在帝側,帝屬我一濯犬,曰:『及而子之壯也 類三代之樂,其聲動心。有一熊欲援我,帝命我射之,中熊,熊死。有羆來,我又射之,中 居二日半,簡子寤,語諸大夫曰:「我之帝所甚樂,與百神游於鈞天,廣樂九奏萬舞,不

[一][正義]晉定公、出公、哀公、幽公、烈公、孝公、静公爲七世。静公二年,爲三晉所滅。據此及趙世家,簡子疾在定 公之十一年也。

[正義] 嬴,趙氏本姓也。周人謂衞也。晉亡之後,趙成侯三年,伐衞,取鄉邑七十三是也。 賈逵云「小阜日魁」

筋,搦髓腦,揲荒口口爪幕,口已湔浣口司腸胃,漱滌五藏,練精易形。先生之方能若是,則太 之所在。聞病之陽,論得其陰,聞病之陰,論得其陽。「心病應見於大表,不出千里,決者至 也,若以管窺天,以郄視文。越人之爲方也,不待切脈「鬥望色「鬥聽聲「鬥寫形,「鬥」言病 液體灑、「<」鑱石橋引,案抓毒熨、「丸」一撥見病之應,因五藏之輸、「10〕乃割皮解肌, 訣脈結 中害。精神不能止邪氣,邪氣畜積而不得泄,是以陽緩而陰急,故暴蹷而死。」〔周〕扁鵲曰: 衆,不可曲止也。 [lo]子以吾言爲不誠,試入診太子,當聞其耳鳴而鼻張,[lo]循其兩股以至 子可生也,不能若是而欲生之,曾不可以告咳嬰之兒。」終日,扁鵲仰天歎曰:「夫子之爲方 子曰:「先生得無誕之乎?何以言太子可生也!臣聞上古之時,醫有俞跗,〔も〕治病不以湯 勃海秦越人也,家在於鄭,未嘗得望精光侍謁於前也。聞太子不幸而死,臣能生之。」中庶 何病,國中治穰過於衆事。」中庶子曰:「太子病血氣不時,交錯而不得泄,暴發於外,則爲 「其死何如時?」曰:「鷄鳴至今。」曰:「收乎?」〔<\2]曰:「未也,其死未能半日也。」「言臣齊 於陰,當尚温也。」 其後扁鵲過號。 [一]號太子[三]死,[三]扁鵲至號宫門下,問中庶子喜方者[四]曰:「太子

扁鵲過何者、蓋號至此並滅也。

[三]集解]傅玄曰:「號是晉獻公時先是百二十餘年滅矣,是時焉得有號。」 此百二十餘年,此時焉得有號」,則此云「號太子」,非也。然案號後改稱郭,春秋有郭公,蓋郭之太子也。 |索隱| 案:傅玄云「號是晉獻所滅, 先

(三][正義]下云「色廢脈亂」,故形静如死狀也。

[四] [索隱] 喜音許既反。喜,好也,愛也。方,方技之人也。 [正義] 中庶子,古官號也。喜方,好方術,不書姓名也。

五 索隱 **蹷音厥**。 [正義] 釋名云:「 蹷,氣從下歷起上行,外及心脅也。」

(八)集解| 收謂棺斂。

[中] | 索隱| 音與附。下又音趺。 正義。

史附二音。 應劭云:「黄帝時將也。」

[八][正義]上音禮,下山解反。

[九] [索隱] 鑱音士咸反,謂石針也。撟音九兆反,謂爲按摩之法,夭撟引身,如熊顧鳥伸也。 玩弄身體使調也。 毒熨謂毒病之處以藥物熨帖也。 **机音玩,亦謂按摩而**

[10] 索隱]音束注反。 於京骨,大腸之原出於合谷,小腸之原出於腕骨。十二經皆以輸爲原也。」按:此五藏六府之輸也。 白,腎之原出於太谿,少陰之原出於兑骨,膽之原出於丘虚,胃之原出於衝陽,三焦之原出於陽池, [正義] 八十一難云:「肺之原出於太淵,心之原出於太陵,肝之原出於太衝,脾之原出於太 膀胱之原出

[]] 集解 徐廣曰:「撰音舌。」 [索隱] 搦音女角反。 撰音舌。 荒,膏荒也。

[二] [索隱] 幕音漢。漢、病也。謂以爪決之。 [正義] 以爪決其闌幕也。

[一][正義]上子錢反,下胡管反。

扁

問倉公列傳第四十五

[1四] [正義] 黃帝素問云:「待切脈而知病。寸口六脈,三陰三陽,皆隨春秋冬夏觀其脈之變,則知病之逆順也。」楊玄 操云:「切,按也。」

[二五] 正義] 素問云:「面色青、脈當弦急;面色赤、脈當浮而短;面色黑、脈當沈浮而滑也。」

[一][正義]素問云:「好哭者肺病,好歌者脾病,好妄言者心病,好呻吟者腎病,好叫呼者肝病也。」

[1+] [正義] 素問云:「欲得温而不欲見人者藏家病,欲得寒而見人者府家病也。」

[二][正義]八十一難云:「陰病行陽、陽病行陰、故令幕在陰、俞在陽。」楊玄操云:「腹爲陰、五藏幕皆在腹、故云幕 皆在陰。背爲陽,五藏俞皆在背,故云俞皆在陽。内藏有病則出行於陽,陽俞在背也。外體有病則人行於陰,陰 幕在腹也。」鍼法云:「從陽引陰,從陰引陽也。」

[元] | 索隱] 止,語助也。不可委曲具言。 正義 言皆有應見,不可曲言病之止住所在也。

[10] [正義] 音張。

下於三焦、膀胱,行己是以陽脈下遂,行己陰脈上争,行己會氣閉而不通,行己陰上而陽内行,下 卒,因嘘唏服臆,[四]魂精泄横,流涕長潸,[四]忽忽承睞,[四]悲不能自止,容貌變更。扁鵲 幸而舉之,偏國寡臣「『〕幸甚。有先生則活,無先生則棄捐填溝壑,長終而不得反。」言未 之大驚,出見扁鵲於中闕,曰:「竊聞高義之日久矣,然未嘗得拜謁於前也。先生過小國, 日:「若太子病,所謂『尸蹷』者也。夫以陽人陰中,動胃[t]繪[c]緣,[t]中經維絡,[lo]别 中庶子聞扁鵲言,目眩然而不瞚、八二舌撟然而不下,八三乃以扁鵲言人報號君。號君聞

廢口心脈亂,故形静如死狀。太子未死也。夫以陽人陰支蘭藏者生,口心以陰人陽支蘭藏者 内鼓而不起,上外絶而不爲使,上有絶陽之絡,下有破陰之紐,[三]破陰絶陽,(之)色(已)

死。凡此數事,皆五藏蹙中之時暴作也。良工取之,自己拙者疑殆。」

[一] 索隱] 眩音縣。 瞚音舜。

[二][索隱] 撟音紀兆反。撟,舉也。

[四][索隱]上音皮力皮,下音憶。

[五] [集解] 徐廣曰:「一云『言未卒,因涕泣交流,嘘唏不能自止』也。」 索隱一清音山。

長潸謂長垂淚也。

[六][索隠]音接。睞卽睫也。承睞,言淚恆垂以承於睫也。

[4][正義]八十一難云:「脈居陰部反陽脈見者,爲陽入陰中,是陽乘陰也,脈雖時沈濇而短,此謂陽中伏陰也。脈居 陽部而陰脈見者,是陰乘陽也,脈雖時沈滑而長,此謂陰中伏陽也。胃,水穀之海也。」

[八] 索隱] 音直延反。

[元][正義] 續音直延反。續緣謂脈纏繞胃也。素問云「延緣落,絡脈也」,恐非此義也。

[10] [集解] 徐廣曰:「維,一作『結』。」 [正義] 八十一難云:「十二經脈,十五絡脈,陽維陰維之脈也。」

[二] [正義] 八十一難云:「三焦者,水穀之道路,氣之所終始也。上焦在心下,下鬲在胃上口也。中焦在胃中脘,不上 不下也。下焦在臍下,當膀胱上口也。膀胱者,津液之府也,溺九升九合也。」言經絡下于三焦及膀胱也。

[三] 集解]徐廣曰:「一作『隊』。」

扁鵲倉公列傳第四十五

[1三][正義] 遂音直類反。素問云:「陽脈下遂難反,陰脈上争如弦也。」

[12] [正義] 八十一難云:「府會太倉,藏會季脅,筋會陽陵泉,隨會絕骨,血會鬲俞,骨會大杼,脈會大淵,氣會三焦,

此謂八會也。」

[三][正義]女九反。素問云:「紐,赤脈也。」

[三] 集解 徐廣日:「一作『發』。」

[14] [正義] 素問云:「支者順節,蘭者横節,陰支蘭膽藏也。」

[八][正義]八十一難云:「知一爲下工,知二爲中工,知三爲上工。上工者十全九,中工者十全八,下工者十全六。」 吕 廣云:「五藏一病輒有五,解一藏爲下工,解三藏爲中工,解五藏爲上工也。」

五分之熨,以八減之齊[四]和煑之,以更[四]熨兩脅下。太子起坐。更適陰陽, 而復故。故天下盡以扁鵲爲能生死人。扁鵲曰:「越人非能生死人也,此自當生者,越人能 扁鵲乃使弟子子陽「〕厲鍼砥石,「三〕以取外三陽五會。「三〕有閒,太子蘇。 但服湯二旬 乃使子豹爲

[一] 索隱陽,扁鵲之弟子也。

使之起耳。」

[二] 索隱] 鍼音針。属謂磨也。砥音脂。

『〕[正義] 素問云:「手足各有三陰三陽:太陰,少陰,厥陰;太陽,少陽,陽明也。 五會謂百會、胸會、聽會、氣會、臑

會也。」

四][索灣]五分之熨,八減之齊。案:言五分之熨者,謂熨之令温暖之氣人五分也。八減之齊者,謂藥之齊和所減

有八。並越人當時有此方也。

[五][正義]格彭反。

見,望見桓侯而退走。桓侯使人問其故。 是以無請也。」後五日,桓侯體病,使人召扁鵲,扁鵲已逃去。 脈,鍼石之所及也;其在腸胃,酒醪之所及也;其在骨髓,雖司命無柰之何。今在骨髓,臣 復見,曰:「君有疾在腸胃閒,不治將深。」桓侯不應。 曰:「君有疾在血脈,不治恐深。」桓侯曰:「寡人無疾。」扁鵲出, 人無疾。」扁鵲出, 扁鵲過齊, 齊桓侯客之。5一一人朝見,曰:「君有疾在腠理,5一一不治將深。」桓侯曰:「寡 桓侯謂左右曰:「醫之好利也,欲以不疾者爲功。」後五日, 扁鵲曰:「疾之居腠理也,湯熨之所及也,在血 扁鵲出,桓侯不悦。後五日, 桓侯遂死。 桓侯不悦。 後五日, 扁鵲復見, 扁鵲復 扁鵲

[集解] 傅玄曰:「是時齊無桓侯。」 慰謂是齊侯田和之子桓公午也。 云「謂是齊侯田和之子桓公午也」。蓋與趙簡子頗亦相當。 索閱案:傅玄曰「是時齊無桓侯」。

[三][正義]上音凑,謂皮膚。

使聖人預 知微,能使良醫得蚤從事,則疾可已,身可活也。人之所病,病疾多,江江而醫

醫,六不治也。有此一者,則重難治也。 之所病,病道少。[[] 故病有六不治:驕恣不論於理,一不治也,輕身重財,二不治也,衣食 不能適,三不治也,陰陽幷,藏氣不定,四不治也,形羸不能服藥,五不治也,信巫不信

[1][正義] 病厭患多也,言人厭患疾病多甚也。

[三][樂解]徐廣曰:「所病猶療病也。」

鵲也,使人刺殺之。至今天下言脈者,由扁鵲也。 痹[一]醫;來人|咸陽,聞秦人愛小兒,卽爲小兒醫; 隨俗爲變。 |秦太醫令|李醯自知伎不如|扁 扁鵲名聞天下。 過邯鄲,聞貴婦人,即爲帶下醫,過雒陽,聞周人愛老人,即爲耳目

[二]索隱]音必二反。

扁鵲之脈書,五色診病,气息知人死生,決嫌疑,定可治,及藥論,甚精。受之三年,爲人治 師同郡元里公乘陽慶。日三慶年七十餘,無子,使意盡去其故方,更悉以禁方予之,傳黃帝 太倉公者,齊太倉長,臨菑人也,姓淳于氏,名意。〔二少而喜醫方術。高后八年,更受

病,決死生多驗。 然左右行游諸侯,不以家爲家,或不爲人治病,病家多怨之者。

一][正義] 括地志云:「淳于國城在密州安丘縣東北三十里,古之斟灌國也。春秋『州公如曹』,傳云『冬,淳于公如

曹』。注水經云『淳于縣,故夏后氏之斟灌國也,周武王以封淳于公,號淳于國也』。」

[三][正義] 百官表云公乘,第八爵也。顏師古云:「言其得乘公之車也。」

〔三〕[正義] 八十一難云:「五藏有色,皆見於面,亦當與寸口尺内相應也。」其面色與相應,已見前也。

意,此歲中亦除肉刑法。「图」 新,其道莫由,終不可得。 吏,齊中稱其廉平,今坐法當刑。妾切痛死者不可復生而刑者不可復續、同雖欲改過自 「生子不生男,緩急無可使者!」於是少女緹縈傷父之言,〔三乃隨父西。上書曰:「妾父爲 文帝四年中,人上書言意,以刑罪當傳西之長安。[二]意有五女,隨而泣。 慮怒, 罵曰: 妾願入身爲官婢,以贖父刑罪,使得改行自新也。」 書聞,上悲其

[一][索隱] 傳音竹戀反。傳,乘傳送之。

[三][索隱] 緹音啼。縈音紆營反。

[三]集解]徐廣曰:「一作『贖』。」

图][集解]徐廣曰:「案年表孝文十二年除肉刑。」 [正義] 漢書刑法志云「孝文帝即位十三年,除肉刑三」。孟康云: 「黥劓二,左右趾一,凡三也。」班固詩曰:「三王德彌薄,惟後用肉刑。 太倉令有罪,就遞長安城。自恨身無子,困 小女痛父言,死者不可生。上書詣闕下,思古歌雞鳴。憂心摧折裂,晨風揚激聲。聖漢孝文帝,惻然

扁

感至情。百男何憒憒,不如一緹縈.」

意家居,韶召問所爲治病死生驗者幾何人也,主名爲誰。

何歲?嘗有所驗,何縣里人也?何病?醫藥已,其病之狀皆何如?具悉而對。」臣意對曰: 韶問故太倉長臣意:「方伎所長,及所能治病者? [二]有其書無有? 皆安受學? 受學幾

[集解]徐廣曰:「一作『爲』,爲亦治。」

陽慶。 禁書,受讀解驗之,可一年所。 帝、扁鵲之脈書,五色診病,知人生死,決嫌疑,定可治,及藥論書,甚精。 席再拜謁,受其脈書上下經、五色診、奇咳气己術、揆度陰陽外變、藥論、石神、接陰陽 心愛公,欲盡以我禁方書悉教公。」臣意卽曰:「幸甚,非意之所敢望也。」臣意卽避 已爲人治, 自意少時,喜醫藥,醫藥方試之多不驗者。至高后八年,日日得見師臨菑元里公乘 慶年七十餘,意得見事之。謂意曰:「盡去而方書,非是也。慶有古先道遺傳黃 診病決死生,有驗,精良。今慶已死十年所,臣意年盡三年,年三十九歲 明歲卽驗之,有驗,然尚未精也。要事之三年所,卽嘗 我家給富,

也。

二〕(集解)奇音羈。咳音該。 有五音奇胲用兵二十六卷。許慎云:「胲,軍中約也。」 任,有帶之脈。凡此八者,皆不拘於經,故云奇經八脈也。」顧野王云:「胲當实也。」又云:「胲指毛皮也。」蓺文志 [正義] 八十一難云:「奇經八脈者,有陽維,有陰維,有陽蹻,有陰蹻,有衝,有督,有

即經主病也,「八」代則絡脈有過」。 熱上則熏陽明,爛流絡,流絡動則脈結發,脈結發則爛解,故絡交。 者經病,病去過人,人則去。 者,病得之酒且内。所以知其後五日而饔腫,八日嘔膿死者,切其脈時,少陽初代。 之病得之飲酒且内。成即如期死。 成弟昌曰:「此病疽(二)也,内發於腸胃之閒,後五日當饔腫,(三)後八日嘔膿(三)死。」成 五分,則至少陽之界,[10]及八日,則嘔膿死,故上二分而膿發,至界而饔腫,盡泄而死。 而動,故頭痛 而静,「禹」此内關之病也。「尽」脈法曰「脈長而弦,不得代四時者,「も〕其病主在於肝。 齊侍御史成自言病頭痛,臣意診其脈,告曰:「君之病惡,不可言也。」卽出, 絡脈主病,當其時,少陽初關一分,故中熱而膿未發也,及 [4]經主病和者,其病得之筋髓裏。 所以知成之病者,臣意切其脈,得肝氣。 熱氣已上行,至頭 其代絶而脈 肝氣濁〔□〕 獨告 和

(二) 集解 七如反。

[三] [正義] 上於恭反,下之勇反。

扁鵲

倉

公列傳第四十五

- [三] 正義 女東反。
- [四]集解]徐廣曰:「一作『黽』。」
- [五]集解]徐廣曰:「一作『清』。」
- [六][正義]八十一難云:「關遂人尺爲内關。」吕廣云:「脈從關至尺澤,名内關也。」
- [4][正義]王叔和脈經云:「來數而中止,不能自還,因而復動者,名曰代。代者死。」素問曰:「病在心,愈在夏,甚於 冬;病在脾,愈在秋,甚於春;病在肺,愈在冬,甚於夏;病在腎,愈在春,甚於夏;病在肝,愈在夏,甚於秋也。」
- [八][正義] 王叔和脈經云:脈長而弦,病於肝也。」素問云:「得病於筋,肝之和也。」
- [A] [正義] 素問云:「脈有不及,有太過,有經,有絡。 和卽經主病,代則絡有過也。」八十一難云:「關之前者,陽之動 陰之動也,脈當見一寸而沈。過者法曰太過,減者法曰不及。遂入尺爲覆,爲内關外格,此陽乘之脈也。故曰 覆溢,是其真藏之脈,人不病而死也。」,吕廣云:「過九分,出一寸,各名太過也。不及九分,至二分或四分五分,此 也,脈當見九分而浮。過者法曰太過,減者法曰不及。遂上魚際爲溢,爲外關內格,此陰乘之脈也。關以後者, 太過。不滿一寸,見八分或五分六分,此不及。」
- [10] [樂解] 徐廣曰:「一作『分』。下章曰『肝與心相去五分,故曰五日盡』也。」 射上焦,出頭及皮毛,竟手。關主射中焦,腹及於腰。尺主射下焦,少腹至足也。」 後尺前,名曰關。陽出陰人,以關爲界,陽出三分,故曰三陰三陽。陽生於尺,動於寸;陰生於寸,動於尺。寸主 (鏡)〔境〕界脈候所主,云從魚際至高骨,卻行一寸,其中名曰寸口;其自高骨從寸至尺,名曰尺澤,故曰尺。 寸 正義 王叔和脈經云:「分别三門

齊王中子諸嬰兒小子病,召臣意診切其脈,告曰:「氣鬲病。病使人煩懣,食不下,

陽者,逿心主。〔□〕故煩懣食不下則絡脈有過,絡脈有過則血上出,血上出者死。 病也。脈法曰「脈來數疾去難而不一者,病主在心」。周身熱,脈盛者,爲重陽。〔三〕重 時嘔沫。 心所生也,病得之憂也。 二日能食,三日卽病愈。 所以知小子之病者,診其脈,心氣也,濁〔三〕躁而經也,此絡陽 病得之(少[心]憂,數吃食飲。」「一]臣]意即爲之作下氣湯以飲之,一日氣下, 此悲

[一] [索隱] 忔音疑乙反。忔者,風痺忔然不得動也。

[三][樂解]徐廣日:「一作『黽』,又作『猛』。」

〔三〕索隱]上音直隴反。

图〕[集解]徐廣曰:「過音唐。過者、盪也。謂病盪心者、猶刺其心。」 「手心主中宫,在中部。」楊玄操云:「手心主胞絡也。自臍已上至帶鬲爲中焦也。」 索隱邊,依字讀。

飲大溲,三飲而疾愈。病得之内。所以知循病者,切其脈時,右口氣急,「鬥脈無五藏 得前後溲。」〔三〕循曰:「不得前後溲三日矣。」臣意飲以火齊湯,〔『〕一飲得前〔後〕溲,再 熱,故溺赤也。「宀」 氣,右口「三」脈大而數。 齊郎中令循病,衆醫皆以爲蹙人中,而刺之。臣意診之,曰:「湧疝也,て己令人不 數者中下熱而湧,左爲下,右爲上,皆無五藏應,故曰湧疝。 中

二八〇

[一] 索隱] 上音勇。下音訕,所諫反。鄒誕生疝音山也。

〔三〕[索隱] 搜音所留反。前搜謂小便。後搜,大便也。

〔三〕正義]飲,於禁反。

[四][集解]徐廣曰:「右,一作『有』。」 正義 王叔和脈經云 一右手寸口乃氣口也。」

〔五〕[正義] 謂右手寸口也。

[代] [正義] 溺,徒弔反。

氣也。 者。所以知信之病者,切其脈時,并陰。脈法曰「熱病陰陽交者死」。切之不交,并陰。 爲之液湯火齊逐熱,一飲汗盡,再飲熱去,三飲病已。卽使服藥,出入二十日,身無病 縣戶一陽周水,而莒橋梁頗壞,信則擊戶一車轅未欲渡也,馬驚,卽墮,信身入水中,幾 并陰者,脈順清而愈,其熱雖未盡,猶活也。腎氣有時閒濁,〔四〕在太陰脈口而希,是水 死,吏卽來救信,出之水中,衣盡濡,有閒而身寒,已熱如火,至今不可以見寒。」臣意卽 此 **「病得之當浴流水而寒甚,已則熱。」信曰:「唯,然!〔□〕往冬時,爲王使於楚,至**莒 齊中御府長|信病,臣|意人診其脈,告曰:「熱病氣也。 然暑汗,脈少衰,不死。」 曰: 腎固主水,故以此知之。失治一時,卽轉爲寒熱。

〔三〕[正義] 莒,密州縣。

[三]正義 音牽。

[四] 樂解] 徐廣曰:「一作『黽』。」

堅,「『〕浮之而大緊者、「『〕病主在腎」。腎切之而相反也,脈大而躁。大者,膀胱氣也, 所以知齊王太后病者,臣意診其脈,切其太陰之口,溼然風氣也。脈法曰「沈之而大 齊湯,一飲卽前後溲,再飲病已,溺如故。病得之流汗出瀰。〔三潴者,去衣而汗晞也。 齊王太后病,召臣意入診脈,曰:「風癉客脬,〔〕難於大小溲,溺赤。」臣意飲以火

[一] 索隱] 癉,病也,音亶。 脬音普交反,字或作「胞」。 之病客居在膀胱。 [正義] 癉音單旱(也)[反]。脬亦作「胞」,膀胱也。言風癉

躁者,中有熱而溺赤。

[二] 索隱] 劉氏音巡。

[M][正義] 沈,一作「深」。 王叔和脈經云:「脈大而堅,病出於腎也。」

[四] [正義] 緊音吉忍反。 | 素問云:「脈短實而數,有似切繩,名曰緊也。」

熱也。 「死,不治。 適其共養,此不當醫[三]治。」法曰「後三日而當狂,妄起行,欲走,後五日 即如期死。 齊章武里曹山跗病,自己臣意診其脈,曰:「肺消癉也, 脈法曰「不平不鼓,形獘」。〔』〕此五藏高之遠數以經病也,故切之時不平而 山跗病得之盛怒而以接内。所以知山跗之病者,臣意切其脈, 加以寒熱。」即告其人曰: 肺氣

扁

治。 狂者,肝 中虚;又灸其少陰脈,是壞肝剛絶深,如是重損病者氣,以故加寒熱。 代。四不平者, 死者,肝與心相去五分,故曰五日盡,盡卽死矣。 臣意未往診時,齊太醫先診山跗病,灸其足少陽脈口,而飲之半夏丸,病者卽泄注,腹 所以加寒熱者,言其人尸奪。 一絡連屬結絕乳下陽明,〔三〕故絡絕,開陽明脈,陽明脈傷,卽當狂走。 血不居其處,代者,時參擊並至,乍躁乍大也。 尸奪者,形獘;形獘者,不當關灸鑱石及飲毒藥也。 此兩絡脈絶, 所以後三日而 後五 故死不 日

(一] 索隱 跗,方符反。

〔二〕索屬] 適音釋。共音恭。 案:謂山跗家適近所持財物共養我,我不敢當,以言其人不堪療也。

[三]集解 散;六月脾土王,其脈大阿阿而緩;秋肺金王,其脈浮濇而短;冬腎水王,其脈沈而滑:名平脈也。」 徐廣曰「一作『散』。」 [正義] 王叔和脈經云:「平謂春肝木王, 其脈細而長; 夏心火王, 其脈洪大而

[四][正義] 素問云:「血氣易處曰不平,脈候動不定曰代。」

[五][正義] 素問云:「乳下陽明,胃絡也。」

饒、内 且内。 齊中尉潘滿如病少腹痛、〔一〕臣意診其脈,曰:「遺積瘕也。」〔三〕臣意即謂齊太僕臣 . 史臣繇曰:「中尉不復自止於内,則三十日死。」 後二十餘日,溲血 所以知潘滿如病者, 臣意切其脈深小弱, 其卒然合〔一〕合也,是脾氣也。〔四〕右 死。 病

脈口氣至緊小,「馬」見瘕氣也。以次相乘,故三十日死。三陰俱摶者,「氐」如法,不俱

摶者,決在急期;一摶一代者,近也。 故其三陰摶,溲血如前止。〔+〕

- [一][正義]少音式妙反。王叔和脈經云:脈急,疝瘕少腹痛也。」
- [三] 索隱] 劉氏音加雅反,舊音遐,鄒氏音嫁。 [正義] 龍魚河圖云:「犬狗魚鳥不熟食之、成瘕痛。」
- [1] 集解]徐廣曰:「一云『來然合』。」
- [8] [正義] 卒音蔥忽反。卒,一本作「來」。素問云:「疾病之生,生於五藏。五藏之合,合於六府。肝合氣於膽,心合 氣於小腸,脾合氣於胃,肺合氣於大腸,腎合氣於膀胱。 三焦内主勞 3
- [三][正義] 上音結忍反。
- [K] [正義] 如淳云:「音徒端反。」素問云:「左脈口曰少陰,少陰之前名厥陰,右脈口曰太陰,此三陰之脈也。」
- 【4】[集解]徐廣曰:「前,一作『筋』也。」

病者,臣意切其脈,脈來滑,是内風氣也。飲食下嗌而輒出不留者,法五日死,皆爲前 飲食下嗌「三而輒出不留。法曰「五日死」,而後十日乃死。病得之酒。所以知趙章之 分界法。〔三後十日乃死,所以過期者,其人嗜粥,故中藏實,中藏實故過期。 陽虚侯相趙章病,召臣意。衆醫皆以爲寒中,臣意診其脈曰:「迵風。」〔〕〕迵風者, 師言日

「安穀者過期,不安穀者不及期」。

【二](集解] 週音洞。言洞徹人四支。 [索陽]下云「飲食下嗌輒出之」,是風疾洞徹五藏,故曰迥風。

[三]樂解]音益,謂喉下也。

[三][正義]分,扶問反。

伏地。所以知濟北王病者,臣意切其脈時,風氣也,心脈濁。〔〕病法「過入其陽,陽氣 氣者,病必人中,出及瀺水也。〔三〕 盡而陰氣人」。陰氣人張,則寒氣上而熱氣下,故胸滿。汗出伏地者,切其脈,氣陰。陰 濟北王病,召臣意診其脈,曰:「風蹶胸滿。」卽爲藥酒, 盡三石,病已。得之汗出

[一] 樂解 徐廣曰:「一作『黽』。」

[三] 索隱 瀺音士咸反。 [正義] 顧野王云:「手足液、身體汋。 音常灼反。」

遺溺 難,是蹶陰之動也。〔四〕脈來難者,疝氣之客於膀胱也。 腹之所以腫者, 脈。 小腹也。 人腹腫。」出於病得之欲溺不得,因以接内。所以知出於病者,切其脈大而實,其來 臣意診其脈,曰:「病氣疝,客於膀胱,難於前後溲,而溺赤。 而溲清,小腹痛止。 齊北宫司空命婦[1]出於[1]病,衆醫皆以爲風入中,病主在肺,[1]刺其足少陽 蹶陰有過則脈結動,動則腹腫。臣意卽灸其足蹶陰之脈,左右各一所,卽不 即更爲火齊湯以飲之,三日而疝氣散,即愈。 病見寒氣則遺溺,使 言蹶陰之絡結

[一][集解]徐廣曰:「一作『奴』。 奴蓋女奴。」

[三]正義]命婦名也。

[三][集解]徐廣曰:「一作『肝』。」

[E][正義]娜[云]:「厥陰之脈也。」

故濟北王阿母「己自言足熱而懣,臣意告曰:「熱蹶也。」則刺其足心各三所,案之

無出血,病旋已。〔三〕病得之飲酒大醉。

[一][集解]徐廣曰:「濟,一作『齊王』。」 [索隱] 案:是王之嬭母也。 正義 服虔云:「乳母也。」鄭〔云〕:「慈己

〔二〕[索隱] 言尋則已止也。 [正義] 謂旋轉之閒,病則已止也。

濟北王召臣意診脈諸女子侍者,至女子豎,豎無病。臣意告永巷長曰:「豎傷脾,

不可勞,法當春嘔血死。」臣意言王曰:「才人女子豎何能。」 王曰:「是好爲方,多伎能,

臣意對曰:「豎病重,在死法中。」王召視之,其顔色不變,以爲不然,不賣諸侯所。至 爲所是案法新,行己往年市之民所,四百七十萬,曹偶四人。」行己王曰:「得毋有病乎。」

流汗者,(同)法病内重,毛髮而色澤,脈不衰,此亦(闕)内[關]之病也。 春,豎奉劍從王之廁,王去,豎後,王令人召之,卽仆於廁,〔□〕嘔血死。病得之流汗。

[一][樂解]徐廣曰:「所,一作『取』。」 [索隱] 謂於舊方技能生新意也。

(二□ | 索隠 案:當今之四千七百貫也。曹偶猶等輩也。

扁鵲倉公列傳第四十五

(三) 索隱] 仆音赴,又音步北反。

齊中大夫病齲齒、自己臣意灸其左大陽明脈、即爲苦參湯,日嗽三升,出入五六日,

病已。得之風,及卧開口,食而不嗽。

[一][正義] 上丘羽反。釋名云:「齲,朽也。蟲齧之,缺朽也。」

旋乳。〔三〕臣意復診其脈,而脈躁。躁者有餘病,卽飲以消石一齊,出血,血如豆比五六 **菑川王美人懷子而不乳,〔〕來召臣意。臣意往,飲以莨礍〔三藥一撮,以酒飲之,**

枚。〔四〕

[一] 索屬 乳音人喻反。乳,生也。

[二]正義 浪宕二音。

〔三〕|索隱| 旋乳者,言迴旋即生也。

[四] 索隱 比音必利反。

平好爲脈,學臣意所,臣意卽示之舍人奴病,告之曰:「此傷脾氣也, 齊丞相舍人奴從朝入宫,臣意見之食閨門外,望其色有病氣。臣意卽告宦者平。 當至春鬲塞不通,

相君曰:「卿何以知之。」曰:「君朝時入宫,君之舍人奴盡食閨門外,平與倉公立,即 不能食飲,法至夏泄血死。」宦者平卽往告相曰:「君之舍人奴有病,病重,死期有日。」

之病得之流汗數出、(灸)〔灸〕於火而以出見大風也。 法曰「病重而脈順清者曰内關」,内關之病,人不知其所痛,心急然無苦。若加以一病, 脾。所以至春死病者,胃氣黄,黄者土氣也,土不勝木,故至春死。所以至夏死者,脈 故傷脾之色也,望之殺然黄、气〕察之如死青之兹。衆醫不知,以爲大蟲、气〕不知傷 死中春;一愈順,及一時。其所以四月死者,診其人時愈順。愈順者,人尚肥也。奴 身無痛者。」 示平日,病如是者死。」相卽召舍人(奴)而謂之曰:「公奴有病不。」舍人曰:「奴無病, 至春果病,至四月,泄血死。所以知奴病者,脾氣周乘五藏,傷部而交,

[一][樂解]徐廣曰:「殺音蘇葛反。」 [正義]殺,蘇亥反。

[三] 索隱] 即蚖虫也。

以蹶,頭熱至肩。 水拊其頭、『『刺足陽明脈,左右各三所,病旋已。 病得之沐髮未乾而卧。 診如前,所 菑川王病,召臣意診脈,曰:「蹶上「〕爲重,頭痛身熱,使人煩懣。」「三」臣意即以寒

[一][正義] 時掌反。蹶,逆氣上也。

[二][正義] 亡本反。非但有煩也。

(三) 索隱 拊音附,又音撫。

扁鵲倉公列傳第四十五

也。臣意即爲柔湯使服之,十八日所而病愈。 健病者,臣意見其色,太陽色乾,腎部上及界要以下者枯四分所,故以往四五日知其發 效之不能起,即復置之。暮,要脊痛,不得溺,至今不愈。」建病得之好持重。所以知 有要脊痛。往四五日,天雨,黄氏諸倩「一〕見建家京下方石,「四〕即弄之,建亦欲效之, 腎。及其未舍五藏,急治之。病方今客腎濡,〔三〕此所謂『腎痺』也。」宋建曰:「然,建故 建,告曰:「君有病,往四五日,君要脅痛不可俛仰,〔一〕又不得小溲。 不亟治,病卽入濡

(二) 正義 上音免。

[三][正義]濡,溺也。病方客在腎,欲溺,腎也。

[三][樂解]徐廣曰:「倩者,女壻也。」駰案:方言曰「東齊之閒,壻謂之倩」。 郭璞曰「言可假倩也」。 正義 倩音七

四旦集解除員「京者,倉廩之屬也。」

診其脈時,切之,腎脈也,嗇而不屬。嗇而不屬者,其來難,堅,故曰月不下。肝脈弦, 不下也。」卽竄以藥,自己旋下,病已。病得之欲男子而不可得也。所以知韓女之病者, 濟北王侍者韓女病要背痛,寒熱,衆醫皆以爲寒熱也。臣意診脈,曰:「内寒,月事

出左口,故曰欲男子不可得也。

[一] [索隱] 謂以燻燻之,故云。 竄音七亂反。

薄吾病者,切其脈,循其尺,〔□〕其尺索刺麤,而毛美奉髮,〔핆〕是蟲氣也。 升,病已,三十日如故。病蟯得之於寒溼,寒溼氣宛气〕篤不發,化爲蟲。 「蟯瘕。」〔三〕蟯瘕爲病,腹大,上膚黄麤,循之戚戚然。 臣意飲以芫華一撮,卽出蟯可數 臨菑氾「」里女子薄吾病甚,衆醫皆以爲寒熱篤,當死,不治。臣意診其脈,曰: 其色澤者,中 臣意所以知

(一) 索隱 氾音凡。

藏無邪氣及重病。

[三] <u>集</u>解] 徐廣曰:「蟯音饒。」 [索隱] 音饒檟,舊音遠遐。

正義人腹中短蟲。

〔三〕[樂解] 音鬱。 [索隱] 又如字。

[四][正義] 王叔和云:「寸,關,尺。寸謂三分,尺謂八分。寸口在關上,尺在關下。寸、關、尺共有一寸九分也。」 五][集解]徐廣曰:「奉,一作『奏』,又作『秦』。」 [索隱] 循音巡。案:謂手循其尺索也。刺音七賜反。麤音七胡反。

言循其尺索,刺人手而麤,是婦人之病也。徐氏云奉一作「奏」,非其義也。又云一作「秦」,秦謂螓首,言髮如蠐

螬,事蓋近也。

病得之飽食而疾走。」淳于司馬曰:「我之王家食馬肝,食飽甚,見酒來,即走去,驅疾 齊淳于司馬病,臣意切其脈,告曰:「當病迵風。 迵風之狀, 飲食下嗌輒後之。〔一〕

意去, 時,切之,盡如法。 意往問之,盡如意診。 笑曰:「是不知也。 至舍,卽泄數十出。」臣意告曰:「爲火齊米汁飲之,七八日而當愈。」時醫秦信在旁, 信謂左右閣都尉〔三〕曰:「意以淳于司馬病爲何。〕曰:「以爲迵風, 其病順,故不死。 淳于司馬病,法當後九日死。」卽後九日不死, 臣卽爲一火齊米汁,使服之,七八日病已。 所以知之者,診其脈 其家復召臣意。 可治。」信即 臣 臣

[一][樂解]徐廣曰:「如廁。」

[索隱]案:閣者,姓也,爲都尉。 一云閣即宫閣,都尉掌之,故曰閣都尉也。

過期,不安穀則不及期」。 陰處者順死,養喜陽處者逆死」。 脈人虚裏,乘肺脈。肺脈散者,固色變也乘之。所以不中期死者,師言曰「病者安穀卽 氣,其來散,數道至而不一也。色又乘之。所以知其墮馬者,切之得番陰脈。〔〕番陰 日,溲血而死。 |齊中郎||破||石病,臣||意診其脈,告曰:「肺傷, 不治, 當後十日丁亥溲血死。」即後十 破石之病,得之墮馬僵石上。 其人嗜黍,黍主肺,故過期。所以溲血者,診脈法曰「病養喜 其人喜自静,不躁,又久安坐,伏几而寐,故血下泄。 所以知破石之病者,切其脈,得肺陰

一旦索隱一番音芳袁反。

齊王侍醫遂病,自練五石服之。臣意往過之,遂謂意曰:「不肖有病, 幸診遂也。」

困於俞、「『〕忿發爲疽。」 意告之後百餘日,果爲疽發乳上,入缺盆,死。「用〕此謂論之大 體也,必有經紀。拙工有一不習,文理陰陽失矣。 外,一陽接内者,不可以剛藥』。剛藥人則動陽,陰病益衰,陽病益箸,邪氣流行,爲重 者,不加悍藥及鑱石』。夫悍藥人中,則邪氣辟矣,〔三〕而宛氣愈深。〔三〕診法曰『二陰應 裏有餘不足順逆之法,參其人動静與息相應,乃可以論。論曰『陽疾處内,陰形應外 意曰:「公所論遠矣。扁鵲雖言若是,然必審診,起度量,立規矩,稱權衡,合色脈「一〕表 藥石者有陰陽水火之齊,故中熱,即爲陰石柔齊治之,中寒,卽爲陽石剛齊治之。」臣 臣意即診之,告曰:「公病中熱。論曰『中熱不溲者,不可服五石』。石之爲藥精悍,公服 之不得數溲,亟勿服。色將發臃。」遂曰:「扁鵲曰『陰石以治陰病,陽石以治陽病』。夫

[一][樂解]徐廣曰:「合,一作『占』。」

[二][索隱]辟音必亦反,猶聚也。

[三]索隱]愈音庾。

四][集解]徐廣曰:「音始喻反。」

[H] [索隱] 按: 缺盆,人乳房上骨名也。

齊王故爲陽虚侯時,病甚,口泉醫皆以爲蹷。 臣意診脈,以爲痺,根在右脅下,大

六日,病已。病得之内。診之時不能識其經解,大識其病所在。 如覆杯,令人喘,逆氣不能食。臣意卽以火齊粥且飲,六日氣下,卽令更服丸藥, 出入

[一][集解]徐廣曰:「齊悼惠王子也,名將廬,以文帝十六年爲齊王,即位十一年卒,諡孝王。」

腎反肺,〔『〕法曰「三歲死」也。 支不能自用,使人瘠,气 三瘠即死。今聞其四支不能用,瘖而未死也。病得之數飲酒以 見大風氣。 臣意嘗診安陽武都里成開方,開方自言以爲不病,臣意謂之病苦沓風,「二三歲四 所以知成開方病者,診之,其脈法奇咳言曰「藏氣相反者死」。〔』〕切之,得

[一] 索隱] 沓音徒合反,風病之名也。

[二][樂解]徐廣曰:「一作『脊』,音才亦反。」 [索隱] 瘠者,失音也,讀如音。 又作「厝」。 厝者,置也。言使人運置其

手足也。

[1] 集解]徐廣日、「反,一作『及』。」

[图] 樂解 徐廣曰:「反,一作『及』。」

汗出多,卽嘔血。臣意復診之,曰:「當旦日日夕死。」「『〕卽死。病得之内。所以知項 之内。臣意謂之:「慎毋爲勞力事,爲勞力事則必嘔血死。」處後蹴〔〕〕踘、〔圓〕要蹷寒, 安陵阪里公乘項處病、自己臣意診脈、曰:「牡疝。」「己牡疝在鬲下,上連肺。 病得

處病者,切其脈得番陽。〔《〕番陽入虚裏,處旦日死。一番一絡者,〔七〕牡疝也。

[一] [索隱] 案:公乘,官名也。項,姓;處,名。故上云倉公之師,元里公乘陽慶,亦然也。

(三) | 索陽| 上音母,下音色諫反。

[二] 集解 徐廣曰:「一作『蹹』。」

[四][正義]上千六反,下九六反,謂打毬也。

〔至〕[索隱] 案:旦日,明日也。言明日之夕死也。

[4][樂解]徐廣曰:「絡,一作『結』。」
[4][潔隱]脈病之名曰番陽者,以言陽脈之翻入虚裏也。

臣意曰:他所診期決死生及所治已病衆多,久頗忘之,不能盡識,不敢以對。

意所受師方適成,師死,以故表籍所診,期決死生,觀所失所得者合脈法,以故至今知之。」 地相應,參合於人,故乃別百病以異之,有數者能異之,「二無數者同之。然脈法不可勝驗, 診疾人以度異之,乃可别同名,命病主在所居。今臣意所診者,皆有診籍。所以别之者,臣 知,故古聖人爲之脈法,以起度量,立規矩,縣權衡,案繩墨,調陰陽,別人之脈各名之,與天 問臣意:「所診治病,病名多同而診異,或死或不死,何也。」對曰:「病名多相類,不可

問臣意曰:「所期病決死生,或不應期,何故?」對曰:「此皆飲食喜怒不節, 或不當飲

藥,或不當鍼灸,以故不中期死也。」

出行游國中,問善爲方數者事之久矣、「四〕見事數師,「四〕悉受其要事,盡其方書意,及解論 不求意診治,何故。」對曰:「趙王、膠西王、濟南王、吳王皆使人來召臣意,臣意不敢往。」文 王病時,臣

意家貧,欲爲人治病,誠恐吏以除拘臣

意也,

〔三〕故移名數,左右

⑤乙不脩家生, 身居陽虚侯國,因事侯。侯人朝,臣意從之長安,以故得診安陵項處等病也。」 問臣意:「意方能知病死生,論藥用所宜,諸侯王大臣有嘗問意者不?及文王病時,公司

【二】[集解]徐廣曰:「齊文王也,以文帝十五年卒。」

〔三〕 (集解) 徐廣曰:「時諸侯得自拜除吏。」

[三][正義]以名籍屬左右之人。

[四][索隱] 數音「術數」之「數」。

(五) 正義 上色庾反。

痛,目不明。臣意心論之,以爲非病也。 當醫治。脈法曰『年二十脈氣當趨,年三十當疾步,年四十當安坐,年五十當安卧,年六十 問臣意:「知文王所以得病不起之狀。」臣意對曰:「不見文王病,然竊聞文王病喘,頭 以爲肥而蓄精,身體不得摇,骨肉不相任,故喘,不

氣者,當調飲食,擇晏日,車步廣志,以適筋骨肉血脈,以瀉氣。 卽 已上氣當大董』。<了一文王年未滿二十,方脈氣之趨也而徐之,不應天道四時。後聞醫灸之 篤,此論病之過也。臣意論之,以爲神氣争而邪氣人,非年少所能復之也,以故死。 故年二十,是謂『易賀』、ここ 所謂

二集解 徐廣曰:「董謂深藏之。 一作『堇』。」 索隱 一堇音謹。 法不當砭灸,砭灸至氣逐。」

二集解 徐廣曰:「一作『賀』,又作『質』。」

問臣意:「師慶安受之?聞於齊諸侯不?」對曰:「不知慶所師受。慶家富,善爲醫,不

以 肯爲人治病,當以此故不聞。 知慶者,意少時好諸方事,臣意試其方,皆多驗,精良。臣意聞菑川唐里公孫光善爲古傳 問臣意:「師慶何見於意而愛意,欲悉教意方?」對曰:「臣意不聞師慶爲方善也。 慶又告臣意曰:『慎毋令我子孫知若學我方也。』」

意所

方也,悉與公,毋以教人。』臣意曰:『得見事侍公前,悉得禁方,幸甚。 意死不敢妄傳人。』 他精方,公孫光曰:『吾方盡矣,不爲愛公所。〔三]吾身已衰,無所復事之。 方,行己臣意卽往謁之。得見事之,受方化陰陽及傳語法,行己臣意悉受書之。臣意欲 所善者皆疏,同産處臨菑,善爲方,吾不若,其方甚奇,非世之所聞也。 居有閒,公孫光閒處,日門臣意深論方,見言百世爲之精也。 師光喜曰:『公必爲國工。 吾年中時、八三嘗欲 是吾年少所受妙 吾有 盡受

矣,其家給富。』時者未往,會慶子男殷來獻馬,因師光奏馬王所,意以故得與殷善。 屬意於殷曰:『意好數、「こ」公必謹遇之,其人聖儒。』「こ」即爲書以意屬陽慶, 受其方,楊中倩〔རིᆚ不肯,曰「若非其人也」。胥與公往見之,ངིརྡིᆜ當知公喜方也。其人亦老 以故知慶。 光又 臣

[一][索隱]謂好能傳得古方也。 [正義]謂全傳寫得古人之方書。

意事慶謹,以故愛意也。」

、コノログのサースをはずいている。

[三][樂解]徐廣曰:「法,一作『五』。」

〔三〕[索隱]言於意所,不愛惜方術也。

[四][正義]上音閑,下昌汝反。

[五][索隱]案:年中謂中年時也。中年亦壯年也、古人語自爾。

[六][索隱] 倩音七見反,人姓名也。

[4][集解]徐廣曰:「胥猶言須也。」

[八][索隱]數,色句反。謂好術數也。

「ヵ」「索隱」 言意儒德,慕聖人之道,故云聖儒也。

邑。[1]邑學,臣意教以五診,[1]歲餘。濟北王遣太醫高期、王禹[1]學,臣意教以經脈高下 及奇絡結,「『」當論俞「『〕所居,及氣當上下出人邪〔正〕逆順,以宜鑱石,定砭灸處,歲餘。 問臣意曰:「吏民嘗有事學意方,及畢盡得意方不?何縣里人?」對曰:「臨菑人宋

菑川王時遣太倉馬長馮信正方,臣意教以案法逆順,論藥法,定五味及和齊湯法。 高永侯

家丞杜信,喜脈,來學,臣意教以上下經脈五診,二歲餘。 臨菑召里唐安來學,臣意教以五

診上下經脈,奇咳,四時應陰陽重,未成,除爲齊王侍醫。」

【二】集解 徐廣曰:「一作『昆』。」

(二) [正義] 謂診五藏之脈。

(1) 集解 徐廣日:「一作『齲』。」

[四][正義]素問云:「奇經八脈,往來舒時,一止而復來,名之曰結也。」

【五】 正義 式喻反。

問臣意:「診病決死生,能全無失乎。」臣意對曰:「意治病人,必先切其脈,乃治之。

敗

逆者不可治,其順者乃治之。心不精脈,所期死生視可治,時時失之,臣意不能全也。」

匿迹自隱而當刑。 |太史公曰:女無美惡,居宫見妒;士無賢不肖,人朝見疑。 提繁通尺牘,父得以後寧。故老子曰「美好者不祥之器」,豈謂扁鵲等 故扁鵲以其伎見殃,倉公乃

邪?若倉公者,可謂近之矣。

【索隱述贊】上池祕術,長桑所傳。 始候趙簡,知夢鈞天。言占號嗣,尸歷起焉。 倉公贖罪,陽慶推賢。

效驗多狀,式具于篇

鵲 倉 公列傳第四十五

尺,受穀一斗,水七升半。廣腸大八寸,徑二寸半,長二尺八寸,受穀九升三合八分合之一。故腸 斗四升,水六升三合合之大半。回腸(小)〔大〕腸、謂受穀而傳入於大腸也。大四寸,徑一寸半,長二丈二 五升。凡人食,人於口而聚於胃中,穀熟,傳入小腸也。小腸大二寸半,徑八分分之少半,長三丈二尺,受穀二 千六百人也。肺重三斤三兩,六葉兩耳,凡八葉,主藏魂魄。肺,孛也。言其氣孛,故短也,鬱也。其神八人,太和 神六:童子三,女子三。心重十二兩,中有七孔,三毛,盛精汁三合,主藏神。心,繼也,所識繼微也。其神九, 葉,主藏。魂。肝者,幹也。於五行爲木,其體狀有枝幹也。肝之神七人,老子名曰明堂宮,蘭臺府,從官三千六百人。又云肝 胃凡長五丈八尺四寸,合受水穀八斗七升六合八分合之一,此腸胃長短受水穀之數也。呼乙經「腸 圍受食物也。其神十二人,五元之氣,諫議大夫也。小腸重二斤十四兩,長三丈二尺,廣二寸半,徑八分分之 重二斤十四兩,紆曲屈申,長二尺六寸,大一尺五寸,徑五寸,盛穀二斗,水一斗五升。 兩三銖,盛精汁三合。膽,敢也。言人有膽氣而能果敢也。其神五人,太一道君居紫房官中,其從官三千六百人也。胃 腎,引也。腎屬水,主引水氣,灌注諸脈也。其神六人,司徒、司空、司命、司録、司隸校尉、尉卿也。膽在肝之短葉閒,重三 君名曰玉堂宫,尚書府。 其從官三千六百人。 又云肺神十四:童子七,女子七也。 腎有兩枚, 重一斤一兩,主藏志 五寸,有散膏半斤,主(裹)(裹)血温五藏,主藏意。脾,裨也。在助氣,主化穀。其神云光玉女子母,其從官三 太尉公名日絳宮,太始、南極老人、員光之身,其從官三千六百人。又爲帝王,身之王也。脾宜二一斤三兩,扁廣三寸,長 胃凡長丈六尺四寸四分」,從口至腸而數之。此徑從胃至腸而數之,故短也。肝重四斤四兩,左三葉,右四葉,凡七 正義 胃大一尺五寸,徑五寸,長二尺六寸,横尺,受水穀三斗五升,其中常留。穀二斗,水一斗 胃,圍也。言

兩異,而人多惑也。 肛門重十二兩,大八寸,徑二寸太半,長二尺八寸,受穀九升三合八分合之一。 深三寸半,大容五合也。舌重十兩,長七寸,廣二寸半。舌,泄也。言可舒泄言語也。咽門重十兩,廣 半。大腸即迴腸也。其迴曲,因以名之。其神二人,元梁使者也。膀胱重九兩二銖,縱廣九寸,盛溺九升九合。 使者也。大腸重三斤十二兩,長二丈一尺,廣四寸,徑一寸半,當齊,右迴十六曲,盛穀一斗水七升 少半,迴積十六曲,盛穀二斗四升,水六升三合合之大半。腸,暢也。言通暢胃氣,牽去穢也。其神二人,元梁 肛, 釭也。 言其處似車釭,故曰釭門。 即廣腸之門,又名(瞋) [脏腸]也 膀,横也。胱,廣也。體短而又名胞。胞,虚空也,主以虚承水液。口廣一寸半。脣至齒長九分。齒已後至會厭, 二寸,長一尺二寸九節。喉嚨,空虚也。言其中空虚,可以通氣息焉。心,肺之系也,呼吸之道路。喉嚨與咽並行,其實 二寸半,至胃長一尺六寸。咽,嚥也。言咽物也。又謂之咽,主地氣。胃爲土,故云主地氣也。喉嚨重十二兩,廣

寸,二七一丈四尺,二五一尺,合一丈五尺。督任脈各長四尺五寸,二四八尺,二五一尺,合九尺。 按"足太陰、少陰皆至舌下,厥陰至於項上。 今言至胸中者,蓋據其相接之次者也。 人兩 足 蹻脈,從足至目長七尺五 八尺也。足三陽之脈,從足至頭長八尺,六八合四丈八尺。兩足各有三陽,故曰六八四丈八尺也。足三陰之 從手至胸中長三尺五寸,三六一丈八尺,五六三尺,合二丈一尺。兩手各有三陰,合爲六陰,故云三六一丈 凡脈長一十六丈二尺也,此所謂十二經脈長短之數也。督脈起於胲頭,上於面,至口齒縫,計此不止長四尺五 脈,從足至胸長六尺五寸,六六三丈六尺,五六三尺,合三丈九尺。兩足各有三陰,故云六六三丈六尺也。 手三陽之脈,從手至頭長五尺,五六合三丈。一手有三陽,兩手爲六陽,故云五六三丈。手三陰之脈,

衞行陽二十五度,行陰二十五度。度爲一周也,故五十度復會於手太陰。寸口者,五藏六府之所 終始,故法於寸口也。人一息行六寸,百息六丈,千息六十丈,一萬三千五百息合爲八百一十丈。陽脈出行二十五度,陰 寸,二十七氣皆逐上下行,無有息時。 人一目一夜凡一萬三千五百息。 脈行五十周於身,漏水下百刻。營 皆手太陰,所以決吉凶者。十二經有病,皆寸口,知其何經之動浮沈滑濇逆顺,知其死生之兆也。 人一 呼脈 行三寸,一吸 營衛行周此數、則一度也。 寸口,脈之大會,手太陰之動也。太陰者,脈之會也。肺、諸藏主,蓋主通陰陽,故十二經 脈入行二十五度,陰陽出入行二十五度,陰陽呼吸覆行周畢度數也。 脈行身畢,即水下百刻亦畢。謂一旦夜刻盡,天明,日出東 脈行三寸,呼吸定息,脈行六寸。十二經,十五絡,二十七氣,皆候於寸口,隨呼吸上下。呼脈上行三寸,吸脈下行三 寸,當取其上極於風府而言之也。手足各十二脈,爲二十四,并督任兩瞬四脈,都合二十八脈,以應二十八宿。凡長十六丈二尺,

矣。心氣通於舌,舌和則知五味矣。腎氣通於耳,耳和則聞五音矣。五藏不和,則九竅不通,六府 肺氣通於鼻,鼻和則知臭香矣。肝氣通於目,目和則知白黑矣。脾氣通於口,口和則知穀味

不和,則留爲癰也。

方,脈還得寸口,當更始也。 故寸口者,五藏六府之所終始也。

史記卷一百六

吴王濞列傳第四十六

誅之。劉仲子沛侯濞年二十,有氣力,以騎將從破布軍蘄西會甀,「哥」布走。 代,劉仲不能堅守,弃國亡,閒行气己走雒陽,自歸天子。天子爲骨肉故,不忍致法,廢以爲 背、「二十三」「漢後五十年東南有亂者,豈若邪。「こ」然天下同姓爲一家也,慎無反」濞 郡五十三城。已拜受印,高帝召濞相之,謂曰:「若狀有反相。」心獨悔,業已拜,因拊其 |布所殺,無後。上患昊、<u>會稽輕悍,無壯王以填之,てき</u>」諸子少,乃立<u>濞於沛爲昊王,てき〕王三</u> 郃陽侯。□高帝十一年秋,淮南王英布反,東并荆地,劫其國兵,西度淮,擊楚,高帝自將往 頓首曰:「不敢。」 吴王濞气了者,高帝兄劉仲之子也。气己高帝已定天下七年, 立劉仲爲代王。而匈奴攻 荆王劉賈爲

[一] ||索隱| 案:澎濞字也,音披位反。

[二][集解]徐廣曰:「仲名喜。」

王

濞列 傳第四十六

【三】[索隱] 謂獨行從他道逃走。閒音紀閑反。

[四][索隱]地理志馮翊縣名,在部水之陽。 音合。 正義。郃陽故城在同州河西縣南三十里。

〔五〕[索隱] 地名也。在蘄縣之西。會音古兑反。甀音錘。

「六」[索隱] 填音鎮。

[4][樂解]徐廣曰:「十二年十月辛丑。」

「八」索隱一拊音無。

九][集解]徐廣曰:「漢元年至景帝三年反,五十有三年。」駰案:應劭曰「克期五十,占者所知。若秦始皇東巡以厭 五十年東南有亂,本是占氣者所說,高祖素聞此說,自以前難未弭,恐後災更生,故說此言,更以戒濞。 氣,後劉項起東南,疑當如此耳」。如淳曰「度其貯積足用爲難,又吳楚世不賓服」。 |索隱|案:應氏之意,以後 如淳之

致天下亡命者(益)[盗]鑄錢,煮海水爲鹽,以故無賦,國用富饒。[三] 會孝惠、高后時,天下初定,郡國諸侯各務自拊循其民。吳有豫章郡銅山,自己濞則招

[二] 樂解 韋昭日:「今故鄣。」 天下,以爲鄣郡,今湖州長城縣西南八十里故章城是也。」銅山,今宣州及潤州句容縣有,並屬章也。 索隱 案: 鄣郡後改日故鄣。或稱「豫章」爲衍字也。 正義括地志云: 秦兼

[三] [集解] 如淳曰:「鑄錢煮鹽,收其利以足國用,故無 賦於民。」 [正義] 按:既盗鑄錢, 何以收其利足國之用,吴 國之民又何得無賦。如說非也。 言吳國山既出銅,民多盗鑄錢,及煮海水爲鹽,以山海之利不賦之,故言無賦

其民無賦,國用乃富饒也。

不朝。 無聊。 甚。 同宗, 道,不恭,皇太子引博局提吴太子,殺之。〔三〕於是遣其喪歸葬。至吴,吴王愠〔三〕曰:「天下 賞賜閭里。 其罪,謀亦益解。 遂稱病。 及後使人爲秋請、「四上復責問具使者,使者對曰:「王實不病,漢繫治使者數輩, 孝文時,吴太子人見,仁己得侍皇太子飲博。吴太子師傅皆楚人,輕悍, 死長安卽葬長安,何必來葬爲!復遣喪之長安葬。 唯上弃之而與更始。」於是天子乃赦吴使者歸之,而賜吴王几杖,老,不朝。 京師知其以子故稱病不朝,驗問實不病,諸吴使來,輒繫責治之。 且夫『察見淵中魚,不祥』。「馬」今王始詐病,及覺,見責急,愈益閉,恐上誅之,計乃 佗郡國吏欲來捕亡人者,訟共禁弗予。[<]如此者四十餘年,[こ]以故能使其衆。 然其居國以銅鹽故,百姓無賦。「六」卒踐更,輒與平賈。「も」歲時存 吴王由此稍失藩臣之禮, 吴王恐, 又素驕,博,争 問茂材, 吴得釋 爲謀滋 以故 稱病

[一] [索隱] 姚氏案:楚漢春秋云[吴太子名賢,字德明」。

二丁[索隱] 提音啼,又音底,又音弟。

(三)[正義]於問反,怨也。

濞不得行,使人代己致請禮也。」 應劭曰:「冬當斷獄,秋先請擇其輕重也。」孟康曰:「律,春曰朝,秋曰請, 索隱音淨。 孟說是也。 應劭所云斷獄先請,不知何憑。如淳云代已致請, 如古諸侯朝聘也。」如淳

吴王

亦是臆説。且文云「使人爲秋請」,謂使人爲此秋請之禮也。

[五][樂解]張晏曰:「喻人君不當見盡下之私。」 [索隱] 案:此語見韓子及文子。韋昭曰「知臣下陰私,使憂患生

變,爲不祥。故當赦宥,使自新也」。

[六] |索隱] 按:吴國有鑄錢煮鹽之利,故百姓不别徭賦也。

[+] [集解] 漢書音義曰:「以當爲更卒,出錢三百文,謂之『過更』。 自行爲卒,謂之『踐更』。吴王欲得民心,爲卒者顧 子亦在戍邊之調,不可人人自行三月戍,又行者出錢三百人官,官給戍者,是爲過更。此漢初因秦法而行之,後 者欲顧更錢者,次直者出錢顧之,月二千,是爲踐更。天下人皆直戍邊三月,亦各爲更,律所謂繇戍也。雖丞相 更、行更者也,宫民自著卒。更有三品:有卒更,有踐更,有過更。古者正卒無常人,皆當迭爲之,是爲卒更。貧 更也。此言踐更輒與平賈者,謂爲踐更合自出錢,今王欲得人心,乃與平賈,官讎之也。 其庸,隨時月與平賈,如漢桓、靈時有所與作,以少府錢借民比也。」 [索隱] 案:漢律,卒更有三,踐更、居更、過 改爲讁,乃戍邊一歲。 正義 踐更,若今唱

[八]集解]徐廣曰:「訟音松。」駟按:如淳曰「訟,公也」。 [正義] 訟音容。言其相容禁止不與也。

五][正義]言四十餘年者,太史公盡言吴王一代行事也。漢書作「三十餘年」,而班固見其語在孝文之代,乃減十年,

是班固不曉其理也

以此吴日益横。及孝景帝卽位,錯爲御史大夫,説上曰:「昔高帝初定天下,昆弟少,諸子 **鼂錯爲太子家令,得幸太子,數從容言吳過可削。** 數上書說孝文帝,文帝寬,不忍罰,

弱,大封同姓,故王孼子悼惠王王齊七十餘城,庶弟元王王楚四十餘城,兄子濞王吴五十 吴之豫章郡、會稽郡。及前二年趙王有罪,削其河閒郡。「『渺西王卬以賣爵有姦,削其六 王朝,鼂錯因言楚王戊往年爲薄太后服,私姦服舍、行己請誅之。詔赦,罰削東海郡。因削 作亂。今削之亦反,不削之亦反。削之,其反亟,禍小,不削,反遲,禍大。」三年冬,楚 因賜几杖。德至厚,當改過自新。乃益驕溢,卽山口」鑄錢,煮海水爲鹽,誘天下亡人,謀 餘城:封三庶孼,分天下半。今吳王前有太子之郄,詐稱病不朝,於古法當誅,文帝弗忍,

[一][索隱]案:即山,山名。又即者,就也。

[三][集解]服虔曰:「服舍,在喪次,而私姦宫中也。」

[三] 索屬 案:漢書作「常山郡」也。

日以益甚。里語有之,『舐糠及米』。〔』〕吴與廖西,知名諸侯也,一時見察,恐不得安肆矣。 主上興於姦,飾於邪臣,好小善,聽讒賊,擅變更律令,侵奪諸侯之地,徵求滋多,誅罰良善, 報曰:「吴王不肖,有宿夕之憂,不敢自外,使喻其驩心。」王曰:「何以教之。」高曰:「今者 聞膠西王勇,好氣,喜兵,諸齊〔〕皆憚畏,於是乃使中大夫應高誂〔〕膠西王。無文書,口 漢廷臣方議削吴。吴王濞恐削地無已,因以此發謀,欲舉事。念諸侯無足與計謀者, 高歸報吴王,吴王猶恐其不與,乃身自爲使,使於膠西,面結之。 兵。治次舍,須大王。大王有幸而臨之,則天下可并,兩主分割,不亦可乎。」王曰:「善。」 下,天下莫敢不服。大王誠幸而許之一言,則吴王率楚王略函谷關,守滎陽敖倉之粟,距漢 忠塞賢,朝廷疾怨,諸侯皆有倍畔之意,人事極矣。彗星出,蝗蟲數起,此萬世一時,而愁勞 是。今主上雖急,固有死耳,安得不戴。」高曰:「御史大夫鼂錯,熒惑天子,侵奪諸侯,蔽 與大王同憂,願因時循理,弃軀以除患害於天下,億亦可乎。」王瞿然駭曰:「禹」「寡人何敢如 聖人之所以起也。「ペ」故吴王欲内以鼂錯爲討,外隨大王後車,彷徉天下,所鄉者降,所指者 將柰何。]高曰:「同惡相助,同好相留,同情相成,同欲相趨,同利相死。今吴王自以爲 大王以爵事有適,「鬥所聞諸侯削地,罪不至此,此恐不得削地而已。」王曰:「然,有之。子 吳王身有内病,不能朝請二十餘年,嘗患見疑,無以自白,今脅肩累足,猶懼不見釋。竊聞

[一] 集解] 章昭曰:「故爲齊分爲國者膠東、濟北之屬。」

[三] 索隱 音徒鳥反。

(三)索隱案:言舐糠盡則至米,謂削土盡則至滅國也。

「四」正義 張革反。

(五) 索隱 劉氏瞿音九具反。又說文云「瞿,遠視貌」。音九縛反。

[六][索隱]案:所謂「殷憂以啓明聖」也。

耳。「耳 使約齊、菑川、膠東、濟南、濟北,皆許諾,而曰「城陽景王有義,攻諸吕,勿與,事定分之 患乃始結。 膠西羣臣或聞王謀,諫曰:「承一帝,至樂也。今大王與吴西鄉,弟令事成,兩主分争, 諸侯之地不足爲漢郡什二,而爲畔逆以憂太后,非長策也。」〔〕〕王弗聽。 遂發

[一] 集解] 文穎曰:「王之太后也。」

[三] 集解 徐廣曰:「爾時城陽恭王喜,景王之子。」

約。 丙午誅漢吏二千石以下,膠東、菑川、濟南、楚、趙亦然,遂發兵西。齊王後悔,飲藥自殺,畔 圍臨菑。 諸侯既新削罰,振恐,多怨鼂錯。及削吳會稽、豫章郡書至,則吳王先起兵, 濟北王城壞未完,其郎中令劫守其王,不得發兵。 趙王遂亦反,陰使匈奴與連兵。 膠西爲渠率, 膠東、菑川、濟南共攻 膠西正月

亦爲士卒先。諸年上與寡人比,下與少子等者,皆發。」發二十餘萬人。南使閩越、 東越亦發兵從。 七國之發也,吳王悉其士卒,下令國中曰:「寡人年六十二,〔〕身自將。 少子年十四, 東越,

[] 集解] 徐廣日:「吴王封吴四十二年矣。]

吴

王

濞 列

傳

第四

十六

將,二千斤,封二千户,二千石,千斤,封千户,千石,五百斤,封五百户:皆爲列侯。 其以 爲此,願諸王勉用之。能斬捕大將者,賜金五千斤,封萬户,列將,三千斤,封五千户,裨 之久矣,寡人未得諸王之意,未敢聽。今諸王苟能存亡繼絶,振弱伐暴,以安劉氏,社稷之 天子,以安高廟。願王勉之。楚元王子、淮南三王或不沐洗十餘年,怨入骨髓,欲一有所出 肖,願以身從諸王。越直「馬」長沙者,「よ」因王子定長沙以北,「よ」西走蜀、漢中。「く」告越、「よ」 萬。寡人素事南越三十餘年,其王君皆不辭分其卒以隨寡人,又可得三十餘萬。寡人雖不 劉濞敬問膠西王、膠東王、菑川王、濟南王、趙王、楚王、淮南王、衡山王、廬江王、故長沙王 軍若城邑降者,卒萬人,邑萬户,如得大將,人户五千,如得列將,人户三千,如得裨將, 所願也。敝國雖貧,寡人節衣食之用,積金錢,脩兵革,聚穀食,夜以繼日,三十餘年矣。凡 會雒陽,燕王、趙王固與胡王有約,燕王北定代、雲中,摶胡衆口己人蕭關,口己走長安, 匡正 |楚王、淮南三王,與寡人西面;C10]|齊諸王與趙王定河閒、河内,或入臨晉關,C11]|或與寡人 志失,不能省察。欲舉兵誅之,謹聞教。敝國雖狹,地方三千里,人雖少,精兵可具五十 不以諸侯人君禮遇劉氏骨肉,絶先帝功臣,進任姦宄,詿亂天下,「鬥欲危社稷。陛下多病 子:「三幸教寡人!以漢有賊臣,無功天下,侵奪諸侯地,使吏劾繫訊治,以僇辱之爲故,〔三〕 孝景帝三年正月甲子,初起兵於廣陵。「二西涉淮,因并楚兵。發使遺諸侯書曰:「吴王

勿因。願諸王明以令士大夫,弗敢欺也。寡人金錢在天下者往往而有,非必取於吴, 人户千,如得二千石,其小吏皆以差次受爵金。佗封賜皆倍軍法。[三]其有故爵邑者,

日夜用之弗能盡。 有當賜者告寡人,寡人且往遺之。敬以聞。」

〔二〕[集解]徐廣日:「荆王劉賈都吴,吴王移廣陵也。」

(三) 集解 徐廣曰:「吴芮之玄孫靖王著,以文帝七年卒,無嗣, 國除。」關案:如淳日「吴芮後四世無子,國除。 庶

子二人爲列侯,不得嗣王,志將不滿,故誘與之反也」。

、゚パ] (樂解) 漢書音義日:「故,事也。」 [正義] 按:専以僇辱 諸侯爲事。

[四] 正義] 註音挂。

[五]集解]音值。

[K][索隱] 服虔云:「直音值。謂其境相接也。」

[7] 集解] 如淳曰:「南越直長沙者,因王子定也。」 索隱 案:謂南越之地與長沙地相接。 值者,因長沙王子以定

長沙以北也。

[八][正義] 走音奏,向也。 王子,長沙王子也。南越之地對長沙之南者,其民因王子卒而鎮定長沙以北,西向蜀及漢

中,咸委王子定矣。

「九」集解 如淳日、「告東越使定之。」

[10] 正義 越,東越也。 又告東越、楚、淮南三王,與吴王共西面擊之。三王謂淮南、衡山、廬江也。

二正義今蒲津關。

吴王濞列傳第四十六

[三] | 索隱] 摶音專。專謂專統領胡兵也。

[三] [正義] 今名隴山關,在原州平凉縣界。

[三] 集解 服虔曰:「封賜倍漢之常法。」

七國反書聞天子,天子乃遣太尉條侯周亞夫將三十六將軍,往擊吳楚,遣曲周侯酈寄

獨錯在。盎曰:「臣所言,人臣不得知也。」乃屏錯。錯趨避東廂,恨甚。上卒問盎,盎對 相率以反。」鼂錯曰:「袁盘策之善。」上問曰:「計安出。」盘對曰:「願屏左右。」上屏人, 桀而誘之!誠令吳得豪桀,亦且輔王爲義,不反矣。吳所誘皆無賴子弟,亡命鑄錢姦人,故 此,其計不百全,豈發乎?何以言其無能爲也?」袁盎對曰:「吳有銅鹽利則有之,安得豪 兵竿軍食,上問袁盎曰:「君嘗爲吳相,知吳臣田禄伯爲人乎。今吳楚反,於公何如。」對 擊趙;將軍欒布擊齊,大將軍竇嬰屯滎陽,監齊趙兵。 反爲名,西共誅鼂錯,復故地而罷。 方今計獨斬鼂錯,發使赦吴楚七國,復其故削地, 則兵 曰:「吴楚相遺書,曰『高帝王子弟各有分地,今賊臣鼂錯擅適過諸侯,〔〕削奪之地』。故以 曰:「不足憂也,今破矣。」上曰:「吴王卽山鑄錢,煑海水爲鹽,誘天下豪桀,白頭舉事。 若 吴楚反書聞,兵未發,竇嬰未行,言故吳相袁盎。盎時家居,詔召入見。上方與鼂錯調

袁盎來,亦知其欲說己,笑而應曰:「我已爲東帝,尚何誰拜。」不肯見盎而留之軍中,欲劫 告吴如盎策。至吴,吴楚兵已攻梁壁矣。宗正以親故,先入見,諭吴王使拜受詔。 日,上使中尉召錯,給載行東市。錯衣朝衣斬東市。則遣袁盎奉宗廟,宗正輔親戚,「即」使 計無出此,願上孰計之。」乃拜盎爲太常,「三吴王弟子德侯爲宗正。「三盎裝治行。 可無血刃而俱罷。」於是上嘿然良久,曰:「顧誠何如,吾不愛一人以謝天下。」 盎曰: 「臣愚 盎不肯,使人圍守,且殺之,盎得夜出,步亡去,走梁軍,遂歸報。 吴王 後十餘 聞

[一] [索隱] 適音直革反,又音宅。

[三][正義]令盎爲太常,以示奉宗廟之指意。

· II] [樂解] 徐廣曰:「名通,其父名廣。」 駰案:漢書曰「吴王弟子德侯廣爲宗正」也。

(日)[正義]以親戚之意輔漢訓諭。

軍計,莫若引兵東北壁昌邑,以梁委吳,吳必盡鋭攻之。將軍深溝高壘,使輕兵絕淮泗口, 故客鄧都尉曰:「策安出。」客曰:「吴兵鋭甚,難與争鋒。楚兵輕、「己」不能久。 全。「三又以爲諸侯已得劇孟,劇孟今無動。吾據滎陽,以東無足憂者。」至淮陽, 條侯將乘六乘傳、「一」會兵滎陽。至雒陽,見劇孟,喜曰:「七國反,吾乘傳至此,不自意 問父絳侯 方今爲將

吴王濞

塞吳饟道。彼吳梁相敝而糧食竭,乃以全彊制其罷極,破吳必矣。」條侯曰:「善。」從其

策,遂堅壁昌邑南、四型兵絶吳饟道。

[一][正義]上音乘,下竹戀反。

[二][正義]言不自意洛陽得全,及見劇孟。

[三]正義] 遣正反。

(图)[正義] 在曹州城武縣東北四十二里也。

也、「一〕徒自損耳。」吴王卽不許田禄伯。 諫曰:「王以反爲名,此兵難以藉人,藉人亦且反王,柰何。 且擅兵而别,多佗利害,未可知 臣願得五萬人,別循江淮而上,收淮南、長沙,入武關,與大王會,此亦一奇也。」吴王太子 吴王之初發也,吴臣田禄伯爲大將軍。田禄伯曰:「兵屯聚而西,無佗奇道,難以就功。

[一] [集解] 蘇林曰:「禄伯儻將兵降漢,自爲利己,於吴爲生患也。」

曰:「此少年推鋒之計可耳,安知大慮乎!於是王不用桓將軍計。 矣。卽大王徐行,留下城邑,漢軍車騎至,馳人梁楚之郊,事敗矣。」吳王問諸老將,老將 邑不下,直弃去,疾西據雒陽武庫,食敖倉粟,阻山河之險以令諸侯,雖毋人關,天下固已定 吴少將桓將軍説王曰:「吴多步兵,步兵利險;漢多車騎, 車騎利平地。 願大王所過城 吴王濞列傳第四十六

皆下。周丘一夜得三萬人,使人報吴王,遂將其兵北略城邑。比至城陽,行己兵十餘萬,破 閒。臣非敢求有所將,願得王一漢節,必有以報王。」王乃予之。周丘得節,夜馳入下邳。 城陽中尉軍。聞吳王敗走,自度無與共成功,卽引兵歸下邳。未至,疽發背死。 曰:「吳反兵且至,至,屠下邳不過食頃。今先下,家室必完,能者封侯矣。」出乃相告,下邳 下邳時聞吳反,皆城守。至傳舍,召令。令入户,使從者以罪斬令。遂召昆弟所善豪吏告 下邳人,亡命吴,酤酒無行,吳王濞薄之,弗任。周丘上謁,説王曰:「臣以無能,不得待罪行 吳王專并將其兵,未度准,諸賓客皆得爲將、校尉、候、司馬,獨周丘不得用。周丘者,

[一][正義] 地理志云城陽國,故齊,漢文帝二年别爲國,屬兗州。

之,欲其改行爲善。今乃與楚王戊、趙王遂、膠西王卬、濟南王辟光、菑川王賢、膠東王雄渠 德反義,誘受天下亡命辠人,亂天下幣,仁己稱病不朝二十餘年,有司數請濞罪,孝文皇帝寬 者,天報之以殃。高皇帝親表功德,建立諸侯,幽王、悼惠王絶無後,孝文皇帝哀憐加惠, 約從反,爲逆無道,起兵以危宗廟,賊殺大臣及漢使者,迫劫萬民,夭殺無罪,燒殘民家,掘 王幽王子遂、悼惠王子卬等,令奉其先王宗廟,爲漢藩國,德配天地,明並日月。吴王濞倍 二月中,吳王兵既破,敗走,於是天子制詔將軍曰:「蓋聞爲善者,天報之以福,爲非

所置。〔三〕敢有議韶及不如韶者,皆要斬。」 軍其勸士大夫擊反虜。擊反虜者,深入多殺爲功,斬首捕虜比三百石以上者皆殺之,無有 其丘冢,甚爲暴虐。今卬等又重逆無道,燒宗廟,鹵御物,〔三〕朕甚痛之。朕素服避正殿,將

[一] (樂解] 如淳曰:「幣,錢也。以私錢淆亂天下錢也。」

〔二〕[樂解] 如淳曰:「鹵,抄掠也。 宗廟在郡縣之物,皆爲御物。」 [正義] 顔師古曰:「御物,宗廟之服器也。」

〔〕正義置,放釋也。

往往稍降太尉、梁軍。 压了KJ盛其頭,C+J馳傳以聞。吴王子子華、子駒亡走閩越。吴王之弃其軍亡也,軍遂潰, 乃使人收聚亡卒。漢使人以利啗東越、至,東越卽給吴王,吴王出勞軍,卽使人鏦殺吴 數挑戰,遂夜犇條侯壁,驚東南。條侯使備西北,果從西北入。吳大敗,士卒多飢死,乃畔 兵欲西,梁城守堅,不敢西,卽走條侯軍,會下邑。〔□〕欲戰,條侯壁,不肯戰。吴糧絶,卒飢, 告條侯教梁,復守便宜不行。梁使韓安國及楚死事相弟張羽爲將軍,行己乃得頗敗吳兵。吳 敗梁兩將,士卒皆還走梁。梁數使使報條侯求救,條侯不許。又使使惡條侯於上,上使人 於是吳王乃與其麾下壯士數千人夜亡去,度江走丹徒,保東越。〔四〕東越兵可萬餘人, 初,吴王之度淮,與楚王遂西敗棘壁,〔〕乘勝前,鋭甚。梁孝王恐,遣六將軍擊吴,又 楚王戊軍敗,自殺。

[二][正義]在朱州寧陵縣西南七十里。

[三] 集解] 徐廣曰:「楚相張尚諫王而死。」 [正義] 按:羽,尚弟也。

[]] [集解]徐廣曰:「屬梁國。」 [正義] 宋州碭山縣,本漢下邑縣·

图][正義]東越傳云:「獨東甌受漢之購,殺吴王。」丹徒,潤州也。 東甌即東越也。 東越將兵從吴在丹徒 也

[五][樂解]章昭曰:「咱音徒覽反。」

《〕[集解] 孟康曰:「方言『戟謂之鏦』。」 [索隱] 鏦音七江反。謂以戈刺殺之。鄒氏又音春。亦音「從容」之「從」,

謂撞殺之也。

刊][集解]吴地記曰:「吴王濞葬武進縣南,地名相唐。」 王冢,在縣北,其處名爲相唐。」 云「武進縣」,恐錯也。 正義 括地志云:「漢吴王濞冢在潤州 丹徒縣東練壁聚北,今人于江。吴録云丹徒有吴 [索隱] 張勃云「吴王濞葬丹徒縣南,其地名相唐」。今注本

罪。」弓高侯執金鼓見之,曰:「王苦軍事,願聞王發兵狀。」王頓首膝行對曰:「今者, 當口遺王書曰:「奉詔誅不義,降者赦其罪,復故;不降者滅之。王何處, 肉袒叩頭漢軍壁,謁曰:「臣卬奉法不謹,驚駭百姓,乃苦將軍遠道至于窮國, 之不勝,乃逃入海,未晚也。」王曰:「吾士卒皆已壞,不可發用。」弗聽。 跣,席稟,飲水,謝太后。王太子德曰:「漢兵遠,臣觀之已罷,可襲,願收大王餘兵擊之,擊 三王之圍齊臨菑也,三月不能下。漢兵至,膠西、膠東、菑川王各引兵歸。 漢將弓高侯穨 須以從事。」王 膠西王乃袒 敢請菹 鼂錯 一 酷 之

吴

皆死,行己國除,納于漢。酈將軍圍趙十月而下之,趙王自殺。濟北王以劫故,得不誅,徙王 以誅錯。今聞錯已誅,卬等謹以罷兵歸。」將軍曰:「王苟以錯不善,何不以聞?(及)[乃]未 有韶虎符,擅發兵擊義國。以此觀之,意非欲誅錯也。」乃出詔書爲王讀之。讀之訖,曰: 天子用事臣,變更高皇帝法令,侵奪諸侯地。叩等以爲不義,恐其敗亂天下,七國發兵,且 「王其自圖。」 王曰:「如卬等死有餘罪。」遂自殺。太后、太子皆死。膠東、菑川、濟南王

[一] 集解]徐廣曰:「姓韓。」

[三][樂解]徐廣日:「一云『自殺』。」

陸侯禮爲楚王,續元王後。徙汝南王非王吳故地,爲江都王。 初,吳王首反,并將楚兵,連齊趙。正月起兵,三月皆破,獨趙後下。復置元王少子平

子興。争技發難、「三卒亡其本;親越謀宗,竟以夷隕。 說,初寵後辱。故古者諸侯地不過百里,山海不以封。「毋親夷狄,以疏其屬」,蓋謂吳邪? 「毋爲權首,反受其咎」,豈盎、錯邪? 太史公曰:吴王之王,由父省也。[1]能薄賦斂,使其衆,以擅山海利。逆亂之萌,自其 **鼂錯爲國遠慮,禍反近身。袁盎權**

[二] (樂解] 言內之王吳,由父代王被省封郃陽侯。省音所幸反。 |索隱||省音所景反。省者,減也。 謂父仲從代王

省封郃陽侯也。

[二][索隱]謂與太子争博爲争技也。

【索隱述贊】吴楚輕悍,王濞倍德。

天之悔禍,卒取奔北。

富因採山,釁成提局。憍矜貳志,連結七國。 嬰命始監,錯誅未塞。

史記卷一百七

魏其武安侯列傳第四十七

魏其侯竇嬰者,孝文后從兄子也。父世觀津人。口喜賓客。 孝文時,嬰爲吳相,病免。

孝景初即位,爲詹事。[二]

[一][索隱] 案:地理志觀津縣屬信都。以言其累葉在觀津, 故云「父世」也。 [正義] 觀津城在冀州武邑縣東南二

十五里。

[二][正義] 百官表云「詹事、秦官、掌皇后、太子家」也。

酣,從容言曰:「千秋之後傳梁王。」太后驩。 竇嬰引卮酒進上,曰:「天下者, 高祖天下, 父 梁孝王者,孝景弟也,其母竇太后愛之。梁孝王朝,因昆弟燕飲。是時上未立太子,酒

子相傳,此漢之約也,上何以得擅傳梁王」太后由此憎實嬰。實嬰亦薄其官,因病免。

太后除竇嬰門籍,不得入朝請。〔1〕

[一][集解] 律,諸侯春朝天子曰朝,秋曰請。 [正義] 才性反。

魏其武安侯列傳第四十七

客争歸魏其侯。孝景時每朝議大事,條侯、魏其侯,諸列侯莫敢與亢禮。 嬰乃言袁盎、欒布諸名將賢士在家者進之。所賜金,陳之廊廡下,軍吏過,輒令財取爲 用,「一」金無人家者。實嬰守滎陽,監齊趙兵。「四」七國兵已盡破,封嬰爲魏其侯。諸游士賓 太后亦慙。於是上曰:「天下方有急,王孫寧可以讓邪。」「二〕乃拜嬰爲大將軍,賜金千斤。 孝景三年,吴楚反,上察宗室諸竇〔〕毋如竇嬰賢,乃召嬰。嬰人見,固辭謝病不足任。

[一] [索隱] 案:謂宗室之中及諸實之宗室也。又姚氏案: 酷吏傳「周陽由,其父趙兼,以淮南王舅侯周陽, 由以宗室任爲郎」。則似是與國有親戚屬籍者,亦得呼爲宗室也。 故因改

[二] 樂解] 漢書曰:「窗嬰字王孫。」

『] 樂解 蘇林曰:「令自裁度取爲用也。」

四][正義]監音甲衫反。吴王濞傳云「竇嬰屯滎陽,監齊趙兵」也。

弗能 死。 魏其謝病,屏居藍田南山之下數月,諸賓客辯士説之,莫能來。梁人高遂乃説魏其曰:「能 兩官螫將軍,「『〕則妻子毋類矣。」「『〕魏其侯然之,乃遂起,朝請如故。 富貴將軍者,上也;能親將軍者,太后也。今將軍傅太子,太子廢而不能争;争不能得,又 孝景四年,立栗太子,气〕使魏其侯爲太子傅。孝景七年,栗太子廢,魏其數争不能得。 自引謝病,擁趙女,屏閒處「三而不朝。相提而論,「三」是自明揚主上之過。有如

- [一][正義] 栗姬之子,後廢之,故書母姓也。
- [三][正義]上音開,下昌汝反。
- 三]集解]徐廣曰:「提音徒抵反。」 索隱提音弟,又音啼。 相提猶相抵也。論音路頓反。
- Z9 __/ 怒必螫人。又音火各反。漢書作「奭」,奭卽螫也 集解 張晏曰:「兩宫,太后、景帝也。 螫,怒也。毒蟲怒必螫人。又火各反。」 正義兩宫,太子、景帝也。 索隱盤音釋。 謂怒也, 毒蟲

[五] 索屬] 謂見誅滅無遺類。

其者,沾沾[1]自喜耳,多易。[1]難以爲相,持重。」遂不用,用建陵侯衞綰爲丞相。 桃侯免相,行己竇太后數言魏其侯。孝景帝曰:「太后豈以爲臣有愛,行己不相魏其? 魏

一] 集解 服虔曰:「劉舍也。」

三] 索隱] 愛猶惜也。

『J【集解】徐廣曰:「沾,一作『怗』。又昌兼反,又當牒反。」

. 29 颜音他兼反。蟾音如字,又天牒反。蟾音尺占反。 [樂解] 張晏曰:「沾沾,言自整頓也。多易,多輕易之行也。或曰沾音幨也。」 | 索隱| 沾音襜,又音當牒反。

小

武安侯田蚡〔〕者,孝景后同母弟也,生長陵。魏其已爲大將軍後,方盛,魵爲諸郎,〔三〕

未貴,往來侍酒魏其,跪起如子姓。 魏 其 武 安 侯 列傳第四十七 及孝景晚節、「」」」」始益貴幸、爲太中大夫。 二八四 | 岎辯有口,學

樂盃諸書,「四三大后賢之。「五一孝景崩,即日太子立,稱制,所鎮撫多有田蚡賓客計筴。 岎

[一] [索隱] 扶粉反。如「蚡鼠」之『蚡」,音墳。

第田勝,皆以太后弟,孝景後三年[K]封盼爲武安侯,勝爲周陽侯。[P]

〔三〕<u>樂解</u>徐廣曰:「一云『諸卿』。 時人相號長老老者爲『諸公』,年少者爲『諸卿』,如今人相號爲『士大夫』也。」

〔三〕 | 索隱] 按:謂晚年也。

四〕(樂解)應劭曰:「黄帝史孔甲所作銘也。凡二十九篇,書樂盂中,所爲法戒。諸書,諸子文書也。」孟康曰:「孔甲 樂盂二十六篇,雜家書,兼儒、墨、名、法。」

[三]集解]徐廣日:「卽蚡同母姊者。」

[六] 樂解 徐廣曰:「孝景後三年即是孝武初嗣位之年也。」

(中][正義] 絳州聞喜縣東二十里周陽故城也。

惡人衆,亦且毁君侯。君侯能兼容,則幸久;不能,今以毁去矣。」魏其不聽。 籍福賀魏其侯,因弔曰:「君侯資性喜善疾惡,方今善人譽君侯,故至丞相;然君侯且疾惡, 尊等耳,又有讓賢名。」武安侯乃微言太后風上,於是乃以魏其侯爲丞相,武安侯爲太尉。 初興,未如魏其,即上以將軍爲丞相,必讓魏其。魏其爲丞相,將軍必爲太尉。太尉、丞相 丞相綰病免,上議置丞相、太尉。籍福説武安侯曰:「魏其貴久矣,天下士素歸之。今將軍 武安侯新欲用事爲相,卑下賓客,進名士家居者貴之,欲以傾魏其諸將相。建元元年,

其、武安、趙綰、王臧等務隆推儒術,貶道家言,是以實太后滋不説魏其等。 侯許昌爲丞相,武彊侯莊青翟爲御史大夫。 史大夫趙綰請無奏事東宫。「『」竇太后大怒,乃罷逐趙綰、王臧等,而免丞相、太尉, 時諸外家爲列侯,列侯多尚公主,皆不欲就國,以故毁日至竇太后。 令列侯就國,除關,「J以禮爲服制,「J以興太平。舉適諸黂「J宗室毋節行者,除其屬籍。 魏其、武安俱好儒術,推轂趙綰爲御史大夫,〔〕王臧爲郎中令。 迎魯申公,欲設明堂, 魏其、武安由此以侯家居。 太后好黄老之言,而魏 及建元二年,御 以柏至

(一] [索隱] 案:推轂謂自卑下之,如爲之推車轂也。

〔三〕[索隱] 案:其時禮度踰侈〔三〕[索隱] 謂除關門之税也。

〔三〕 [索隱] 案:其時禮度踰侈,多不依禮,今令吉凶服制皆法於禮也。

四] [索隱] 適音直革反。

/ E] [集解] 韋昭日:「欲奪其政也。」

安。 <u>魵爲丞相,以大司農韓安國爲御史大夫。天下士郡諸侯愈益附武安。〔1〕</u> 武安日益横。建元六年,竇太后崩,丞相昌、御史大夫青翟坐喪事不辦,免。以武安侯 武安侯雖不任職,以王太后故,親幸,數言事多效,天下吏士趨勢利者,皆去魏其歸武

一] [索隱] 按:謂仕諸郡及仕諸侯王國者,猶言仕郡國也。

魏其武安侯列傳第四十七

好,不可勝數。 買郡縣器物相屬於道。 坐東鄉,以爲漢相尊,不可以兄故私橈。」武安由此滋驕,治宅甲諸第。「八〕田園極膏腴,而市 工地益宅,[к]上怒曰:「君何不遂取武庫!是後乃退。嘗召客飲,坐其兄蓋侯[ヤ]南鄉,自 爲京師相,〔『〕非痛折節以禮詘之,天下不肅。〔『〕當是時,丞相入奏事,坐語移日, 薦人或起家至二千石,權移主上。上乃曰:「君除吏已盡未?吾亦欲除吏。」嘗請考 武安者,貌侵,行己生貴甚。行己又以爲諸侯王多長,行己上初卽位,富於春秋,蚡以肺腑 前堂羅鍾鼓, 立曲旃、「宀」後房婦女以百數。諸侯奉金玉狗馬玩 所言皆

[一] (集解) 章昭日:「侵音復、短小也。又云醜惡也、刻确也。音核。」 确也」。 按:确音刻。又孔文祥「侵,醜惡也。 音寢」。 |索隱| 案:服虔云「侵,短小也」。 韋昭云「刻

[二][索隱]按:小顔云「生貴謂自尊高示貴寵」,其説疏也。 長年,岎以肺腑爲相,非痛折節以禮屈之,則天下不肅」者也。 按: 生謂盼自生尊貴之勢特甚,故下云「又以諸侯王多

(三) 集解 張晏曰:多長年。」

四] [索隱] 腑音府。肺音廢。 言如肝肺之相附。又云柿、木札;附、木皮也。詩云「如塗塗附」,以言如皮之附木也。 肺之脈也。 疏謬。又改「腑」爲「附」就其義,重謬矣。八十一難云:「寸口者,脈之大會,手太陰之動脈也。」吕廣云:「太陰者, 正義] 顔師古曰:「舊解云肺附,如肝肺之相附著也。一説柿,斫木札也,喻其輕薄附著大材。」按: 顔 此説並是 肺爲諸藏之主,通陰陽,故十二經脈皆會乎太陰,所以決吉凶者。十二經有病皆寸口,知其何經之動

浮沈濇滑,春秋逆順,知其死生。」 顧野王云:「肺腑,腹心也。」案:説田魵爲相,若人之肺, 知陰陽逆順, 又爲帝

之腹心親戚也。

[索隱] 案:痛,甚也。欲令士折節屈下於己;不然,天下不肅。 或解以爲盼欲折節下士,非也。

其兄蓋侯,知或説爲非也。

[六] 集解] 漢書百官表日少府有考工室。如淳曰:「官名也。」

(集解)徐廣曰:「王后兄王信也。泰山有蓋縣,樂安有益縣也。」

「八」[集解] 徐廣日:「爲諸第之上也。」

[九] 樂解] 如淳曰:「旌旗之名。 通帛曰旃。 曲旃,旌旃柄上曲,僭禮也。 通帛日旃。 曲旃,僭也。」蘇林曰:「禮,大夫建旃。 曲旃,柄上曲也。」

索隱按:

說文云曲旃者,所以招士也。

魏其失實太后,益疏不用,無勢,諸客稍稍自引而怠傲,唯灌將軍獨不失故。 魏其日默

默不得志,而獨厚遇灌將軍。

軍,有死事,得與喪歸。灌夫不肯隨喪歸,奮曰:「鳳取吳王若將軍頭,以報父之仇。」於 俱。行司灌孟年老,潁陰侯彊請之,鬱鬱不得意,故戰常陷堅,遂死吳軍中。軍法,父子俱從 灌氏姓爲灌孟。 灌將軍夫者,潁陰人也。夫父張孟,嘗爲潁陰侯嬰舍人,得幸,因進之至二千石,故蒙

魏 其武安侯列傳 第四 十七

騎馳人吳軍,至吳將麾下,〔四〕所殺傷數十人。不得前,復馳還,走入漢壁,皆亡其奴,獨與 是灌夫被甲持戟,募軍中壯士所善願從者數十人。及出壁門,莫敢前。獨二人及從奴十數 騎歸。夫身中大創十餘,適有萬金良藥,故得無死。 夫創少瘳,又復請將軍日:「吾益知

吴壁中曲折,請復往。」將軍壯義之,恐亡夫,乃言太尉,太尉乃固止之。吴已破,灌夫以此

名聞天下。

[一][索隱]案:何是嬰子,漢書作「嬰」,誤也。

[三][集解] 漢書音義日「官主千人,如候司馬」。

[三] 集解] 張晏曰:「自奮勵也。」

[四][正義] 謂大將之旗。

潁陰侯言之上,上以|夫爲中郎將。 數月,坐法去。 後家居長安,長安中諸公莫弗稱之。

孝景時,至代相。孝景崩,今上初卽位,以爲淮陽天下交,勁兵處,故徙夫爲淮陽太守。建 昆弟也。 |元元年, 人爲太僕。二年, 夫與長樂衞尉

竇甫飲, 輕重不得, こ」夫醉, 搏浦。こ三浦,

竇太后 上恐太后誅法,徙爲濕相。 數歲,坐法去官,家居長安。

[一] 集解] 晉灼曰:「飲酒輕重不得其平也。」

灌夫爲人剛直使酒,不好面諛。貴戚諸有勢在己之右,不欲加禮, 必陵之,諸士在己

之左,愈貧賤,尤益敬,與鈞。稠人廣衆,薦寵下輩。士亦以此多之。

十百人。陂池田園,宗族賓客爲權利,横於潁川。 |夫不喜文學,好任俠,已然諾。[一]諸所與交通,無非豪桀大猾。 潁川兒乃歌之曰:「潁水清,灌氏寧; 家累數千萬,食客日數 潁

[一] [索隱] 已音以。謂已許諾,必使副其前言也。

水濁,灌氏族。」

平慕之後弃之者。「「灌夫亦倚魏其而通列侯宗室爲名高。兩人相爲引重,「」其游如父子 然。相得驩甚,無厭,恨相知晚也。 灌夫家居雖富,然失勢,卿相侍中賓客益衰。及魏其侯失勢,亦欲倚灌夫引繩批根生

[一] [樂解] 蘇林曰:「二人相倚,引繩直之,意批根賓客也。 弃之者,不與交通。」 孟康曰:「根,根括。引繩以持彈。」 格音下各反。翺謂引繩、排彈繩根括以退之者也」。持彈、案漢書本作「抨彈」、音普耕反。 云「賓客去之者不與通也」。孟康云「音根格,謂引繩排彈其根格,平生慕嬰交而弃者令不得通也。小顔根音痕, [索隱] 案·劉氏云「二人相倚,事如合繩共相依引也」。批音步結反。批者,排也。漢書作「排」。排根者,蘇林

〔三〕 集解 張晏曰:「相薦達爲聲勢。」

尚卧。 許諾。 明,令門下候伺。至日中, 安鄂[四]謝曰:「吾昨日醉,忽忘與仲孺言。」乃駕往,又徐行,灌夫愈益怒。及飲酒酣, 夫 起舞屬丞相、「『〕丞相不起,夫從坐上語侵之。魏其乃扶灌夫去,謝丞相。 曰:「將軍乃肯幸臨況魏其侯,夫安敢以服爲解!請語魏其侯帳具,將軍旦日蚤臨。」 武安 極驩而去。 「夫以服請,宜往。」「『〕乃駕,自往迎丞相。丞相特前戲許灌夫,殊無意往。及夫至門,丞相 灌夫有服,過丞相。 於是夫人見,曰:「將軍昨日幸許過魏其,魏其夫妻治具,自旦至今,未敢嘗食。」武 灌夫具語魏其侯如所謂武安侯。 丞相從容曰:「吾欲與仲孺過魏其侯,〔二〕會仲孺有服。」〔三〕 丞相不來。魏其謂灌夫曰:「丞相豈忘之哉。」灌夫不懌,曰: 魏其與其夫人益市牛酒,夜灑埽,早帳具至旦。平 丞相卒飲至夜, 灌夫

一] 集解] 漢書曰:「灌夫字仲孺。」

[二][索隱] 案:服謂朞功之服也。故應璩書曰「仲孺不辭同生之服」是也。

二集解 徐廣曰:「一云『以服請,不宜往』。」 [索隱] 案:徐廣云「以服請,不宜往」,其説非也。正言夫請不以服

四]集解除廣日:「一作『悟』。」

爲解,鮒不宜忘,故駕自往迎也。

[五][索隱]屬音之欲反。屬猶委也,付也。小顔云「若今之舞訖相勸也」。

丞相嘗使籍福請魏其城南田。魏其大望曰:「老僕雖弃,將軍雖貴,寧可以勢奪乎!」 灌夫聞,怒,罵籍福。籍福惡兩人有郄,乃謾自好謝丞相曰:「魏其老且死,易忍,且

待之。」已而武安聞魏其、灌夫實怒不予田,亦怒曰:「魏其子嘗殺人, 魵活之。 魵事魏其無 所不可,何愛數頃田?且灌夫何與也?吾不敢復求田。」武安由此大怨灌夫、魏其。

請。」灌夫亦持丞相陰事,爲姦利,受淮南王金與語言。賓客居閒,遂止,俱解。 元光四年春、江一丞相言灌夫家在潁川,横甚,民苦之。請案。上曰:「此丞相事, 何

[一] 集解] 徐廣曰:「疑此當是三年也。其說在後。」

時武安不肯。行酒次至臨汝侯,至過汝侯方與程不識耳語,又不避席。 夫無所發怒,乃罵 斬頭陷匈,[私]何知程|李乎!」坐乃起更衣,稍稍去。|魏其侯去,麾灌夫出。|武安遂怒曰: 臨汝侯曰:「生平毁程不識不直一錢,今日長者爲壽,乃效女見呫囁耳語」「宀」武安謂灌夫 悦。起行酒,至武安,武安膝席曰:「不能滿觴。」夫怒,因嘻笑曰:「將軍貴人也,屬之!」「即 |夫謝曰:「|夫數以酒失得過丞相,丞相今者又與|夫有郄。」 魏其曰:「事已解。」 彊與俱。 飲 酒酣,武安起爲壽,气三坐皆避席伏。已魏其侯爲壽,獨故人避席耳,餘半膝席。〔॥〕灌夫不 曰:「程李俱東西宫衞尉、[+]今衆辱程將軍,仲孺獨不爲李將軍地乎。」「<] 灌夫曰:「今日 夏,丞相取燕王女爲夫人,气己有太后韶,召列侯宗室皆往賀。 魏其侯過灌夫,欲與俱。

莫能解。自己武安吏皆爲耳目,諸灌氏皆亡匿,夫繫,遂不得告言武安陰事。 室。[10]遂按其前事,遣吏分曹逐捕諸灌氏支屬,皆得弃市罪。 不肯謝。武安乃麾騎縛夫置傳舍,召長史曰:「今日召宗室,有韶。」劾灌夫罵坐不敬,繫居 「此吾驕灌夫罪。」乃令騎留灌夫。灌夫欲出不得。籍福起爲謝,案灌夫項令謝。 魏其侯大娘,爲資使賓客請, 夫愈怒,

[一] 索屬]案: 紛娶燕王劉澤子康王嘉之女也。

如淳日:「上酒爲稱壽,非大行酒。」

三] 集解 蘇林曰:「下席而膝半在席上。」如淳曰:「以膝跪席上也。」

集解 徐廣曰:「屬,一作『畢』。」 [索隱] 案:漢書作「畢」。 畢,盡也。

栗」集解 徐廣日:『灌嬰孫,名賢也。」 [索隱] 案:漢書云臨汝侯灌賢,則賢是嬰之孫,臨汝是改封也。

「朱」「樂解」章昭日:「呫囁、附耳小語聲。」 [索隱]女兒猶云兒女也。 漢書作「女曹兒」。 曹,輩也,猶言兒女輩。呫,

鄒氏音蚩輒反。囁音女輒反。説文「附耳小語也」。

七][集解 漢書音義曰:「李廣爲東宫,程不識爲西宫。」

[八] 樂解] 如淳日:「李將軍,李廣也。猶今人言爲除地也。」 [索隱] 案·小顏云「言今既殷程,令李何地自安處也」。

「元」[索隱] 韋昭云:「言不避死亡也。」漢書作「穴匈」。

如淳曰:「百官表居室爲保宫,今守宫也。」

如淳日:「爲出資費,使人爲夫言。」

竊出上書。立召入,具言灌夫醉飽事,不足誅。上然之,賜魏其食,曰:「東朝廷辯之。」〔三〕 其侯曰:「侯自我得之,自我捐之,無所恨。且終不令灌仲孺獨死,嬰獨生。」乃匿其家,「一」 |魏其鋭身爲救灌夫。夫人諫魏其曰:「灌將軍得罪丞相,與太后家忤,寧可救邪。]|魏

[一][集解]晉灼曰:「恐其夫人復諫止也。」

[三]集解]如淳曰:「東朝、太后朝。」

史曰:「公平生數言魏其、武安長短,今日廷論,局趣效轅下駒、「三吾并斬若屬矣。」即罷 主裁之。」主爵都尉汲黯是魏其。内史鄭當時是魏其,後不敢堅對。餘皆莫敢對。上怒内 川,凌轢宗室,侵犯骨肉,此所謂『枝大於本,脛大於股,不折必披』,〔『〕丞相言亦是。 杯酒,不足引他過以誅也。魏其言是也。丞相亦言灌夫通姦猾,侵細民,家累巨萬,横恣潁 言灌夫父死事,身荷戟馳人不測之吳軍,身被數十創,名冠三軍,此天下壯士,非有大惡,争 功。〔1〕臣乃不知魏其等所爲。」於是上問朝臣:「兩人孰是。」御史大夫韓安國曰:「魏其 士與論議,腹誹而心謗,不仰視天而俯畫地,自己辟倪兩宮閒,自己幸天下有變,而欲有大 爲肺腑,所好音樂狗馬田宅。」魵所愛倡優巧匠之屬,不如魏其、灌夫日夜招聚天下豪桀壯 所爲横恣、罪逆不道。 魏其度不可柰何,因言丞相短。 武安曰:「天下幸而安樂無事, 盼得 魏其之東朝,盛推灌夫之善,言其醉飽得過,乃丞相以他事誣罪之。武安又盛毀灌夫 唯明

後,〔<\〕是屬寧有可信者乎。」上謝曰:「俱宗室外家、〔<\^\] 故廷辯之。不然,此一獄吏所決 藉吾弟,「宀」令我百歲後,皆魚肉之矣。且帝寧能爲石人邪!「宀」此特帝在,卽録録,設百歲 起入,上食太后。 太后亦已使人候伺,具以告太后。 太后怒,不食,曰:「今我在也, 而人皆

耳。」是時郎中令石建爲上分别言兩人事。

[一] 集解] 張晏曰:「視天,占三光也。 畫地,知分野所在也。 畫地諭欲作反事。」

[二][集解]徐廣曰:「辟音芳細反。倪音詣。」張晏曰:「占太后與帝吉凶之期。」 |索隱||辟普係反。倪,五係反。坤

滄云:「睥睨,邪視也。」

正義」鋪被反。披,分析也。

[||] [集解] 張晏曰:「幸爲反者,當得爲大將立功也。」瓚曰:「天下有變謂天子崩,因變難之際得立大功。」

四] 索隱案:包愷音疋彼反。

[日] (集解) 張晏曰:「俛頭於車轅下,隨母而已。」 瓊曰:「小馬在轅下。」 正義]應劭云:「駒馬加著轅。局趣,纖小

之貌。」按:應說爲長也。

六] 索屬案: 晉灼云「藉,蹈也。 以言蹂藉之」。

七] 索隱 謂帝不如石人得長存也。 [正義] 顏師古云:「言徒有人形耳,不知好惡。」按:今俗云人不辨事, 駡云

机机若木人也。

八]索隱案:設者,脱也。

「九」[正義] 嬰,景帝從舅。 魵,太后同母弟。

端。「「一」韓御史良久謂丞相曰:「君何不自喜。「二」夫魏其毀君, 門齰舌自殺。〔三〕今人毁君,君亦毁人, 以肺腑幸得待罪,固非其任,魏其言皆是』。如此,上必多君有讓,不廢君。 争時急,不知出此。」 武安已罷朝, 出止車門,召韓御史大夫載,怒曰:「與長孺共一老禿翁,何爲首鼠兩 譬如賈豎女子争言,何其無大體也!武安謝罪曰: 君當免冠解印綬歸,日『臣 魏其必内愧,杜

也。 集解 服虔云「首鼠,一前一卻也」。 漢書音義曰:「秃老翁、言嬰無官位扳援也。 首鼠, 一前一卻也。」 索隱案:謂共治一老禿翁,指寶嬰

[三]集解 蘇林日:「何不自解釋爲喜樂邪?」 [索隱] 案:小顔云「何不自謙遜爲可喜之事」。音許既反。

△□□||索隠||案:説文云「齰,齧也」。音側革反。

乃聞,聞卽恚,病痱,云八不食欲死。 家,家丞封。[四]乃劾魏其矯先帝韶,罪當弃市。 受遺韶,曰「事有不便,以便宜論上」。及繫,灌夫罪至族, 有蜚語爲惡言聞上,「己故以十二月晦「八〕論弃市渭城。「五」 魏其乃使昆弟子上書言之,幸得復召見。 書奏上,而案尚書大行無遺韶。[『〕詔書獨藏魏其 於是上使御史簿責魏其所言灌夫,頗不讎,〔〕欺謾。 或聞上無意殺魏其,魏其復食,治病, 五年十月,「三」悉論灌夫及家屬。 事日急, 劾繋都司空。〔三〕孝景時,魏其常 諸公莫敢復明言於上。 議定不死矣。 魏其良久

- (二)正義 讎音市周反,對也。 言簿責魏其所言灌夫實潁川事,故魏其不對爲欺謾者也。
- [二] [索隱] 案:百官表云宗正屬官,主詔獄也。 [正義]如淳云:「律、司空主水及罪人。」
- 也。 [正義] 天子崩日大行也。按:尚書之中,景帝崩時無遺詔賜魏其也。 百官表云諸受尚書事也。 索屬案:尚書無此景帝崩時大行遺韶,乃魏其家臣印封之。 如淳説非
- 「四][樂解] 漢書音義曰:「以家臣印封遺韶。」
- [五] <u>樂解</u> 徐廣曰:「疑非五年,亦非十月。」 故疑非也。 [正義] 漢書云元光四年冬,魏其侯嬰有罪弃市。春三月乙卯,丞相蚡薨。按:五年者,誤也。 [索隱] 徐氏云疑非者,案武紀四年三月蚡薨,窗嬰死在前,今云五年,
- [八][索隱] 痱音肥,又音扶味反,風病也。
- [4][樂解]張晏曰:| 魵僞作飛揚誹謗之語。]
- [八][集解]徐廣曰:「疑非十二月也。」 張晏曰「月晦者,春垂至也」。 [索隱] 著日月者,見春垂至,恐遇赦贖

也。

[九]正義 故咸陽也。

死。 子恬嗣。〔三〕元朔三年,武安侯坐衣襜褕〔四〕人宫,不敬。〔三〕 其春,武安侯病、江丁專呼服謝罪。江丁使巫視鬼者視之,見魏其、灌夫共守,欲殺之。 竟

[正義] 其春,即四年春也。 元光四年十月,灌失弃市。 十二月末,魏其弃市。 至三月乙卯,田蚡薨。 則三人死同 在一年明矣。漢以十月爲歲首故也。秦楚之際表云〔十月〕,十一月,十二月,端月,二月,三月,至九爲終。周建

子爲正月,十一月爲正月,十二月爲二月,正月爲三月,二月爲四月,至十月爲歲終。漢初至武帝太初以前,並依

秦法,以後改用夏正月,至今不改。然夫子作春秋依夏正。

[二][集解]漢書音義日:「言蚡號呼謝服罪也。」

三][集解]徐廣曰:「蟛疾,見魏其、灌夫鬼殺之,則其(春)〔死〕共在一春内邪。」武帝本紀『四年三月乙卯,田蚡薨』, 元年,建元元年訖元光三年而九年。 大臣表盼以元光四年卒,亦云嬰四年弃市,未詳此正安在。然 盼薨在嬰死 嬰死在」盼薨之前,何復云五年十二月邪。疑十二月當爲二月也。」案侯表,盼事武帝九年而卒,元光四年侯恬之

後を明

B][正義] 爾雅云「衣蔽前謂之襜」。郭璞云「蔽膝也」。説文、字林並謂之短衣。

<u>≠</u>: (集解)徐廣曰:「表云坐衣不敬,國除。」 [索隱] 襜,尺占反。褕音踰。謂非正朝衣,若婦人服也。 表云恬坐衣

不敬,國除。

魏其時不直武安,特爲太后故耳。〔三〕及聞淮南王金事,上曰:「使武安侯在者,族矣。」 子,大王最賢、高祖孫,卽宫車晏駕,非大王立當誰哉」淮南王大喜,厚遺金財物。 淮南王安謀反覺,治。王前朝,自己武安侯爲太尉,時迎王至霸上,謂王曰:「上未有太 上自

一] 集解 徐廣曰:「建元二年。」

二] [索隱] 案:武帝以魏其、灌夫事爲枉,於武安侯爲不直,特爲太后故耳。

二八五六

貴在日月之際。然魏其誠不知時變,灌夫無術而不遜,兩人相翼,乃成禍亂。武安負貴而 太史公曰:魏其、武安皆以外戚重,灌夫用一時決筴而名顯。魏其之舉以吴楚,武安之

好權,杯酒責望,陷彼兩賢。嗚呼哀哉!遷怒及人,命亦不延。衆庶不載,竟被惡言。嗚呼

哀哉!禍所從來矣!

【索隱述贊】 實嬰、田蚡,勢利相雄。 咸倚外戚,或恃軍功。灌夫自喜, 引重其中。意氣杯酒,躃睨兩

事竟不直,冤哉二公!

史 記 卷

韓長孺 列 傳第四十八

事梁孝王爲中大夫。吴楚反時,孝王使安國及張羽爲將,扞□吴兵於東界。 御史大夫韓安國者,梁成安人也,「一後徙睢陽。「一嘗受韓子、雜家説於騶田生所。「一」

張羽力戰,安

國持重,以故吳不能過梁。吳楚已破,安國、張羽名由此顯。 一][集解]徐廣日:「在汝顯之閒也。」 [潔隱]按:徐廣云「在汝顯之閒」。漢書地理志縣名,屬陳留。

地志云:「成安故城在汝州梁縣東二十三里。」地理志云成安屬潁川郡。 陳留郡又有成安縣,亦屬梁,

未知孰是

正義活

也。

[三]正義 今宋州宋城。

〔三〕 索隱 案 安國學韓子及雜家說於騶縣田生之所。

[四][索隱] 上音醬,下音汗。

梁孝王,景帝母弟,竇太后愛之,令得自請置相、二千石,出人游戲,僭於天子。天子聞

韓

恤也。」大長公主具以告太后,太后喜曰:「爲言之帝。」言之,帝心乃解,而免冠謝太后 使來,輒案責之。梁王恐,日夜涕泣思慕,不知所爲。何梁王之爲子孝,爲臣忠,而太后弗 旗皆帝所賜也,即欲以侘鄙縣,「馬」驅馳國中,以夸諸侯,令天下盡知太后、帝愛之也。今梁 也。今太后以小節苛禮「鬥」賣望梁王。梁王父兄皆帝王,所見者大,故出稱蹕,入言警,車 亂,一言泣數行下,跪送臣等六人將兵擊卻吴楚,吳楚以故兵不敢西,而卒破亡,梁王之力 趙七國反時,自關以東皆合從西鄉,惟梁最親爲艱難。 主气心而泣曰:「何梁王爲人子之孝,爲人臣之忠,而太后曾弗省也?〔三〕夫前日吴、楚、齊 之,心弗善也。 更賜|安國可直千餘金。名由此顯,結於漢。 曰「兄弟不能相教,乃爲太后遺憂。」悉見梁使,厚賜之。其後梁王益親驩。 太后知帝不善,乃怒梁使者,弗見,案責王所爲。韓安國爲梁使,見大長公 ` 梁王念太后、帝在中、『]而諸侯擾 太后、長公主

[一][集解]徐廣曰:「景帝姊。」 索隱案:即館陶公主。 正義 如淳云 景帝妹也。」

[二] [索隱] 省音仙井反。省者,察也。

三」正義 謂關中也。又云京師在天下之中。

四」「索隱」案:謂苛細小禮以責之。

[至](集解)徐廣曰:「侘,一作『絎』也。」關案: 侘音丑亞反, 誇也。

|索隱|| 任音丑亞反,字如「姹」。任者,誇也。

乎。」「三卒善遇之。 亡走。安國曰:「甲不就官,我滅而宗。」 甲因肉袒謝。 「然卽溺之。」居無何,梁内史缺,漢使使者拜安國爲梁内史,起徒中爲二千石。 其後安國坐法抵罪,蒙己了獄吏田甲辱安國。 安國日:「死灰獨不復然乎。」田甲日。 安國笑曰:「可溺矣!公等足與治 田甲

[一] 集解] 蒙,縣名。 [索隱] 抵音丁禮反。蒙,縣名,屬梁國也。

[三][索隱]案:謂不足與繩(持)[治]之。治音持也。

梁内史之缺也,孝王新得齊人公孫詭,説之,欲請以爲内史。 竇太后聞,乃詔王以安國

爲内史。

國大索,月餘不得。內史安國聞說、勝匿孝王所, 及殺故吳相袁盘,景帝遂聞詭、勝等計畫,乃遣使捕詭、勝,必得。 無良臣, 公孫詭、羊勝説孝王求爲帝太子及益地事,恐漢大臣不聽,乃陰使人刺漢用事謀臣。 故事紛紛至此。今詭、勝不得,請辭賜死。」 安國人見王而泣曰:「主辱臣死。こ」大王 王曰:「何至此。」 漢使十輩至梁,相以下舉 安國泣數行下,

長

府。 安國曰:「夫太上、臨江親父子之閒,然而高帝曰『提三尺劍取天下者朕也』,故太上皇終不 得釋,安國之力也。於是景帝、太后益重安國。孝王卒,共王卽位,安國坐法失官,居家。 乎。」語未卒,孝王泣數行下,謝安國曰:「吾今出詭、勝。」詭、勝自殺。漢使還報,梁事皆 爲狼?』今大王列在諸侯,悦一邪臣气己浮説,犯上禁,橈明法。天子以太后故,不忍致法 得制事,居于檪陽。臨江王,適長太子也,以一言過,廢王臨江,气三用宮垣事,卒自殺中尉 曰:「大王自度於皇帝,孰與太上皇之與高皇帝及皇帝之與臨江王親。」」孝王曰:「弗如也。」 於王。太后日夜涕泣,幸大王自改,而大王終不覺寤。有如太后宫車卽晏駕,大王尚誰攀 何者。治天下終不以私亂公。語曰:『雖有親父,安知其不爲虎。雖有親兄,安知其不

(一) 索隱 此語見國語。

[二] 集解] 如淳曰:「景帝嘗屬諸姬,太子母栗姬言不遜,由是廢太子,栗姬憂死。」

(三)[索隱] 悦,漢書作「訹」。 説文云「訹,誘也」。

越,越殺其王降,漢兵亦罷。建元六年,武安侯爲丞相,安國爲御史大夫。 亦素聞其賢,卽召以爲北地都尉,遷爲大司農。閩越、東越相攻,安國及大行王恢將。 建元中,武安侯田蚡爲漢太尉,親貴用事,安國以五百金物遺魵。 魵言安國太后,天子

穿魯縞、三衝風之末,力不能漂鴻毛。 臣議者多附安國,於是上許和親。 彊,自上古不屬爲人。

「

」漢數千里争利,則人馬罷, |奴負戎馬之足,懷禽獸之心,遷徙鳥舉,難得而制也。 得其地不足以爲廣,有其衆不足以爲 和親,率不過數歲即復倍約。不如勿許,興兵擊之。」安國曰:「千里而戰,兵不獲利。今回 匈奴來請和親,天子下議。大行王恢,燕人也,數爲邊吏,習知胡事。 非初不勁, 虜以全制其敝。且彊弩之極,矢不能 末力衰也。擊之不便,不如和親。」羣 議曰:「漢與匈奴

[``] □[索隱] 案:晉灼云「不内屬於漢爲人」。

(三)[集解]許慎日:「魯之縞尤薄。」

于使者爲信。曰:「馬邑長吏已死,可急來。」於是單于穿塞將十餘萬騎,人武州塞。〔三〕 邊,可誘以利。」陰使聶翁壹爲閒,亡人匈奴,謂單于曰:「吾能斬馬邑令丞吏,以城降, 可盡得。」單于愛信之,以爲然,許聶翁壹。聶翁壹乃還,詐斬死罪囚,縣其頭馬邑城,示單 其明年,則元光元年,雁門馬邑豪聶翁壹(二)因大行王恢言上曰:「匈奴初和親,親信 財物

[一] 集解] 張晏曰:「豪猶帥也。」 索隱聶,姓也;翁壹,名也。 漢書云「聶壹」。

[二][集解]徐廣曰:「在雁門。」 [索隱] 地理志縣名,屬鴈門。又崔浩云「今平城直西百里有武州城」是也。

韓長

孺列傳第四十八

孫賀爲輕車將軍、八二大行王恢爲將屯將軍、八二太中大夫李息爲材官將軍。八四一御史大夫韓 漢合,度往擊輜重,必與單于精兵戰,漢兵勢必敗,則以便宜罷兵,皆無功。 于顧謂左右曰:「幾爲漢所賣!」「私」乃引兵還。出塞,曰:「吾得尉史,乃天也。」命尉史爲 擊其輜重。[馬]於是單于人漢長城武州塞。未至馬邑百餘里,行掠鹵,徒見畜牧於野,不見 安國爲護軍將軍,諸將皆屬護軍。約單于人馬邑而漢兵縱發。王恢、李息、李廣别從代主 「天王」。 一人。單于怪之,攻烽燧,得武州尉史。欲刺問尉史。尉史曰:「漢兵數十萬伏馬邑下。」單 當是時,漢伏兵車騎材官三十餘萬,置馬邑旁谷中。衞尉李廣爲驍騎將軍,了二太僕公 塞下傳言單于已引去。漢兵追至塞,度弗及,卽罷。三恢等兵三萬,聞單于不與

[一] [集解] 漢書曰:「北絡燕人來致驍騎。」應劭曰:「驍,健也。」張晏曰:「驍,勇也,若六博之梟矣。」

三」正義。司馬續漢書云:「輕車,古之戰車。」

正義一李奇云:「監主諸屯。」

正義臣瓚云:「材官,騎射之官。」

正義 釋名云:「輜,廁也。所載衣服雜廁其中。」

正義 幾音祈。

天子怒王恢不出擊單于輜重,擅引兵罷也。恢曰:「始約虜人馬邑城,兵與單于接,而

於是恢聞之,乃自殺。 后,太后以丞相言告上。上曰:「首爲馬邑事者,恢也,故發天下兵數十萬,從其言,爲此。 斬,然得完陛下士三萬人。」於是下恢廷尉。 廷尉當恢逗橈,當斬。C三恢私行千金丞相盼。 且縱單于不可得,恢所部擊其輜重,猶頗可得,以慰士大夫心。今不誅恢,無以謝天下。」 蚡不敢言上,而言於太后曰:「王恢首造馬邑事,今不成而誅恢,是爲匈奴報仇也。」上朝太 臣擊其輜重,可得利。今單于聞,不至而還,臣以三萬人衆不敵,禔取辱耳。〇〇臣固知還而

[一][樂解]徐廣日:「禔,一作『祇』也。」

三][集解] 漢書音義曰:「逗,曲行避敵也;橈,顧望。軍法語也。」 住,住謂留止也。橈,屈弱也,女孝反。一云橈,顧望也。 索隱案:砌云「逗,曲行而避敵,音豆」。

於己者也。於梁舉壺遂、臧固、郅他、三皆天下名士,士亦以此稱慕之,唯天子以爲國器。 國,使使視之,蹇甚,乃更以平棘侯薛澤爲丞相。 安國爲御史大夫四歲餘,丞相田蚡死,安國行丞相事,奉引墮車蹇。〔三〕天子議置相,欲用安 安國爲人多大略,智足以當世取合,而出於忠厚焉。〔二〕貪嗜於財。 所推舉皆廉士,賢 安國病免數月,蹇愈,上復以安國爲中尉。

韓長孺列傳第四十八

歲餘,徙爲衞尉。

了一] 索隱] 案:出者,去也。言安國爲人無忠厚之行。

【三〕[索隱] 上音質,下徒河反。謂三人姓名也,壺遂也,臧固也, 郅他也。 若漢書則云「至他」,言至於他處,亦舉名

士也。

(三) (集解) 如淳曰:「爲天子導引而墮車,跛足。」

去。卽上書言方田作時,請且罷軍屯。罷軍屯月餘,匈奴大人上谷、漁陽。 車騎將軍衞青擊之,出鴈門。衞尉安國爲材官將軍,屯於漁陽。〔三〕安國捕生虜,言匈奴遠 |敖大亡卒:皆當斬,贖爲庶人。明年,匈奴大人邊,殺遼西太守,及入鴈門,所殺略數千人。 國。徙安國益東,屯右北平。四是時匈奴虜言當人東方。 百餘人,出與戰,不勝,復入壁。匈奴虜略千餘人及畜産而去。天子聞之,怒,使使責讓安 車騎將軍衛青擊匈奴、「一〕出上谷,破胡龍城。「一〕將軍李廣爲匈奴所得,復失之,公孫 安國壁乃有七

一」集解 徐廣曰:「元光六年也。」

[二]集解] 龍音龍。 [索隱]音龍。

[三]正義]幽州縣。

[四] 正義] 幽州漁陽縣東南七十七里北平城,即漢右北平也。

安國始爲御史大夫及護軍,後稍斥疏,下遷,而新幸壯將軍衛青等有功, 益貴。

既疏遠,默默也,將屯又爲匈奴所欺,失亡多,甚自愧。 幸得罷歸, 乃益東徙屯, 意忽忽不

樂。數月,病歐血死。安國以元朔二年中卒。

虚哉!」壺遂官至詹事,天子方倚以爲漢相,會遂卒。不然,」壺遂之內廉行脩,斯鞠躬君子 太史公曰:余與壺遂定律曆,觀韓長孺之義,壺遂之深中隱厚。〔〕世之言梁多長者,不

〔一〕[樂解]徐廣曰:「一云『廉正忠厚』。」

也。

【索隱述贊】安國忠厚,初爲梁將。因事坐法,免徒起相。 死灰更然,生虜失防。 推賢見重,賄金貽謗。

雪泣悟主,臣節可亮。

記 卷 一百九

將軍 列 傳 第四十

行,有所衝陷折關及格猛獸,而文帝曰:「惜乎,子不遇時!如令子當高帝時,萬户侯豈足道 用善騎射,殺首虜多,爲漢中郎。 徙成紀。 李將軍廣者,隴西成紀人也。〔一〕其先曰李信,秦時爲將,逐得燕太子丹者也。 廣家世世受射。「三孝文帝十四年, 廣從弟李蔡亦爲郎,皆爲武騎常侍、四八八百石。 匈奴大人蕭關, 而廣以良家子「三從軍擊胡, 故槐里, 嘗從

[一]正義成紀,秦州縣。

[三] | 索陽] 案:小顔云「世受射法」。

三素隱 一案:如淳云「非醫、巫、商賈 、百工也」。

| | | | | 索隱 案:謂爲郎而補武騎常侍。

及孝景初立,廣爲隴西都尉,徙爲騎郎將。〔一〕吴楚軍時,廣爲驍騎都尉,從太尉亞夫擊 將 軍 列傳 第 四 + 九

以合戰。典屬國公孫昆邪〔三〕爲上泣曰:「李廣才氣,天下無雙,自負其能,數與虜敵戰,恐 雲中太守,皆以力戰爲名。 亡之。」於是乃徙爲上郡太守。後廣轉爲邊郡太守,徙上郡。嘗爲隴西、北地、鴈門、代郡、 |吴楚軍,取旗,顯功名||邑下。以梁王授廣將軍印,還,賞不行。[三徙爲上谷太守,匈奴日

[一][集解]張晏曰:「爲武騎郎將。」 索隱一小顔云:「爲騎郎將謂主騎郎也。」

〔三〕[樂解] 文顯曰:「廣爲漢將,私受梁印,故不以賞也。」

〔三〕集解] 昆音魂。 [索隱] 案: 典屬國,官名。公孫,姓也;昆邪,名。服虔云「中國人」。包愷云「昆音魂」也。

走,匈奴追射我立盡。今我留,匈奴必以我爲大軍[之]誘(之),必不敢擊我。」廣令諸騎曰: 廣乃遂從百騎往馳三人。三人亡馬步行,行數十里。 廣令其騎張左右翼,而廣身自射彼三 「前」」前未到匈奴陳二里所,止,令曰:「皆下馬解鞍」其騎曰:「虜多且近,卽有急,柰 騎,皆驚,上山陳。廣之百騎皆大恐,欲馳還走。廣曰:「吾去大軍數十里,今如此以百騎 人者,殺其二人,生得一人,果匈奴射雕者也。已縛之上馬,望匈奴有數千騎,見廣,以爲誘 三人,與戰。三人還射,「三傷中貴人,殺其騎且盡。中貴人走廣。廣曰:「是必射雕者也。」「四」 匈奴大人上郡,天子使中貴人從廣口一勒習兵擊匈奴。中貴人將騎數十縱,自己見匈奴

皆引兵而去。平旦,李廣乃歸其大軍。大軍不知廣所之,故弗從。 馬卧。是時會暮,胡兵終怪之,不敢擊。夜半時,胡兵亦以爲漢有伏軍於旁欲夜取之, 馬將「哥」出護其兵,李廣上馬與十餘騎犇射殺胡白馬將,而復還至其騎中,解鞍,令士皆縱 何。」廣曰:「彼虜以我爲走,今皆解鞍以示不走,用堅其意。」於是胡騎遂不敢擊。有白 胡

[一][樂解] 漢書音義曰:「内官之幸貴者。」 [索隱]案:董巴與服志云「黄門丞至密近,使聽察天下,謂之中貴人使 者」。崔浩云「在中而貴幸,非德望,故名不見也」。

[三] 集解]徐廣曰:「放縱馳騁。」

[三][正義]射音石。還謂轉也。

[四] 樂解] 文顯曰:「雕,鳥也,故使善射者射也。」 鷲,以其毛作矢羽。 章昭云「鶚,一名鵰也」。 [索隱] 案:服虔云「雕,鶚也」。 説文云「似鷲,黑色,多子」。一名

〔五〕[正義] 其將乘白馬,而出監護也。

識 就善水草屯,舍止,人人自便,气三不擊刀斗以自衞,气三莫府(四)省約文書籍事,然亦遠斥 亦爲長樂衞尉。程不識故與李廣俱以邊太守將軍屯。及出擊胡,而廣行無部伍行陳,二二 居久之,孝景崩,武帝立,左右以爲廣名將也,於是廣以上郡太守爲未央衞尉,而程不

嘗遇害。不識曰:「李廣軍極簡易,然虜卒犯之,無以禁也;而其士卒亦佚樂,咸樂爲之死。 士卒亦多樂從|李廣而苦程不識。|程不識|孝景時以數直諫爲太中大夫。爲人廉,謹於文法。 我軍雖煩擾,然虜亦不得犯我。」是時漢邊郡李廣、程不識皆爲名將,然匈奴畏李廣之略, 候、『一未嘗遇害。 程不識正部曲行伍營陳,擊刀斗,士吏治軍簿至明,軍不得休息,然亦未

〔一〕[索[關] 案:[百官志云「將軍領軍皆有部曲。 大將軍營五部,部校尉一人,部下有曲,曲有軍候一人」也

(三) 索隱 音去聲。

[] [集解] 孟康曰:「以銅作鑑器,受一斗,畫炊飯食,夜擊持行,名曰刀斗。」 柄斗,似銚無緣。音焦」。 鈴,如宫中傳夜鈴也」。一蘇林云「形如鋗,以銅作之,無緣,受一斗,故云刀斗」。 鋗即鈴也。 索隱刀音貂。 坤倉云「鐎,温器,有 案:荀悦云「刀斗,小

四] [索隱] 案: 大顔云「凡將軍謂之莫府者,蓋兵行舍於帷帳,故稱(莫) [幕]府。 古字通用,遂作『莫』耳」。 訓莫爲大,非也

〔五〕【索隱】案:許慎注淮南子云「斥,度也。候,視也,望也」。

覺之,去,漢軍皆無功。其後四歲,廣以衞尉爲將軍,出鴈門擊匈奴。匈奴兵多,破敗廣軍, 生得廣。 後漢以馬邑城誘單于,使大軍伏馬邑旁谷,而廣爲驍騎將軍,領屬護軍將軍。是時單于 單于素聞廣賢,令曰:「得李廣必生致之。」 胡騎得廣,廣時傷病,置廣兩馬閒,絡

弓,射殺追騎,以故得脱。於是至漢,漢下廣吏。吏當廣所失亡多,爲虜所生得,當斬,贖爲 取其弓,鞭馬南馳數十里,復得其餘軍,因引而人塞。匈奴捕者騎數百追之,廣行取胡兒 而 (盛卧廣。 行十餘里,廣詳死,睨其旁有一胡兒騎善馬,廣暫騰而上胡兒馬,因推墮兒,CI)

[一] 集解 徐廣曰:「一云『抱兒鞭馬南馳』也。」

軍徙右北平。於是天子乃召拜廣爲右北平太守。廣即請霸陵尉與俱,至軍而斬之。 不得夜行,何乃故也!」止廣宿亭下。居無何,匈奴入殺遼西太守,敗韓將軍、三後韓將 人田閒飲。還至霸陵亭、霸陵尉[三]醉,呵止廣。廣騎曰:「故李將軍。 頃之,家居數歲。廣家與故潁陰侯孫□〕屏野居藍田南山中射獵。 」尉曰:「今將軍尚 嘗夜從一騎出,從

[一] [樂解] (孫)灌嬰之孫,名强。 [索隱] 案:灌嬰之孫,名强。

二] [索隱] 案:百官志云「尉,大縣二人,主盗賊。凡有賊發,則推索尋案之」也

[三][集解]蘇林日韓安國。

廣居右北平,匈奴聞之,號曰「漢之飛將軍」,避之數歲,不敢人右北平。

廣出獵,見草中石,以爲虎而射之,中石没鏃,自己視之石也。因復更射之,終不能復入

李將軍列傳第四十九

二八七二

廣所居郡聞有虎,嘗自射之。及居古北平射虎,虎騰傷廣,廣亦竟射殺之。

[一][集解]徐廣曰:「一作『没羽』。」

射,見敵急,非在數十步之内,度不中不發,發即應弦而倒。 處,見水,士卒不盡飲,廣不近水,士卒不盡食,廣不嘗食。 終不言家産事。 亦爲所傷云。 訥口少言,與人居則畫地爲軍陳,射闊狹以飲。C l J專以射爲戲,竟死。C l J廣之將兵,乏絶之 廣廉,得賞賜輒分其麾下,飲食與士共之。終廣之身,爲二千石四十餘年,家無餘財, 廣爲人長,缓臂,(二)其善射亦天性也,雖其子孫他人學者, 莫能及廣。 廣 寬緩不苛,士以此愛樂爲用。其 用此,其將兵數困辱,其射猛獸

[一] 集解] 如淳曰:「臂如猨,通肩。」

[三][集解]如淳曰:「射戲求疏密,持酒以飲不勝者。」 正義飲音於禁反。

〔三〕[索隱] 謂終寬廣身至死,以爲恒也。

千騎出右北平,博望侯張騫將萬騎與廣俱,異道。行可數百里,匈奴左賢王將四萬騎圍廣, 定襄,擊匈奴。諸將多中首虜率,以功爲侯者,〔〕而廣軍無功。後二歲,廣以郎中令將四 居頃之,石建卒,於是上召廣代建爲郎中令。一元朔六年,廣復爲後將軍,從大將軍軍出

皆無人色,而廣意氣自如,益治軍。軍中自是服其勇也。 盡。廣乃令士持滿毋發,而廣身自以大黄气司射其裨將,殺數人,胡虜益解。會日暮,吏士 廣軍士皆恐,廣乃使其子敢往馳之。」敢獨與數十騎馳,直貫胡騎,出其左右而還,告廣曰: 匈奴軍乃解去。漢軍罷,弗能追。是時廣軍幾没,罷歸。 「胡虜易與耳。」軍士乃安。廣爲圜陳外嚮,胡急擊之,矢下如雨。漢兵死者過半,漢矢且 明日,復力戰,而博望侯軍亦至, 漢法,博望侯留遲後期,當死,贖

[一][集解]如淳曰:「中猶充也。充本法得首若干封侯。」

爲庶人。廣軍功自如,無賞。

[三][集解]徐廣曰:「南都賦曰『黄閒機張,善弩之名』。」駰案:鄭德曰「黄肩弩,淵中黄朱之」。
孟康曰「太公六韜曰 『陷堅敗强敵,用大黄連弩』」。韋昭曰「角弩色黄而體大也」。 也,色黄體大」是也。 [索隱]案:大黄,黄閒,弩名也。故韋昭曰「角弩

列侯,位至三公。諸廣之軍吏及士卒或取封侯。廣嘗與望氣王朔燕語,曰:「自漢擊匈奴而 以元朔五年爲輕車將軍,從大將軍擊右賢王,有功中率,行己封爲樂安侯。元狩二年中,代 公孫弘爲丞相。|蔡爲人在下中,<[三]名聲出廣下甚遠,然廣不得爵邑,官不過九卿,而察爲 初,廣之從弟李蔡與廣俱事孝文帝。景帝時,蔡積功勞至二千石。孝武帝時,至代相。

李

同日殺之。至今大恨獨此耳。」朔曰:「禍莫大於殺已降,此乃將軍所以不得侯者也。」 自念,豈嘗有所恨乎?」廣曰:「吾嘗爲隴西守,羌嘗反,吾誘而降,降者八百餘人,吾詐而 後人,5 記然無尺寸之功以得封邑者,何也?豈吾相不當侯邪?且固命也?」朔曰:「將軍 廣未嘗不在其中,而諸部校尉以下,才能不及中人,然以擊胡軍功取侯者數十人,而廣不爲

[一] 索隱] 中音丁仲反。率音律,亦音雙筆反。 小顔云:「率謂軍功封賞之科,著在法令,故云中率。」

[三][潔隱] 案:以九品而論,在下之中,當第八。

【三] |索隠| 案:謂不在人後。

之,以爲前將軍。是歲,元狩四年也。 後二歲,大將軍、驃騎將軍大出擊匈奴, 廣數自請行。 天子以爲老, 弗許,良久乃許

將軍,今大將軍乃徙令臣出東道,且臣結髮而與匈奴戰,今乃一得當單于,自己臣願居前,先 將軍軍、门出東道。東道少回遠,而大軍行水草少,其勢不屯行。行己廣自請曰:「臣部爲前 公孫敖新失侯,爲中將軍從大將軍,大將軍亦欲使敖與俱當單于,故徙前將軍廣。 死單于。」大將軍青亦陰受上誡,以爲李廣老,數奇,(四)毋令當單于, 恐不得所欲。 廣既從大將軍青擊匈奴,既出塞,青捕虜知單于所居,乃自以精兵走之,而令廣并於右 廣時知 而是時

道,〔十〕後大將軍。大將軍與單于接戰,單于遁走,弗能得而還。南絶幕,〔八〕遇前將軍、右 之,固自辭於大將軍。大將軍不聽,令長史封書與廣之莫府,曰:「急詣部, 報天子軍曲折。「宀」廣未對,大將軍使長史急責廣之幕府對簿。廣曰:「諸校尉無罪,乃我自 將軍。廣已見大將軍,還入軍。大將軍使長史持糒醪遺廣,因問廣、食其失道狀,青欲上書 失道。吾今自上簿。」 不謝大將軍而起行,意甚愠怒而就部,引兵與右將軍食其「к」合軍出東道。軍亡導,或失 如書。」「用」廣

[一] 集解] 徐廣曰:「主爵趙食其爲右將軍。」

[三][樂解]張晏曰:「以水草少,不可羣輩。」

三] 索隱] 今得當單于。案:廣言自少時結髮而與匈奴戰,唯今者得與單于相當遇也。

四〕集解」如淳曰:「數爲匈奴所敗,奇爲不偶也。」 |索隱| 案:服虔云「作事數不偶也」。音朔。 小顏音所具反。

奇,蕭該音居宜反。

[五][正義]令廣如其文牒,急引兵徙東道也。

【六】索陽]音異基。案:趙將軍名也。或亦依字讀。

[七] 索隱] 謂無人導引,軍故失道也。

[八][正義] 絶,度也。南歸度沙幕。

五二正義]言委曲而行迴折,使軍後大將軍也。

李將軍列傳第四十九

將軍獨下吏,當死,贖爲庶人。 吏。」遂引刀自剄。廣軍士大夫一軍皆哭。百姓聞之,知與不知,無老壯皆爲垂涕。 大將軍又徙廣部行回遠,而又迷失道,豈非天哉!且廣年六十餘矣,終不能復對刀筆之 至莫府,廣謂其麾下曰:「廣結髮與匈奴大小七十餘戰,今幸從大將軍出接單于兵,「而 而右

除。李敢以校尉從驃騎將軍擊胡左賢王,力戰,奪左賢王鼓旗,斬首多,賜爵關内侯,食邑 利,李氏陵遲衰微矣。 諱云鹿觸殺之。居歲餘,去病死。[馬]而敢有女爲太子中人,愛幸,敢男禹有寵於太子,然好 從驃騎將軍。廣死明年,李蔡以丞相坐侵孝景園壖地,〔三〕當下吏治,蔡亦自殺,不對獄,國 居無何,敢從上瘫,「即」至甘泉官獵。驃騎將軍去病與青有親,射殺敢。去病時方貴幸,上 天子以爲勇。當户早死,拜椒爲代郡太守,皆先廣死。當户有遺腹子名陵。廣死軍時,敢 二百户,代<u>廣</u>爲郎中令。頃之,怨大將軍**青之恨其父,[m]乃擊傷大將軍,大將軍**匿諱之。 廣子三人,曰當户、椒、敢,爲郎。天子與韓嫣〔〕戲,嫣少不遜,當户擊嫣,嫣走。 於是

[一] 索隱]或音偃,又音許乾反。

[二] 索陽] 場音人絹反,又音乃段反,又音而宣反。 案: 壖地,神道之地也。 黄圖云「陽陵 闕門西出,神道四通。 茂

陵神道廣四十三丈」也。 [正義] 漢書云:「韶賜冢地陽陵,當得二十畝,蔡盗取三頃,頗寶得四十餘萬,又盗取

神道外壖地一畝、葬其中。當下獄、自殺。」

[三][索隱]小顏云:「令其父恨而死。」

[四] | 索隱] 劉氏音尚。大顔云「雍地形高,故云上」。

「五」集解]徐廣日:「元狩六年。」

楚人五千人,教射酒泉、張掖以屯衞胡。 嘗深人匈奴二千餘里,過居延仁〕視地形,無所見虜而還。拜爲騎都尉,將丹陽 李陵既壯,選爲建章監,監諸騎。善射,愛士卒。天子以爲李氏世將,而使將八百

【一][樂解]徐廣曰:「屬張掖。」 爲流沙』。甘州在京西北二千四百六十里。」 [正義] 括地志云:「居延海在甘州張掖縣 東北六十四里。 地理志云『居延澤古文以

亦萬餘人。且引且戰,連鬭八日,還未到居延百餘里,匈奴遮狹絶道,陵食乏而救兵不 期還,而單于以兵八萬圍擊陵軍。陵軍五千人,兵矢既盡,士死者過半,而所殺傷匈奴 陵將其射士步兵五千人出居延北可千餘里,欲以分匈奴兵,毋令專走貳師也。 數歲,天漢二年秋,貳師將軍李廣利將三萬騎擊匈奴右賢王於祁連天山,「一」而使 陵既至

到, 虜急擊招降陵。 陵曰:「無面目報陛下。」遂降匈奴。 其兵盡没,餘亡散得歸漢者

四百餘人。

[一][集解]徐廣曰:出燉煌至天山。] 縣北百二十里。伊州在京西北四千四百一十六里。」 奴謂之天山也」。 [正義] 括地志云:「祁連山在甘州張掖縣西南二百里。天山一名白山,今名初羅漫山,在伊吾 [索隱] 案:晉灼云「在西域,近濟類海」。又西河舊事云「白山冬夏有雪,匈

自是之後,李氏名敗,而隴西之士居門下者皆用爲恥焉。 單于既得陵,素聞其家聲,及戰又壯,乃以其女妻陵而貴之。 漢聞, 族陵母妻子。

信於士大夫也?諺曰「桃李不言、下自成蹊」。〔二〕此言雖小,可以諭大也。 李將軍馂俊气立如鄙人,口不能道辭。及死之日,天下知與不知,皆爲盡哀。 太史公曰:[傳曰「其身正,不令而行,其身不正,雖令不從」。其字將軍之謂也。余睹 彼其忠實心誠

[一] 索隱] 音七旬反。漢書作「恂恂」,音詢。

[二] [索隱] 案:姚氏云「桃李本不能言,但以華實感物,故人不期而往,其下自成蹊徑也。 以喻廣雖不能出辭,能有

所感,而忠心信物故也」。

惜哉名將,天下無雙! 【索隱述贊】猨臂善射,實負其能。 解鞍卻敵,圓陣摧鋒。 邊郡屢守,大軍再從。 失道見斥,數奇不封。

史記卷一百十

匈奴列傳第五十

司馬、汲鄭不合在後也。 [正義] 此卷或有本次平津侯後,第五十二。今第五十者,先生舊本如此,劉伯莊音亦然。 若先諸傳而次四夷,則

弟死,皆取其妻妻之。其俗有名不諱,而無姓字。[15] 肉,衣其皮革,被旃裘。壯者食肥美,老者食其餘。貴壯健,賤老弱。父死,妻其後母,兄 兵則刀鋋。〔三利則進,不利則退,不羞遁走。 苟利所在,不知禮義。 自君王以下, 咸食畜 其俗,寬則隨畜,因射獵禽獸爲生業,急則人習戰攻以侵伐,其天性也。其長兵則弓矢,短 約束。兒能騎羊,引弓射鳥鼠;少長5103則射狐兔:用爲食。士力能毌弓,553盡爲甲騎。 駼、[+]驒騱。[<,]逐水草遷徙,毋城郭常處耕田之業,然亦各有分地。[<,]毋文書,以言語爲 北蠻,隨畜牧而轉移。其畜之所多則馬、牛、羊,其奇畜則橐馳、「毘」驢、贏、「馬」駃騠、「K」駒 匈奴,其先祖夏后氏之苗裔也,曰淳維。〔□唐虞以上有山戎、〔□〕獫狁、葷粥,〔▮〕居于

别名」。 彻風俗通云「殷時日獯粥,改日匈奴」。又服虔云「堯時日葷粥,周日獫狁,秦日匈奴」。韋昭云「漢日匈奴、葷粥其 鳴條,三年而死。其子獯粥妻樂之衆妾,避居北野,隨畜移徙,中國謂之匈奴」。其言夏后苗裔,或當然也。 [集解]漢書音義曰:「匈奴始祖名。」 則淳維是其始祖、蓋與獯粥是一也。 [索隱] 張晏日「淳維以殷時奔北邊」。又樂產括地譜云「夏桀無道,湯放之 故應

子國」。][正義]左傳莊三十年「齊人伐山戎」,杜預云「山戎、 北戎、 無終三名也」。括地志云「幽州漁陽縣,本北戎無終

[1] 樂解] 晉灼云:「堯時日葷粥,周日獫狁,秦日匈奴。」

四] 索隱 橐他。 韋昭曰:「背肉似橐,故云橐也。」包愷音託。 他,或作「馳」。 正義。畜,許又反。

[六][集解]徐廣曰:「北狄駿馬。」 [索隱] 説文云「駃騠,馬父嬴子也」。[玉][索隱] 案:古今注云「驢牡馬牝,生嬴」。 [正義] 嬴音力戈反。

廣異志音決蹄也。發蒙記「刳其母腹而生」。

列女傳云「生七日超其母」。 案: 青色,音淘塗」。 又字林 云野馬。 山海經云

中〕 集解 徐廣日:「似馬而青。」 「北海有獸,其狀如馬,其名騊駼」也。 索隱 郭璞注爾雅云「駒駼馬,

△□(集解)徐廣日:「音頭。巨虚之屬。」 驪白鱗,文如鼈魚。鄒誕生本「奚」字作「騱」。 索隱、驒奚。韋昭驒音顛。 説文「野馬屬」。 徐廣云「巨虚之類」。 一云青

[九] 索隱] 上音扶糞反。

[10] [索隱] 上音式紹反,下音陟兩反。 少長謂年稍長。

[二] 索屬 上音彎,如字亦通也。

集解 韋昭曰:「鋋形似矛,鐵柄。 音時年反。」 [索隱]音蟬。娛蒼云「鋋,小矛鐵矜」。 古今字話云「穫, 通作

| 矜宣

[一] [樂解] 漢書曰:『單于姓學鞮氏。』 索隱一學音六緣反。 **鞮音丁啼反**。

邑,伐周襄王,襄王奔于鄭之氾邑。自己初,周襄王欲伐鄭,故娶戎狄女爲后,與戎狄兵共伐 後,荒服不至。於是周遂作甫刑之辟。穆王之後二百有餘年,周幽王用寵姬襃姒之故,與 氏。「鬥後十有餘年,武王伐紂而營雄邑,復居于酆鄗,放逐戎夷涇、洛之北,「鬥以時人貢, 岐,始列爲諸侯。[10]是後六十有五年,而山戎[1]越|燕而伐齊,齊釐公與戰于齊郊。 其後四 渭之閒,侵暴中國。<u>秦襄公救周,於是周平王去酆鄗而東徙</u>雒邑。 當是之時,秦襄公伐戎至 申侯有卻。「引申侯怒而與犬戎共攻殺周幽王于驪山之下,「八」遂取周之焦穫,「引而居于涇 十四年,而山戎伐燕。燕告急于齊,齊桓公北伐山戎,山戎走。其後二十有餘年,而戎狄至洛 命曰「荒服」。其後二百有餘年,周道衰,〔к〕而穆王伐犬戎,得四白狼四白鹿以歸。自是之 已而黜狄后,狄后怨,而襄王後母曰惠后,有子子帶,欲立之,於是惠后與狄后、子帶爲 夏道衰,而公劉失其稷官、门變于西戎,邑于豳。其後三百有餘歲, 戎狄攻大王亶

匈奴列傅第五十

至於衞,侵盜暴虐中國。 内應、開戎狄、戎狄以故得人、破逐周襄王、而立子帶爲天子。於是戎狄或居于陸渾、三三東 乃興師伐逐戎翟,誅子帶,迎内周襄王,居于雒邑。 「出輿彭彭,城彼朔方」。「三周襄王既居外四年,乃使使告急于晉。 中國疾之,故詩人歌之曰「戎狄是應」,「薄伐獫狁,至於大原」、「國 晉文公初立,欲修霸業,

[一] 集解] 徐廣日:「后稷之曾孫。」 [正義] 周本紀云「不留失其官」。此云公劉,未詳也。

〔三〕集解]徐廣曰:「公劉九世孫。」

[三][索隱]按:謂始作周國也。

犬夷」。 [索隱] 韋昭云:「春秋以爲犬戎。」按:畎音犬。大顔云「卽昆夷也」。 山海經云「黄帝生苗龍,苗龍生融吾,融吾 生弄明,弄明生白犬。白犬有一牡,是爲犬戎」。 賈逵云「犬夷,戎之别種也」。 説文云「赤狄本犬種,字從犬」。又山海經云「有人面獸身,名曰

[六][索隱]案:周紀云「懿王時,王室衰,詩人作怨刺之詩」,不能復雅也。

[4][正義]故申城在鄧州南陽縣北三十里,周宣王舅所封。

[八] 集解 韋昭曰:「戎後來居此山,故號曰驪戎。」

正義 括地志云:「焦穫亦名刳口,亦曰刳中、在雍州涇陽縣城北十數里。 周有焦穫也。」

正義一今岐州。 高誘云「秦襄公救周有功,受周故地酆鄗,列爲諸侯」也

- [11] ||索隱||服虔云:「山戎蓋今鮮卑。」按:胡廣云「鮮卑,東胡别種」。又應奉云「秦築長城,徒役之士亡出塞外,依鮮 卑山,因以爲號」。
- [三] [索隱] 蘇林氾音凡。今潁川襄城是。按:春秋地名云「氾邑,襄王所居,故云襄城」也。
- (二三)集解)徐廣曰:「一爲『陸邑』。」 晉之閒,二國誘而徙之伊川,遂從戎號,今陸渾縣」是也。 [索隱] 春秋左氏[秦晉遷陸渾之戎于伊川」。杜預以爲「允姓之戎居陸潭,在秦
- [四] 集解] 毛詩傳曰:「言逐出之而已。」
- □ □ [樂解] 毛詩傳日:「彭彭,四馬貌。 朔方,北方。」 [正義] 檢狁既去,北方安静,乃築城守之。

翟。〔『〕秦穆公得由余,西戎八國服於秦,故自隴以西有縣諸、〔『〕縄戎、〔『〕翟、豲之戎、〔《〕 之戎、行三燕北有東胡、山戎。行三各分散居谿谷,自有君長,往往而聚者百有餘戎,然莫能 岐、梁山、涇、漆之北有義渠、「も〕大荔、「こ」鳥氏、「も〕胸衍之戎。「10〕而晉北有林胡、「二]樓煩 當是之時,秦晉爲彊國。晉文公攘戎翟,居于河西圖、洛之閒、口號曰赤翟、口山白

相一。

樂解徐廣日:「圍在西河、音銀。 康,秦置三十六郡。」洛,**漆**沮也。 云:「白土故城在鹽州白池東北三百九十里。」又云:「近延州、綏州、銀州、本春秋時白狄所居,七國屬魏,後入 園水出上郡白土縣西,東流入河。 洛在上郡、馮翊閒。」 幸昭云「園當爲『園』」。續郡國志及太康地志並作「園」字也。 [索隱] 西河圓、洛。晉灼音囂。[三蒼作「圜」。地理志云 正義括地志

- 〔二〕|索隱|案: 左氏傳云「晉師滅赤狄潞氏」。杜氏以「潞,赤狄之别種也,今上黨潞縣」。又春秋地名云「今日赤涉
- [三][索隱]左氏「晉師敗狄于箕、卻缺獲白狄子」。杜氏以爲「白狄之别種、故西河郡有白部胡」。又國語云「桓公西 潞之閒號赤狄」,未詳。 征,攘白狄之地,遂至于西河」也。 [正義] 括地志云:「潞州本赤狄地。 延、銀、 綏三州白翟地。」按:文言「圊
- [四][索隱] 地理志天水有縣諸道。 [正義] 抚地志云:「縣諸城,秦州秦嶺縣北五十六里。 漢縣諸道,屬天水郡。」
- [三][正義]上音昆。字當作「混」。 顏師古云:「混夷也。」章昭云:「春秋以爲犬戎。」
- () 集解 豲道故城在渭州襄武縣東南三十七里。古之獅戎邑。 |徐廣日:「在天水。 豲音丸。」 索隱地理志天水豲道。 漢豲道,屬天水郡。」 應劭以 7 須 戎 邑。 音桓」。 正義
- [4] [索隱] 章昭云:「義渠本西戎國,有王,秦滅之。今在北地郡。」 城,時爲義渠戎國,秦爲北地郡也。」 正義 括地志云:「寧州、慶州、西戎、即劉拘邑
- 「八」集解 云臨晉故大荔國也。 徐廣曰:「後更名臨晉,在馮翊。」 [正義] 括地志云:「同州馮翊縣及朝邑縣,本漢臨晉縣地,古大荔戎國。 [索隱] 按:秦本紀厲共公伐大荔,取其王城,後更名臨晉。 今朝邑縣東三十 故地理志
- 「九」集解 徐廣日:「在安定。」 秦惠王取之,置烏氏縣也。」 [正義]氏音支。括地志云:「鳥氏故城在涇州安定縣東三十里。周之故地,後人戎,

步故王城,即大荔王城。」荔,力計反。

[10] 集解 徐廣日:在北地。 朐音詡。」 [索隱] 案:地理志朐衍,縣名,在北地。 徐廣音翻。 鄭氏音吁。 正義

括地志云:「鹽州,古戎狄居之,即胸衔戎之地,秦北地郡也。」

「二」「索隠 如淳云、「林胡即儋林、爲李牧所滅也。」 正義」括地志云:「朔州, 春秋時北地也。 如淳云卽澹林也,

爲李牧滅。」

索隱」地理志樓煩,縣名,屬鴈門。應劭云「故樓煩胡地」。 [正義] 括地志云:「嵐州,樓煩胡地也。風俗通云故

樓煩胡地也。

[集解] 漢書音義曰:「鳥丸,或云鮮卑。」 [索隱] 服虔云:「東胡,烏丸之先,後爲鮮卑。在匈奴東,故曰東胡。」案:

續漢書日「漢初,匈奴冒頓滅其國,餘類保鳥桓山,以爲號。 俗隨水草,居無常處。 以父之名字爲姓。 父子男女

悉髡頭爲輕便也」。

以拒胡。 河西、上郡,以與戎界邊。其後義渠之戎築城郭以自守,而秦稍蠶食,至於惠王,遂拔義渠 下,至高闕爲塞。[+〕而置雲中、鴈門、代郡。 而 二十五城。 破并代以臨胡絡。「三其後既與韓魏共滅智伯,分晉地而有之,則趙有代、何注之北,魏有 宣太后詐而殺義渠戎王於甘泉,遂起兵伐殘義渠。於是秦有隴西、北地、上郡,築長城 自是之後百有餘年,晉悼公使魏絳和戎翟,戎翟朝晉。 而趙武靈王亦變俗胡服,習騎射,北破林胡、樓煩。築長城、「『」自代並「『」陰山「《〕 惠王擊魏,魏盡入西河及上郡于秦。秦昭王時,義渠戎王與宣太后「『〕亂,有一 其後燕有賢將秦開,爲質於胡, 後百有餘年,趙襄子踰句注「一」 胡甚信之。 歸

図

萬之衆北擊胡,悉收河南地。 陽「八」至襄平。「八」置上谷、漁陽、右北平、遼西、遼東郡以拒胡。 而襲破走東胡, 直道,行司自九原至雲陽,行司因邊山險壍谿谷可繕者治之,起臨洮至遼東萬餘里。行司又度 三國邊於匈奴。[10]其後趙將李牧時,匈奴不敢入趙邊。 東胡卻千餘里。 因河爲塞,自己築四十四縣城臨河, 與荆軻刺秦王秦舞陽者,開之孫也。 後秦滅六國,而始皇帝使蒙恬將十 當是之時, 徙適口三成以充之。 燕亦築長城, 冠帶戰國七,而 自造 而通

集解]音鉤,山名,在鴈門。 |索隱||服虔云:「句音拘。」韋昭云:「山名,在陰館。」

河據陽山北假中。二六

〔三〕[索隱]案:絡卽濊也。音亡格反。

(三)[樂解]昭王母也。 [索隱] 服虔云「昭王之母」也。

. 29 _ 正義 西無極、蓋趙武靈王所築也。」 |括地志云:「趙武靈王長城在朔州善陽縣北。 案冰經云白道長城北山上有長垣,若穨毁焉,沿谿亙嶺,東

【五】[集解] 音傍,白浪反。

[索隱]徐廣云:「五原西安陽縣北有陰山。 陰山在朔州北塞外突厥界。」 陰山在河南,陽山〔在河〕北。 並音傍,白浪反。」 正義 括地志云:

集解 徐廣日:「在朔方。」 正義 | 她理志云朔方臨戎縣北有連山,險於長城,其山中斷,兩峯俱峻,土俗名爲高

闕也。

[八] 樂解] 韋昭曰:「地名,在上谷。」 [正義] 按:上谷郡今嬀州。

[10] 索隱 案:三國,燕、趙、秦也。

[二] [索隱] 案:太康地記「秦塞自五原北九百里,謂之造陽。 東行終利賁山南,漢陽西也」。 漢,一作「漁」。

[三] 集解] 音丁革反。 [索隱] 丁革反。

[一三] [索隱] 蘇林云:「去長安八千里,正南北相直道也。」

[12] [索隱] 韋昭云:「九原,縣名,屬五原也。」 [正義] 括地志云:「勝州連谷縣,本秦九原郡,漢武帝更名五原。雲陽 雍縣,秦之林光宫,即漢之甘泉宫在焉。」又云:「秦故道在慶州華池縣 西四十五里子午山上。 自九原至雲陽,千

八百里。」

一里,延袤萬餘里,東人遼水。」

[三] 索隱] 韋昭云:「臨洮、隴西縣。」 [正義] 括地志云:「秦隴西郡臨洮縣,即今岷州城。本秦長城首,起岷州西十

[| 六] [集 | 解 | 北 | 根 | 北 | 大 | 大 | 正 | 以 | 田 | 限 | 與 貧 人 , 故 云 北 假 。 假,地名。」又按:漢書元紀云「北假,田官」。蘇林以爲北方田官也。主以田假與貧人,故曰北假也。 括地志云:「漢五原郡河目縣故城在北假中。北假,地名也,在河北,今屬滕州銀城縣。 |索隱||應劭云:「北假在北地陽山北。」韋昭云:「北 漢書王莽傳云『五原北 正義

而蒙恬死,諸侯畔康,中國擾亂,諸康所徙適戍邊者皆復去,於是匈奴得寬, 當是之時,東胡彊而月氏盛。「一」匈奴單于「一」曰頭曼,「一」頭曼不勝秦, 北徙。 復稍度河南與 十餘年

假,膏壤殖穀』也。」

中國界於故塞。

[一][正義]氏音支。括地志云:「凉、甘、庸、延、沙等州地、本月氏國。」

三][集解]漢書音義曰:「單于者,廣大之貌,言其象天單于然。」 [索隱]案:漢書「單于姓學鞮氏,其國稱之曰『蓀 玄晏春秋云「士安讀漢書,不詳此言,有胡奴在側,言之曰:『此胡所謂天子。』與古書所説符會也」。 黎孤塗單于』。而匈奴謂天爲『橖黎』,謂子爲『孤塗』,單于者,廣大之貌也。言其象天,故曰摈黎孤塗單于」。又

[三][集解] 韋昭曰:「音瞞。」 [索隱] 音莫官反。韋昭音瞞。

後母與弟及大臣不聽從者。 可用。 **噸又復斬之。居頃之,冒頓出獵,以鳴鏑射單于善馬,左右皆射之。於是冒頓知其左右皆** 不敢射者,冒頓立斬不射善馬者。 者,斬之。」行獵鳥獸,有不射鳴鏑所射者,輒斬之。已而冒頓以鳴鏑自射其善馬,左右或 歸。 | 頓質於月氏。 頭曼以爲壯,令將萬騎。冒頓乃作爲鳴鏑,〔三習勒其騎射,令曰:「鳴鏑所射而不悉射 單于有太子名冒頓。「己後有所愛閼氏,「己生少子,而單于欲廢冒頓而立少子,乃使冒 從其父單于頭曼獵,以鳴鏑射頭曼,其左右亦皆隨鳴鏑而射殺單于頭曼,遂盡誅其 冒頓既質於月氏,而頭曼急擊月氏。月氏欲殺冒頓,冒頓盗其善馬,騎之亡 冒頓自立爲單于。 居頃之,復以鳴鏑自射其愛妻,左右或頗恐,不敢射,冒

[□][索隱]冒音墨,又如字。

索隱一舊音於連、於曷反二音。 花染緋黄,接取其上英鮮者作烟肢,婦人將用爲顔色。吾少時再三過見烟肢,今日始視紅藍,後當爲足下致其 匈奴皇后號也。習鑿齒與燕王書曰:「山下有紅藍,足下先知不?北方人採取其

[樂解] 漢書音義曰:「鏑,箭也,如今鳴箭也。」韋昭曰:「矢鏑飛則鳴。」 ||索隱||應劭云:「髐箭也。」韋昭云:「矢

匈奴名妻作『閼支』,言其可愛如烟肢也。閼音煙。想足下先亦不作此讀漢書也。」

種。

鏑飛則鳴。」

子乎? 乎? 者,國之本也,奈何予之!」諸言予之者,皆斬之。冒頓上馬,令國中有後者斬,遂東襲擊 吾欲有之。」冒頓問羣臣,羣臣或曰:「此弃地,予之亦可,勿予亦可。」於是冒頓大怒曰:「地 順復問左右,左右皆怒曰:「東胡無道,乃求閼氏!請擊之。」冒頓曰:「柰何與人鄰國愛一女 冒頓問羣臣,羣臣皆曰:「千里馬,匈奴寶馬也,勿與。」冒頓曰:「柰何與人鄰國而愛一馬 里,各居其邊爲甌脱。至三東胡使使謂冒頓曰:「匈奴所與我界甌脱外弃地,匈奴非能至也, 」遂與之千里馬。居頃之,東胡以爲冒頓畏之,乃使使謂冒頓,欲得單于一閼氏。 冒頓既立、「一」是時東胡彊盛,聞冒頓殺父自立,乃使使謂冒頓,欲得頭曼時有千里馬。 」遂取所愛閼氏予東胡。 東胡初輕冒頓,不爲備。及冒頓以兵至,擊,大破滅東胡王,而虜其民人及畜産。既 東胡王愈益驕,西侵。與匈奴閒,中有弃地,莫居,千餘

匈

二八九〇

關故河南塞,至朝邢、膚施、、『〕遂侵燕、代。 歸,西擊走月氏,南并樓煩、白羊河南王。〔『〕(侵燕代)悉復收秦所使蒙恬所奪匈奴地者,與漢 頓得自彊、控弦之士三十餘萬。 是時漢兵與項羽相距,中國罷於兵革, 以故冒

[一]集解]徐廣曰:「秦二世元年壬辰歲立。」

下云「生得甌脱王」。韋昭云「界上屯守處也」。甌音一侯反。脱音徒活反。 韋昭曰:「界上屯守處。」 索隱 服虔云「作土室以伺漢人」。又纂文曰「甌脱、土穴也」。又云是地名、故 [正義] 按:境上斥候之室爲甌脱

·也。

[三] | 索隱| 如淳云:「白羊王居河南。」

29 W 集解 今延州膚施縣是。 徐廣日:「在上郡。」 正義 漢朝那故城在原州百泉縣西七十里,屬安定郡。 膚施、縣、〔因〕秦(因)不改,

自淳維以至頭曼千有餘歲,時大時小,别散分離,尚矣,其世傳不可得而次云。

順而 數千,凡二十四長,立號曰「萬騎」。 奴謂賢曰「屠耆」、「『」故常以太子爲左屠耆王。 匈奴最彊大、盡服從北夷,而南與中國爲敵國,其世傳國官號乃可得而記云。 置左右賢王,左右谷蠡王,自己左右大將,左右大都尉,左右大當户,左右骨都侯。自己匈 諸大臣皆世官。 自如左右賢王以下至當户,大者萬騎,小者 呼衍氏,蘭氏,「四」其後有須卜氏,「馬」

長、什長、[10]裨小王、相封、[1]都、尉當户、且渠之屬。[1] 方,直上郡 [+]以西,接月氏、氐、羌、〔<〕而單于之庭直代、雲中、〔<、〕各有分地,逐水草移 此三姓其貴種也。諸左方王將居東方,直上谷「尽」以往者,東接穢貉、朝鮮, 而左右賢王、左右谷蠡王最爲大(國),左右骨都侯輔政。 諸二十四長亦各自置千長、百 右方王將居西

集解 服虔曰:「谷音鹿。 蠡音離。」 索隱服虔音鹿離。 蠡,又音黎。

集解 骨都,異姓大臣。 索隱」按:後漢書云「骨都侯,異姓大臣」。

(三)集解 徐廣日:「屠,一作『諸』。」

正義 集解 呼衍氏、須卜氏常與單于婚姻。 顔師古云:「呼術,即今鮮卑姓呼延者也。 須卜氏主獄訟。 蘭姓今亦有之。」 [索隱] 按:後漢書云「呼衍氏、須卜氏常與單于婚姻。

[正義] 上谷郡,今媽州也。 言匈奴東方南出,直當媽

[正義]後漢書云:「呼衍氏、須卜氏常與單于婚姻。」

州也

須卜氏主獄訟」也。

「も」正義 上郡故城在涇州上縣東南五十里。言匈奴西方南直當綏州也。

[八] | 索隱] 西接氐、羌。案:風俗通云「二氐,本西南夷種。 其種人,分竄山谷,或號青氐,或號白氐」。 纂文云「氐亦羊稱」。説文云「羌,西方牧羊人」。續漢書云「羌,三苗 地理志武都有白馬氐」。又魚豢魏略云「漢置武都郡,排

奴 列 傅 五 +

姜姓之别,舜徙于三危,今河關之西南羌是也」。

[元] [索隱] 案:謂匈奴所都處爲「庭」。樂産云「單于無城郭,不知何以國之。穹廬前地若庭,故云庭」。 城,北狄代國,秦漢代縣城也,在蔚州羌胡縣北百五十里。雲中故城,趙雲中城,秦雲中郡,在勝州榆林縣東北四 正義代郡

[10] [索隱] 案:續漢書(郡國) [百官]志云「里有魁,人有什伍。 里魁主一里百家,什主十家,伍長五家,以相檢察」。

_ 故賈誼過泰論以爲「俛起什百之中」是也。

十里。言匈奴之南直當代、雲中也。

[二] 集解] 徐廣曰:「一作『將』。」

[三][正義]且,子餘反。 顏節古云:「今之沮渠姓,蓋本因此官。」

左而 敵則逐利,如鳥之集,其困敗,則瓦解雲散矣。 多至數千百人。[甘〕舉事而候星月,月盛壯則攻戰,月虧則退兵。 死。 會蹛林、「三課校人畜「『」計。其法,拔刃尺者死,坐盗者没人其家,有罪小者軋、「『」 而所得鹵獲因以予之,得人以爲奴婢。故其戰,人人自爲趣利, 獄久者不過十日,一國之囚不過數人。而單于朝出營,拜日之始生,夕拜月。其坐,長 北鄉。「馬」日上戊己。其送死,有棺槨金銀衣裘,而無封樹喪服,「宀」近幸臣妾從死者, 歲正月,諸長小會單于庭,祠。五月,大會蘢城,〔一〕祭其先、天地、鬼神。秋,馬肥,大 戰而扶輿死者、盡得死者家財。 其攻戰,斬首虜賜一巵酒, 善爲誘兵以冒敵。故其見

索隱 漢書作「龍城」,亦作「龍」字。 崔浩云「西方胡皆事龍神,故名大會處爲龍城」。後漢書云「匈奴俗,歲有三

龍祠,祭天神」。

[三] <u>集解</u> 漢書音義曰:「匈奴秋社八月中皆會祭處。 蹛音帶。」 李牧傳「大破匈奴、滅襜襤」,此字與韋昭音頗同、然林襤聲相近、或以「林」爲「襤」也。 者,適林木而祭也。.鮮卑之俗,自古相傳,秋祭無林木者,尚堅柳枝,衆騎馳邁三周乃止,此其遺法也。」 處。」鄭氏云:「地名也。」晉灼云「李陵與蘇武書云『相競趨歸林』」, 索隱服虔云:「音帶。 則服虔説是也。又韋昭音多藍反。 匈奴秋社八月中皆會祭 正義」顔師古云:「蹛 姚氏案:

[三] 正義 許又反。

四][集解] 漢書音義曰:「刃刻其面。」 也。」三漢云:「軋、輾也。」説文云:「輾、轢也。」 [索隱] 服虔云:「刀割面也,音鳥八反。」 鄧展云:「歷也。」 如淳云:「過,挟 [正義] 顔師古云:「軋者謂輾轢其骨節,若今之厭踝者也。」

[三][正義] 其座北向,長者在左,以左爲尊也。

(人) (樂解) 張華日:「匈奴名冢曰逗落。」

[ヤ][正義]漢書作「數十百人」。 顔師古云:「或數十人,或百人。」

後北服渾庾、屈射、「丁零、「丁鬲昆、蘇犂之國。「丁」於是匈奴貴人大臣皆服,以冒頓

單于爲賢。

[一] 索隱國名。射音亦,又音石。

[三] [索隱] 按:魏略云「丁零在康居北,去匈奴庭接習水七千里」。又云「匈奴北有渾窳國」。

一正義已上五國在匈奴北。

利期, 信,因引兵南踰句注,攻太原,至晉陽下。高帝自將兵往擊之。會冬大寒雨雪,卒之墮指者 今得漢地,而單于終非能居之也。且漢王亦有神,單于察之。」冒頓與韓王信之將王黄、趙 多步兵,三十二萬,北逐之。高帝先至平城,「」步兵未盡到,冒頓縱精兵四十萬騎圍高帝 十二三,於是冒頓詳敗走,誘漢兵。漢兵逐擊冒頓,冒頓匿其精兵,見其羸弱,於是漢悉兵, 持滿傳「太」矢外鄉,從解角直出,竟與大軍合,而冒頓遂引兵而去。漢亦引兵而罷,使劉敬 盡烏驪馬、「『」南方盡騂馬。「『」高帝乃使使閒厚遺閼氏,閼氏乃謂冒頓曰:「兩主不相困。 於白登、「三」七日,漢兵中外不得相救餉。匈奴騎,其西方盡白馬,東方盡青駹馬,「三」北方 結和親之約。 是時漢初定中國,徙韓王信於代,都馬邑。匈奴大攻圍馬邑,韓王信降匈奴。匈奴得 而黄、利兵又不來,疑其與漢有謀,亦取閼氏之言,乃解圍之一角。於是高帝令士皆

[一] 樂解 徐廣曰:「在鴈門。」

[三][正義]白登臺在白登山上,朔州定襄縣東三十里。定襄縣,漢平城縣也。

三] |索隱] 駹音武江反。案:青駹馬,色青。 [正義] 鄭玄云:「駹,不純也。」説文云:「駹,面顙皆白。」 爾雅云黑

馬面白也。

四][索陽] 説文云:「驪,黑色。」

[五]|索隱]案:詩傳云「赤黄日騂」。

「八」索隱 音附

降,故冒頓常往來侵盗代地。 韓信合謀擊代。漢使樊噲往擊之,復拔代、鴈門、雲中郡縣,不出塞。是時匈奴以漢將衆往 降匈奴,往來苦上谷以東。 匈奴絮繒酒米食物各有數,約爲昆弟以和親,冒頓乃少止。 是後韓王信爲匈奴將,及趙利、王黄等數倍約,侵盜代、雲中。 於是漢患之,高帝乃使劉敬奉宗室女公主爲單于閼氏,歲奉 後燕王盧綰反,率其黨數千人 居無幾何,陳豨反,又與

之,〔〕諸將曰:「以高帝賢武,然尚困於平城。」於是高后乃止,〔三〕復與匈奴和親 高祖崩,孝惠、吕太后時,漢初定,故匈奴以驕。 冒頓乃爲書遺高后,妄言。 高后欲擊

【一】[索隱] 案:漢書云「高后時,冒頓沒驕,乃使使遗高后書曰:『孤僨之君,生於沮澤之中,長於平野牛馬之域,數至 邊境,願遊中國。陛下獨立,孤僨獨居,兩主不樂,無以自娱,願以所有,易其所無。』高后怒,欲擊之」。

三][索隱] 案漢書,季布諫,高后乃止。

蠻夷,殺略人民。 走出塞。 至孝文帝初立,復修和親之事。其三年五月,匈奴右賢王入居河南地, 文帝幸太原。 於是孝文帝詔丞相灌嬰發車騎八萬五千,詣高奴、二學右賢王。 是時濟北王反,文帝歸,罷丞相擊胡之兵。 侵盗上郡葆塞 右賢王

囪

[一][正義] 延州城本漢高奴縣舊都。

勝,不可擊。且得匈奴地,澤鹵、「八」非可居也。 之。」以六月中來至薪望之地。「艹」書至,漢議擊與和親孰便。 獻橐他一匹,騎馬二匹,駕二駟。[к]皇帝卽不欲匈奴近塞,則且詔吏民遠舍。使者至,卽遣 使少者得成其長,老者安其處,世世平樂。未得皇帝之志也,故使郎中係雩淺奉書[四]請, 弓之民,并爲一家。北州已定,願寢兵休士卒養馬,除前事,復故約,以安邊民,以應始古, 滅月氏,盡斬殺降下之。定樓蘭、「三鳥孫、呼揭「三」及其旁二十六國,皆以爲匈奴。「四」諸引 附。今以小吏之敗約故,罰右賢王,使之西求月氏擊之。以天之福,吏卒良,馬彊力,以夷 之約,離兄弟之親。皇帝讓書再至,發使以書報,不來,漢使不至,漢以其故不和, 意,合歡。漢邊吏侵侮右賢王,右賢王不請,聽後義盧侯難氏「」等計,與漢吏相距,絕二主 其明年,單于遺漢書曰:「天所立匈奴大單于敬問皇帝無恙。 和親甚便。」漢許之。 公卿皆曰:「單于新破月氏,乘 前時皇帝言和親事,稱書 鄰國

[二]集解]徐廣曰:「音支。」 索隱] 匈奴將名也。氏音支。

「三」集解 徐廣曰:「一云『樓湟』。」 [正義] 漢書云鄯善國名樓蘭,去長安一千六百里也。

(三) 集解]音桀。 |索隱||音傑,又音丘列反。 [正義] 揭音桀,又其例反。二國皆在瓜州西北。 鳥孫,戰國時居

[四] 索隱 案:謂皆人匈奴一國。

[五][集解] 雩音火胡反。 [索隱] 係,胡計反。雩,火胡反。

[六][正義] 顔師古云:「駕,可駕車也。二駟,八匹馬也。」

「七」集解 漢書音義日:「塞下地名。」 索隱望薪之地。 服虔云:「漢界上塞下地名,今匈奴使至於此也。」

「八」正義上音易。

于勿深誅。 奴約爲兄弟,所以遺單于甚厚。倍約離兄弟之親者,常在匈奴。 安邊民,使少者得成其長,老者安其處,世世平樂。』朕甚嘉之,此古聖主之意也。 今以小吏敗約,故罰右賢王使西擊月氏,盡定之。願寢兵休士卒養馬,除前事,復故約,以 遺單于。」 國 曰:『右賢王不請,聽後義盧侯難氏等計,絕二主之約,離兄弟之親,漢以故不和 一、「『」黄金胥紕一、「『」繡十匹、錦三十匹、赤綈、「ゟ」緑繒各四十匹、使中大夫慮、謁者令肩 [有功,甚苦兵事。 服繡袷綺衣、[一]繡袷長襦、[三]錦袷袍各一,比余一,[『三] 黄金飾具帶 孝文皇帝前六年,漢遺匈奴書曰「皇帝敬問匈奴大單于無恙。使郎中係雩淺遺朕書 單于若稱書意,明告諸吏,使無負約,有信,敬如單于書。使者言單于自將伐 然右賢王事已在赦前, ,鄰國不附。 漢 與匈

索隱 案:小顔 云「服者,天子所服也,以繡爲表,綺爲裏」。 以賜冒頓。 字林云「袷衣無絮也。

匈奴

[二] 集解 徐廣日:「一本無『袷』字。」

[三] (集解) 徐廣曰:「或作『疏比』也。」 <u>廣雅云「比,櫛也」。 蒼頡篇云「靡者爲比,麄者爲梳」。按蘇林説,今亦謂之「梳比」,或亦帶飾者也。</u> [索隱] 案: 漢書作「比疎一」。比音鼻。小顔云「辮髮之飾也,以金爲之」。

[四][集解]漢書音義曰:「要中大帶。」 [索隱] 按:謂要中大帶。

五][樂解]徐廣日:「或作『犀毗』,而無『一』字。」 [索隱] 漢書見作「犀毗」,或無下「一」字。 此作「胥」者,犀聲相近, 頭帶」是也。 云「胡革帶鉤也」。則此帶鉤亦名「師比」,則「胥」「犀」與「師」並相近,而説各異耳。班固與竇憲牋云「賜犀比金 或誤。張晏云「鮮卑郭落帶,瑞獸名也,東胡好服之」。按:戰國策云「趙武靈王賜周紹具帶黄金師比」。 延篤

〔六〕[正義] 音啼。 [索隱] 案:說文云「綈,厚繒也」。

後頃之,冒頓死,子稽粥立,八二號曰老上單于。

[一] 索隱] 稽音雞。粥音育。

傳公主。 説不欲行,漢彊使之。 説曰:「必我行也,爲漢患者。」 中行説既至,因降單于,單 老上稽粥單于初立,行己孝文皇帝復遣宗室女公主爲單于閼氏,使宦者燕人中行説行己

【二】(集解)徐廣曰:「一云『稽粥第二單于』,自後皆以弟别之。」

于甚親幸之。

[三][正義] 行音胡郎反。中行,姓;説,名也。

以馳草棘中,衣袴皆裂敝,以示不如旃裘之完善也。得漢食物皆去之,以示不如湩酪〔三〕之 異,無仰於漢也。今單于變俗好漢物,漢物不過什二,則匈奴盡歸於漢矣。〔〕〕其得漢繒絮, 便美也。」於是齯教單于左右疏記,以計課其人衆畜物。〔『〕 初,匈奴好漢繒絮食物,中行説曰:「匈奴人衆不能當漢之一郡,然所以彊者, 以衣食

[一][集解]章昭曰:「言漢物什中之二人匈奴,匈奴則動心歸漢矣。」

[三] 集解 湩,乳汁也。音都奉反。 索隱 重駱。 音潼酪二音。按:三蒼云「潼,乳汁也」。 字林云「竹用反」。穆

天子傳云「牛馬之湩,臣菟人所具」。

[三]正義 上許又反。

單于敬問漢皇帝無恙」,所以遺物言語亦云云。 脱令單于遺漢書以尺二寸牘,及印封皆令廣大長,倨傲其辭曰「天地所生日月所置匈奴大 漢遺單于書,牘以尺一寸,辭曰「皇帝敬問匈奴大單于無恙」,所遺物及言語云云。中行

弱不能鬭,故以其肥美飲食壯健者,蓋以自爲守衞,如此父子各得久相保,何以言匈奴輕老 不自脱温厚肥美以齎送飲食行戍乎。」漢使曰:「然。」中行説曰:「匈奴明以戰攻爲事, 漢使或言曰:「匈奴俗賤老。」中行説窮漢使曰:「而漢俗屯戍從軍當發者, 其老親豈有 其老

匈

作業。嗟土室之人,顧無多辭,令喋喋「鬥」而佔佔,「鬥」冠固何當?」「大」 屋之極,生力必屈。〔〕〕夫力耕桑以求衣食,築城郭以自備,故其民急則不習戰功,緩則罷於 身也。父子兄弟死,取其妻妻之,惡種姓之失也。故匈奴雖亂,必立宗種。今中國雖詳「三」 時轉移。故其急則人習騎射,寬則人樂無事,其約束輕,易行也。君臣簡易,一國之政猶一時轉移。故其急則人習騎射,寬則人樂無事,其約束輕,易行也。君臣簡易,一國之政猶一 也了漢使曰:「匈奴父子乃同穹廬而卧。〔〕〕父死,妻其後母,兄弟死,盡取其妻妻之。 不取其父兄之妻,親屬益疏則相殺,至乃易姓,皆從此類。且禮義之敝,上下交怨望,而室 冠帶之飾,闕庭之禮。」 中行説曰:「匈奴之俗,人食畜肉,飲其汁,衣其皮; 畜食草飲水,隨

[一][樂解]漢書音義曰:「穹廬,旃帳。」

[三][索隱]漢書作「陽」,此亦音羊。

三] [索隱] 以言棟宇室屋之作,人盡極以營其生,至於氣力屈竭也。 屈音其勿反。

[四] 集解] 音諜,利口也。

[三] <u>集</u>解] 音昌占反,衣裳貌。

[六] 樂解] 言雖復著冠,固何當所益。 當思念,無爲喋喋佔佔耳。雖自謂著冠,何所當益也。」 汝漢人多居室中,固自宜著冠,且不足貴也。」小顔云:「喋喋,利口也。 佔佔,衣裳貌。 喋音昌涉反,佔音占。 言 [索隱] 鄧展日:「喋音牒。佔,囁耳語。」服虔曰:「口舌喋喋。」如淳曰:「言

中,必善美而已矣,何以爲言乎? 自是之後,漢使欲辯論者,中行説輒曰:「漢使無多言,顧漢所輸匈奴繒絮米糱,令其量 且所給備善則已,不備,苦惡了二則候秋孰,以騎馳蹂而

【一〕【集解】章昭曰:「苦、麄也。音若『靡盬』之『盬』。」

稼穡耳。」〔三〕日夜教單于候利害處。

|徐廣日:「蹂音而九反。」

甚多,遂至彭陽。气三使奇兵入燒回中宫,气三人候騎〔四〕至雍甘泉。〔三〕於是文帝以中尉周舍、 前將軍,大發車騎往擊胡。〔〈〕單于留塞內月餘乃去,漢逐出塞卽還,不能有所殺。 甯侯魏邀爲北地將軍,隆慮侯周竈爲隴西將軍,東陽侯張相如爲大將軍, 成侯董赤 [+] 爲 郎中令張武爲將軍,發車千乘,騎十萬,軍長安旁以備胡寇。而拜昌侯盧卿「火〕爲上郡將軍, 已驕,歲入邊,殺略人民畜産甚多,雲中、遼東最甚,至代郡萬餘人。漢患之,乃使使遺匈奴 單于亦使當户報謝,復言和親事。 漢孝文皇帝十四年,匈奴單于十四萬騎入朝那、蕭關,殺北地都尉卬,〔一〕 虜人民畜産 匈奴

日

[1] 集解 徐廣日:"姓孫。 其子單,封爲餅侯。白丁反。」 |索隱| 卬音五郎反。徐廣云:「姓孫,其後子單封爲瓶

音白丁反。」

匈 灱 矿 傅 第 五 +

[二] (集解) 徐廣日:「在安定。」 涇州臨城縣東二十里。」案:彭城在嬀州,與北地郡甚遠,明非彭城也。 |索隱||出彭陽。韋昭云:「安定縣。」 [正義]「城」字誤也。括地志云:「彭城故城在

[] [索隱] 服虔云「在北地、武帝作宮」。始皇本紀二十七年、「登雞頭山、過回中」。武帝元封四年、通回中道。 正義」括地志云:「秦回中宫在岐州雍縣西四十里,即匈奴所燒者也。」

[四] | 索隱 | 崔浩云:「候,邏騎。」

[五][正義] 括地志云、「雲陽也。秦之林光宫,漢之甘泉,在雍州雲陽西北八十里。秦始皇作甘泉宫,去長安三百里, 望見長安。秦皇帝以來祭天圜丘處。」

[八][索隱]案:表「盧」作「玈」,古今字耳。

[七][正義]音赫。

[八][樂解]徐廣曰:「內史樂布亦爲將軍。」

以内,冠帶之室,朕亦制之。使萬民耕織射獵衣食,父子無離,臣主相安,俱無暴逆。今聞 作更始,使老者得息,幼者得長,各保其首領而終其天年。朕與單于俱由此道,順天恤民, 渫惡民貪降其進取之利,倍義絶約,忘萬民之命,離兩主之驩,然其事已在前矣。 書曰:『<u>一</u> |難、<a>「二郎中韓遼遺朕馬二匹、已至、敬受。 先帝制:長城以北、引弓之國、受命單于、 國已和親,兩主驩説,寢兵休卒養馬,世世昌樂,闟然更始。』「『〕朕甚嘉之。聖人者日新,改 孝文帝後二年,使使遺匈奴書曰:「皇帝敬問匈奴大單于無恙。使當户且居「二雕渠 長城

前事:朕釋逃虜民,單于無言章尼等。「瓜」朕聞古之帝王,約分明而無食言。單于留志,天下 及飛鳥,跂行喙息〔四〕蠕動之類,〔四〕莫不就安利而辟危殆。故來者不止,天之道也。俱去 前事,薄物細故,謀臣計失,皆不足以離兄弟之驩。朕聞天不頗覆,地不偏載。朕與單于皆 大安,和親之後,漢過不先。單于其察之。」 捐往細故,俱蹈大道,墮壞前惡,以圖長久,使兩國之民若一家子。元元萬民,下及魚鼈,上 吏遺單于秫糱金帛絲絮佗物歲有數。今天下大安,萬民熙熙,朕與單于爲之父母。 朕追念 世世相傳,施之無窮,天下莫不咸便。 漢與匈奴鄰國之敵,匈奴處北地,寒,殺氣早降,故詔

(一) 索隱 漢書作「且渠」,何奴官號。

「二] 「索隱] 按:樂彦云「當户、且渠各自一官。 雕渠難爲此官也」。 正義雕渠難者,其姓名也。且,子余反。

[三][集解]徐廣曰:「闔音擒,安定意也。」

四口[索隱]案:跂音岐,又音企。言蟲豸之類,或企踵而行,或以喙而息,皆得其安也。

〔五〕[索隱] 按:三蒼云「蠕蠕,動貌,音軟」。 淮南子云「昆蟲蠕動」。

廣地,匈奴無人塞,漢無出塞,犯(令)〔今〕約者殺之,可以久親,後無咎,俱便。朕已許之。 單于既約和親,於是制韶御史曰:「匈奴大單于遺朕書,言和親已定,亡人不足以益衆

其布告天下,使明知之。」

後四歲,老上稽粥單于死,子軍臣立爲單于。既立,「己孝文皇帝復與匈奴和親。 而中

行説復事之。

[一] 集解 徐廣曰:「後元三年立。」

吴楚反,欲與趙合謀入邊。漢圍破趙,匈奴亦止。自是之後,孝景帝復與匈奴和親,通關 長安西細柳、渭北棘門、霸上以備胡。胡騎入代句注邊,烽火通於甘泉、長安。數月,漢兵 市,給遺匈奴,遣公主,如故約。終孝景時,時小人盜邊,無大寇。 至邊,匈奴亦去遠塞,漢兵亦罷。後歲餘,孝文帝崩,孝景帝立,而趙王遂乃陰使人於匈奴。 是漢使三將軍軍屯北地,代屯句注,趙屯飛狐口,緣邊亦各堅守以備胡寇。又置三將軍,軍 軍臣單于立四歲、「一」匈奴復絶和親,大人上郡、雲中各三萬騎,所殺略甚衆而去。於

[一] [集解] 徐廣曰:「孝文後元七年崩,而二年答單于書,其閒五年。 文後六年冬,匈奴人上郡、雲中也。」 而此云『後四年』,又『立四歲』,數不容爾也。孝

今帝卽位,明和親約束,厚遇,通關市,饒給之。匈奴自單于以下皆親漢,往來長城下。

後,匈奴絕和親,攻當路塞,「五」往往人盗於漢邊,不可勝數。 言。」以尉史爲「天王」。漢兵約單于入馬邑而縱,單于不至,以故漢兵無所得。漢將軍王 信之,而貪馬邑財物,乃以十萬騎入武州塞。「吾」漢伏兵三十餘萬馬邑旁,御史大夫韓安國 |恢部出代擊||胡輜重,聞單于還,兵多,不敢出。 漢以恢本造兵謀而不進,斬恢。[<] 自是之 告單于漢兵所居。單于大驚曰:「吾固疑之。」乃引兵還。出曰:「吾得尉史,天也,天使若 之,乃攻亭。是時鴈門尉史「ペ〕行徼,見寇,葆此亭,知漢兵謀,單于得,欲殺之,〔ャ〕尉史乃 爲護軍,護四將軍以伏單于。單于既入漢塞,未至馬邑百餘里,見畜布野而無人牧者,怪 漢使馬邑下人聶翁壹⊆〕奸蘭⊆〕出物⊆』與匈奴交,⊆□詳爲賣馬邑城以誘單于。單于 然匈奴貪,尚樂關市,嗜漢財

[一] [索隱] 按:衞青傳唯稱「聶壹」。顧氏云「壹,名也。 老,故稱翁」,義或然也。

物,漢亦尚關市不絕以中之。〔10〕

[三][集解] 奸音干。干蘭,犯禁私出物也。

(三)[索隱]上音干。干蘭謂犯禁私出物也。

[2] 集解] 漢書音義曰:「私出塞與匈奴交市。」

〔五〕[索隱] 蘇林云在鴈門也。

[*] | 索隱| 如淳云:「律,近塞郡皆置尉,百里一人,士史、尉史各二人也。」

【4】[集解]徐廣曰:「一云『乃下,具告單于』。」

匈奴列傳第五十

「宀」[索隱] 蘇林云:「直當道之塞。」「宀」[集解] 韓長孺傳日:「恢自殺。」

[10][正義]如淳云:「得具以利中傷之。」

代郡、擊胡。得首虜數千人。其明年、衞青復出雲中以西至隴西、擊胡之樓煩、白羊王於河 略二千餘人。胡又入敗漁陽太守軍千餘人,圍漢將軍安國,安國時千餘騎亦且盡,會燕救 門,爲胡所敗,而匈奴生得廣,廣後得亡歸。漢囚敖、廣,敖、廣贖爲庶人。其冬,匈奴數入 |胡首虜七百人。|公孫賀出雲中,無所得。|公孫敖出代郡,爲|胡所敗七千餘人。|李廣出鴈 河爲固。 南,得胡首虜數千,牛羊百餘萬。於是漢遂取河南地,築朔方,復繕故秦時蒙恬所爲塞,因 至,匈奴乃去。匈奴又入鴈門,殺略千餘人。於是漢使將軍衞青將三萬騎出鴈門,李息出 盗邊,漁陽尤甚。漢使將軍韓安國屯漁陽備胡。其明年秋,匈奴二萬騎人漢,殺遼西太守, 自馬邑軍後五年之秋,漢使四將軍各萬騎擊胡關市下。將軍衞青出上谷,至龍城,得 漢亦棄上谷之什辟縣造陽地以予胡。〔〕是歲,漢之元朔二年也。

集解一什音斗。 辟音僻。 漢書音義曰:「言縣斗辟、(西)〔曲〕近湖。」 造陽即斗辟縣中地。 正義一按:曲幽辟縣人匈奴界者造陽地棄與胡也。 [索隱]按:孟康云「縣斗辟,(西)[由]近胡」也。什

其後冬,匈奴軍臣單于死。軍臣單于弟左谷蠡王伊稚斜〔〕自立爲單于,攻破軍臣單

于太子於單。〔三於單亡降漢,漢封於單爲涉安侯,數月而死

[一] [索隱] 伊穉斜。稱音持利反。斜音士嗟反,鄒誕生音直牙反。蓋穉斜,胡人語,近得其實。

(三)索屬音丹。

門,殺略千餘人。其明年,匈奴又復入代郡、定襄、〔〕上郡,各三萬騎,殺略數千人。匈奴 右賢王怨漢奪之河南地而築朔方,數爲寇,盗邊,及入河南,侵擾朔方,殺略吏民甚衆。 伊稚斜單于既立,其夏,匈奴數萬騎入殺代郡太守恭友,略千餘人。其秋,匈奴又人鴈

[1][正義] 括地志云:「定襄故城在朔州善陽縣北三百八十里。地理志定襄郡,高帝置也。」

英,略千餘人。 往隨後去。漢得右賢王衆男女萬五千人,裨小王十餘人。其秋,匈奴萬騎人殺代郡都尉朱 |漢兵不能至,飲酒醉,|漢兵出塞六七百里,夜圍右賢王。 右賢王大驚, 脱身逃走, 諸精騎往 其明年春,漢以衞青爲大將軍,將六將軍,十餘萬人,出朔方、高闕擊胡。右賢王以爲

虜前後凡萬九千餘級,而漢亦亡兩將軍,軍三千餘騎。〔 〕右將軍建得以身脱,〔 〕而前將軍 其明年春,漢復遣大將軍衞青將六將軍,兵十餘萬騎,乃再出定襄數百里擊匈奴,得首

匈奴

教單于益北絕幕,「同」以誘罷漢兵,徼極而取之,「太」無近塞。單于從其計。其明年,胡騎萬 分行、「『」獨遇單于兵,故盡没。單于既得翕侯,以爲自次王,「『〕用其姊妻之,與謀漢。信 <u></u>
翕侯趙信兵不利,降匈奴。趙信者,故胡小王,降漢,漢封爲翕侯,以前將軍與右將軍并軍

[一][集解]徐廣曰:「合有三千耳。」

人入上谷,殺數百人。

三」正義建,蘇武父也。

(三) [正義] 與大軍别行也。

四〕[正義] 自次者,尊重次於單于。

〔五〕[樂解] 應劭曰:「幕,沙幕,匈奴之南界。」]瓚曰:「沙土曰幕,直度曰絶。」

六] 索隱] 按:徼,要也。謂要其疲極而取之。 正義]徼音古堯反。徼,要也。要漢兵疲極則取之,無近塞居止。

是時匈奴亦來人代郡、鴈門,殺略數百人。漢使博望侯及李將軍廣出右北平,擊匈奴左賢 地二千里,擊匈奴。過居延,〔三文祁連山,〔四]得胡首虜三萬餘人,裨小王以下七十餘人。 (騎)萬八千餘級,破得休屠王祭天金人。〔三〕其夏,驃騎將軍復與合騎侯數萬騎出隴西、北 左賢王圍李將軍,卒可四千人,且盡,殺虜亦過當。會博望侯軍救至,李將軍得脱。漢 其明年春,漢使驃騎將軍去病將萬騎出隴西,過焉支山「一〕千餘里,擊匈奴,得胡首虜

失亡數千人,合騎侯後驃騎將軍期,及與博望侯皆當死,贖爲庶人。

- (一) 正義 焉音烟。 山,乃歌曰:「亡我祁連山,使我六畜不蕃息;失我焉支山,使我婦女無顔色。」其慾惜乃如此』。」 括地志云:「焉支山一名删丹山、在甘州删丹縣東南五十里。 西河故事云『匈奴失祁連、
- [三][集解]漢書音義曰:「匈奴祭天處本在雲陽甘泉山下,秦奪其地,後徙之休屠王右地,故休屠有祭天金人,象祭 「金人祭天,本在雲陽甘泉山下,秦奪其地,徙之於休屠王右地,故休屠有祭天金人,象祭天人也」。事恐不然。 奴祭天處,秦奪其地,後徙休屠右地。」按:金人即今佛像,是其遺法,立以爲祭天主也。 案:得休屠金人,後置之於甘泉也。 天人也。」 [索隱] 韋昭云:「作金人以爲祭天主。」崔浩云:「胡祭以金人爲主,今浮圖金人是也。」又漢書音義稱 [正義] 括地志云:「徑路神祠在雍州雲陽縣西北九十里甘泉山下,本匈

「三」|索隱| 韋昭曰:「張掖縣。」

日

I白山也

[索隱]按:西河舊事云「山在張掖、酒泉二界上,東西二百餘里,南北百里,有松柏五木,美水草,冬温夏凉,宜畜 匈奴失二山,乃歌云:『亡我祁連山,使我六畜不蕃息;失我燕支山,使我嫁婦無顔色』」。祁連一名天山,亦

十萬。 恐,謀降漢、「□漢使驃騎將軍往迎之。 秦中气可以實之,而減北地以西戍卒半。 其秋,單于怒渾邪王、休屠王居西方爲漢所殺虜數萬人,欲召誅之。 於是漢已得渾邪王,則隴西、北地、河西益少胡寇, 渾邪王殺休屠王,并將其衆降漢。 其明年,匈奴人右北平、定襄各數萬騎, 徙關東貧民處所奪匈奴河南、新 凡四萬餘人, 渾邪王與休屠王 殺略千餘 號

囟

人而去。

[一][集解]徐廣日:「元狩二年也。」

[三][索隱]如淳云「在長安以北,朔方以南」。 漢書食貨志云「徙貧人充朔方以南新秦中」是也。 名,在北地,廣六七百里,長安北,朔方南。史記以爲秦始皇遣蒙恬斥逐北胡,得肥饒之地七百里,徙内郡人民皆 往充實之,號日新秦中也。」 正義 服虔云:「地

信城气二而還。 與壯騎數百潰漢圍西北遁走。漢兵夜追不得。行斬捕匈奴首虜萬九千級,北至闐顏山趙 將軍接戰一日,會暮,大風起,漢兵縱左右翼圍單于。單于自度戰不能如漢兵,單于遂獨身 出定襄,驃騎將軍出代,咸約絕幕擊匈奴。單于聞之,遠其輜重,以精兵待於幕北。與漢大 (魚)私[負]從[]馬凡十四萬匹,糧重不與焉。令大將軍青、驃騎將軍去病中分軍,大將軍 其明年春,漢謀曰「翕侯信爲單于計,居幕北,以爲漢兵不能至」。乃粟馬,發十萬騎,

[一][正義] 謂負擔衣糧,私募從者,凡十四萬匹。

[三] 集解] 如淳曰:「信前降匈奴,匈奴築城居之。」

爲單于死,乃自立爲單于。真單于復得其衆,而右谷蠡王乃去其單于號,復爲右谷蠡王。 單于之遁走,其兵往往與漢兵相亂而隨單于。單于久不與其大衆相得,其右谷蠡王以

漢驃騎將軍之出代二千餘里,與左賢王接戰,漢兵得胡首虜凡七萬餘級,左賢王將皆

道走。 驃騎封於狼居胥山,禪姑衍,臨翰海(二)而還。

一集解 |如淳日:「翰海,北海名。」 [正義] 按:翰海自一大海名,羣鳥解羽伏乳於此,因名也。

是後匈奴遠遁,而幕南無王庭。漢度河自朔方以西至令居,行己往往通渠置田,官吏卒

五六萬人,稍蠶食,地接匈奴以北。〔三〕

集解 一徐廣日:「在金城。」 索隱。徐廣云在金城。 地理志云張掖令居縣。 姚氏令音連。

小顔云音零。

正義。匈奴舊以幕爲王庭。 今遠徙幕北,更蠶食之,漢境連接匈奴舊地以北也。

輒留 邊。」漢使任敞於單于。 匈奴雖病,遠去,而漢亦馬少,無以復往。 下其議,或言和親,或言遂臣之。丞相長史任敞曰:「匈奴新破,困,宜可使爲 漢使相當。 初,漢兩將軍大出圍單于,所殺虜八九萬,而漢士卒物故「己亦數萬,漢馬死者十餘萬。 漢方復收士馬,會驃騎將軍去病死,於是漢久不北擊胡 單于聞敞計,大怒,留之不遣。 匈奴用趙信之計,遣使於漢,好辭請和親。 先是漢亦有所降匈奴使者, 外臣, 單于亦 朝請於

也; 索隱漢士物故。 故,事 屯 言無復所能於事者也」。 案:釋名云「漢以來謂死爲『物故』,物就朽故也」。又魏臺訪議高堂崇對曰「聞之先師:物,無

匈奴列傳第五十

而漢天子始出巡郡縣。 數歲,伊稚斜單于立十三年死,子烏維立爲單于。是歲,漢元鼎三年也。 其後漢方南誅兩越,自己不擊匈奴,匈奴亦不侵人邊。 烏維單于立,

[一][正義]南越、東越。

而還,不見匈奴一人。漢又遣故從驃侯趙破奴萬餘騎出令居數千里,至匈河水气三而還,亦 烏維單于立三年,漢已滅南越,遣故太僕賀將萬五千騎出九原二千餘里,至浮苴井〇〇

[一] [索隱] 苴音子餘反。 臣瓚云:「去九原二千里,見漢輿地圖。」

不見匈奴一人。

[三] [索隱] 臣瓚云:「水名,去令居千里。」

於漢。 者,而留郭吉不歸,遷之北海上。〔三〕而單于終不肯爲寇於漢邊,休養息士馬,習射獵,數使 已懸於漢北闕。今單于(能)即[能]前與漢戰,天子自將兵待邊;單于卽不能,卽南面 匈奴主客() 問所使,郭吉禮卑言好,曰:「吾見單于而口言。」 單于見吉, 吉曰:「南越王頭 使於漢,好辭甘言求請和親。 是時天子巡邊,至朔方,勒兵十八萬騎以見武節,而使郭吉風告單于。 何徒遠走,亡匿於幕北寒苦無水草之地,毋爲也。」 語卒而單于大怒,立斬主客見 郭吉既至匈奴, 而臣

[一] [集解] 韋昭曰:「主使來客官也。」 [正義] 官名,若鴻臚卿。

[二] [正義] 北海即上海也,蘇武亦遷也。

人,習問俗,去其節,黥面,得入穹廬。單于愛之,詳許甘言,爲遣其太子入漢爲質,〔一〕以求 漢使王烏等窺匈奴。 匈奴法, 漢使非去節而以墨黥其面者不得人穹廬。王鳥, 北地

和親。

[二]正義]音致。

楊信。 幾矣。」「ᠳ」匈奴俗,見漢使非中貴人,其儒先,「宀」以爲欲説,折其辯,其少年,以爲欲刺, 漢常遣翁主,給繒絮食物有品,以和親,而匈奴亦不擾邊。今乃欲反古,令吾太子爲質,無 也。 通之路。 折其氣。 至胘靁爲塞、「四」而匈奴終不敢以爲言。是歲,翕侯信死,漢用事者以匈奴爲已弱,可臣從 楊信爲人剛直屈彊,素非貴臣,單于不親。單于欲召入,不肯去節,單于乃坐穹廬外見 漢使楊信於匈奴。 |楊信既見單于,説曰:「卽欲和親,以單于太子爲質於漢。」單于曰:「非故約。 故約, 漢又西通月氏、大夏、「『又以公主妻烏孫王,以分匈奴西方之援國。又北益廣田 每漢使人匈奴,匈奴輒報償。漢留匈奴使,匈奴亦留漢使,必得當乃肯止。 是時漢東拔穢貉、朝鮮以爲郡、「一〕而西置酒泉郡「一〕以鬲絶胡與羌

一][正義]即玄菟、樂浪二郡。

三」正義一今肅州。

匈奴列傳第五十

[三][正義] 漢書西域傳云:「大月氏國去長安城萬一千六百里,本居燉煌、祁連閒,冒頓單于破月氏,而老上單于殺月 氏王,以頭爲飲器,月氏乃遠去,過大宛西,擊大夏而臣之,都嬀水北,爲王庭也。」

[四] [集解] 漢書音義曰:「胘靁,地名,在鳥孫北。」

[月][正義] 幾音記。言反古無所冀望也。

【六】[集解] 先,先生也。 漢書作「儒生」也。

往使,因送其喪,厚葬直數千金,曰「此漢貴人也」。單于以爲漢殺吾貴使者,乃留路充國 誠語。」匈奴使其貴人至漢,病,漢予藥,欲愈之,不幸而死。 子,面相約爲兄弟。」王烏歸報漢,漢爲單于築邸于長安。匈奴曰:「非得漢貴人使,吾不與 漢乃拜郭昌爲拔胡將軍,及浞野侯□己屯朔方以東,備胡。 楊信既歸,漢使王烏,而單于復讇以甘言,欲多得漢財物,紿謂王烏曰:「吾欲入漢見天 諸所言者,單于特空紿王鳥,殊無意人漢及遣太子來質。於是匈奴數使奇兵侵犯 而漢使路充國佩二千石印綬 路充國留匈奴三歲,單于

[一] 集解 徐廣日趙破奴。

死。

自此之後,單于益西北,左方兵直雲中,右方直酒泉、燉煌郡。 烏維單于立十歲而死,子烏師廬立爲單于。「二年少,號爲兒單于。 是歲元封六年也。

[一] 集解 徐廣曰:「鳥,一作『詹』。」

こ正義 括地志云、一鐵勒國,匈奴冒頓之後,在突厥國北。 樂勝州經秦長城、太羹長路正北、經沙磧,十三日行至

其國、

致單于。單于怒而盡留漢使。 兒單于立,漢使兩使者,一弔單于,一弔右賢王,欲以乖其國。使者人匈奴,匈奴悉將 漢使留匈奴者前後十餘輩,而匈奴使來,漢亦輒留 旧相當。

雪,畜多飢寒死。 兒單于年少,好殺伐,國人多不安。 左大都尉欲殺單于,使人閒告漢曰: 「我欲殺單于降漢,漢遠,卽兵來迎我,我卽發。」初,漢聞此言,故築受降城,猶以爲遠。 是歲,漢使貳師將軍廣利西伐大宛,而令因行二》將軍敖築受降城。 其冬, 匈奴大雨

[] 正義音于。

之,莫相勸歸。」軍遂没於匈奴。匈奴兒單于大喜,遂遣奇兵攻受降城。不能下,乃寇入邊 浞野侯,因急擊其軍。軍中郭縱爲護,維王爲渠,

(三)相與謀曰:「及諸校尉畏亡將軍而誅 浞野侯既至期而還,左大都尉欲發而覺,單于誅之,發左方兵擊浞野。 數千人。還,未至受降城四百里,匈奴兵八萬騎圍之。浞野侯夜自出求水,匈奴閒捕,生得 其明年春,漢使浞野侯破奴將二萬餘騎出朔方西北二千餘里,期至浚稽山气〕而還。 其明年,單于欲自攻受降城,未至,病死。 浞野侯行捕首虜得

囪

[一] 索隱 應劭云:「在武威縣

(三) 正義 爲渠帥也。

兒單于立三歲而死。 子年少, 匈奴乃立其季父烏維單于弟右賢王响□型湖爲單于。

是歲太初三年也。

[一] 集解] 音鉤,又音吁。 索隱音鉤,又音吁。

响犁湖單于立,漢使光禄徐自爲出五原塞(二)數百里,遠者千餘里,築城鄣列亭(三)至

廬朐、「『」而使游擊將軍韓説、長平侯衞伉屯其旁,使彊弩都尉路博德築居延澤上。[8]

[一] 正義] 卽五原郡榆林塞也。在勝州榆林縣四十里也。

〔二〕[正義] 顧胤云:「鄣,山中小城。亭,候望所居也。」

[三] 集解] 音衢,匈奴地名,又山名。 縣北出石門鄣,得光禄城,又西北得支就城,又西北得頭曼城,又西北得虖河城,又西北得宿虜城。 |索隱| 服虔云:「匈奴地名。」張晏云:「山名。」 正義地理志云五原郡稒陽 按: 卽築城

鄣列亭至廬朐也。服虔云:「廬朐,匈奴地名也。」張晏云:「山名也。」

四〕[正義] 括地志云:「漢居延縣故城在甘州張掖縣東北一千五百三十里,有漢遮虜鄣,彊弩都尉路博德之所築。|李 陵敗,與士衆期至遮虜鄣,卽此也。長老傳云鄣北百八十里,直居延之西北,是李陵戰地也。」

其秋,匈奴大人定襄、雲中,殺略數千人,敗數二千石而去,行破壞光禄所築城列亭鄣。

破大宛,斬其王而還。 又使右賢王人酒泉、張掖、略數千人。會任文「」擊救、盡復失所得而去。 匈奴欲遮之,不能至。其冬,欲攻受降城,會單于病死。 是歲,貳師將軍

[一][集解]漢書音義曰:「漢將也。」

呴犁湖單于立一歲死。 匈奴乃立其弟左大都尉且鞮二之侯爲單于。

一] [索隱] 上音子餘反,下音低。

單于書絶悖逆。昔齊襄公復九世之讎,春秋大之。」「己是歲太初四年也。 漢既誅大宛,威震外國。 天子意欲遂困胡,乃下詔曰:「高皇帝遺朕平城之憂,高后時

一][集解] 公羊傳曰:「九世猶可以復讎乎?曰雖百世可也。」

自謂「我兒子,安敢望漢天子!漢天子,我丈人行口也」。漢遣中郎將蘇武厚幣賂遺 且鞮侯單于既立,盡歸漢使之不降者。路充國等得歸。 單于益驕,禮甚倨,非漢所望也。 其明年,浞野侯破奴得亡歸漢。 單于初立,恐漢襲之,乃

(二)[正義] 胡朗反。

其明年,漢使貳師將軍廣利以三萬騎出酒泉,擊右賢王於天山,「己得胡首虜萬餘

匈

與彊弩都尉會涿涂山,公司毋所得。又使騎都尉李陵將步騎五千人,出居延北千餘里, 得還者四百人。單于乃貴陵,以其女妻之。 與單于會,合戰,陵所殺傷萬餘人,兵及食盡,欲解歸,匈奴圍陵,陵降匈奴,其兵遂没, 級而還。 匈奴大圍貳師將軍,幾不脱。漢兵物故什六七。漢復使因杅將軍敖出

【一】正義在伊州。

[二] 集解] 徐廣日:「徐音邪」。 |索隱||涿音卓。涂音以奢反。 正義。匈奴中山也。

滅,使廣利得降匈奴。「馬」 之出擊匈奴者不得言功多少, 來還千人一兩人耳。 **貳師乃解而引歸,與單于連戰十餘日。** 與貳師會。 匈奴聞,悉遠其累重於余吾水北,二二而單于以十萬騎待水南,與貳師將軍接戰。 後二歲,復使貳師將軍將六萬騎,步兵十萬,出朔方。 游擊將軍說將步騎三萬人,出五原。因杅將軍敖將萬騎步兵三萬人,出鴈 游擊説無所得。 功不得御。〔四〕有韶捕太醫令隨但,言貳師將軍家室族 因杆敖與左賢王戰,不利,引歸。 貳師聞其家以巫蠱族滅,因并衆降匈奴,[三]得 **彊弩都尉路博德將萬餘人**, 是歲气型漢兵

集解 流注余吾。」 徐廣曰:「余,一作『斜』,音邪。」 正義 累,カ爲反。重,丈用反。 索隱 |徐廣云:「一作『斜』,音邪。」山海經云:「北鮮之山,鮮水出焉,北

- [二] (集解) 徐廣日:「案史記將相年表及漢書,征和二年,巫蠱始起。 三年,廣利與商丘成出擊胡軍,敗,乃降。」
- 集解 徐廣日:「天漢四年。」 [正義] 自此以下,上至貳師聞其家,非天漢四年事,似錯誤,人所知
- [四][正義] 御音語。其功不得相御當也。
- [索隱] 漢書云:「明年,且鞮死,長子狐鹿姑單于立。」張晏云:「自狐鹿姑單于已下,皆劉向、褚先生所録,班彪又 撰而次之,所以漢書匈奴傳有上下兩卷。」

成,得禹而九州寧。〔十〕且欲興聖統,唯在擇任將相哉!唯在擇任將相哉! 參[氧]彼已;將率[ڋ]席中國廣大,氣奮,人主因以決策,是以建功不深。 堯雖賢,興事業不 忌諱之辭也。〔三世俗之言匈奴者,患其徼一時之權,〔三而務讇納其説,〔□〕以便偏指,不 太史公曰:孔氏著春秋,隱桓之閒則章,至定哀之際則微,乙二爲其切當世之文而罔褒,

- [一] [索隱] 案:諱國惡,禮也。 | 仲尼仕於| 定哀,故其著春秋,不切論當世而微其詞也。
- [三][索隱]案:罔者,無也。謂其無實而襃之是也,忌諱當代故也
- 』][集解]徐廣日「徼音皎。」 [索隱] 按:徐音皎,劉伯莊音叫,皆非也。按其字宜音僥。徼者,求也,言求一時

權寵。

四] 索屬] 音税。

[索隱] 案:謂説者謀匈奴,皆患其直徼求一時權幸,但務諂進其説,以自便其偏指,不參詳終始利害也。

匈奴列傳第五十

[*] 樂解 詩云:「彼己之子。」 [索隱] 彼己者,猶詩人譏詞云「彼己之子」是也。將率則指樊噲、衞、霍等也。

[+] [正義] 言善雖賢聖,不能獨理,得禹而九州安寧。以刺武帝不能擇賢將相,而務諂納小人浮說,多伐匈奴,故壞

意术)贊 | 儉允、薰粉,舌于比邊。 既稱 夏锜,式是齊民。 故太史公引禹聖成其太平,以攻當代之罪。

雖空帑藏,未盡中權。

【索隱述費】獫狁、薰粥,居于北邊。既稱夏裔,式憬周篇。頗隨畜牧,屢擾塵煙。爰自冒頓,尤聚控弦。

史記卷一百一十一

衞將軍驃騎列傳第五十

子更字長君。長君母號爲衞媪。媪長女衞孺,[四]次女少兒,次女即子夫。後子夫男弟步 情同母兄衛長子,而姊衛子夫自平陽公主家得幸天子, [] 故冒姓爲衛氏。字仲卿。長 大將軍衛青者,平陽人也。「一〕其父鄭季,爲吏,給事平陽侯家,與侯妾衞媪通,「三」生

廣气引皆冒衛氏。

[二][索隱]衛,姓也。媪,婦人老少通稱。漢書曰與主家僮衞媪通。案:即云家僮,故非老。或者媪是老稱, [一][正義] 漢書云「其父鄭季,河東平陽人,以縣吏給事平陽侯之家」也。 稱媪耳。又外戚傳云「薄姬父與魏王宗女魏媪通」,則亦魏是媪姓。而小顏云「衞者,舉其夫姓也」。然案此云

後追

「侯妾衞媪」,似更無别夫也。下云「同母兄衞長子及姊子夫皆冒衞姓」,又似有夫。其所冒之姓爲父與母,皆未

將軍驟

騎列傳第五十一

[] [集解] 徐廣曰:「曹參曾孫平陽夷侯,時尚武帝姊平陽公主,生子襄。」 陽侯所尚,故稱平陽公主」。按徐廣云「夷侯,曹參曾孫,名襄」。又按系家及功臣表「時」或作「疇」,漢書作「壽」, 索隱案:如淳云「本陽信長公主,爲平

並文字殘缺,故不同也。

[四] 索隱| 漢書云「君孺」。

[五][樂解]徐廣曰:「步,一作『少』。」

嘗從人至甘泉居室、<□〕有一鉗徒<□〕相青日:「貴人也,官至封侯。」 青笑日:「人奴之生,得 情爲侯家人,少時歸其父,其父使牧羊。 先母之子(二)皆奴畜之,不以爲兄弟數。(三]青

毋笞罵卽足矣,安得封侯事乎!」

[一][樂解] 服虔曰:「先母,適妻也。青之適母。」 [索隱] 漢書作「民母」。服虔云「母,適妻也。青之適母」。顧氏云 「鄭季本妻編於民户之閒,故曰民母」。今本亦或作「民母」也。

(三) 索隱 音去聲。

□□□正義]按:居室,署名,武帝改曰保宫。 灩夫繋居室是也。

[四][樂解]張晏曰:「甘泉中徒所居也。」

聞,乃召青爲建章監,侍中,及同母昆弟貴,賞賜數日閒累千金。孺爲太僕公孫賀妻。少兒 故與陳掌通、「四」上召貴掌。公孫敖由此益貴。子夫爲夫人。青爲大中大夫。 知名。大長公主執囚情,欲殺之。其友騎郎公孫敖與壯士往篡取之,[1]以故得不死。上 女也、了一一無子,妒。大長公主聞衞子夫幸,有身,妒之,乃使人捕青。青時給事建章,了三一未 情壯,爲侯家騎,從平陽主。<u>建元二年春,</u>青姊子夫得入宫幸上。皇后,堂邑大長公主

[一] 集解 徐廣曰:「堂邑安侯陳嬰之孫夷侯午,尚景帝姊長公主,子季須。 元鼎元年,季須坐姦自殺。」 正義 文

類云:「陳皇后,武帝姑女也。」

[二] 索隱 案:晉灼云「上林中宫名也」。

(三][索隱]篡猶劫也,奪也。

四〕集解除廣日:「陳平曾孫,名掌也。」

斬首虜數千人。明年,匈奴入殺遼西太守,虜略漁陽二千餘人,敗韓將軍軍。漢令將軍李 夫公孫敖爲騎將軍,出代郡,衞尉李廣爲驍騎將軍,出雁門:軍各萬騎。 數百。騎將軍敖亡七千騎,衞尉李廣爲虜所得,得脱歸:皆當斬,贖爲庶人。 元朔元年春,衞夫人有男,[二]立爲皇后。其秋,青爲車騎將軍,出雁門,三萬騎擊匈奴, 元光五年,青爲車騎將軍,擊匈奴,出上谷;太僕公孫賀爲輕車將軍,出雲中;大中大 青至龍城, 賀亦無功。 斬首虜

候。「『一天子曰:「匈奴逆天理,亂人倫,暴長虐老,以盗竊爲務,行詐諸蠻夷,造謀藉兵,數爲 尉蘇建有功,以千一百户封建爲平陵侯。 畜數十萬,走白羊、樓煩王。遂以河南地爲朔方郡。〔三〕以三千八百户封青爲長平侯。 息擊之,出代,令車騎將軍青出雲中以西至高闕。〔三遂略河南地,至于隴西,捕首虜數千, 使建築朔方城。「图」青校尉張次公有功,封爲岸頭 青校

衛將

方』。C<2今車騎將軍青度西河C+3至高闕,獲首虜二千三百級,車輜畜産畢收爲鹵,已封爲 千户。」其明年,匈奴入殺代郡太守友,自己人略鴈門千餘人。其明年,匈奴大人代、定襄、 卒,捕伏聽者三千七十一級,自己執訊獲醜,自己驅馬牛羊百有餘萬,全甲兵而還,益封青二 列侯,遂西定河南地,按榆谿舊塞,[10]絶梓領,梁北河,[1]討滽泥,破符離,[1]斬輕鋭之 邊害、「宀」故興師遣將,以征厥罪。詩不云乎,『薄伐玁狁,〔宀〕至于太原』,『出車彭彭,城彼朔

[一] 索屬即衛太子據也。

上郡,殺略漢數千人。

[二] |索隱] 按:山名也。小顔云「一日塞名,在朔方之北」。

索隱 按:謂北地郡之北,黄河之南。 正義一今夏州也。

[四][正義] 括地志云:「夏州朔方縣北什賁故城是。」按: 蘇建築,什貫之號蓋出蕃語也。

正義 服虔云:「鄉名也。」

(六)集解 張晏曰:「從蠻夷借兵鈔邊也。

[三]索隱]案:晉灼云「河東皮氏縣之亭名也」。

索隱 薄伐獫狁。 此小雅六月詩,美宜王北伐也。 薄伐者,言逐出之也。

索隱 小雅出車之詩也。

「九」正義 即雲中郡之西河,今勝州東河也。

集解 如淳日、「案,行也。 榆谿,舊塞名。」或曰按,尋也。

索隱 按榆谷舊塞。 如淳云:「按,行也,尋也。 愉

俗,舊塞名也。」案:水經云「上郡之北有諸次水,東經榆林塞爲榆谿」,是榆谷舊塞也。

[二] 集解] 如淳曰:「絶,度也。 爲北河作橋梁。」 [正義] 括地志云:「梁北河在靈州界也。」

[三] 集解] 晉灼日:「二王號。」 [索隱] 晉灼云:「二王號。」崔浩云:「漠北塞名。」

[一三] 集解] 張晏曰:「伏於隱處,聽軍虚實。」

[1四] [正義] 訊,問也。醜,衆。言執其生口問之,知虜處,獲得衆類也。

[三] (集解) 徐廣曰:「友者,太守名也。姓共也。」

子登爲發干侯。青固謝曰:「臣幸得待罪行閒,賴陛下神靈,軍大捷,皆諸校尉力戰之功也。 捷,獲匈奴王十有餘人,益封青六千户。」而封青子忧爲宜春侯,「四青子不疑爲陰安侯,青 爲大將軍,諸將皆以兵屬大將軍,大將軍立號而歸。〔〕天子曰:「大將軍青躬率戎士,師大 千餘人,畜數千百萬,於是引兵而還。至塞,天子使使者持大將軍印,卽軍中拜車騎將軍青 兵,以爲漢兵不能至此,飲醉。漢兵夜至,圍右賢王,右賢王驚,夜逃,獨與其愛妾一人壯騎 内史李沮「」爲彊弩將軍,太僕公孫賀爲騎將軍,代相李蔡爲輕車將軍,皆領屬車騎將軍, 數百馳,潰圍北去。漢輕騎校尉郭成等逐數百里,不及,得右賢裨王十餘人,〔三〕衆男女萬五 俱出朔方, 大行李息、岸頭侯張次公爲將軍, 出右北平: 咸擊匈奴。 匈奴右賢王當衞青等 其明年,元朔之五年春,漢令車騎將軍青將三萬騎,出高闕,衞尉蘇建爲游擊將軍,左

篽

以勸士力戰之意也。 陛下幸已益封臣青。 其秋,匈奴人代,殺都尉朱英。 將軍李蔡再從大將軍獲王,以千六百户封蔡爲樂安侯。校尉李朔,校尉趙不虞,校尉公孫 百户封戎奴爲從平侯。將軍李沮、李息及校尉豆如意有功,賜爵關内侯,食邑各三百户。」 戎奴,各三從大將軍獲王,以千三百户封朔爲涉軹侯,以千三百户封不虞爲隨成侯,以千三 爲合騎侯。〔十〕都尉韓説從大將軍出窳渾,〔<〕至匈奴右賢王庭,爲麾下搏戰獲王,〔<5〕以千 乃韶御史曰:「護軍都尉公孫敖三從大將軍擊匈奴,常護軍,傅校獲王,「太」以千五百户封敖 三百户封説爲龍頟侯。 臣青子在缱褓中、「馬」未有勤勞,上幸列地封爲三侯,非臣待罪行閒所 騎將軍公孫賀從大將軍獲王,以千三百户封賀爲南窌侯。〔10〕輕車

(二) 栗解 文類日:「音俎。」

[二] |索隱] 裨王十人。賈逵云:「裨,益也。」小顔云:「裨王,小王也,若裨將然。 音頻移反。」

[『][索隱]案:謂立大將軍之號令而歸。

[四][正義] 优音口浪反。

[五][正義] 襁長尺二寸,闊八寸,以約小兒於背。褓,小兒被也。

[六]|索隱||顧祕監云:「傳,領也。五百人謂之校。」 小顔云:「傅音附。 言敖總護諸軍,每附部校,以致克捷而獲王

[4] [索隱] 案:非邑地,而以戰功爲號。 謂以軍合驃騎,故云「合騎」,若「冠軍」、「從驃」然也

[八][集解]徐廣曰:「窳渾在朔方,音庾。」 [索隱]音庾。服虔云「塞名」。徐廣云「在朔方」。漢書作「寬渾」,寬音田

也

[九] [索隱] 搏音博。搏,擊也。小顏同。今史、漢本多作「傳」,傳猶轉也。

[10] [集解] 徐廣曰:「窌宜作『쥵』,音匹孝反。」 [索隱]徐音匹教反。韋昭云縣名。或作「窖」,音干校反。字林云

「大」下「卯」與「穴」下「卯」並音匹孝反。

不當斬。」大將軍曰:「青幸得以肺腑待罪行閒,不患無威,而霸説我以明威,甚失臣意。且 數千當單于數萬,力戰一日餘,士盡,不敢有二心,自歸。 其罪正閎(5一)長史安(5三)議郎周霸等;5月3「建當云何。」霸曰;「自大將軍出,未嘗斬裨將。 其餘騎可八百,犇降單于。右將軍蘇建盡亡其軍,獨以身得亡去,自歸大將軍。 騎,獨逢單于兵,與戰一日餘,漢兵且盡。前將軍故胡人,降爲翕侯,見急,匈奴誘之,遂將 數千級而還。月餘,悉復出定襄擊匈奴,斬首虜萬餘人。右將軍建、前將軍信并軍三千餘 軍,衞尉蘇建爲右將軍,郎中令李廣爲後將軍,右內史李沮爲彊弩將軍,咸屬大將軍,斬首 今建弃軍,可斬以明將軍之威。」 閎、安曰:「不然。 兵法 『小敵之堅, 大敵之禽也』。 今建以 其明年春,大將軍青出定襄,合騎侯敖爲中將軍,太僕賀爲左將軍,翕侯趙信爲前將 自歸而斬之,是示後無反意也。 大將軍問

衛將軍驃

爲人臣不敢專權,不亦可乎。〕軍吏皆曰「善」。遂囚建詣行在所。〔四〕人塞罷兵。 使臣職雖當斬將,以臣之尊寵而不敢自擅專誅於境外,而具歸天子,天子自裁之,於是以見

[一] (樂解) 張晏曰:「正,軍正也。 閟,名也。」

[三][正義]律,都軍官長史一人也。

[三] (集解) 徐廣曰:「儒生。」 [索隱] 徐廣云儒生也。案: 郊祀志議封禪有周霸,故知也。

四] [集解] 蔡邕曰:「天子自謂所居曰『行在所』,言今雖在京師,行所至耳。 巡狩天下,所奏事處皆爲宫。 在長安則

日奏長安宮,在泰山,則日奉高宮,唯當時所在。」

首虜二千餘人,以千一百户封賢爲衆利侯。」是歲,失兩將軍軍,亡翕侯,軍功不多,故大將 壯士,爲剽姚⊆∃校尉,與輕勇騎八百直弃大軍數百里赴利,斬捕首虜過當。C ⊪J於是天子 軍不益封。右將軍建至,天子不誅,赦其罪,贖爲庶人。 曰:「剽姚校尉去病斬首虜二千二十八級,及相國、當户,斬單于大父行〔四〕籍若侯産,〔三〕生 是歲也,大將軍姊子霍去病「一」年十八,幸,爲天子侍中。善騎射,再從大將軍,受詔與

.一][集解]徐廣曰:「姊卽少兒也。」

〔三〕[索隱] 上音匹遥反,下音遥。 |大顏案荷悦漢紀作「票鷂」。 票鷂,勁疾之貌也。 上音頻妙反,下音弋召反。

[三] [索隱] 案:小顔云「計其所將之人數,則捕首虜爲多,過於所當也。一云漢軍亡失者少,而殺獲匈奴數多,故日

四〕[索隱] 行音胡浪反。 謂籍若侯是匈奴祖之行也。 漢書云「籍若侯産,産即大父之名」。

「『」(樂解)張晏日:「籍若,胡侯。」

六〕[索隱] 案:顔氏云「羅姑比,單于季父名也」。 小顔云「比,頻也」。案:下文既云「再冠軍」,無容更言頻也。

身食萬户,三子皆爲侯者,徒以皇后故也。今王夫人幸而宗族未富貴,願將軍奉所賜千金 乘爲東海都尉 爲王夫人親壽。」大將軍乃以五百金爲壽。天子聞之,問大將軍,大將軍以實言,上乃拜甯 大將軍既還,賜千金。是時王夫人方幸於上,甯乘説大將軍曰:「將軍所以功未甚多,

張騫從大將軍,以嘗使大夏,「二留匈奴中久,導軍,知善水草處,軍得以無飢渴, 因前

使絶國功,封騫博望侯。

(一][正義]大夏國在大宛西。

功。 僧「三」者弗取,冀獲單于子。「六」轉戰六日,過焉支山千有餘里,合短兵,殺折蘭王,斬盧胡 天子曰:「驃騎將軍率戎士踰烏盭、「三討遬濮、「三渉狐奴、「四」歷五王國, 冠軍侯去病既侯三歲,元狩二年春,以冠軍侯去病爲驃騎將軍,己以將萬騎出隴西,有 輜重人衆懾

王、「+」誅全甲、「ヘ」執渾邪王子及相國、都尉,首虜八千餘級,收休屠祭天金人、「キ」益封去

病二千户。」

〔一〕[集解] 徐廣曰:「驃,一亦作『剽』。」 同大將軍。説文云:「驃,黄馬鬣白色。一曰白髦尾。」 [正義] 漢書云霍去病征匈奴有絶幕之勳,始置驃騎將軍,位在三司,品秩

[三][集解]漢書音義曰:「音戾,山名也。」

[] [索隱] 音速卜二音。崔浩云「匈奴部落名」。案:下有「遬濮王」,是國名也。

[四][集解] 晉灼曰:「水名也。」

〔五〕[集解] 文穎曰:「恐懼也。」 [索隱] 案:說文云「謦,失氣也」。劉氏云「上式涉反,下之涉反」。

[K] [集解] 徐廣曰:「一作『與』。」

[+] [集解] 張晏曰:「折蘭,盧胡,國名也。 殺者,殺之而已。斬者,獲其首。」 今鮮卑有是蘭姓者,即其種。」 正義 顔師古云:「折蘭,匈奴中姓也。

[<] [集解]徐廣曰:「全,一作『金』。」 [正義]全甲謂具足不失落也。

[n] 樂解] 如淳曰:「祭天爲主。」 [索隱] 案: 張嬰云「佛徒祠金人也」。如淳云「祭天以金人爲主也」。 屠音儲。

道:"皆擊匈奴。郎中令將四千騎先至,博望侯將萬騎在後至。 令,郎中令與戰二日,死者過半,所殺亦過當。博望侯至,匈奴兵引去。博望侯坐行留,當 其夏,驃騎將軍與合騎侯敖俱出北地,異道,博望侯張騫、郎中令李廣俱出右北平,異 匈奴左賢王將數萬騎圍郎中

騎所將常選,[18]然亦敢深入,常與壯騎先其大(將)軍,軍亦有天幸, 宿將常坐留落不遇。[lt]由此驃騎日以親貴,比大將軍。 候。」「同合騎侯敖坐行留不與驃騎會,當斬,贖爲庶人。諸宿將所將士馬兵亦不如驃騎,驃 百户封破奴爲從驃侯。[10]校尉句王高不識,[11]從驃騎將軍捕呼于屠王[15]王子以下十一 王、王母各一人,「邓」王子以下四十一人,捕虜三千三百三十人,前行捕虜千四百人,以千五 從至小月氏爵左庶長。鷹擊司馬破奴再從驃騎將軍斬遬濮「引王,捕稽沮王,「八子騎將得 除王、「□以衆降者二千五百人,斬首虜三萬二百級,獲五王,五王母,單于閼氏、王子五十 人,捕虜千七百六十八人,以千一百户封不識爲宜冠侯。[三校尉僕多二四有功,封爲煇渠 九人,相國、將軍、當户、都尉六十三人,師大率[馬] 減什三,[к] 益封去病五千户。 賜校尉 祁連山, 斬,贖爲庶人。 捕首虜甚多。 而驃騎將軍出北地,已遂深入,與合騎侯失道,不相得,驃騎將軍踰居延至 天子曰:「驃騎將軍踰居延、「一遂過小月氏、「三攻祁連山、「三得酋 未嘗困絶也。

[一] (樂解) 張晏曰:「水名也。」

索隱 韋昭云:「音支。」西域傳:「大月氏本居敦煌、祁連閒,餘衆保南山,遂號小月氏。

索隱 小顔云:「卽天山也。匈奴謂天〔爲〕祁連。」西河舊事謂白山,天山。 祁連恐非即天山也

張晏曰:「胡王也。」 [索隱] **酋音才由反。涂音徒。漢書云「揚武乎鱳得,得單于單桓、酋涂王」,此文省**

衞

將軍

驃

騎列傳

第五

+

也。

[五]正義] 率音律也。

「火」[索隱] 案:漢書云「減什七」,不同也。 小顔云「破匈奴之師,十減其七。一云漢兵亡失之數,下皆類此」。 案:後

説爲是也。

[4][正義] 速十二音。

[八] 索隱] 沮音子余反。

九][索隱]按:漢書云「右千騎將王」,然則此千騎將漢之將,屬趙破奴, 得匈奴五王及王母也。 或云右千騎將即匈

奴王之名。

[10] 集解] 張晏曰:「從驃騎將軍有功,因以爲號。」

[二] 集解 徐廣曰:「句音鉤。 匈奴以爲號。」 索隱 案:二人並匈奴人也。

[三] ||寮陽||案:三字共爲王號。

[三] 正義 孔文祥云:「從冠軍將軍戰故。宜冠、從驃之類也。」

[12] [索隱] 案:漢百官表作「僕朋」,疑多是誤。

(三) 索隱 煇音暉。

[1六] [索隱] 音宣變反。謂驃騎常選擇取精兵。

[1七] [索隱] 案:謂遲留零落,不偶合也。

邪王。 十萬。 渡河,與渾邪王衆相望。 傷,十萬之衆咸懷集服,仍與之勞,爰及河塞,庶幾無患,「乙」幸既永綏矣。 尼二三馬下摩侯,鷹庇爲煇渠侯,「四」禽棃「五」爲河綦侯, 相見,斬其欲亡者八千人,遂獨遣渾邪王乘傳先詣行在所,盡將其衆渡河,降者數萬, 使,卽馳傳以聞。天子聞之,於是恐其以詐降而襲邊,乃令驃騎將軍將兵往迎之。 接食,并將控弦萬有餘人,誅獟駻,〔『〕獲首虜八千餘級, 驃騎將軍。」減隴西、北地、上郡戍卒之半,以寬天下之繇。 子嘉驃騎之功曰:「驃騎將軍去病率師攻匈奴西域王渾邪, 其秋,單于怒渾邪王居西方數爲漢所破,亡數萬人,以驃騎之兵也。 既至長安,天子所以賞賜者數十巨萬。 渾邪王與休屠王等謀欲降漢,使人先要邊。

「己是時大行李息將城河上, 渾邪王裨將見漢軍而多欲不降者,頗遁去。 封渾邪王萬户,爲漯陰侯。〔三〕封其裨王 大當户銅離「八」爲常樂侯。 降異國之王三十二人,戰士 王及厥衆萌咸相犇, 驃騎乃馳人與渾邪王 單于怒,欲召誅渾 以千七百户益封 得渾 率以軍糧 驃 於是天 一呼毒 號稱 邪王 示離 騎既

一][索隱]案:謂先於邊境要候漢人,言其欲降。

[二] 索隱] 漯音他合反。案地理志,縣名,在平原郡。

(三) (集解) 文穎曰:「胡王名。」

衛將軍驃騎列傳第五十一

四〕集解 徐廣日:「一云『篇訾』。」 年以煇渠封僕朋,至三年又封鷹庇。其地俱屬魯陽,未詳所以。 [索隱] 漢書鷹作「雁」。庇音必二反,又音疋履反。案:漢書功臣表云元狩二 正義」煇渠,表作「順梁」。

[五] [集解] 徐廣曰:「禽,一作『鳥』。」 [索隱] 案:表作「鳥梨」。

穴] 集解 徐廣日「一作『稠離』也。」 [索隱]徐廣一作「稠離」,與漢書功臣表同。此文云「銅離」,文異也。

[七]集解]晉灼曰:「獟音欺譙反。」 [索隱] 上音丘昭反。説文作「趬」,行遮貌。遮,一作「疾」。 駻音胡旦反。

[八][正義] 言匈奴右地渾邪王降,而塞外並河諸郡之民無憂患也。

居頃之,乃分徙降者邊五郡故塞外,口一而皆在河南,因其故俗,爲屬國。口一其明年,匈

奴人右北平、定襄,殺略漢千餘人。

[一] [正義] 五郡謂隴西、北地、上郡、朔方、雲中,並是故塞外,又在北海西南。

〔三〕[正義]以降來之民徙置五郡,各依本國之俗而屬於漢,故言「屬國」也。

其明年,天子與諸將議曰:「翕侯趙信爲單于畫計,常以爲漢兵不能度幕輕留,「二今大

發士卒,其勢必得所欲。」是歲元狩四年也。

〔一〕 [索隱] 案:幕卽沙漠,古字少耳。 輕留者,謂匈奴以漢軍不能至,故輕易留而不去也。

敢力戰深入之士皆屬驃騎。驃騎始爲出定襄,當單于。 元狩四年春,上令大將軍青、驃騎將軍去病將各五萬騎,步兵轉者踵軍數十萬,八二而 捕虜言單于東,乃更令驃騎出代

于。單于視漢兵多,而士馬尚彊,戰而匈奴不利,薄莫,單于遂乘六贏,壯騎可數百,直冒漢 郡,令大將軍出定襄。 于,頗捕斬首虜萬餘級,遂至實顔山趙信城、「尽〕得匈奴積粟食軍。 漢軍因發輕騎夜追之,大將軍軍因隨其後。 當匈奴。 大將軍軍出塞千餘里,見單于兵陳而待,於是大將軍令武剛車「三〕自環爲營,而縱五千騎往 後將軍,皆屬大將軍。 城餘粟以歸。 曰:「漢兵既度幕,人馬罷,匈奴可坐收虜耳。」乃悉遠北其輜重,皆以精兵待幕北。 圍西北馳去。 匈奴亦縱可萬騎。會日且人,大風起,沙礫擊面,兩軍不相見,漢益縱左右翼繞單 時已昏,漢匈奴相紛挐,〔三〕 兵卽度幕,人馬凡五萬騎,與驃騎等咸擊匈奴單于。 郎中令爲前將軍,太僕爲左將軍,主爵趙食其爲右將軍,平陽侯襄爲 殺傷大當。「图」漢軍左校捕虜言單于未昏而去, 匈奴兵亦散走。遲明,至己行二百餘里,不得單 軍留一日而還,悉燒其 趙信爲單于謀 而適值

[一][正義]言轉運之士及步兵接後又數十萬人。

[三][樂解]孫吳浜法曰:「有巾有蓋,謂之武剛車也。」

〔三〕[正義] 三蒼解詁云:「紛挐,相牽也。」

四][索隱]以言所殺傷大略相當。

五 [集解]徐廣曰:「遲,一作『黎』。」 [索隱] 上音值、待也。 待天欲明,謂平明也。 諸本多作「黎明」。 鄒氏云「黎,

遲也」。然黎、黑也、侯天將明猶黑也。 [正義] 遲音值。

[K][集解]徐廣日:「寬音田。」

軍引還過幕南,乃得前將軍、右將軍。大將軍欲使使歸報,令長史簿責前將軍廣,廣自殺。 大將軍之與單于會也,而前將軍廣、右將軍食其軍別從東道,或失道,後擊單于。大將

右將軍至,下吏,贖爲庶人。大將軍軍人塞,凡斬捕首虜萬九千級。

是時匈奴衆失單于十餘日,右谷蠡〔〕王聞之,自立爲單于。單于後得其衆,右王乃去

單于之號。

(一) [索隱] 上音禄;下音棃,又音離。

户、都尉八十三人,封狼居胥山,禪於姑衍,「氐」登臨翰海。[10]執鹵獲醜七萬有四百四十三 太守路博德屬驃騎將軍,會與城,自己不失期,從至檮余自己山,斬首捕虜二千七百級,以千 級,師率減什三,取食於敵,違行己行殊遠而糧不絶,以五千八百户益封驃騎將軍。」右北平 將、「自」斬獲旗鼓,歷涉離侯。「馬」濟弓間、「糸」獲屯頭王、「も」韓王等三人、「八」將軍、相國、當 率師,躬將所獲葷粥之士,行了約輕齎,絶大幕,涉獲章渠,行以誅比車耆,行司轉擊左大 出代、右北平千餘里,直左方兵,所斬捕功已多大將軍。軍既還,天子曰:「驃騎將軍去病 驃騎將軍亦將五萬騎,車重與大將軍軍等,而無裨將。悉以李敢等爲大校,當裨將,

官,賞賜甚多。而大將軍不得益封,軍吏卒皆無封侯者。 爲壯侯,以千八百户封伊卽靬爲衆利侯。 故歸義因淳王復陸支、ᠬ司樓專王「ハス〕伊卽軒「ハッ〕皆從驃騎將軍有功,以千三百户封復陸支 六百户封博德爲符離侯。 三百户。校尉敢与引得旗鼓, 北地都尉邢山口召從驃騎將軍獲王,以千二百户封山爲義陽侯。 爲關內侯,食邑二百户。校尉自爲[10]爵大庶長。軍吏卒爲 從驃侯破奴、昌武侯安稽口心從驃騎有功,益封各

- [一][集解]徐廣曰:「粥,一作『允』。」駰案:應劭曰「所降士有材力者」。
- [二] 集解]徐廣曰:「獲,一作『護』。」 索隱 小顔云:「涉謂涉水也。 章渠,單于之近臣,謂涉水而破獲之。」漢書云

「涉獲單于章渠」也。

[三] (集解) 晉灼曰:「王號也。」 索隱] 比,必耳反。

[四][索隱]案:漢書名雙。

(ヨ][索隱]漢書作「度難侯」。小顔云「山名」。歷、度也。

[· ·] (集解) 晉灼曰:「水名也。」 [索隱] 弓,包愷音穹,亦如字讀。

[4][集解]漢書音義日:「胡王號也。」

「八」(集解)徐廣日:「王,一作『藉』。」 [索隱]按:漢書云「屯頭韓王等三人」。李奇曰「皆匈奴王號」。

[九][正義] 積土爲壇於山上,封以祭天也。祭地日禪。

〔10〕[樂解] 張晏曰:「登海邊山以望海也。」 [索隱] 按·崔浩云「北海名,羣鳥之所解羽,故云翰海」。 廣異志云「在

沙漠北」。

[二] | 索陽| 音與「卓」同。卓,遠也。

[三] [正義] 與音余。

[一] 索隱] 音桃徒二音。

[18][樂解]徐廣日:「一作『衞山』。」

[三][索隱]復,劉氏音伏,小顔音福。

[一] [索隱] 漢書作「剸」,並音專。 小顔音之兗反也。

[14] | 索隱| 九言反。

[一〇] 集解] 徐廣曰:「姓趙,故匈奴王。」 [索隱] 故匈奴王,姓趙也。

[1九] 索隱] 李廣子也。

[三0] | 索隱] 案:徐自爲也。

情日退,而驃騎日益貴。 舉大將軍故人門下多去事驃騎,輒得官爵,唯任安不肯。 大將軍、驃騎將軍皆爲大司馬。〔一〕定令,令驃騎將軍秩禄與大將軍等。 兩軍之出塞,塞閱官及私馬凡十四萬匹,而復入塞者不滿三萬匹。 自是之後,大將軍 乃益置大司馬位,

[一] (樂解] 如淳曰:「大將軍、驃騎將軍皆有大司馬之號也。」 謂太尉,其官又省,今武帝始置此位,衞將軍、霍驃騎皆加此官。 [索隱] 案: 如淳云「本無大司馬,今新置耳」。案: 前

軍爲人仁善退讓,以和柔自媚於上,然天下未有稱也。 肉,而士有飢者。 其在塞外,卒乏糧,或不能自振,而驃騎尚穿域蹋鞠。〔刑〕事多此類。 大將 益重愛之。然少而侍中,貴,不省士。其從軍,天子爲遣太官齎數十乘,既還,重車餘弃梁 如耳,不至學古兵法。」天子爲治第,令驃騎視之,對曰:「匈奴未滅,無以家爲也。」由此上 驃騎將軍爲人少言不泄,气心有氣敢任。气心天子嘗欲教之孫吳兵法,對曰:「顧方略何

〔一〕[索隱] 案:孔文祥云「謂質重少言,膽氣在中也。周仁『陰重不泄』,其行亦同也」。

[三][索隱]謂果敢任氣也。漢書作「往」,亦作「任」也。

「躝鞠」。三倉云「鞠毛可躝以爲戲」。鞠音巨六反。 域也。今之鞠戲,以皮爲之,中實以毛,蹵蹋爲戲。劉向別錄云「躢鞠,兵勢,所以陳武事,知有材力也」。漢書作 起戰國時。程武士,知其材力也,若講武 [集解]徐廣日:「穿地爲營域。」 [索隱] 穿域聲鞠。徐氏云「穿地爲營域」。發鞠書有域説篇,又以杖打,亦有限 [正義] 按: 螳螂書有域説篇, 即今之打毬也。 黄帝所作,

茂陵,爲冢象祁連山。〔三〕謚之,并武與廣地曰景桓侯。〔三〕子嬗〔四〕代侯。嬗少,字子侯,上 愛之,幸其壯而將之。居六歲,元封元年,嬗卒,謚良侯。無子,絶,國除。 驃騎將軍自四年軍後三年,元狩六年而卒。天子悼之,發屬國玄甲气〕軍,陳自長安至

衠

- [一][正義]屬國即上分置邊五郡者也。玄甲,鐵甲也。
- [三][索隱]案:崔浩云「去病破昆邪於此山,故令爲冢象之以旌功也」。 是青,東者是去病冢。上有豎石,前有石馬相對,又有石人也。 姚氏案:家在茂陵東北, 與衞青冢並。 西者
- 引][集解] 蘇林曰:「景,武謚也;桓,廣地謚也。」張晏曰:「謚法『布義行剛曰景,闢士服遠曰桓』。」 邊地之功,故云「謚之并武與廣地曰景桓侯」。 桓,兩謚也。 溢法「布義行剛曰景」,是武謚也;又曰「辟土服遠曰桓」,是廣地之謚也。 以去病平生有武藝及廣 索隱 案.景,

[四] 索隱] 音市戰反。

發干侯登皆坐酎金失侯。 自驃騎將軍死後,大將軍長子宜春侯伉坐法失侯。 失侯後二歲,冠軍侯國除。 其後四年,大將軍青卒,自己謚爲烈 後五歲,炕弟二人,陰安侯不疑及

侯。子伉代爲長平侯。

[一][集解]徐廣曰:「元封五年。」

自大將軍圍單于之後,十四年而卒。 竟不復擊匈奴者,以漢馬少,而方南誅兩越,東伐

朝鮮,擊羌、西南夷,以故久不伐胡。

大將軍以其得尚平陽長公主「」一故,長平侯伉代侯。六歲,坐法失侯。

[一][正義]漢書云:「平陽侯曹壽有惡疾,就國,乃韶青尚平陽公主。」如淳云:「本陽信長公主,爲平陽侯所尚,故稱平

左方兩大將軍及諸裨將名:

户。其校尉裨將以從大將軍侯者九人。其裨將及校尉已爲將者十四人。〔三〕爲裨將者 置朔方郡,再益封,凡萬一千八百户。封三子爲侯,侯千三百户。并之,萬五千七百 日李廣,自有傳。 最气 一大將軍青,凡七出擊匈奴,斬捕首虜五萬餘級。 一與單于戰,收河南地,遂 無傳者日:

(二) 索隱 謂凡計也。

[三][索隱]案:漢書云「爲特將者十五人」,蓋通李廣也。 人謂李廣、張騫、公孫賀、李蔡、曹襄、韓説、蘇建也。 此李廣一人自有傳,若漢書則七人自有傳,八人附見。七

從大將軍出定襄,無功。後四歲,以坐酎金失侯。後八歲,「『〕以浮沮「『〕將軍出五原 車將軍出雲中。後五歲,以騎將軍從大將軍有功,封爲南窌侯。後一歲,以左將軍再 侯。賀,武帝爲太子時舍人。武帝立八歲,以太僕爲輕車將軍,軍馬邑。後四歲,以輕 一千餘里,無功。後八歲,「胃」以太僕爲丞相,封葛繹侯。賀七爲將軍,出擊匈奴無大 將軍公孫賀。賀,義渠人,行己其先胡種。賀父渾邪,景帝時爲平曲侯,行己坐法失

軍驃騎列傳第五十一

功,而再侯,爲丞相。坐子敬聲與陽石公主姦,〔《〕爲巫蠱,族滅,無後。

[一][正義]今慶州,本義渠戎國也。 地理志云北義渠道也。

〔三〕[集解] 徐廣曰:「爲隴西太守。」

[三]集解]徐廣日:「元鼎六年。」

[四] | 索隱| 沮音子餘反。

(三) 集解 徐廣曰:「太初二年。」

[() 集解]徐廣曰:「陽石,一云『德邑』。」

將軍李息,郁郅人。「己事景帝。至武帝立八歲,爲材官將軍,軍馬邑,後六歲,爲

將軍,出代;後三歲,爲將軍,從大將軍出朔方:皆無功。凡三爲將軍,其後常爲大行。

[一] 集解 服虔曰:「郅音窒。」 [索隱] 服虔音窒,小顔音質。案:北地縣名也。 正義之栗反。今慶州弘化縣

歲,以校尉從大將軍,無功。後十四歲,以因行口將軍築受降城。七歲,復以因杅將軍 再出擊匈奴,至余吾,行己亡士卒多,下吏,當斬,詐死,亡居民閒五六歲。後發覺,復 從大將軍,再出定襄,無功。後二歲,以將軍出北地,後驃騎期,當斬,贖爲庶人。後二 千人,當斬,贖爲庶人。後五歲,以校尉從大將軍有功,封爲合騎侯。後一歲,以中將軍 將軍公孫敖,義渠人。以郎事武帝。武帝立十二歲,爲(驃)騎將軍,出代,亡卒七

緊。坐妻爲巫蠱,族。凡四爲將軍,出擊匈奴,一侯。

[二] 索隱] 音于。

〔三〕[索隱] 余音餘,又音徐。案:水名,在朔方。

將軍李沮、二三雲中人。二三事景帝。 武帝立十七歲, 以左内史爲彊弩將軍。

歲,復爲彊弩將軍。

[一] [索屬] 音「俎豆」之「俎」。

[三][正義]今嵐、勝州也。

將軍李蔡,成紀人也。「二事孝文帝、景帝、武帝。 以輕車將軍從大將軍有功,封爲

樂安侯。已爲丞相,坐法死。

[二]正義]秦州縣也。

軍,軍北軍。 將軍張次公,河車人。以校尉從衞將軍青有功,封爲岸頭侯。其後太后崩, 後一歲,爲將軍,從大將軍,再爲將軍,坐法失侯。次公父隆,輕車武射 爲將

也。以善射,景帝幸近之也。

歲,爲游擊將軍,從大將軍出朔方。後一歲,以右將軍再從大將軍出定襄,亡翕侯,失 將軍蘇建,杜陵人。以校尉從衞將軍青,有功,爲平陵侯,以將軍築朔方。 後四

衞將軍驃騎列傳第五十一

軍,當斬,贖爲庶人。其後爲代郡太守,卒,冢在大猶鄉。

將軍趙信,以匈奴相國降,爲翕侯。武帝立十七歲,爲前將軍,與單于戰,敗,降匈

奴。

將軍張騫,以使通大夏,還,爲校尉。從大將軍有功,封爲博望侯。後三歲,爲將

軍,出右北平,失期,當斬,贖爲庶人。其後使通鳥孫,爲大行而卒,冢在漢中。

將軍趙食其,沒栩人也。自己武帝立二十二歲,以主爵爲右將軍,從大將軍出定襄,

迷失道,當斬,贖爲庶人。

【一〕 [索隱] 縣名,在馮翊。 祋音都活反,又音丁外反。 祤音詡。 正義上都誨反。 雍州同官縣,本漢祋祤縣也。

將軍曹襄,以平陽侯爲後將軍,從大將軍出定襄。襄,曹參孫也。

六年,以待韶爲横海將軍,擊東越有功,爲按道侯。以太初三年爲游擊將軍,屯於五原 將軍韓説,弓高侯庶孫也。以校尉從大將軍有功,爲龍額侯,坐酎金失侯。元鼎

外列城。爲光禄勳,掘蠱太子宫,衞太子殺之。

將軍郭昌,雲中人也。以校尉從大將軍。一元封四年,以太中大夫爲拔胡將軍,屯

朔方。還擊昆明,毋功,奪印。

將軍荀彘,太原廣武人。以御見、二一時中,爲校尉,數從大將軍。以元封三年爲

左將軍擊朝鮮,毋功。以捕樓船將軍坐法死。

(一) 正義 以善御求見也。

邪王以衆降數萬,遂開河西酒泉之地,气三西方益少胡寇。 最驃騎將軍去病,凡六出擊匈奴,其四出以將軍,
(二)斬捕首虜十一萬餘級。 四益封,凡萬五千一百户。

其校吏有功爲侯者凡六人,而後爲將軍二人。

[一] [集解] 徐廣曰:「再出以剽姚校尉也。」

[二][正義]河謂隴右蘭州之西河也。[酒泉]謂凉、肅等州。 漢書西域傳云驃騎將軍擊破匈奴右地,置酒泉郡,後分

置武威、張掖、燉煌等郡。

博德以衞尉爲伏波將軍,伐破南越,益封。其後坐法失侯。 將軍路博德,平州人。自己以古北平太守從驃騎將軍有功,爲符離侯。 爲彊弩都尉,屯居延,卒。 驃騎死後,

一] [正義] 漢書云西河平州。按:西河郡今汾州。

歲、气三擊虜樓蘭王, 有功,封爲從驃侯。 將軍趙破奴,故九原人。「」嘗亡人匈奴,已而歸漢, 坐酎金失侯。後一歲,爲匈河將軍, 復封爲浞野侯。後六歲、〔三〕爲浚稽將軍,將二萬騎擊匈奴左賢 攻胡至匈河水, 爲驃騎將軍司馬。 無功。 出北地時 後一

衞將軍驃騎列傳第五十一

王,左賢王與戰,兵八萬騎圍破奴,破奴生爲虜所得,遂没其軍。 居匈奴中十歲, 復與

其太子安國亡人漢。「四〕後坐巫蠱,族。

(一) 正義 今勝州。

[三] 樂解]徐廣日:「元封二年。」

[三][集解]徐廣日:「太初二年。」

[四] [集解] 徐廣曰:「以太初二年人匈奴,天漢元年亡歸,涉四年。」

自衞氏興,大將軍青首封,其後枝屬爲五侯。 凡二十四歲而五侯盡奪, 衛氏無爲

侯者。

附士大夫,招賢絀不肖者,人主之柄也。人臣奉法遵職而已,何與行己招士!』」驃騎亦放 古名將所招選擇賢者,勉之哉。大將軍謝曰:『自魏其、武安之厚賓客,天子常切齒。 太史公曰:蘇建語余曰:「吾嘗賣大將軍至尊重,而天下之賢大夫毋稱焉,〔〕願將軍觀 彼親

【二】[索隱] 謂不爲賢士大夫所稱譽。

此意,其爲將如此。

嫖姚繼踵,再静邊方。

【索隱述贊】君子豹變,貴賤何常。情本奴虜,忽升戎行。姊配皇極,身尚平陽。寵樂斯僭,取亂彝章。

衛將軍驃騎列傳第五十一

史記卷一百一十二

平津侯主父列傳第五十二

年四十餘,乃學春秋雜説。養後母孝謹。 丞相公孫弘者,齊菑川國薛縣人也,自己字季。少時爲薜獄吏,有辜,免。家貧,牧豕海

[一] [索隱] 案:薛縣屬魯國,漢置菑川國,後割人齊也。 城在青州壽光縣南三十一里。故薛城在徐州滕縣界。地理志云薛縣屬魯國。」按:薛與劇隔兗州及太山,未詳。 公孫弘墓又在青州北魯縣西二十里也。 [正義] 表云菑川國,文帝分齊置,都劇。 括地志云:「故劇

還報,不合上意,上怒,以爲不能,弘迺病免歸。 建元元年,天子初卽位,招賢良文學之士。是時弘年六十,徵以賢良爲博士。使匈奴,

能罷 策奏,天子擢弘對爲第一。召入見,狀貌甚麗,拜爲博士。是時通西南夷道,置郡,巴蜀民 [歸,願更推選。] 國人固推弘,弘至太常。 太常令所徵儒士各對策,百餘人, 弘第居下。 元光五年,有韶徵文學,菑川國復推上公孫弘。弘讓謝國人曰:「臣已嘗西應命,以不

平津

苦之、韶使弘視之。還奏事、盛毁西南夷無所用、上不聽。

詐而無情實,始與臣等建此議,今皆倍之,不忠。」上問

弘。

弘謝曰:「夫知臣者以臣爲忠, 聽,以此日益親貴。嘗與公卿約議,至上前,皆倍其約以順上旨。|汲黯庭詰弘曰:「齊人多 事,有不可,不庭辯之。嘗與主爵都尉汲黯請閒,汲黯先發之,弘推其後,天子常説,所言皆 不知臣者以臣爲不忠。」上然弘言。左右幸臣每毀弘,上益厚遇之。 厚,辯論有餘,習文法吏事,而又緣飾以儒術,气己上大説之。二歲中,气己至左内史。弘奏 母死,服喪三年。每朝會議,開陳其端,令人主自擇,不肯面折庭争。於是天子察其行敦 弘爲人恢奇多聞,常稱以爲人主病不廣大,人臣病不儉節。弘爲布被,食不重肉。後

[一] [索隱] 謂以儒術飾文法,如衣服之有領緣以爲飾也。

[三] 集解]徐廣曰:「一云一歲。」

策,弘不得一。「□弘迺謝曰:「山東鄙人,不知其便若是,願罷西南夷、滄海而專奉朔方。」 諫,以爲罷敝中國以奉無用之地,願罷之。於是天子乃使朱買臣等難弘置朔方之便。 元朔三年,張歐免,以弘爲御史大夫。是時通西南夷,東置滄海,北築朔方之郡。 弘數 發十

[一][集解]章昭曰:「以弘之才,非不能得一也,以爲不可,不敢逆上耳。」 |索隱||按:韋昭以弘之才非不能得一,以 上乃許之。

卿與臣善者無過贈,然今日庭詰弘,誠中弘之病。夫以三公爲布被,誠飾詐欲以釣名。 差,誠如汲黯言。且無汲黯忠,陛下安得聞此言。」天子以爲謙讓,愈益厚之。卒以弘爲丞 絲,齊國亦治,此下比於民。〔一〕今臣弘位爲御史大夫,而爲布被,自九卿以下至於小吏,無 臣聞管仲相齊,有三歸,侈擬於君,桓公以霸,亦上僭於君。晏嬰相景公,食不重肉,妾不衣 相,封平津侯。〔三〕 汲黯曰:「弘位在三公,奉禄甚多,然爲布被,此詐也。」上問弘。 弘謝曰:「有之。夫九 且

[一] |索隱| 比音鼻。比者,近也。小顔音「比方」之「比」。

[三][集解]徐廣曰:「大臣表曰元朔五年十一月乙丑,公孫弘爲丞相。·功臣表曰元朔(三)[五]年十一月乙丑,封平津 侯。」駰案漢書,高成之平津鄉也。 津鄉六百五十户爲平津侯。丞相封侯,自弘始也。」 [索隱] 案:漢書曰「漢興,皆以列侯爲丞相,弘本無爵,乃韶封弘高成之平

舒於膠西,皆弘之力也。食一肉脱粟之飯。〔三〕故人所善賓客,仰衣食,弘奉禄皆以給之,家 弘爲人意忌,外寬内深。〔〕諸嘗與弘有卻者,雖詳與善,陰報其禍。殺主父偃,徙董仲

無所餘。 士亦以此賢之。 津侯主父列傳第五十二

平

【一】[縻隱] 謂弘外寬内深,意多有忌害也。

[二][索隱]案:一肉,言不兼味也。脱粟,纔脱穀而已,言不精鑿也。

雜帛。居數月,病有瘳,視事。 歸侯,乞骸骨,是章朕之不德也。今事少閒,君其省思慮,一精神,輔以醫藥。」因賜告牛酒 武,「鬥未有易此者也。朕宿昔庶幾獲承尊位,懼不能寧,惟所與共爲治者,君宜知之。蓋 責。願歸侯印,乞骸骨,避賢者路。」天子報曰:「古者賞有功, 褒有德, 守成尚文, 遭遇右 家,使人由臣子之道。今諸侯有畔逆之計,此皆宰相奉職不稱,恐竊病死,自己無以塞責。乃 君子善善惡惡,(君宜知之)君若謹行,常在朕躬。君不幸罹霜露之病,何恙不已,「禹〕迺上書 武,厲賢予禄,「

「

量能授官。

今臣

弘罷駑之質,無汗馬之勞,陛下過意擢臣

弘卒伍之中,封 者天下之通道也。智,仁,勇,此三者天下之通德,所以行之者也。故曰『力行近乎仁,好問 爲列侯,致位三公。臣弘行能不足以稱,素有負薪之病,恐先狗馬填溝壑,終無以報德塞 有不能自治而能治人者也,此百世不易之道也。今陛下躬行大孝,鑒三王,建周道,兼文 近乎智,知恥近乎勇』。知此三者,則知所以自治,知所以自治,然後知所以治人。天下未 上書曰:「臣聞天下之通道五,所以行之者三。「三日君臣,父子,兄弟,夫婦,長幼之序,此五 淮南、衡山謀反,治黨與方急。弘病甚,自以爲無功而封,位至丞相,宜佐明主填撫國

[一][索隱]案:人臣委質於君,死生由君。 今若一朝病死,是竊死也。

[二][索隱]案:此語出子思子,今見禮記中庸篇。

[三]集解]徐廣曰:「厲,一作『廣』也。」

[四] [索隱] 小顏云:「右亦上也。言遭遇亂時則上武也。」

[五][集解] 漢書音義曰:「何恙,喻小疾不以時愈。」 [索隱] 恙,憂也。 言罹霜露寒涼之疾,輕,何憂於病不止。禮曰

「疾止復初」也。

元狩二年,弘病, 竟以丞相終。「一子度嗣爲平津侯。 度爲山陽太守十餘歲,

侯。〔三〕

[一][樂解] 漢書曰:「年八十。」 [索隱] 漢書云凡爲御史、丞相六歲,年八十終。

[二] [索隱] 漢書云坐不遣鉅野令史成詣公車,論爲城旦。 元始中韶復弘後爲關内侯也。

能厚遇也。 上,上不召。資用乏,留久,諸公賓客多厭之,乃上書闕下。朝奏,暮召入見。所言九事,其 厚遇,爲客甚困。孝武元光元年中,以爲諸侯莫足游者,乃西入關見衞將軍。 主父偃者,齊臨菑人也。學長短縱橫之術,晚乃學易、春秋、百家言。游齊諸生閒,莫 齊諸儒生相與排擯,不容於齊。家貧,假貸無所得,迺北游燕、趙、中山,皆莫能 衛將軍數言

平

八事爲律令,一事諫伐匈奴。其辭曰:

今臣不敢隱忠避死以效愚計,願陛下幸赦而少察之。 臣聞明主不惡切諫以博觀,忠臣不敢避重誅以直諫,是故事無遺策而功流萬世。

敝,孤寡老弱不能相養,道路死者相望,蓋天下始畔秦也。 輸北河,率三十鍾而致一石。男子疾耕不足於糧饟,女子紡績不足於帷幕。百姓靡 兵革不備哉?其勢不可也。又使天下蜚芻輓粟,「馬」起於黄、腄、「氐」琅邪負海之郡,轉 男以守北河。暴兵露師十有餘年,死者不可勝數,終不能踰河而北。是豈人衆不足, 使蒙恬將兵攻胡,辟地千里,以河爲境。地固澤(鹹)鹵,[四]不生五穀。然後發天下丁 守也。勝必殺之,非民父母也。靡獎「一一中國,快心匈奴,非長策也。」秦皇帝不聽,遂 欲攻匈奴,李斯諫曰:「不可。夫匈奴無城郭之居,委積之守,遷徙鳥舉,難得而制也。 者也。昔秦皇帝任戰勝之威,蠶食天下,并吞戰國,海内爲一,功齊三代。務勝不休, 春蒐秋獮,諸侯春振旅,秋治兵,所以不忘戰也。「三」且夫怒者逆德也,兵者凶器也,争 輕兵深入,糧食必絶,踵糧以行,重不及事。得其地不足以爲利也,遇其民不可役而 者末節也。古之人君一怒必伏尸流血,故聖王重行之。夫務戰勝窮武事者,未有不悔 司馬法曰:「國雖大,好戰必亡,天下雖平,忘戰必危。」天下既平,天子大凱,「一

[一] [集解] 應劭曰:「大凱,周禮還師振旅之樂。」

[三][集解] 宋均曰:「春秋少陽少陰,氣弱未全,須人功而後用,士庶法之,教而後成,宗仁本義。 天子諸侯必春秋講 武,簡閱車徒,以順時氣,不忘戰也。」 [索隱]按:宋均云「宗本仁義,助少陰少陽之氣,因而教以簡閱車徒。」

〔三〕[索隱]靡音糜。獘猶凋敝也。

[四][集解]徐廣曰:「澤,一作『斥』。」]瓊曰:「其地多水澤,又有鹵。」

[五][集解] 文顯曰:「轉芻穀就戰是也。」

[K] [集解] 徐廣曰:「腄在東萊,音縋。」 [索隱] 縣名,在東萊,音逐瑞反,注音縋。

高帝不聽,遂北至於代谷,果有平城之圍。高皇帝蓋悔之甚,乃使劉敬往結和親之約, 則慮易。乃使邊境之民獒靡愁苦而有離心,將吏相疑而外市,〔〕故尉佗、章邯得以成 統,而下(脩)[循]近世之失,此臣之所大憂,百姓之所疾苦也。且夫兵久則變生, 也,天性固然。上及虞夏殷周,固弗程督,禽獸畜之,不屬爲人。夫上不觀虞夏殷周之 然後天下忘干戈之事。故兵法曰「興師十萬,日費千金」。夫秦常積衆暴兵數十萬人, 「不可。夫匈奴之性,獸聚而鳥散,從之知搏影。今以陛下盛德攻匈奴,臣竊危之。」 下敝百姓,甘心於外國,非完事也。夫匈奴難得而制,非一世也。行盜侵驅,所以爲業 雖有覆軍殺將係虜單于之功,亦適足以結怨深讎,不足以償天下之費。夫上虚府庫, 及至高皇帝定天下,略地於邊,聞匈奴聚於代谷之外而欲擊之。御史成進諫曰: ,事苦

存亡在所用」。 其私也。 夫秦政之所以不行者,權分乎二子,此得失之效也。 願陛下詳察之,少加意而熟慮焉。 故周書曰「安危在出令,

[一] [集解] 張晏曰:「與外國交求利己,若章邯之比。」

是時趙人徐樂八二濟人嚴安八三人俱上書言世務,各一事。徐樂日:

[一] 索隱 樂音岳。

[三] 索隱]按:本姓莊,避明帝諱,後並改「嚴」也。安及徐樂並拜郎中。樂後爲中大夫。

之患不在瓦解。由是觀之,天下誠有土崩之勢,雖布衣窮處之士或首惡而危海内,陳 之謂土崩。故曰天下之患在於土崩。何謂瓦解?吴、楚、齊、趙之兵是也。七國謀爲 賢,陶朱、猗頓之富也,然起窮巷,奮棘矜,二〕偏袒大呼而天下從風,此其故何也。由 時,先帝之德澤未衰而安土樂俗之民衆,故諸侯無境外之助。此之謂瓦解,故曰天下 尺寸之地而身爲禽於中原者,此其故何也。非權輕於匹夫而兵弱於陳涉也,當是之 大逆,號皆稱萬乘之君,帶甲數十萬,威足以嚴其境內, 財足以勸其士民,然不能西攘 民困而主不恤,下怨而上不知(也),俗已亂而政不脩,此三者陳涉之所以爲資也。是 涉無千乘之尊,尺土之地,身非王公大人名族之後,無鄉曲之譽,非有凡、墨、曾子之 臣聞天下之患在於土崩,不在於瓦解,古今一也。何謂土崩。秦之末世是也。

涉是也。況三晉之君或存乎!天下雖未有大治也,誠能無土崩之勢,雖有彊國勁兵不 得旋踵而身爲禽矣,吴、楚、齊、趙是也。 況羣臣百姓能爲亂乎哉!此二體者, 安危之

明要也,賢主所留意而深察也。

[一][樂解]矜音勤。 [索隱]下音勤。矜,今戟柄。棘,戟也。

武,俗何必成康!雖然,臣竊以爲陛下天然之聖,寬仁之資,而誠以天下爲務,則湯武 雖有彊國勁兵,陛下逐走獸,射蜚鳥,弘游燕之囿,淫縱恣之觀,極馳騁之樂,自若也。 於安危之機,脩之廟堂之上,而銷未形之患。其要,期使天下無土崩之勢而已矣。故 民且有不安其處者矣。不安故易動。易動者,土崩之勢也。故賢主獨觀萬化之原,明 聞圖王不成,其敝足以安。安則陛下何求而不得,何爲而不成,何征而不服乎哉! 親天下而服四夷,餘恩遺德爲數世隆,南面負扆攝袂而揖王公,此陛下之所服也。 之名不難侔,而成康之俗可復興也。此二體者立,然後處尊安之實,揚名廣譽於當世, 金石絲竹之聲不絶於耳,帷帳之私俳優侏儒之笑不乏於前,而天下無宿憂。名何必湯 閒者關東五穀不登,年歲未復,民多窮困,重之以邊境之事,推數循理而觀之,則

嚴安上書曰:

臣聞周有天下,其治三百餘歲,成康其隆也,刑錯四十餘年而不用。 及其衰也,亦

平

卿分晉,並爲戰國,此民之始苦也。 五伯既没,賢聖莫續,天子孤弱,號令不行。諸侯恣行,彊陵弱,衆暴寡,田常篡齊,六 胄生蟣蝨,民無所告愬。 三百餘歲,故五伯更起。 五伯者,常佐天子興利除害,誅暴禁邪,匡正海内,以尊天子。 於是彊國務攻,弱國備守,合從連横,馳車擊轂,介

郢,周市舉魏,韓廣舉燕,窮山通谷豪士並起,不可勝載也。 帝崩,天下大叛。陳勝、吳廣舉陳、「太」武臣、張耳舉趙,項梁舉吴, 越,使監禄「El鑿渠運糧,深入越,越人遁逃。 曠日持久,糧食絶乏, 越人擊之,秦兵大 胡、辟地進境、戍於北河、 蜚芻輓栗以隨其後。 退,法嚴政峻,諂諛者衆,日聞其美,意廣心軼。欲肆威海外,乃使蒙恬將兵以北攻 康緩其刑罰,薄賦斂,省繇役,貴仁義,賤權利,上篤厚,[m]下智巧,[m]變風易俗,化於 鑄以爲鍾虡,行己示不復用。元元黎民得免於戰國,逢明天子,人人自以爲更生。 不得退。行十餘年,丁男被甲,丁女轉輸,苦不聊生,自經於道樹, 秦乃使尉佗將卒以戍越。 及至秦王、蠶食天下,并吞戰國,稱號曰皇帝,主海内之政,壞諸侯之城,銷其兵, 當是時,秦禍北構於胡,南挂於越,宿兵無用之地,進而 又使尉(佗)屠睢[四]將樓船之士南攻百 然皆非公侯之後, 田儋舉齊, 死者相望。 非長官 景駒舉 及秦皇 嚮使

進、「三至于霸王,時教使然也。」秦貴爲天子,富有天下,滅世絶祀者,窮兵之禍也。 之吏也。無尺寸之勢,起閭巷,杖棘矜,應時而皆動,不謀而俱起,不約而同會,壞長地 故

周失之弱,秦失之彊,不變之患也。

[一] 索隱] 下音巨。鄒氏本作「鐻」,音同。

[二][索隱]上猶尚也,貴也。

(三) ||索隱| 謂智巧爲下也。

[四] [索隱] 案: 尉,官也。他,趙他也,音徒何反。屠睢,人姓名。睢音雕。

[頁] 集解] 章昭曰:「監御史名禄也。」

[六] ||索隱] 謂勝、廣舉兵於陳。 舉音如字。或音據,恐疎也。下同。

「七」「集解」張晏曰:「長、進益也。」

弦,轉輸運糧,未見休時,此天下之所共憂也。 夫兵久而變起,事煩而慮生。 今外郡之 而不解,兵休而復起,近者愁苦,遠者驚駭,非所以持久也。今天下鍛甲砥劍, 靡敝國家,非所以子民也。行無窮之欲,甘心快意,結怨於匈奴,非所以安邊也。禍結 者美之。此人臣之利也,非天下之長策也。今中國無狗吠之驚,而外累於遠方之備, 今欲招南夷,朝夜郎,降羌僰,〔一〕略濊州〔三〕建城邑, 深入匈奴,燔其龍城,〔三〕議 橋箭累

平

權、非特六卿之重也,地幾千里,非特閻巷之資也,甲兵器械, 者,公室卑削,六卿大盛也,下觀康之所以滅者, 地或幾千里,列城數十,形束壤制,「鬥」旁脅諸侯,非公室之利也。 嚴法刻深,欲大無窮也。 非特棘矜之用也,以遭 上觀齊晉之所以亡 今郡守之

[一] 索隱] 僰,白北反,又皮逼反。

萬世之變,則不可稱諱也。

〔三〕[集解] 如淳曰:「東夷也。」 [索隱] 濊州,地名,卽古濊貊國也。

音紆廢反。

〔四〕[樂解] 服虔曰:「言所束在郡守,土壤足以專〔□〕 [索隱] 匈奴城名,音龍。 燔音煩。燔,燒也。

[2] [集解] 服虔曰:「言所束在郡守,土壤足以專民制。」蘇林曰:「言其土地形勢足以束制其民也。」 地形及土壤皆束制在諸侯也。 索隱案:謂

偃、徐樂、嚴安爲郎中。〔偃〕數見,上疏言事, 韶拜偃爲謁者,遷(樂)爲中大夫。一歲中四

書奏天子,天子召見三人,謂曰:「公等皆安在?何相見之晚也![二]於是上乃拜|主父

遷偃。

一][集解]徐廣曰:「它史記本皆不見嚴安,此旁所篡者,皆取漢書耳。 然漢書不宜乃容大異,或寫史記相承闕脱

索隱 篡音撰。

得推恩分子弟,以地侯之。彼人人喜得所願,上以德施,實分其國,不削而稍弱矣。」於是 今諸侯子弟或十數,而適嗣代立,餘雖骨肉,無尺寸地封,則仁孝之道不宣。願陛下令諸侯 驕奢易爲淫亂,急則阻其彊而合從以逆京師。今以法割削之,則逆節萌起,前日鼂錯是也。 上從其計。〔一〕又説上曰:「茂陵初立,天下豪桀并兼之家,亂衆之民,皆可徙茂陵,内實京 偃説上曰:「古者諸侯不過百里,彊弱之形易制。今諸侯或連城數十,地方千里,緩則

[一] [集解] 徐廣曰:「元朔二年,始令諸侯王分封子弟也。」

師,外銷姦猾,此所謂不誅而害除。」上又從其計。

弃我,我院日久矣。 且丈夫生不五鼎食,死卽五鼎烹耳。 吾日暮途遠,故倒行暴施之。」〔1〕 偃曰:「太横矣。」主父曰:「臣結髮游學四十餘年,身不得遂,親不以爲子,昆弟不收,賓客 [一] [索隱] 按:[偃言吾日暮途遠,恐赴前途不跌,故須倒行而逆施,乃可及耳。今此本作「暴」。暴者,言已困久得申, 尊立衞皇后,及發掘王定國陰事,蓋偃有功焉。大臣皆畏其口,賂遺累千金。人或説 須急暴行事以快意也。 暴者,卒也,急也。

上覽其說,下公卿議,皆言不便。公孫弘曰:「秦時常發三十萬衆築北河,終不可就,已而弃 偃盛言朔方地肥饒,外阻河,蒙恬城之以逐匈奴,内省轉輸戍漕,廣中國,滅胡之本也。

之。」主父偃盛言其便,上竟用主父計,立朔方郡。

予之,數之曰:「始吾貧時,昆弟不我衣食,賓客不我内門,今吾相齊, 諸君迎我或千里。 吾 與諸君絶矣,毋復入偃之門」乃使人以王與姊姦事動王,王以爲終不得脱罪,恐效燕王 論死,乃自殺。 有司以聞。 |元朔二年,|主父言齊王内淫佚行僻,上拜|主父爲齊相。 至齊,遍召昆弟賓客,散五百金

實不劫王令自殺。上欲勿誅,是時公孫弘爲御史大夫,乃言曰:「齊王自殺無後,國除爲郡, 偃居中,不敢發。及爲齊相,出關,卽使人上書,告言主父偃受諸侯金,以故諸侯子弟多以 得封者。及齊王自殺,上聞大怒,以爲主父劫其王令自殺,乃徵下吏治。主父服受諸侯金, 人漢,主父偃本首惡,陛下不誅主父偃,無以謝天下。」乃遂族主父偃。 主父始爲布衣時,嘗游燕、趙,及其貴,發燕事。趙王恐其爲國患,欲上書言其陰事,爲

主义方貴幸時,賓客以千數,及其族死,無一人收者,唯獨沒孔車「」收葬之。天子後

聞之,以爲孔車長者也。

[一] 集解]徐廣曰:「孔車,洨人也。沛有洨縣。」 [索隱] 洨,户交反。按:縣名,在沛。車,尺奢反。

太史公曰:公孫弘行義雖脩,然亦遇時。 漢興八十餘年矣,「」上方鄉文學,招俊乂,以

廣儒墨,弘爲舉首。主父偃當路,諸公皆譽之,及名敗身誅,士争言其惡。悲夫!

[一][集解]徐廣曰:「漢初至元朔二年八十年也。」

民之表也。未有樹直表而得曲影者也。孔子不云乎,『子率而正,孰敢不正』。『舉善 一匡之功,而仲尼謂之不知禮,以其奢泰侈擬於君故也。夏禹卑宫室,惡衣服,後聖不 孝經日『安上治民,莫善於禮』。『禮,與奢也寧儉』。昔者管仲相齊桓,霸諸侯,有九合 制度[三而可施行者也。 分奉禄以給之,無有所餘。 丞相平津侯公孫弘者也。位在丞相而爲布被,脱粟之飯,不過一肉。故人所善賓客皆 而教不能則勸』。 親,争訟之原息。斯乃家給人足,刑錯之本也歟。可不務哉!夫三公者,百寮之率,萬 循。由此言之,治之盛也,德優矣,莫高於儉。儉化俗民,則尊卑之序得,而骨肉之恩 太皇太后韶大司徒大司空正门置置沿國之道,富民爲始,富民之要,在於節儉。 維漢興以來,股肱宰臣身行儉約,輕財重義,較然著明,〔三〕未有若故 德優則行,否則止,與內奢泰而外爲詭服以釣虚譽者殊科。 誠内自克約而外從制。汲黯詰之,乃聞于朝,此可謂減於

津

邑三百户,徵詣公車,上名尚書,朕親臨拜焉。」 以病乞骸骨,孝武皇帝卽制曰『賞有功,聚有德,善善惡惡,君宜知之。 其省思慮,存精 義,所以率俗厲化,聖王之制,不易之道也。其賜弘後子孫之次當爲後者爵關內侯,食 神,輔以醫藥』。賜告治病,牛酒雜帛。 相位。夫知臣莫若君,此其效也。弘子度嗣爵,後爲山陽太守,坐法失侯。夫表德章 居數月,有瘳,視事。至元狩二年,竟以善終于

[一][集解]徐廣曰:「此韶是平帝元始中王元后韶,後人寫此及班固所稱,以續卷後。」 帝元始中韶,以續卷後」,則又非褚先生所録也。 [索隱]按:徐廣云「此是平

[三] 索屬] 較音角。較,明也。

[三][集解]應劭曰:「禮,貴有常尊,衣服有常品。」

時版築飯牛之朋矣。漢之得人,於兹爲盛。儒雅則公孫弘、董仲舒、兒寬,篤行則石建、 嚮,異人並出。卜式試於芻牧,弘羊擢於賈豎,衞青奮於奴僕,日磾出於降虜, 度多闕,上方欲用文武,求之如弗及。始以蒲輪迎枚生,〔四〕見主父而歎息。〔五〕羣臣慕 遇其時,焉能致此位乎?是時漢興六十餘載,海内乂安,「『〕府庫充實,而四夷未賓,制 班固稱曰:公孫弘、卜式、兒寬皆以鴻漸之翼困於燕雀,〔〕遠迹羊豕之閒,〔〕非 斯亦曩

〔一〕[集解] 李奇曰:「漸,進也。鴻一舉而進千里者,羽翼之材也。弘等皆以大材,初爲俗所薄,若燕雀不知鴻鵠之志 勝紀。 顯。 弘、邵信臣、韓延壽、尹翁歸、趙廣漢之屬,皆有功迹見述於後。 茂異,而蕭望之、梁丘賀、夏侯勝、韋玄成、嚴彭祖、尹更始以儒術進,劉向、王襃以文章 籌則桑弘羊,奉使則張騫、蘇武,將帥則衞青、霍去病,受遺則霍光、金日磾。 如,滑稽則東方朔、枚皋,應對則嚴助、朱買臣,曆數則唐都、落下閎,協律則李延年,運 石慶,質直則汲黯、卜式,推賢則韓安國、鄭當時,定令則趙禹、張湯,文章則司馬遷、相 將相則張安世、趙充國、魏相、邴吉、于定國、杜延年, 是以興造功業,制度遺文,後世莫及。 [索隱] 按:謂公孫弘等未遇,爲時所輕,若飛鴻之未漸,受困於燕雀也。 是燕雀安知鴻鵠之志也? 孝宣承統,纂脩洪業,亦講論六蓺 治民則黄霸、王成、龔遂、鄭 累其名臣,亦其次也。 其餘不

集解 章昭曰:「遠迹謂耕牧在於遠方。」 索隱案:公孫弘牧豕,卜式牧羊也。

(三) 索隱 义, 理也。

[索隱] 案:謂枚乘也。漢始迎申公,亦以蒲輪。謂以蒲襄車輪,恐傷草木也。 蓋畫蒲於輪以爲榮飾也。 且蒲是草之美者,故禮有「蒲璧」,

[五] [索隱] 案:上文嚴安等上書,上曰「公等安在,何相見之晚」是也。

【索隱述贊】平津巨儒,晚年始遇。 外示寬儉,内懷嫉妒。 寵備榮爵,身受肺腑。 主父推恩,觀時設度。

生食五鼎,死非時蠹。

平津侯主父列傳第五十二

史記卷一百一十三

南越列傳第五十三

之,項羽、劉季、陳勝、吳廣等州郡各共興軍聚衆,虎争天下,中國擾亂,未知所安,豪傑畔秦 禺負山險,阻南海,東西數千里,頗有中國人相輔,此亦一州之主也,可以立國。郡中長吏 林、「馬」南海、象郡、「よ」以謫「も〕徙民,與越雜處十三歲。「く」佗,秦時用爲南海龍川令。「よ〕至 苦,故釋佗弗誅。漢十一年,遣陸賈因立陀爲南越王,與剖符通使,和集百越, 假守。「〇秦已破滅,佗卽擊并桂林、象郡,自立爲南越武王。「心高帝已定天下,爲中國勞 山、江沿湟谿江沿關曰:「盗兵且至,急絶道聚兵自守」因稍以法誅秦所置長吏,以其黨爲 無足與言者,故召公告之。」卽被佗書,〔三行南海尉事。〔三囂死,佗卽移檄告橫浦、〔三陽 相立。南海僻遠,吾恐盗兵侵地至此,吾欲興兵絶新道,〔三自備,待諸侯變,會病甚。 二世時,南海尉[10]任囂[1]病且死,召龍川令趙佗語曰:「聞陳勝等作亂,秦爲無道,天下苦 南越王门尉佗者,三直真定人也,三姓趙氏。 秦時已并天下,略定楊越,「四置桂 毋爲南邊患 且曆

越列傳

第五十三

害,與長沙接境。

正義 都廣州南海縣。

索隱 尉他。 尉,官也;他,名也;姓趙。 他音徒河反。又六三州記云「大郡曰守,小郡曰尉」。

(三) 索隱 章昭曰:「故郡名,後更爲縣,在常山。」

集解 張晏曰:「楊州之南越也。」 索隱案:戰國策云吳起爲楚收楊越。

正義夏禹九州本屬楊州,

故云

楊越

「豆」「索隱」按:地理志武帝更名鬱林。

[六] [索隱] 案:本紀始皇三十三年略陸梁地,以爲南海、桂林、象郡。 地理志云「武帝更名日南

[七]|索隱]音直革反。

[〈〕][集解] 徐廣曰:「秦并天下,至二世元年十三年。 并天下八歲,乃平越地,至二世元年六年耳。」

[九][索隱] 地理志縣名,屬南海也。 [正義] 顔師古云:「龍川南海縣也,即今之循州也。」裴氏廣州記云:「本博羅縣

之東鄉,有龍穿地而出,即穴流泉,因以爲號也。」

[10] 集解]徐廣曰:「爾時未言都尉也。」

(二) 索隱 五刀反。

索屬案:蘇林云「秦所通越道。」

[三] 集解 韋昭曰:「被之以書。音『光被』之『被』。」 |索隱||韋昭云「被之以書」,音皮義反。

[四] [索隱] 服虔云:「囂詐作詔書,使爲南海尉。」

- [1] [索隱] 案:南康記云「南野縣大庾嶺三十里至横浦,有秦時關,其下謂爲『塞上』」。
- (三六) 索隱 |姚氏案::地理志云揭陽有陽山縣。今此縣上流百餘里有騎田嶺,當是陽山關。
- [1+] [集解] 徐廣曰:「在桂陽,通四會也。」 又(衞青傳)〔兩粤傳〕云「出桂陽,下湟水」是也。而姚察云史記作「涅」,今本作「湟」,涅及湟不同,良由隨聞則輒 索隱涅谿。 鄒氏、劉氏本並作「涅」,音年結反。 漢書作「湟谿」,音皇。

改故也。水經云含匯縣南有匯浦關,未知孰是。然鄒誕作「涅」,漢書作「湟」,蓋近於古。

[六] 索隱] 案:謂他立其所親黨爲郡縣之職或假守。

[元] [集解] 韋昭曰:「生以『武』爲號,不稽於古也。」

號爲南越武帝,發兵攻長沙邊邑,敗數縣而去焉。高后遣將軍隆慮侯竈〔〕往擊之。 夷,隔絶器物,此必長沙王計也,欲倚中國,擊滅南越而并王之,自爲功也。」於是佗乃自尊 甌、駱,役屬焉,[三]東西萬餘里。 溼,士卒大疫,兵不能踰嶺。〔三歲餘,高后崩,卽罷兵。佗因此以兵威邊,財物賂遺閩越、西 高后時,有司請禁南越關市鐵器。忙曰:「高帝立我,通使物,今高后聽讒臣,别異蠻 迺乘黄屋左纛,稱制,與中國侔。 會暑

[一] [索隱] 韋昭云:「姓周。隆慮,縣名,屬河内。音林間二音。」

[三][索隱]案:此嶺即陽山嶺。

| 集解 漢書音義日:「駱越也。」 食其田、名爲『駱人』。有駱王、駱侯。 [索隱]鄒氏云「又有駱越」。姚氏案:廣州記云「交趾有駱田,仰潮水上下,人 諸縣自名爲『駱將』,銅印青綬,即今之令長也。 後蜀王子將兵討駱侯,自

南越

稱爲安陽王,治封溪縣。 後南越王尉他攻破安陽王,令二使典主交阯、九真二郡人」。 尋此駱卽 甌駱 也

説。 娱, 疑長沙王讒臣,又遥聞高后盡誅陀宗族,掘燒先人冢,以故自弃, 真定,置守邑,歲時奉祀。 不俱立,兩賢不並世。 溼,蠻夷中閒,其東閩越千人衆號稱王,其西甌駱裸國〔〕亦稱王。 使報者。 好時陸賈,先帝時習使南越。 **豈敢以聞天王哉!]乃頓首謝,願長爲藩臣,** 至建元四年卒。 遂至孝景時,稱臣,使人朝請。 及孝文帝元年,初鎮撫天下,使告諸侯四夷從代來卽位意, 陸賈至南越,王甚恐,爲書謝,稱曰:「蠻夷大長老夫臣忙, 皇帝,賢天子也。 召其從昆弟,尊官厚賜寵之。 迺召賈以爲太中大夫,往使。 然南越其居國竊如故號名, 自今以後,去帝制黄屋左纛。」陸賈還報,孝文帝大 奉貢職。 韶丞相陳平等舉可使南越者,平言 因讓佗自立爲帝, 於是乃下令國中曰:「吾聞兩 其使天子, 喻盛德焉。 犯長沙邊境。 老臣妄竊帝號, 前日高后隔異南越,竊 乃爲佗親冢在 稱王朝命如諸 曾無一介之 且南方卑 聊以自 雄

【一】[索隱] 躶國。音和寡反。躶,露形也。

毋得擅興兵相攻擊。 |佗孫胡爲南越王。[1]此時閩越王郢興兵擊南越邊邑,胡使人上書曰:「兩越俱爲藩臣, 今閩越興兵侵臣,臣不敢興兵,唯天子詔之。」於是天子多南越義,守

職約,爲興師,遣兩將軍〔三〕往討閩越。 兵未踰嶺,閩越王弟餘善殺郢以降,於是罷兵。

(集解)徐廣曰:「皇甫謐日越王趙佗以建元四年卒,爾時漢興七十年,佗蓋百歲矣。

[三] | 索隠 | 王恢、韓安國。

甚,太子嬰齊請歸。胡薨,謚爲文王。 諫胡曰:「漢興兵誅郢,亦行以驚動南越。且先王昔言,事天子期無失禮,要之不可以說好 子嬰齊人宿衞。謂助曰:「國新被寇,使者行矣。胡方日夜裝入見天子。」助去後,其大臣 語人見。「二人見則不得復歸,亡國之勢也。」於是胡稱病,竟不人見。後十餘歲,胡實病 天子使莊助往諭意|南越王,|胡頓首曰:「天子乃爲臣興兵討|閩越,死無以報德!」遣太

[一][索隱] 悦好語人見。悦,漢書作「怵」。|韋昭云「誘怵好語」。

恣,懼人見要用漢法,比内諸侯,固稱病,遂不人見。 遣子次公人宿衞。 興。〔〕及卽位,上書請立|樛氏女爲后,興爲嗣。 嬰齊代立,卽藏其先武帝璽。〔一〕嬰齊其人宿衞在長安時, 漢數使使者風諭嬰齊, 取邯鄲樛氏女,〔三〕生子 嬰齊尚樂擅殺生自 嬰齊薨,謚爲明王。

一] 索屬] 李奇云「去其僭號」。

(三) | 索隱| 摎氏女。摎,紀虬反。摎姓出邯鄲。

南越列傳第五十三

(三)[集解]徐廣曰:「一作『典』。」

嘗與安國少季通,其使復私焉。國人頗知之,多不附太后。太后恐亂起,亦欲倚漢威,數勸 相吕嘉銀印,及内史、中尉、大傅印,餘得自置。除其故黥劓刑,用漢法,比内諸侯。使者皆 宣其辭,勇士魏臣等輔其缺,行三衞尉路博德將兵屯桂陽,待使者。王年少,太后中國人也, 齊薨後,元鼎四年,漢使安國少季往諭王、王太后以入朝,比内諸侯,令辯士諫大夫終軍等 留填撫之。王、王太后飭治行裝重齎,爲人朝具。 王及羣臣求内屬。卽因使者上書,請比内諸侯,三歲一朝,除邊關。於是天子許之,賜其丞 太子興代立,其母爲太后。太后自未爲嬰齊姬時,嘗與霸陵人安國少季气〕通。及嬰

[一] | 索隱 | 安國,姓也; 少季名也。

[三][集解]徐廣曰:「一作『決』。」

宗室,及蒼梧秦王有連。自己其居國中甚重,越人信之,多爲耳目者,得衆心愈於王。 書,數諫止王,王弗聽。 后亦恐濕等先事發,乃置酒,介漢使者權,气己謀誅濕等。 其相吕嘉年長矣,相三王,宗族官仕爲長吏者七十餘人,男盡尚王女,女盡嫁王子兄弟 有畔心,數稱病不見漢使者。使者皆注意嘉, 使者皆東鄉,太后南鄉,王北鄉, 勢未能誅。 王、王太 王之上

利 不附,欲獨誅嘉等,力又不能。 相嘉、大臣皆西鄉、侍坐飲。 王及使者。 卽起而 也,而 Щ 相君苦不便者, 乃陰與大臣作亂。 太后怒,欲鏦嘉〔三〕以矛,王止太后。 何也。」以激怒使者。使者狐疑相杖, 嘉弟爲將,將卒居宫外。酒行,太后謂嘉曰:「南越内屬, 王素無意誅濕,濕知之,以故數月不發。 嘉遂出,分其弟兵就舍,[四]稱病,不肯見 遂莫敢發。 太后有淫行, 嘉見耳目非是, 國之 國人

[集解] 漢書音義曰:「蒼梧越中王自名爲秦王,連親婚也。」 也,故云「有連」。連者,連姻也。 趙與秦同姓、故稱秦王。 索隱 案: 蒼梧越中王自名爲秦王, 即下趙光是

[三] 樂解 韋昭日:「恃使者爲介胄也。」 因,亦有所由。案:介者,賓主所由也。 然二家之説皆通。 章昭以介爲恃。介者閒也,以言閒恃漢使者之權,意卽得,云恃爲介胄,則非也。虞喜以介爲 [索隱] 章昭曰「恃使者爲介胄」,志林云「介者因也,欲因使者權誅吕嘉」,

四] |索隱| 分弟兵就舍。 **三** 集解 |幸昭日:「鏦,撞也。」 案:謂分取其兵也。 [索隱] 韋昭云:「鏦,撞也」案:字林七凶反。又吴王濞傳「鏦殺吴王」,與此同。 漢書作「介」。介,被也,恃也。

吕嘉爲亂,不足以興兵,欲使莊參以二千人往使。 人無足以爲也。」辭不可,天子罷參也。 郟〔〕壯士故濟北相韓千秋奮曰:「以區區之越,又 天子聞嘉不聽王,王、王太后弱孤不能制,使者怯無決。又以爲王、王太后已附漢, **廖**曰:「以好往,數人足矣,以武往,二千

南

鋒之冠。」封其子<u>延年爲成安侯。〔禹〕樛樂,其姊爲王太后,首願屬漢,封其子廣德爲龍亢</u> 漢使者節置塞上,「四」好爲謾辭謝罪,發兵守要害處。於是天子曰:「韓千秋雖無成功,亦軍 者。 取自脱一時之利, 與使者亂,專欲內屬,盡持先王寶器入獻天子以自媚,多從人,行至長安,虜賣以爲僮僕。 有王、太后應,獨相吕嘉爲害,願得勇士二百人,必斬嘉以報。」於是天子遣千秋「三〕與王太 侯。「宀」乃下赦曰:「天子微,諸侯力政,譏臣不討賊。今吕嘉、建德等反,自立晏如,令罪人 及江淮以南「り樓船十萬師「八」往討之。」 后弟樛樂將二千人往,人越境。 人,破數小邑。其後越直開道給食,未至番禺四十里,越以兵擊千秋等,遂滅之。使人函封 遣人告蒼梧秦王及其諸郡縣, 無顧趙氏社稷,爲萬世慮計之意。」乃與其弟將卒攻殺王、太后及漢使 · 吕嘉等乃遂反,下令國中曰:「王年少。太后,中國人也,又 立明王長男越妻子術陽侯「『」建德爲王。而韓千秋兵

徐廣日:「縣屬潁川,音古洽反。」 索隱 如淳云:「郟,縣名,在潁川。」 正義今汝州 郟城縣。

(二) 集解 徐廣日:「爲校尉。」

「『」【集解】徐廣日:「元鼎四年,以南越王兄越封高昌侯。」 索隱韋昭云漢所封。 案功臣表,術陽屬下邳。

[四][索隱]函封漢使節置塞上。案:南康記以爲大庾名「塞上」也。

五〕[索隱] 案功臣表,成安屬郟。

- [六][索隱] 案:龍亢屬譙國。漢書作「龒侯」,服虔音功,晉灼云古「龍」字。
- [4][集解]徐廣曰:「淮,一作『匯』也。」
- [八] 集解 應劭曰:「時欲擊越,非水不至,故作大船。 船上施樓,故號曰『樓船』也。」

軍,出豫章,下機補;故歸義越侯二人「三爲戈船、下厲將軍」「三出零陵,或下離水」「四」或 抵蒼梧,使馳義侯「『」因巴蜀罪人,發夜郎兵、「八下牂柯江、「『」咸會番禺。 元鼎五年秋,衞尉路博德爲伏波將軍,出桂陽,下匯水;□主爵都尉楊僕爲樓船將

一〕[集解]徐廣曰:「一作『湟』。」、駰案:、地理志曰桂陽有匯水,通四會。或作「淮」字。 湟」」。漢書云「下湟水」。或本作「洭」。 索隱 劉氏云「匯當作

[三] 集解] 張晏曰:「故越人,降爲侯。」

[集解]徐廣曰:「厲,一作『瀨』。」 駰案:張晏曰「越人於水中負人船,又有蛟龍之害,故置戈於船下,因以爲名 也」。應劭曰「瀨,水流涉上也」。瓚曰「伍子胥書有戈船,以載干戈,因謂之『戈船』也」。

四〕集解 徐廣日:「在零陵,通廣信。」 [正義] 地理志云零陵縣有離水,東至廣信人鬱林,九百八十里。

[五] 集解]徐廣曰:「越人也,名遺。」

[刊][正義] 江出南徼外,東通四會,至番禺人海也。

元鼎六年冬,樓船將軍將精卒先陷尋陝、江一破石門、江一一得越船栗,因推而前,挫越鋒,

南越列傳第五十三

侯。こむ」 人追之。以其故校尉司馬蘇弘得建德,封爲海常侯、「鬥越郎「鬥都稽」、引得嘉,封爲臨蔡 德已夜與其屬數百人亡入海,以船西去。伏波又因問所得降者貴人,以知吕嘉所之, 印,復縱令相招。樓船力攻燒敵,反驅而入伏波營中。犂旦,〔〕城中皆降伏波。 敗越人,縱火燒城。越素聞伏波名,日暮,不知其兵多少。伏波乃爲營,遣使者招降者,賜 居前,至番禺。建德、嘉皆城守。樓船自擇便處,居東南面,伏波居西北面。 以數萬人待伏波。伏波將軍將罪人,道遠,會期後, 與樓船會乃有千餘人,遂俱進。 會暮,樓船攻 吕嘉、建 樓船 遣

索隱 姚氏云:「尋陝在始興西三百里,近連口也。」

[索隱] 按:廣州記「在番禺縣北三十里。昔吕嘉拒漢,積石鎮江,名曰石門。 令人變。故吳隱之至石門,酌水飲,乃爲之歌云也」。 又俗云石門水名曰『貪泉』,飲之則

〕[集解]徐廣曰:「吕静云犂,結也,音力奚反。結,猶連及、逮至也。」漢書「犂旦」爲「遲旦」,謂待明 稚。 鄒氏云「犂,一作『比』,比音必至反」。 遲,待也,亦犂之義也。 然犂卽比義。又解犂,黑也,天未明尚黑時也。 漢書亦作「遲明」。 也 索隱

遲音

集解 徐廣曰:「在東萊。」

E. 集解 徐廣日:「南越之郎官。」

《上集解》徐廣日:「表日孫都。」

[七] 索屬案:表屬河内。

諭<u>甌</u>駱屬漢:『』皆得爲侯。〔『〕戈船、下厲將軍兵及<u>馳義侯所發夜郎兵未下,</u>南越已平矣。 <u> 蒼梧王趙光者,越王同姓,聞漢兵至,及越揭陽令定〔〕自定屬漢,越桂林監居翁〔三〕</u>

遂爲九郡。〔刑〕伏波將軍益封。樓船將軍兵以陷堅爲將梁侯。

|] 集解| 韋昭曰:「揭音其逝反。」 令之名也。案:漢功臣表云「定揭陽令」,意又别也。 索隱地理志揭陽縣屬南海。 揭音桀。 韋昭音其逝反,劉氏音求例反。定者,

[三] (集解) 漢書音義曰:「桂林郡中監,姓居名翁也。」

〔三〕[索隱] 案漢書,甌駱三十餘萬口降漢。

[四][索隱]案:漢書云「光聞漢兵至,降,封爲隨桃侯。 侯」。韋昭云「湘城屬堵陽。隨桃、安道、膫三縣皆屬南陽。膫音遼也」。 揭陽令史定爲安道侯,越將畢取爲膫侯, 桂林監居翁爲湘城

[五] 集解 徐廣曰:「儋耳,珠崖,南海,蒼梧,九真,鬱林,日南,合浦,交阯。」 [索隱] 徐廣皆據漢書爲説

自尉佗初王後,五世九十三歲而國亡焉。

駱相攻,南越動摇。 太史公曰:尉佗之王,本由任囂。 漢兵臨境,嬰齊入朝。其後亡國,徵自樛女,吕嘉小忠,令佗無後。 遭漢初定,列爲諸侯。隆慮離溼疫,佗得以益驕。 甌

南越列傳第五十三

船從欲,怠傲失惑;伏波困窮,智慮愈殖,因禍爲福。成敗之轉,譬若糾墨。

君臣不協,卒從剿弃。

【索隱述贊】中原鹿走,羣雄莫制。漢事西驅,越權南裔。 陸賈騁説,尉他去帝。嫪后内朝,吕嘉狼戾。

二九七八

史記卷一百一十四

東越列傳第五十四

摇功多,其民便附,乃立摇爲東海王,C #J都東甌,C #J世俗號爲東甌王。 漢。漢五年,復立無諸爲閩越王,王閩中故地,都東冶。孝惠三年,舉高帝時越功,曰閩君 從諸侯滅秦。當是之時,項籍主命,弗王,「即以故不附楚。漢擊項籍,無諸、摇率越人佐 廢爲君長,以其地爲閩中郡。〔三及諸侯畔秦,無諸、摇率越歸鄱陽令吴芮, 所謂鄱君者也, 閩越[1]王無諸及越東海王摇者,其先皆越王句踐之後也,姓騶氏。[1]秦已并天下,皆

[一][樂解] 韋昭曰:「閩音武巾反。東越之别名。」 [索隱] 案:説文云「閩、東越蛇種也」,故字從「虫」。 閩音旻。

[三]集解 徐廣曰:「今建安侯官是。」 〔二〕[集解]徐廣曰:「騶,一作『駱』。」 [索隱]徐廣云一作「駱」,是上云「歐駱」,不姓騶 [索隱]徐廣云「本建安侯官是」。案:爲閩州。案:下文「都東冶」,

韋昭以

[四][集解]漢書音義日:「主號令諸侯,不王無諸、摇等。」

爲在侯官。

正義。今閩州又改爲福也。

東越列傳第五十四

[用][樂解]應劭曰:「在吴郡東南濱海云。」

集解 餘里,去郡城五里人江。昔有東甌王都城,有亭,積石爲道,今猶在也。」 徐廣曰:「今之永寧也。」 [索隱] 韋昭曰:「今永寧。」姚氏云:「甌,水名。」永嘉記:「水出永寧山,

漢購,殺吳王丹徒,以故皆得不誅,歸國。 後數世,至孝景三年,吳王濞反,欲從閩越,閩越未肯行,獨東甌從吳。及吳破,東甌受

位,不欲出虎符發兵郡國。」乃遣莊助以節發兵會稽。會稽太守欲距不爲發兵, 急天子,天子弗振,彼當安所告愬。又何以子萬國乎。」上曰:「太尉未足與計。 弗能教,德弗能覆;誠能,何故弃之。且秦舉咸陽而弃之,何乃越也!今小國以窮困來告 司馬,諭意指,遂發兵浮海救東甌。未至,閩越引兵而去。 甌。 又數反覆,不足以煩中國往救也。 吴王子子駒亡走閩越,怨東甌殺其父,常勸閩越擊東甌。 東甌食盡,困,且降,乃使人告急天子。天子問太尉田蚡,蚡對曰:「越人相攻擊, 自秦時弃弗屬。」於是中大夫莊助詰盼曰:「特患力 東甌請舉國徙中國, 至建元三年,閩越發兵圍東 助乃斬一 乃悉舉衆 吾初卽 固其

[一] [集解] 徐廣曰:「年表云東甌王廣武侯望,率其衆四萬餘人來降,家廬江郡。」 索隱除廣據年表而爲說。 來,處江淮之閒。

皆曰「善」。即鏦气己殺王,使使奉其頭致大行。大行曰:「所爲來者誅王。今王頭至,謝罪, 謀曰:「王以擅發兵擊南越,不請,故天子兵來誅。今漢兵衆彊,今即幸勝之,後來益多,終 章,大農韓安國出會稽,皆爲將軍。兵未踰嶺,閩越王郢發兵距險。其弟餘善乃與相、宗族 兵,曰:「野等首惡,獨無諸孫爲君丑〔三〕不與謀焉。」乃使郎中將立丑爲越爲王,奉閩越先祭 不戰而耘,行己利莫大焉。」乃以便宜案兵告大農軍,而使使奉王頭馳報天子。詔罷兩將 滅國而止。今殺王以謝天子。天子聽,罷兵,固一國完;不聽,乃力戰;不勝,卽亡人海。」 至建元六年,閩越擊南越。南越守天子約,不敢擅發兵擊而以聞。上遣大行王恢出豫

[一] 索屬 劉氏又音窗。鏦,撞也。

[二][樂解]徐廣曰:「漢書作『殞』。耘義當取『耘除』。或言耘音于粉反,此整人聲重耳。 有輕重。」 [索隱] 耘音云。耘,除也。漢書作「隕」,音于粉反。 **隕耘當同音,但字有假借,聲**

〔三〕[索隱] 繇音摇,邑號也。田,名。

餘善不足復興師,曰:「餘善數與郢謀亂,而後首誅郢,師得不勞。」因立餘善爲東越王,與繇 餘善已殺郢,威行於國,國民多屬,竊自立爲王。爲王不能矯其衆持正。天子聞之,爲

二九八二

圧並處。

揚,以海風波爲解,不行,持兩端,陰使南越。及漢破番禺,不至。是時樓船將軍楊僕使使 上書,願便引兵擊東越。上日士卒勞倦,不許,罷兵,令諸校屯豫章梅領待命。〔一〕 至元鼎五年,南越反,東越王餘善上書, 請以卒八千人從樓船將軍擊吕嘉等。兵至揭

[二] 集解]徐廣曰:「在會稽界。」 [索陽] 案:徐廣云「在會稽」、非也。今案:豫章三十里有梅嶺,在洪崖山足,當 豫章郡,二所未詳。 古驛道。此文云「豫章梅嶺」,知非會稽也。 [正義] 括地志云:「梅嶺在虔化縣東北百二十八里。」 虔州漢亦屬

將屯,弗敢擊,卻就便處,皆坐畏懦誅。 等爲「吞漢將軍」,人白沙、武林、〇〇海嶺,殺漢三校尉。是時漢使大農張成、故山州侯齒〇〇〇 元鼎六年秋,餘善聞樓船請誅之,漢兵臨境,且往,乃遂反,發兵距漢道。 號將軍騶力

[一] 集解 徐廣日:「在豫章界」。 湖,名曰白沙阬。東南八十里有武陽亭,亭東南三十里地名武林。此白沙、武林,今當閩越入京道。 [索隱] 徐廣云在豫章界。案:今豫章北二百里,接鄱陽界,地名白沙,有小水人

〔三〕[集解]徐廣曰:「成陽共王子。」

餘善刻「武帝」璽自立,詐其民,爲妄言。天子遣横海將軍韓説出句章,「一浮海從東方

長吏。 樓船將軍楊僕出武林, 中尉王温舒出梅嶺, 樓船將軍率錢唐轅終古「即動物北將軍,馬禦兒侯。「用」自兵未往。 越侯爲戈船、下瀨將軍, 出若邪、气气白

[一] [索隱] 鄭氏音勾,會稽縣也。 正義一句章故城在越州鄭縣西一百里,漢縣。

三] 索屬案:姚氏云「地名,今闕」。 正義」越州有若耶山、若耶溪。「若」「如」一。預州有白沙山。

蓋從如此邪。

白沙東故閩州

四」正義一錢唐,杭州縣。 轅,姓,終古,名。

[] [樂解] 漢書音義曰:「今吳南亭是也。」 [正義] 「禦」字今作「語」。語兒鄉在蘇州嘉興縣南七十里,臨官道也。

候,坐法失侯。舊從軍無功,以宗室故侯。諸將皆無成功,莫封。 邑七百人反,攻越軍於漢陽。從建成侯敖,日旦與其率,從縣王居股謀曰:「餘善首惡, 侯,封横海將軍説爲案道侯,封横海校尉福爲缭嫈侯。〔□〕福者,成陽共王子,故爲海常 弃其軍降,封爲無錫侯。 軍,故封繇王居股爲東成侯、〔三〕萬户,封建成侯敖爲開陵侯、〔三〕封越衍侯吴陽爲北石 吾屬。今漢兵至,衆彊,計殺餘善,自歸諸將,儻幸得脱。」乃遂俱殺餘善, 以其衆降横海將 故越衍侯吳陽前在漢,漢使歸諭餘善,餘善弗聽。及横海將軍先至, 。東越將多軍,「鬥漢兵至, 越衍侯吴陽以其 劫守

[二][集解]徐廣曰:「亦東越臣。」

[三] 索隱] 韋昭曰:「在九江。」

[三] | 索隱] 徐廣云:「敖,東越臣。」章昭云:「開陵屬臨淮。」

|Z3| |____| [集解]漢書音義曰:「音遊繁。」 [索隱] 服虔云:「嫈音榮,縣名。」劉伯莊云:「錄音遼,

下音紆營反。

成陽王子

也。

[五][樂解]漢書音義曰:「多軍,名也。」 [索隱] 李奇云:「多軍,名。」韋昭云:「多,姓;軍,名也。」

於是天子曰東越狹多阻,閩越悍,數反覆,詔軍吏皆將其民徙處江淮閒。 東越地遂

虚。

太史公曰:越雖蠻夷,其先豈嘗有大功德於民哉,何其久也!歷數代常爲君王,句踐

稱伯。然餘善至大逆,滅國遷衆,其先苗裔爲王居股等猶尚封爲萬户侯, 由此知越世世爲

公侯矣。蓋禹之餘烈也。

索隱述贊】句踐之裔,是曰無諸。 既席漢寵,實因秦餘。 |駒、|駱爲姓, 閩中是居。 王摇之立,爰處東

隅。後嗣不道,自相誅鋤。

史記卷一百一十五

朝 鮮 列 傳 第 五十 五

樂解一張晏曰:「朝鮮有濕水、洌水、汕水,三水合爲洌水,疑樂浪、朝鮮取名於此也。」 索隱 案:朝音潮,直驕

反。鮮首仙。以有汕水,故名也。汕一音訕。

鄣塞。 上下鄣、「八一]稍役屬真番、朝鮮蠻夷及故縣、齊亡命者王之,都王險。「九一 王盧綰反,人匈奴,滿亡命、[+〕聚黨千餘人,魋結蠻夷服而東走出塞,渡浿水,居秦故空地 朝鮮「一」王滿者,故燕人也。「一」自始全燕時「一」嘗略屬真番、「四」朝鮮,「一」爲置吏, 秦滅燕,屬遼東外徼。漢興,爲其遠難守,復修遼東故塞,至浿水爲界,「八」屬燕。

[三] 索隱] 案漢書,滿,燕人,姓衞,擊破朝鮮而自王之。

[一][正義]潮仙二音。括地志云:「高驪都平壤城,本漢樂浪郡王險城,又古云朝鮮地也。」

. 三 し 索隱」始全燕時,謂六國燕方全盛之時。

. 29 L (樂解)徐廣曰:「一作『莫』。遼東有番汗縣。番音普寒反。」 索隱。徐氏據地理志而知也。 番音潘, 又音盤。

汗音寒。

朝 鮮 列 傅 第 五 十五

[五] | 索隱| 如淳云:「燕嘗略二國以屬己也。」應劭云:「玄菟本真番國。」

〈〕[集解] 漢書音義曰:「浿音傍沛反。」 |索隱| 浿音旁沛反。 [正義] 地理志云浿水出遼東塞外,西南至樂浪縣

西人海。浿普大反。

[七]正義]命謂教令。

[八][索隱]案:地理志樂浪有雲鄰。

「九」[集解] 徐廣日:「昌黎有險瀆縣也。」 [索屬] 章昭云「古邑名」。徐廣日「昌黎有險濱縣」。應劭注「地理志遼東

險瀆縣,朝鮮王舊都」。臣瓚云「王險城在樂浪郡浿水之東」也。

長欲入見天子,勿得禁止。以聞,上許之,以故滿得兵威財物侵降其旁小邑,真番、臨屯〇〇 會孝惠、高后時天下初定,遼東太守卽約滿爲外臣,保塞外蠻夷,無使盜邊, 諸蠻夷君

皆來服屬,方數千里。〔三〕

[一] 索隱] 東夷小國,後以爲郡。

[三][正義] 括地志云:「朝鮮、高驪、貊、東沃沮五國之地,國東西千三百里,南北二千里,在京師東,東至大海四百里, 北至營州界九百二十里,南至新羅國六百里,北至靺鞨國千四百里。」

何者「『別解解神王長、「『別即渡、馳入塞、「『」遂歸報天子曰「殺朝鮮將」。上爲其名美,「よ〕即 不通。元封二年,漢使涉何譙諭〔三〕右渠,終不肯奉詔。何去至界上,臨浿水, 傳子至孫右渠,行己所誘漢亡人滋多,又未嘗入見,真番旁衆國欲上書見天子,又擁閼 使御 刺殺送

不詰,拜何爲遼東東部都尉。[廿]朝鮮怨何,發兵襲攻殺何。

[一] 正義] 其孫名也。

[二][索屬] 説文云:「譙,讓也。」諭,曉也。 譙音才笑反。

〔三〕索隱] 卽送何之御也。

[四] 正義 顔師古云:「長者,裨王名也。 送何至浿水,何因刺殺也。」按:裨王及將士長,恐顏非也。

五二正義人平州榆林關也。

七〕[正義] 地理志云遼東郡武次縣,東部都尉所理也。

軍將齊兵七千人先至王險。 東:討右渠。右渠發兵距險。 軍楊僕失其衆,遁山中十餘日,稍求收散卒,復聚。 天子募罪人擊朝鮮。 其秋, 遣樓船將軍楊僕從齊浮渤海, 兵五萬人, 左將軍荷彘出 右渠城守,窺知樓船軍 左將軍卒正多率遼東兵先縱,敗散,多還走,坐法斬。 少,卽出城擊樓船,樓船軍敗散 左將軍擊朝鮮浿水西軍,未能破 樓船將 自前。 走。 遼 將

冰,使者及左將軍疑其爲變,謂太子已服降,宜命人毋持兵。 殺臣;今見信節,請服降。」遣太子入謝,獻馬五千匹,及饋軍糧。 天子爲兩將未有利,乃使衞山因兵威往諭右渠。 右渠見使者頓首謝:「願降、恐兩將詐 太子亦疑使者左將軍詐殺之, 人衆萬餘, 持兵, 方渡浿

朝鮮列傳第五十五

遂不渡浿水,復引歸。山還報天子,天子誅山。

數月未能下。

左將軍破浿水上軍,乃前,至城下,圍其西北。 樓船亦往會,居城南。

前有失軍罪,今與朝鮮私善而又不降,疑其有反計,未敢發。天子曰將率不能,前(及)[乃] 事,即命左將軍麾下執捕樓船將軍,并其軍,以報天子。天子誅遂。 使衞山諭降右渠,右渠遣太子,山使不能剸決,與左將軍計相誤,卒沮約。今兩將圍城,又 陰閒使人私約降樓船,往來言,尚未肯決。左將軍數與樓船期戰,樓船欲急就其約,不會, 先與右渠戰,困辱亡卒,卒皆恐,將心慙,其圍右渠,常持和節。左將軍急擊之,朝鮮大臣乃 大害,非獨樓船,又且與朝鮮共滅吾軍。」遂亦以爲然,而以節召樓船將軍人左將軍營計 「朝鮮當下久矣,不下者有狀。」言樓船數朝不會,具以素所意告遂,曰:「今如此不取,恐爲 乖異,以故久不決。使濟南太守公孫遂往(征)[正]之,有便宜得以從事。 遂至,左將軍曰: 左將軍亦使人求閒卻降下朝鮮,朝鮮不肯,心附樓船:以故兩將不相能。左將軍心意樓船 左將軍素侍中,幸,將燕代卒,悍,乘勝,軍多驕。樓船將齊卒,入海,固已多敗亡;其

左將軍已并兩軍,卽急擊朝鮮。朝鮮相路人、相韓陰、尼谿相參、將軍王峽口」相與謀

其民,誅成巳,以故遂定朝鮮,爲四郡。〔四〕封參爲澅清侯,〔四〕陰爲狄苴侯,〔六〕唊爲平州 路人皆亡降漢。路人道死。元封三年夏,尼谿相廖乃使人殺朝鮮王右渠來降。 下,故右渠之大臣成已又反,復攻吏。左將軍使右渠子長降、〔三〕相路人之子最〔三〕告諭 曰:「始欲降樓船,樓船今執,獨左將軍并將, 戰益急, 恐不能與,(戰)王又不肯降。」陰、陝、 王險城未

侯「引了、長「降」爲幾侯。「八」最以父死頗有功,爲温陽侯。「九」 [一][集解]漢書音義曰:「凡五人也。戎狄不知官紀,故皆稱相。陝音頻。」 **[索隱]應劭云:「凡五人。戎狄不知官**

紀,故皆稱相也。路人,漁陽縣人。」如淳云:「相,其國宰相。 路人,名也。 峽音頻,一音協。」

[二][集解]徐廣日:「表云『長路』。漢書表云『長路』,音各。」 [索隱]案:漢書表云「長路」,音各。

[三] 索隱 路人子也,名最。

四」集解真番、臨屯、樂浪、玄菟也。

集解 韋昭曰:「屬齊。」 | 索隱| 參,澅清侯。 韋昭云一縣名,屬齊」。 顧氏澅音獲。

(人) (集解) 韋昭曰:「屬勃海。」 索隱陰,狄苴侯。晉灼云「屬勃海」。 荻音狄,苴音子餘反。

[7] 樂解] 韋昭曰:「屬梁父。」 [索隱] 唊,平州侯。 韋昭云「屬梁父」。

(二)集解 韋昭日:「屬河東。」 索隱 長,幾侯。 韋昭云「縣名、屬河東」。

[元][樂解]韋昭曰:「屬齊。」 [索隱] 最,涅陽侯。 韋昭云「屬齊」也。

左將軍徵至,坐争功相嫉,乖計,弃市。 樓船將軍亦坐兵至例口、门當待左將軍,擅先

記卷一百一十五

縱,失亡多,當誅,贖爲庶人。

[一] [索隱] 蘇林曰:「縣名。 度海先得之。」

失番禺,乃反見疑。荀彘争勞,與遂皆誅。兩軍俱辱,將率莫侯矣。 太史公曰:右渠負固,國以絶祀。涉何誣功,爲兵發首。樓船將狹,二〕及難離咎。 悔

[1]集解]徐廣曰:「言其所將卒狹少。」

【索隱述贊】衞滿燕人,朝鮮是王。王險置都,路人作相。 右渠首差,涉何調上。 兆禍自斯,狐疑二將。

山、遂伏法,紛紜無狀。

发記卷一百一十六

西南夷列傳第五十六

蜀西南外蠻夷也。 以東北,君長以什數,徙、筰都与三最大,自筰以東北,君長以什數,日颺最大。与三其俗或 至楪榆、「宀」名爲巂、昆明,「੫0〕皆編髮,隨畜遷徙,「二」毋常處,毋君長,地方可數千里。 自滇以北君長以什數,邛都最大:此皆魋結,ても財田,有邑聚。其外西自同師以東,てく〕北 士箸,或移徙,在蜀之西。 自冄駹以東北, 君長以什數, 白馬最大, 口 門皆 氐類也。 西南夷君長「一以什數、「三」夜郎最大、「三其西靡莫「四之屬「五以什數,演最大、「八八 此皆巴 自焦

[二]正義 在蜀之南。

[二] ||索隱] 劉氏音所具反。鄒氏音所主反。

[索隱] 荀悦云:「犍爲屬國也。」韋昭云:「漢爲縣,屬牂柯。」按:後漢書云「夜郎東接交阯,其地在胡南,其君長 本出於竹,以竹爲姓也。」 [正義] 今瀘州南大江南岸協州、曲州,本夜郎國

西南夷列傳第五十六

史

[四] | 索隱] 夷邑名,滇與同姓。

五 正義 在蜀南以下及西也。 靡非在姚州北,去京西南四千九百三十五里,即靡莫之夷。

[集解] 如淳曰:「滇音顛。顛馬出其國也。」 [索隱] 崔浩云:「後爲縣,越嶲太守所理也。」 正義昆州、郎州等

本滇國,去京西五千三百七十里也。

[+][索隱]魋,漢書作「椎」,音直追反。 結音計。

里。漢楪榆縣在澤西益都。 靡非,本葉榆王屬國也。

〔元〕 集解

韋昭曰:「在益州。

楪音葉。」

索隱 韋昭日 一益州縣。

楪音葉。」

正義上音葉。

標澤在靡北百餘

[10] 集解]徐廣曰:「永昌有嶲唐縣。」 也。 昆明,嶲州縣,蓋南接昆明之地,因名也。 [索隱]崔浩云:「二國名。」韋昭云:「萬,益州縣。」 正義、萬音髓。 今萬州

[二] [正義] 編,步典反。畜,許又反。皆厲、昆明之俗也。

(三) 樂解 徐廣日:「徙在漢嘉。 **筰音昨,在越嶲。**」 [索隱] 服虔云:「二國名。」韋昭云:「徙縣屬蜀。 作縣在越塔。」

[正義] 徙音斯。括地志云:「筰州本西蜀徼外,日貓羌嶲。

地理志云徙縣也。

華陽國志雅

州邛郲山本名邛筰山,故邛人、筰人界。」

徐廣云:「筰音昨。」

從漢書云目駹其山有六夷、七羌、九氐、各有部落也。」 索隱案: 應劭云「汶江郡本井號。 音亡江反」。 正義 |括地志云:「蜀西徼外羌,茂州、||州本||駹國地也。

[四] 索隱案: 夷邑名,即白馬氐。 [正義] 括地志云:「隴右成州、武州皆白馬氐,其豪族楊氏居成州仇池山上。」

也。 道,〔□〕諸此國頗置吏焉。 |楚巴、黔中郡,道塞不通,因還,以其衆王滇,變服,從其俗,以長之。 |秦時常頗 [||] 略通 蹻至滇池,(地)方三百里,(三〕旁平地,肥饒數千里,以兵威定屬楚。 始楚威王時,使將軍莊蹻〔〕將兵循江上,略巴、(蜀)黔中以西。 十餘歲,秦滅。 及漢興、皆弃此國而開蜀故徼。 莊蹻者,故楚莊王苗裔 欲歸報, 巴蜀民或竊出商 會秦 擎奪 五. 尺

案隱 音炬灼反。 楚莊王弟,爲盗者。 正義 其略反。 郎州、昆州即莊蹻所王。

賈,取其作馬、僰僮、「馬」髦牛,以此巴屬殷富。

索隱 故謂滇池。」 滇池方三百里。 正義 括地志云:「滇池澤在昆州晉寧縣西南三十里。其水源深廣而〔末〕更淺狹,有似倒流, 地理志益州滇池縣,澤在西北。 後漢書云:「其池水源深廣, 而[末]更淺狹, 有似倒流, 故

謂滇池。」

(三)集解)音案。

索隱 謂棧道 廣五尺。 正義 括地志云:「五尺道在郎州。 顔師古云其處險院,故道纔廣五尺。 如淳 云道廣

五尺。」

索隱 |韋昭云:「僰屬犍爲,音齋北反。」服虔云:「舊京師有僰婢。」 正義一个益州南戎州北臨大江,古僰國。

建元六年,大行王恢擊東越,東越殺王郢以報。 恢因兵威使番陽令[] 唐蒙風指曉南

西南夷列傳第五十六

喻,皆如南夷,爲置一都尉,十餘縣,屬蜀 蜀卒治道,自僰道指牂柯江。[馬]蜀人司馬相如亦言西夷邛、作可置郡。 使相如以郎中將往 郎旁小邑皆貪漢繒帛,以爲漢道險,終不能有也,乃且聽蒙約。還報,乃以爲犍爲郡。發巴 餘人,「□從巴蜀作關人,遂見夜郎侯多同。蒙厚賜,喻以威德,約爲置吏,使其子爲令。夜 漢之彊,巴燭之饒,通夜郎道,爲置吏,易甚。」上許之。乃拜蒙爲郎中將,將千人,食重萬 百餘步,足以行船。南越以財物役屬夜郎,西至同師, 蒙歸至長安,問蜀賈人,賈人曰:「獨蜀出枸醬,多持竊出市夜郎。 絶,難行。 曰:「南越王黄屋左纛,地東西萬餘里,名爲外臣,實一州主也。今以長沙、豫章往,水道多 南越食蒙蜀枸醬、「三」蒙問所從來,曰「道西北牂柯,牂柯江「三」廣數里,出番禺城下」。 竊聞夜郎所有精兵,可得十餘萬,浮船牂柯江,出其不意,此制越一奇也。誠以 ` 然亦不能臣使也。」 蒙乃上書説上 夜郎者,臨牂柯江,江廣

了二」正義 番音婆。

[三][集解]徐廣曰:「枸、一作『蒟」、音窶。」駰案:漢書音義曰「枸木似穀樹、其葉如桑葉。用其葉作醬酢、美、蜀人 <u>廣</u>志云「色黑,味辛,下氣消穀」。 窶,求羽反。 以爲珍味」。 · 蒟緣樹而生,非木也。 索隠 今蜀土家出蒟、實似桑椹、味辛似薑、不酢」。又云「取葉」。 劉德云「蒟樹如桑,其椹長二三寸,味酢;取其實以爲醬,美」。 此注又云葉似桑葉,

- [正義] 崔浩云:「牂柯、繋船杙也。」常氏華陽國志云:「楚頃襄王時,遣莊蹻伐夜郎,軍至且蘭,椓船於岸而步戰。
- 既滅夜郎,以且蘭有椓船柯處,乃改其名爲牂柯。」
- [四] | 索隱 | 案:食貨輜重車也。音持用反。
- 索隱道牂柯江。 崔浩云:「牂柯,繫船杙也,以爲地名。」道猶從也。 地理志夜郎又有豚水,東至南海四會人

海,此牂柯江。

庚,獨置南夷夜郎兩縣一都尉,
行己稍令犍爲自葆就。
行引 爲御史大夫,是時方築朔方以據河逐胡,弘因數言西南夷害,可且罷,專力事匈奴。 西南夷又數反,發兵興擊,耗費無功。上患之,使公孫弘往視問焉。 當是時,巴蜀四郡口通西南夷道,戍轉相饟。數歲,道不通,士罷餓離溼,死者甚衆; 還對,言其不便。 上罷西 及弘

[] [集解] 徐廣曰:「漢中,巴郡,廣漢,蜀郡。」

「三」[集解] 徐廣日:「元光六年,南夷始置郵亭。」

〔三〕[正義] 令犍爲自葆守,而漸修成其郡縣也。

夏在漢西南,慕中國,患匈奴隔其道,誠通蜀,身毒國道便近,有利無害。於是天子乃令王 「從東南身毒國,气三可數千里,得蜀賈人市」。或聞邛西可二千里有身毒國。 及元狩元年, 博望侯張騫使大夏來,言居大夏時見蜀布、邛竹杖、口〕使問所從來,曰 **屬因盛言大**

西

南夷列傳第

五.

十六

然于、柏始昌、吕越人等,使閒出西夷西、指求身毒國。至滇,滇王嘗羌「己乃留,爲求道西十

餘輩。歲餘,皆閉昆明,「四〕莫能通身毒國。

[一] [集解] 韋昭曰:「邛縣之竹,屬蜀。」瓚曰:「邛,山名。 此竹節高實中,可作杖。」

〔三〕[集解]徐廣曰:「字或作『竺』。漢書直云『身毒』,史記一本作『乾毒』。」駰案:漢書音義曰「一名『天竺』,則浮屠 胡是也」。 [索隱] 身音捐,毒音篤。一本作「乾毒」。漢書音義一名「天竺」也。

〔三〕[集解]徐廣曰:「嘗,一作『賞』。」

[四] 集解] 如淳曰:「爲昆明所閉道。」 正義。昆明在今萬州南、昆縣是也。

不知漢廣大。使者還,因盛言滇大國,足事親附。天子注意焉。 <u>滇王與漢使者言曰:「漢孰與我大。」及夜郎侯亦然。以道不通故,各自以爲一州主,</u>

尉不下,卽引兵還,行誅頭蘭。〔三〕頭蘭,常隔滇道者也。已平頭蘭,遂平南夷爲牂柯郡。 郎侯始倚南越,南越已滅,會還誅反者,夜郎遂入朝。上以爲夜郎王。 衆反,殺使者及犍爲太守。漢乃發巴圖罪人嘗擊南越者八校尉擊破之。會越已破,漢八校 及至南越反,上使馳義侯因犍爲發南夷兵。且蘭〔〕〕君恐遠行,旁國虜其老弱,乃與其

[一][索隱]上音子餘反。小國名也。後縣,屬牂柯。

[二] 索隱] 即且蘭也。

郡,作都爲沈犂郡,冄駹爲汶山郡,二〕廣漢西白馬爲武都郡。 南越破後,及漢誅且蘭、邛君,並殺作侯,丹駹皆振恐, 諸臣置吏。 乃以邛都爲越嶲

[一] 集解 應劭曰:「今蜀郡岷江。」

朝。 擊滅勞漫、靡莫,以兵臨滇。 凌、靡莫、「一」皆同姓相扶,未肯聽。 於是以爲益州郡,賜滇王王印,復長其民。 上使王然于以越破及誅南夷兵威風喻滇王入朝。 滇王始首善,以故弗誅。 勞漫、靡莫數侵犯使者吏卒。一元封二年,天子發巴圖兵 滇王離難西南夷,舉國降,諸置吏人 滇王者,其衆數萬人,其旁東北有勞

一]索屬]勞寢、靡莫。二國與滇王同姓。

西南夷君長以百數,獨夜郎、滇受王印。 滇小邑,最寵焉。

諸侯,唯楚苗裔尚有滇王。 |太史公日:||楚之先豈有天禄哉。||在周爲文王師,封楚。 漢誅西南夷,國多滅矣,唯滇復爲寵王。 及周之衰, 然南夷之端,見枸醬番 地稱五千里。 秦滅

西南夷

列傳第五

十六

周,大夏杖邛竹。西夷後揃,(二)剽分二方,(三)卒爲七郡。(E)

[一][集解]漢書音義曰:「音翦。」 [索隱]音剪。揃謂被分割也。

[三]索屬]剽音匹妙反。言西夷後被揃迫逐,遂剽居西南二方,各屬郡縣。 剽亦分義。

〔三〕[集解]徐廣曰:「犍爲、牂柯、越嶲、益州、武都、沈犂、汶山地也。」

雄。及置郡縣,萬代推功。

【索隱述贊】西南外徼,莊蹻首通。漢因大夏,乃命唐蒙。勞瓊、靡莫,異俗殊風。夜郎最大,邛、笮稱

史記卷一百一十七

司馬相如列傳第五十七

之徒,相如見而説之,因病免,客游梁。梁孝王令與諸生同舍,相如得與諸生游士居數歲, 也。會景帝不好辭賦,是時梁孝王來朝,從游説之士齊人鄒陽、淮陰枚乘、吳莊忌夫子「賈」 相如既學,「『」慕藺相如之爲人,更名相如。以貲爲郎,事孝景帝,爲武騎常侍,「『〕非其好 司馬相如者,蜀郡成都人也,字長卿。少時好讀書,學擊劍、八二故其親名之曰大子。〔三〕

乃著子虚之賦。

[一][索隱] 吕氏春秋劍伎云「持短人長,倏忽縱横之術也」。 魏文典論云「余好擊劍,善以短乘長」是也。

[三] | 索隱 | 孟康云: 愛而字之也。]

□□ 索隱案:秦密云「文翁遣相如受七經」。

[四] [索隱] 張揖曰:「秩六百石,常侍從格猛獸。」

. == 徐廣曰:「名忌,字夫子。」「索隱」徐廣、郭璞皆云名忌字夫子。案:鄒陽傳云枚先生、嚴夫子,此則夫子

司馬相如列傳第五十七

是美稱,時人以爲號。漢書作「嚴忌」者,案忌本姓莊,避明帝諱改姓嚴也。

都;「『〕及飲卓氏,弄琴,文君竊從户窺之,心悦而好之,恐不得當也。既罷,相如乃使人重 文君新寡,好音,故相如繆與令相重,而以琴心挑之。〔』〕相如之臨邛,從車騎,雍容閒雅甚 邛令前奏琴曰:「竊聞長卿好之,願以自娱。」相如辭謝,爲鼓一再行。〔三〕是時卓王孫有女 長卿謝病不能往,臨邛令不敢嘗食,自往迎相如。相如不得已,彊往,一坐盡傾。 遂,而來過我。」於是相如往,舍都亭。〔〕臨邛令繆爲恭敬,日往朝相如。 賜文君侍者通殷勤。文君夜亡奔相如,〔禹〕相如乃與馳歸成都。家居徒四壁立。〔六〕卓王孫 稱病,使從者謝吉,吉愈益謹肅。臨邛中多富人,而卓王孫家僮八百人,程鄭亦數百人,二 者非財也。今文君已失身於司馬長卿、長卿故倦游、江三雖貧、其人材足依也、且又令客、獨 市中。自己卓王孫聞而恥之,爲杜門不出。昆弟諸公自三更謂王孫曰:「有一男兩女,所不足 其車騎,買一酒舍酤酒,而令文君當鑪。〔<〕相如身自著犢鼻褌、〔5〕與保庸雜作,〔10〕滌器於 大怒曰:「女至不材,我不忍殺,不分一錢也。」人或謂王孫,王孫終不聽。 文君久之不樂, 人乃相謂曰:「令有貴客,爲具召之。」並召令。令既至,卓氏客以百數。至日中,謁司馬長卿, 曰:「長卿第俱如臨邛, C+〕從昆弟假貸猶足爲生,何至自苦如此」相如與俱之臨邛,盡賣 會梁孝王卒,相如歸,而家貧,無以自業。素與臨邛令王吉相善,吉曰:「長卿久宦遊不 相如初尚見之,後 酒酣,臨

奈何相辱如此!<u>卓王孫不得已</u>, 分予)文君僮百人, 錢百萬, 及其嫁時衣被財物。 文君乃

與相如歸成都,買田宅,爲富人。

(一) 索隱 案:臨邛郭下之亭也。

〔三〕[索隱] 案:樂府長歌行、短歌行,行者曲也。 此言「鼓一再行」,謂一兩曲。

三] (集解) 郭璞曰:「以琴中音挑動之。」 詩曰「鳳兮鳳兮歸故鄉,遊邀四海求其皇,有一豔女在此堂,室邇人遐毒我腸,何由交接爲鴛鴦」也。又曰「鳳兮 [索隱] 張揖云:「挑,嬈也。 以琴中嬈之。」挑音徒了反。嬈音奴了反。其

鳳兮從皇栖,得託子尾永爲妃。交情通體必和諧,中夜相從別有誰」。

[1] [集解] 韋昭曰:「閒,讀曰『閑』,甚得都邑之容也。」郭璞曰:「都猶姣也。 詩曰『恂美且都』。」

〔五〕[索隱] 郭璞云:「婚不以禮爲亡也。」

公」集解 郭璞曰:「言貧窮也。」 索隱案:孔文祥云「徒,空也。 家空無資儲, 但有四壁而已, 云就此中以安立

也。

[中][索隱] 弟如臨邛。文穎云:「弟,且也。」郭璞云:「弟,語辭。如,往也。」

[八] (集解] 幸昭曰:「鑪,酒肆也。以土爲墮,邊高似鑪。」

[元] 集解 章昭曰:「今三尺布作形如犢鼻矣。 稱此者,言其無恥也。 今銅印言懷紐,此其類矣。」

[10] [集解] 方言曰:「保庸謂之雨,奴婢賤稱也。」

二〕集解 韋昭曰:「瓦器也。每食必滌溉者。」

[三]集解]郭璞曰:「諸公,父行也。」

司馬相如列傳第五十七

[三]集解]郭璞曰:「厭游宦也。」

哉!]得意曰:「臣邑人司馬相如自言爲此賦。」上驚,乃召問相如。 儉,因以風諫。 奏之天子,天子大説。 其辭曰: 虚」,虚言也,爲楚稱;每一月烏有先生」者,至一日烏有此事也,爲齊難;每回「無是公」者,無是 乃諸侯之事,未足觀也。請爲天子游獵賦,賦成奏之。」上許,令尚書給筆札。相如以「子 人也,明天子之義。Cmd故空藉Ckd此三人爲辭,以推天子諸侯之苑囿。其卒章歸之於節 居久之,蜀人楊得意爲狗監,仁己侍上。上讀子虚賦而善之,曰:「朕獨不得與此人同時 相如曰:「有是。然此

[一][樂解]郭璞曰:「主獵犬也。」

〔三〕[樂解] 徐廣曰:「烏,一作惡。」〔三〕 樂解] 郭璞曰:「稱説楚之美。」

[日][樂解]郭璞曰:「詰難楚事也。」

〔五〕[集解] 郭璞曰:「以爲折中之談也。」

[★][索隱]音假借,與積同音。

詫(二)烏有先生,而無是公在焉。坐定,烏有先生問曰:「今日田樂乎?」子虚曰:「樂。」 楚使子虚使於齊,齊王悉發境內之士,備車騎之衆,與使者出田。田罷,子虚過

「獲多乎?」曰:「少。」「然則何樂?」曰:「僕樂齊王之欲夸僕以車騎之衆,而僕對以

雲夢之事也。」曰:「可得聞乎?」

【一】[集解]郭璞曰:「詫,誇也。音託夏反。」 [索隱] 上音戈,下音勑亞反。誇詫是也。

轔鹿、射麋脚麟。〔三〕鶩於鹽浦、割鮮染輪。〔三〕射中獲多,矜而自功。顧謂僕曰:『楚亦有 足以言其外澤者乎!』齊王曰:『雖然,略以子之所聞見而言之。』 之鄙人也,幸得宿衞十有餘年,時從出游,游於後園,覽於有無,然猶未能徧覩也,又惡 平原廣澤游獵之地饒樂若此者乎?楚王之獵何與寡人?』「『」僕下車對曰:『臣,楚國 子虚曰:「可。王駕車千乘,選徒萬騎,田於海濱。列卒滿澤, 罘罔彌山,〔1〕揜冤

[一][集解]郭璞曰:「罘,置也。音浮。」 [正義] 説文云「罘,兔图也」。今幡車图也。彌,竟也 [二] [集解] 徐廣曰:「轔音吝。」駟案:郭璞曰「脚,掎足。轔,車轢」。 索隱 脚鱗,韋昭云「謂持其一

脚也」。

司馬

[川][樂解]郭璞曰:「鹽浦,海邊地多鹽鹵。鮮,生肉也。染,擩也。音而沿反,又音而悦反。擩之於輪,鹽而食之。 彪曰「脚、掎也」。說文云「掎、偏引一脚也」。 鶩,馳也。音務。」 [索隱] 李奇云:「鮮,生肉也。染,濡也。切生肉濡鹽而食之。」染或爲「淬」,與下文「脟割輪

[1] [集解] 郭璞曰:「與猶如也。」

僕對曰:『唯唯。 臣聞楚有七澤,嘗見其一,未覩其餘也。臣之所見,蓋特其小小

司馬相如列傳第五十七

干。〔三〕其下則有白虎玄豹,蟃蜒貙豻,〔四〕兕象野犀,〔四〕窮奇獌狿。 離朱楊,〔三〕樝梸梬栗,〔三〕橘柚芬芳。〔三〕其上則有赤猨蠷蝚,〔三〕鵷鶵孔鸞,騰遠射 蛟鼉,〔三〕瑇瑁〔回〕鼈黿。其北則有陰林〔三〕巨樹,楩枏豫章,〔三〕桂椒〔三〕 木蘭,〔回〕 蘗 圖。〔云〕其西則有湧泉清池,激水推移,外發芙蓉蔆華,內隱鉅石白沙。其中則有神龜 則生藏莨蒹葭,東薔白,雕胡、白,蓮藕菰蘆,白人 菴藺軒芋,白, 衆物居之,不可勝 壇曼,自己緣以大江,限以巫山。自己其高燥則生蔵斯苞荔,自己薛莎青薠。自己其卑溼自己 崒,岑巖參差,日月蔽虧,〔三〕交錯糾紛,上干青雲,罷池陂陁,下屬江河。其土則丹 干,〔三穹窮〔云〕昌蒲,江離麋蕪,諸蔗猼且。〔己其南則有平原廣澤,登降陁靡,〔三条衍 瑰,[ミ]琳瑉琨珸,[10]瑊玏玄厲,[1]瑌石武夫。[1]其東則有蕙圃[1]衡蘭,芷若[1]射 青赭堊,〔『〕雌黄〔『〕白坿,〔《〕錫碧〔『〕金銀,衆色炫燿,照爛龍鱗。〔〈〕其石則赤玉玫 者耳,口名曰雲夢。自己雲夢者,方九百里,其中有山焉。其山則盤紆岪鬱,隆崇嵂

[一] 索隱] 郭璞云:「特,獨也。」

[二] 索隱] 褚詮音亡棟反,又音莫風反。 巴湖也。今安陸東見有雲夢城、雲夢縣,而枝江亦有者,蓋縣名遠取此澤,故有城也。 「江夏安陸有雲夢城,南郡枝江亦有雲夢城。華容縣又有巴丘湖,俗云卽古雲夢澤也」。則張揖云在華容者,指 裴駰云「孫叔敖激沮水作此澤」。張揖云「楚藪也,在南郡華容縣

三][集解] 漢書音義曰:「高山壅蔽,日月虧缺半見。」 索隱 案: 漢書注此卷多不題注者姓名,解者云是張揖,亦

兼有餘人也。

[四]集解]徐廣曰:「一作『瑕』。」 [索隱] 張揖云:「赭,赤土,出少室山。 堊,白堊,本草云一名白墡也。」

[五][正義] 藥對曰:「雌黄出武都山谷,與雄黄同山。」

集解 徐廣曰:「音符。」關案:漢書音義曰「白坿,白石英也」。 索隱 張揖曰:「白石英也, 出魯陽山。」蘇林

音附,郭璞音符也。

[中][正義] 顔云:「錫,青金也。 碧謂玉之青白色者也。」

[八][集解]郭璞曰:「如龍之鱗采。」

[九] 集解] 郭璞曰:「赤玉,赤瑾也。見楚辭。玫瑰,石珠也。」

司馬彪云「石之次玉者」。按:河圖云「流州多積石,名昆吾石,鍊之成鐵,以作劍,光明昭如水精」。案:字或作 集解 漢書音義曰:「琳,球也。 珉,石次玉者,琨珸,山名也,出善金,尸子曰『昆吾之金』者。」 索隱琨語,

「昆吾」。

(二) 集解 |徐廣日:「瑊音古咸反,玏音勒,皆次玉者。」||駰案:漢書音義曰「玄厲,黑石可用磨者」。

[三] [集解] 徐廣曰:「石似玉。」 翺案:漢書音義曰「瑌石出鴈門,武夫出長沙也」。

魏武帝以此燒香,今東下田

有此草,莖葉似麻,其華正紫也。」

司馬相

如列傳

第五十七

[IB] [集解] 漢書音義曰:「衡、杜衡也。 其狀若葵,其臭如蘪蕪。 芷,白芷。 若,杜若。」 索隱 張揖云「衡、杜衡,生

三00五

娛濟云「齊日茝,晉日繭」。。字林日「茝音昌亥反,又音昌里反。繭音火嬌反」。本草又曰「杜若,一名杜衡」。今 似葵」。故藥對亦爲似細辛是也。蘭,張揖云「秋蘭」。芷若,張揖云「若,杜若;,芷,白芷也」。本草云「一名茝」。 下田山」。案:山海經云「天帝之山有草,葉如葵,臭如蘪蕪,可以走馬」。博物志云「一名土杏,其根一似細辛,葉 杜若葉似薑而有文理,莖葉皆有長毛。古今名號不同,故其所呼別也。

- [1] [索隱] 廣雅云「烏蓬,射干」。 本草名烏扇。
- 「二二」索隱一芎藭。 司馬彪云:「芎藭似藁本」。郭璞云:「今歷陽呼爲江離。」淮燕子云:「夫亂人者,若芎藂之與麋本。」

[一] [集解] 徐廣曰:「猼音匹沃反。」 駰案:漢書音義曰「江離,香草。 麋蕪,蘄芷也,似蛇床而香。 諸蔗, 「藁本一名麋蕪,根名蘄芷」。又藥對以爲麋蕪一名江離,芎藭苗也。則芎藭、藁本、江離、麋蕪並相似,非是一物 「搏且,蘘荷屬」。 也。諸柘、張揖云「諸柘、甘柘也」。搏且、上音並卜反、下音子余反。漢書作「巴且」、文顯云「巴蕉也」。 則與張勃所説又別。案:今芎藭苗曰江離,緑葉白華,又不同。孟康云「麋蕪,蘄芷也,似蛇床而香」。 猼且, 蘘荷也」。 未知孰是也。 [索隱] 吴録曰「臨海縣海水中生江離,正青似亂髮,即離騷所云者是也」。廣志云「赤葉紅華」, 樊光 甘柘也。 郭璞云 日

- [二]集解]音移糜。
- [1元] [索隱] 司馬彪云:「案衍、窳下,壇曼、平博也。」衍音弋戰反。
- [三0] (樂解) 郭璞曰:「巫山今在建平巫縣也。」
- 〔三〕<u>(集解)</u>徐廣曰:「蔵音針,馬藍也。 薪,或曰草,生水中,華可食。 荔音力詣反。 草,似蒲。」駰案:漢書音義曰 [索隱] 蔵析。音針斯二音。孟康曰「蔵,馬藍也」。郭璞曰「蔵,酸漿,江東名烏蔵」。析,漢書作

「斯」,孟康云「斯,禾,似燕麥」。、埤蒼又云「生水中,華可食」。 廣志云「凉州地生析草,皆如中國燕麥」是也。

[三] [樂解] 徐廣曰:「薛音先結反。」> > 即案:漢書音義曰「薛,賴蒿也。 莎,鎬侯也。 青蘋,似莎而大也。 音煩」。

[三] ||索隱|| 其庳溼。庳音婢。庳,下也。

[三] [集解] 徐廣曰:「鳥桓國有薔,似蓬草,實如葵子,十月熟。」 駰案:漢書音義曰「藏,似薍而葉大。 莨, 蔽音敵。東薔,案續漢書云「東薔似蓬草,實如葵子,十一月熟」。 廣志云「子色青黑,河西語云『貸我東薔,償我 蒹,蘼也。 葭,蘆也」。 [索隱] 藏莨,郭璞云「狼尾,似茅」。蒹葭音兼加。 孟康云「蒹葭似蘆也」。郭璞云「蒹,蔽 莨尾草也。

[三三] [索隱] 彫胡。案謂菰米。

白粱』也」。

[云] [集解] 徐廣曰:「生水中。」 [索隱] 郭璞云:「菰,蔣也。 蘆,葦也。」

[三] 集解 漢書音義日:「奄閭、蒿也。 軒芋,蕕草也。」 [索隱]郭璞云:「菴閬,蒿,子可療病也。 軒芋生水中,今楊

州有也。」

[云] <u>集解</u> 郭璞曰:「圖,畫也。」

[元] [正義] 郭注山海經云:「蛟,似蛇而四脚,小頭細頸,有白嬰,大者數十圍,卵生,子如一二斛瓮,吞人。 醫,似蜥蜴 而大,身有甲,皮可以冒鼓。」

[110] [正義] 似觜觿,甲有文,出南海,可以飾器物也。

[三][集解]郭璞曰:「林在山北陰地。」

司馬

相如列傳第五十七

= 0

[三] [樂解] 郭璞曰:「楩,梠也,似梓。 枏,葉似桑。豫章,大木也,生七年乃可知也。」 正義 案:(温) 活人云「豫,今

之枕木也。章,今之樟木也。二木生至七年,枕樟乃可分别」。

- [三] [正義] 郭璞云:「桂,似枇杷葉而大,白花,花而不著子,藂生巖嶺閒,無雜木,冬夏常青。」案: 今諸寺有桂樹,葉
- [] [集解] | 國案:郭璞曰「木蘭,樹,皮辛香可食」。 若枇杷而小,光静,冬夏常青,其皮不中食,蓋二色桂樹。 [正義] 廣雅云:「似桂,皮辛可食,葉冬夏樂,常以冬華,其實如

小(甘)柿,辛美,南人以爲梅也。」

- [] [集解]徐廣曰:蘗音扶戾反。」 漢書音義曰:「離,山梨。 邊」,爾雅云檉河柳是也。 朱楊, 赤楊也。」 索隱朱楊, 郭璞云「赤莖柳, 生水
- [景][集解]徐廣曰:「梬音郢。」、駰案:漢書音義曰「梬,梬棗也」。
- [雪] [正義] 小曰橘,大曰柚。 樹有刺,冬不凋,葉青,花白,子黄赤。 二樹相似,非橙也。
- [云] <u>集解</u>徐廣曰:「音劬柔。」 [正義] 蠷音劬,蝚音柔,皆猿猴類。
- [三] 集解]郭璞曰:「鵷雛, [索隱] 孟康云「騰遠、鳥名」、非也。 鳳屬也。孔,孔雀;鸞, 司馬彪云:「騰遠、虵也。」郭璞云:「騰虵、龍屬、能興雲霧。」張揖云:「射干、 鸞鳥也。」漢書音義曰:「騰遠, 鳥名。 射干,似狐,能緣木。」

似狐,能緣木。」

[80] [集解] 郭璞曰:「蟃蜒,大獸,長百尋。 貙,似貍而大。」漢書音義曰:「豻, 胡地野犬,似狐而小也。」 云:「蟃蜓,大獸,長百尋。」 張揖云:「貙,似貍而大。 豻,胡地野犬,似狐而小,黑喙。」應劭音顏, 韋昭一音岸。 索隱

鄭誕生音苦姦反,協音,是。

[5]][正義]兕,狀如水牛。象,大獸,長鼻,牙長一丈,俗呼爲江猨。犀,頭似猨,一角在額。漢書無此一句。

燒旃、「□曳明月之珠旗、「□」建干將之雄戟、「□」左烏嘷之雕弓、「□」右厦服之勁箭:「к」 與、自己覽乎陰林,觀壯士之暴怒,與猛獸之恐懼,徼谻受詘,自己殫睹衆物之變態。 眥、[三洞胸達腋,絶乎心繋,獲若雨獸,揜草蔽地。於是<u>楚王乃</u>弭節裴回,[三]翱翔容 駼、[10]乘遺風而射游騏,[11]儵胂凄浰,[1三靁動熛至,星流霆擊,弓不虚發, 陽子驂乘,纖阿爲御;〔十〕案節未舒,〔八〕卽陵狡獸,轔邛邛,蹵距虚,〔九〕軼野馬而 「『於是乃使專諸之倫,手格此獸。楚王乃駕馴駁之駟,〔〕乘雕玉之輿,靡魚須之 中必決 聴騊

[一] [集解] 漢書音義曰「馴,擾也。 駁,如馬,白身,黑尾,一角,鋸牙,食虎豹。 擾而駕之,以當駟馬也。」 〔三〕[集解] 郭璞曰:「以海魚須爲旒旌,言橈弱也。 通帛爲旃也。」

三] [集解] 漢書音義曰:「以明月珠綴飾旗。」

四][集解]漢書音義曰:「干將,韓王劍師。雄戟,胡中有鮔,干將所造也。」 <u>飙</u>土記云:「戟爲五兵雄也。」鮔音巨。案: 潤禮「冶氏爲戈,胡三之」。注云「胡其孑」也。又禮圖謂「戟支曲下 如淳曰:「干將,鐵所出。」晉灼曰:「闔閭鑄干將劍。」應劭説是。 方言云:「戟中小孑刺者,所謂雄戟也。」周處 爲胡」也 索隱 應劭曰:「干將,吴善冶者姓。」

(五)[索隱] 烏號之雕弓。黃帝上仙,羣臣舉弓抱之而號,見封禪書及郊祀志文。韓詩外傳云弓工之妻曰「此弓大山 南烏號之柘」。案:淮瀬子云「烏號,柘桑,其材堅勁,烏棲其上,將飛,枝勁復起,號呼其上。伐取其材爲弓,因

司

馬

口『烏號』」。古史考、風俗通皆同此説也。

- [《][集解]徐廣曰:「韋昭云夏,夏羿也。矢室名曰服。」吕静曰:「步叉謂之服也。」 服,箭室之名,故云「夏服」。又夏后氏有良弓名「繁弱」,其矢亦良,即「繁弱箭服」是也。 索隱 案: 夏羿, 善射者。 又
- 七][樂解] 漢書音義曰:「陽子,僊人陵陽子。 纖阿,月御也。」韋昭曰:「陽子,古賢也。」 姣好貌。」又樂産曰:「纖阿,山名,有女子處其巖,月歷巖度,躍入月中,因名月御也。」 人陵陽子也。」張揖云:「陽子,伯樂也。 孫陽字伯樂,秦繆公臣,善御者也。」 服虔云:「纖阿爲月御。 索隱 服虔云:「陽子,仙 或日美女
- [八][索隱]郭璞曰:「言頓轡也。」司馬彪云「案轡徐行得節,故曰案節,馬足未展,故曰未舒之也」,亦(日未)[爲]得 也。
- [元] (集解) 郭璞曰:「邛邛,似馬而色青。 距虚即邛邛,變文互言之。 穆天子傳曰『邛邛距虚,日走五百里』也。」
- [10] [集解] 徐廣日:「轉音鋭。」駰案:郭璞曰「野馬,如馬而小。 騊駼,似馬。轉,車軸頭」。 **轊**,車軸頭也。 謂車軸衝殺之。 騊駼,野馬。 索隱 **轊騊駼。上音**
- (二] (集解) 漢書音義曰:「遺風、千里馬。 古今注云:「秦始皇馬名。」韋昭云:「騏如馬,一角。」 爾雅云:「魯無角曰騏。」非麒麟之騏。 爾雅曰巂,如馬,一角。不角者,騏也。」 [索隱] 吕氏春秋云:「遺風之乘。」 ් 傷音攜。
- [三] [樂解] 徐廣曰:「淒音七見反。冽音力詣反。」 駟案:漢書音義曰「皆疾貌」。
- (一三) 樂解 韋昭曰:「在目所指,中必決於眼皆也。」

也。

(三) 集解 郭璞曰:「或云節,今之所杖信節也。」 [索隱] 司馬彪云:「弭猶低也。或云節,今之所言杖(節)信〔節〕

集解 司馬彪云:「徼,遮也。 郄,倦也。謂遮其倦者。」 郄音劇。 徐廣曰:「谻音劇。」駰案:郭璞曰「谻,疲極也。 詘,盡也。 言獸有倦游者,則徼而取之」。 詘音屈。 説文云:「谻,勞也。 燕人謂勞爲稅。」 索隱 一徼柔

徼音古堯反。

之仿佛。[1] 徐委曲,鬱橈谿谷;「馬」衯衯神神,「尽」揚袘卹削,「も」蜚纖垂髯;「へ」扶與猗靡,「も」噏 呷萃蔡,[10]下摩蘭蕙,上拂羽蓋,錯翡翠之威蕤,[11]繆繞玉綏;[15]縹乎忽忽,若神仙 「『於是鄭女曼姬,「「」被阿錫,「「」揄紵縞,「「」襍纖羅,垂霧縠;「ロ」襞積褰縐,紆

[一] 集解] 郭璞曰:「曼姬謂鄧曼。姬,婦人之總稱。」 云:「鄭女,夏姬也。 曼姬,楚武王夫人鄧曼。」 [正義] 文顯云:「鄧國出好女。曼者,其色理曼澤也。」如淳

[二][樂解] 漢書音義曰:「阿,細繒也。錫,布也。」 正義按:東阿出繪也。

[三][樂解]徐廣曰:「揄音臾。」 正義揄,曳也。 韋昭云:「紵之色若縞也。」顔云:「紵,織紵也。 縞,鮮支也。」

[四] (集解) 郭璞曰:「言細如霧,垂以覆頭。」

五][集解] 漢書音義日:「襞積,簡齰也。 **顧云:「襞積,今之裙攝,古謂之素積。」蘇林曰「褰總,縮蹙之」是也。** 鬱撓谿谷,孟康曰「其緣中文理,茀鬱迟曲,有似于谿谷也」。 迟,字林音丘亦反。 褰,縮也。 綯,裁也。 其總中文理,茀鬱迟曲,有似於谿谷也。」 總音側救反。 齰音叉革反。 裁音在代反。 索隱小

司

[c] [索 隱] 郭璞云:「衣長貌。」 [正 義] 上芳云反,下方非反。

[4][樂解]徐廣曰:「袘音迤,衣袖也。」駟案:漢書音義曰「卹削,裁制貌也」。 索隱 揚袘戌削。 張晏日:「揚,舉

也。袘,衣袖也。戌削,裁制貌也。」

[八][集解]徐廣曰:「纖音芟。」駰案:郭璞云「纖,袿衣飾;鬢,髻髾也」。

[集解]郭璞曰:「淮南所謂『曾折摩地,扶與猗委』也。」 正義興音餘。 猗,於綺反。 謂鄭女曼姬侍從王者,扶

其車輿而猗靡。

[10] [樂解] 漢書音義曰:「嗚呷,衣裳張起也。 甲反。」萃發,孟康云「萃發,衣聲也」。 郭璞曰「萃桑猶璀璨也」。 萃蔡,衣聲也。」 **||索隠||孟康曰:「嗡呷,衣起張也。」韋昭云:「呷音呼** [正義] 呷,火甲反。萃音翠。蔡,千賄反。

[二] [集解] 徐廣曰:「錯音措。或作『錯粉翠蕤』。」

[三] 集解] 郭璞曰:[綏,所執以登車。] 云:「翡身通黑,唯胸前背上翼後有赤毛。 也。」言飛纖垂髾,錯襍翡翠之旌幡,或繞玉綏也。張揖云:「翡翠大小一如雀, [正義] 顔云:「下摩蘭蕙,謂垂髾也。 翠身通青黄,唯六翮上毛長寸餘青。 上拂羽蓋,謂飛襳也。玉綏,以玉飾綏 其飛則羽鳴翠翡翠翡然,因以爲 雄赤日翡, 雌青日翠。」博物志

[三][正義] 仿佛,言似神仙也。 戰國策云:「鄭之美女粉白黛黑而立於衢,不知者謂之神仙。」

名也。」

纖繳施,〔四〕弋白鵠, 「『於是乃相與獠於蕙圃,〔一〕媻珊勃窣〔三〕上金隄,揜翡翠,射鵕鸏,〔三〕微矰出, 連駕鵝,「禹」雙鶴下,玄鶴加。「私」怠而後發, 游於清池; 浮文

歌、行三聲流喝、行三水蟲駭,波鴻沸,涌泉起,奔揚會,礧石相擊,硠硠礚礚,若靁霆之 鷁穴引揚桂枻穴凸張翠帷,建羽蓋,罔瑇瑁,釣紫貝穴引摐金鼓,吹鳴籟穴10〕榜人

聲,聞乎數百里之外。

[一][樂解]郭璞曰:「獠、獵也。音遼。」 [索隱] 爾雅云:「宵獵曰獠。」郭璞曰:「獠,獵也。又音遼也。」

(二)|索隱 盤狦勃猝。 章昭曰:「盤狦,匍匐上下也。」猝音素忽反。

三〕(集解)漢書音義曰:「鵕鶲,鳥,似鳳也。」 鳳,有光彩。音浚宜。」李彤云:「鵕鶲,神鳥,飛光竟天也。」 索隱司馬彪云:「鵕鶲, 山雞也。」許慎云:「驚鳥也。」郭璞曰:「似

四][集解]徐廣日:「繳音斫。」

Ŧī 集解 鳥也。 駕鵝連謂兼護也。 郭璞曰:「野鵝也。 抱朴子云:「千歲之鵠純白,能登於木。」 駕音加。」 索隱駕鵝。 爾雅云:「舒鴈,鵝也。」郭璞曰:「野鵝也。」 正義儲,

水

[宋] <u>樂</u> 解璞曰:「詩云『弋言加之』是也。」 [正義] 司馬彪云:「鶬似鴈而黑,亦呼爲鶬括。 相鶴經云:「鶴壽二百六十歲則色純黑。」案:七雙鶴既下,又加玄鶴之上也。 韓詩外傳云胎生也。

[中] 集解] 漢書音義曰:「鷁、水鳥也。 畫其象於船首。 淮南子曰『龍舟鷁首,天子之乘也』。」

[八][樂解]徐廣曰·「音曳。」駰案·章昭曰「枻,檝也」。

如玉,紫點爲文,皆成行列。 郭璞曰:「紫質黑文也。」 當大者徑一尺,小者七八寸。今九真、交阯以爲杯盤實物也。」貨殖傳云「貝寶龜 [正義] 毛詩蟲魚疏云:「貝、水之介蟲。大者蚢、音下郎反。 小者爲貝,其白質

馬 相

如列傳第五

十七七

是也。

[10][集解]漢書音義日:「摐,撞也。籟,簫也。」

[二][集解]郭璞曰:「唱櫂歌也。榜,船也,音謗。」

集解 徐廣日:「烏邁反。」

「『將息獠者,擊靈鼓,「二〕起烽燧,車案行,騎就隊,纚乎淫淫,班乎裔裔。〔三〕於是

馳騁而不下輿,脟割輪淬,自以爲娱。〔『〕臣竊觀之,齊殆不如。』於是王默然無以應僕 楚王乃登陽雲之臺,「『泊乎無爲,澹乎自持,勺藥之和具而後御之。「『一不若大王終日

也。

[一][集解]郭璞曰:「靈鼓、六面也。」

[二][集解]郭璞曰:「皆羣行貌也。」

[三]無解除廣日:「宋玉云楚王游於陽雲之臺。」駟案:郭璞日「在雲夢之中」。

四][樂解]郭璞曰:「勺藥,五味也。」

[集解]徐廣曰:「淬,千内反。」>>> 郭璞曰「脟,膊;淬,染也。 脟音臠也」。

備車騎之衆,以出田,乃欲勠力致獲,以娱左右也,何名爲夸哉!問楚地之有無者,願 鳥有先生曰:「是何言之過也!足下不遠千里,來況齊國,「」」王悉發境内之士,而

聞大國之風烈,先生之餘論也。今足下不稱楚王之德厚,而盛推雲夢以爲高,奢言淫

三〇一四

之樂,苑囿之大,先生「三又見客」、「三是以王辭而不復,「三何爲無用應哉」」 端鱗萃,充仞其中者,不可勝記,禹不能名,契不能計。〔三〕然在諸侯之位,不敢言游戲 外,吞若雲夢者八九,其於胸中曾不帶芥。〔三〕若乃俶儻瑰偉,異方殊類,珍怪鳥獸,萬 獅、「< >游孟諸、「+)邪與肅慎爲鄰、「< 〕右以湯谷爲界、「< 1 秋田乎青丘,「10] 傍偟乎海 而累於楚矣。且齊東階巨海、「三」南有琅邪、「三」觀乎成山、「巴」射乎之宗、「三」浮勃 無而言之,是害足下之信。章君之惡而傷私義,二者無一可,而先生行之,必且輕於齊 樂而顯侈靡,竊爲足下不取也。必若所言,固非楚國之美也。有而言之,是章君之惡;

[一][樂解]郭璞曰:「言有惠況也。」

[三] [索隱] 陼,蘇林音渚。小洲曰陼。謂東有大海之陼也。

[三] (樂解) 郭璞曰:「山名,在琅邪縣界。」 [正義] 山名,在密州東南百三十里。 琅邪臺在山上。

四〕[集解]徐廣曰:「在東萊不夜縣。」 [索隱]張揖云:「觀,闕也。於山上築宫闕。」郭璞云:「言在山下游觀, [正義] 封禪書云「成山斗人海」,言上山觀也。括地志云:「成山在萊州文登縣東北百八十里也。」

[H][樂解]漢書音義日:「之罘山在牟平縣。射獵其上也。」 [正義]括地志云:「罘山在萊州文登縣西北百九十里。」 言射獵其上也。罘音浮

[《][集解]漢書音義曰:「海别枝名也。」 [索隱] 案:齊都賦云「海傍日勃,斷水日澥」也

[中][樂解]郭璞曰:「宋之藪澤名。」 正義周禮職方氏「青州藪日望諸」,鄭玄云「望諸,孟瀦也」。

司馬相如列傳第五十七

[八][正義] 邪謂東北接之。括地志云:「靺鞨國,古肅慎也,亦曰挹婁,在京東北八千四百里,南去扶餘千五百里,東 及北各抵大海也。」

[元][正義] 言右者,北向天子也。海外經云:「湯谷在黑齒北,上有扶桑木,水中十日所浴。」張揖云:「日所出也。」 許慎云:「熱如湯。」

[10] [集解] 郭璞曰:「青丘,山名。亦有田,出九尾狐,在海外矣。」 服虔云:「青丘國在海東三百里。」郭璞云:「青丘,山名。 上有田,亦有國,出九尾狐,在海外。 索隱 郭璞云:「山名。出九尾狐也。」

[一] [索隱] 張揖曰:「刺鯁也。」郭璞云:「言不覺有也。」

[三][正義] 禹爲堯司空,辨九州土地山川草木禽獸。 製爲司徒,敷五教,主四方會計。 言二人猶不能名計其數。

[一] 索隱 指子虚也。

[一四] [索陽] 如淳曰:「見賓客禮待故也。」李善曰:「言見先生是(貧)客(之)也。」

[三] 索屬 郭璞曰:「復,答也。」

慎,捐國踰限,越海而田,其於義故未可也。且二君之論,不務明君臣之義而正諸侯之 以貶君自損也。且夫齊楚之事又焉足道邪!君未睹夫巨麗也,獨不聞天子之上林乎。 禮,徒事争游獵之樂,苑囿之大,欲以奢侈相勝,荒淫相越,此不可以揚名發譽,而適足 所以述職也、「己封疆畫界者,非爲守禦,所以禁淫也。「己今齊列爲東藩,而外私肅 無是公听然而笑口了曰:「楚則失矣,齊亦未爲得也。夫使諸侯納貢者,非爲財幣,

[三][集解]郭璞曰:「禁絶淫放也。」[三][集解]郭璞曰:「諸侯朝於天子曰述職,言述所職。 見孟子。」[二][集解]郭璞曰:「听,笑貌也。」 [索隱]説文云:「听,笑兒。」

中。 沫,Cmo]汩濇漂疾,Cmi]悠遠長懷,Cmi]寂漻無聲,肆乎永歸。 然後灝溔潢漾,Cmi]安翔徐 費,自己澤浡密汨,自己福測必節,自己横流逆折,轉騰潎冽,自己澎濞沆瀣,自己穹隆 明月珠子,玓瓅江靡,[晉]蜀石黄碝,[晉]水玉磊砢,[晉]磷磷爛爛,采色澔旰,叢積乎其 鰬魠 [[示] 禺禺蟾納,[]示] 揵鰭[20] 擢尾,振鱗奮翼,潛處于深巖;魚鼈讙聲,萬物衆夥, 徊,翯乎滈滈,〔邑〕東注大湖,〔三〕衍溢陂池。 於是乎蛟龍赤螭,〔兲〕魱鰽螹離,〔兲〕鰅鱅 壑,自己瀺灂自己實墜,自己湛湛自己隱隱,砰磅訇礚,自己潘潏淈淈,抬潗鼎沸,自己馳波跳 撓、「「「対癲膠戾,「「」」瑜波趨浥,「同」莅莅下瀨,「三」批壧衝壅,「三」犇揚滯沛,「三」臨坻注 渭;[『]酆鄗[m]潦潏[k],紆餘委蛇,經營乎其内。 蕩蕩兮八川分流,相背而異態。 東西南北,馳騖往來,出乎椒丘之闕,行乎洲淤之浦、「八」徑乎桂林之中、「九」過乎決莽 之野。[10]汨乎渾流,順阿而下,[11]赴隘陝之口。觸穹石,激堆埼,[1三沸乎暴怒,洶涌滂 鴻鵠鷫鴇,鳨騀鸀鳿,〔閏〕駁睛〔閏〕巖目,〔四〕煩鶩鷛縣,〔閏〕臟鷓鵁鸕,〔四〕羣浮乎其 「左蒼梧,右西極,〔1〕丹水更其南,〔三〕紫淵徑其北;〔三〕終始霸滻,出入涇 しまし

司馬

- 上。汎淫泛濫,「層式隨風澹淡,與波摇蕩,掩薄草渚,「層の〕唼喋「層口菁藻,气息」咀嚼蓤藕。
- [一] 樂解] 郭璞曰:「西極,邠國也。見爾雅。」 於豳國爲極。在長安西,故言右。」 [正義] 文顯云:「蒼梧郡屬交州,在長安東南,故言左。 爾雅云西至
- 〔三〕[樂解] 漢書音義曰:「丹水出上洛冢領山。」
- [] [集解] 郭璞曰:「紫淵所未詳。」 [正義] 山海經云:「紫淵水出根耆之山,西流注河。」文穎云:「西河穀羅縣有紫 澤,(其水紫色注亦紫)在縣北,於長安爲北。」
- 四] [索隱] 張揖云:「灞出藍田西北而人渭。 澾亦出藍田谷,北至霸陵人壩。 涇渭二水從苑外來,又出苑去也。
 涇水出安定涇陽縣
 开頭山,東至陽陵人渭。 灞遊二水盡於苑中不出,故云終始也。 渭水出隴西首陽縣鳥鼠同穴山,
- [E] [索隱] 豐鎬。張揖云:「豐水出鄠縣南山豐谷,北人渭。鎬在昆明池北。」郭璞云:「鎬水,豐水下流也。」

東北至華陰人河。」

- 《〕[樂解]郭璞曰:「皆水流貌,音決。」 [索隱]應劭云:「潦,流也。潏,涌出聲也。」張揖云:「又有潏水,出南山。」 今潏既是水名,除丹紫二川,自涇渭以下適足八川,是經營乎其内也。又潘岳關中記曰「涇、渭、灞、鎬、豐、鎬 案:此下文「八川分流」,則從涇、渭、灞、渡、鹽、鎬、潦、潏爲八。晉灼曰:「從丹水下則有九,從灞以下則七。」案: 姚氏云:「潦,或作『澇』也。澇水出鄠縣,北注渭。潏水出杜陵,今名沈水,自南山皇子陂西北流注昆明池入渭。」
- [七][集解]郭璞曰:「八川名在上。」

灣、潏,上林賦所謂『八川分流』」。

[八] 樂解 郭璞曰:「椒丘,丘名,言有巖闕也,見楚辭。」淤亦洲名,蜀人云,見方言。」 索隱 服虔云:「丘名,楚詞日

『馳椒丘且焉止息』也。」案:兩山俱起,象雙闕。如淳云「丘多椒也」。

[九] 集解] 郭璞曰:「桂林,林名也,見南海經也。」

[10][集解]漢書音義曰:「山海經所謂大荒之野。

〔二〕[集解]郭璞曰:「阿,大陵。」

(三) 集解 郭璞曰:「穹隆,大石貌。 堆,沙堆。 埼,曲岸頭,音祁。」 [索隱] 郭璞曰:「堆,沙堆;埼,曲岸頭也。」

[一][集解] 洶音許勇反。涌音勇。滂音浦横反。 潰音浦拜反。 索隱 洶湧澎湃。 司馬彪云:「洶湧,跳起貌。

澎

湃,相戾也。」湧,或作「容」。 澎,或作「滂」。

[1四] [索隱] 司馬彪云:「嗶沸,盛貌。 **滵汩**,去疾也。」 正義。畢渤密三音。 汨,于筆反。

[三] (集解) |郭璞日:「逼側筆櫛四音。| |索隱||司馬彪云:「温測,相迫也。 泌瀄,相楔也。」 郭璞云:「逼側筆櫛四

羊山

[一] 索隱 蘇林曰:「流輕疾也。」

[一七] [索隱] 滂濞沆溉。溉,亦作「瀣」。 司馬彪云:「滂濞,水流聲也。 流溉,徐流。」郭璞云:"鼓怒鬱鯁之見也。J

正義] 澎,普彭反。濞,普祕反。沆,胡朗反。溉,胡代反。

[14] [索隱] 穹崇雲橈。服虔云:「水旋還作泉也。」郭璞云:「水隴起回窳也。」

[元] 索隱 司馬彪云:「蜿嬤,展轉也。膠戾,邪屈也。」音婉善交戾四音也。 正義婉音婉。蟬音善。

(三0) 集解 |徐廣日:「烏狹反。」 ||索隱||隃波趨浥。 司馬彪云:「隃波、後陵前也。 趨浥,輸于深泉也。」浥音焉浹反。

[三] 索隱] 司馬彪云:「莅莅、水聲也。」音利。

司馬相如列傳第五十七

[三][正義]批,白結反。壧,巖。司馬彪云:「批,反擊也。壅,曲隈也。」

[三] [索隱] 滯沛,郭璞云「水洒散兒」。滯音丑制反。

[三][正義] 坻音遅。坻,水中沙微起出水者也。爾雅云「小沚曰坻」。

[云] [索隱] 上音士湛反,下音士卓反。説文云「水小聲也」。

[云][正義] 實音隕。隧,直類反。

[三七] 集解 徐廣日:「湛音沈。」

[三八] [正義] 砰,披萌反。磅,蒲黄反。訇,呼宏反。礚,苦蓋反。皆水流鼓怒之聲也。

[元] 集解 郭璞曰:「湁音勑立反。潗音緝。」 力反。潗音緝。廣雅云「淈淈,決流也」。周成襍字云「沿潗,水沸之皃也」。 索隱滿淈船潗。 郭璞云,皆水微轉細涌貌。 潏淈音決骨。 胎音物

[三0] 集解 徐廣日:「一云『吸呷』。」

〔三〕[索隱] 漁,晉灼曰「華給反」,郭璞云「許立反」。 汨漁,急轉兒也。

〔三〕 正義 放散貌也。

[三][正義] 晃養二音。郭云「皆水無涯際也」。

〔三〕[正義] 太湖在蘇州西南。

〔三〕[索隱] 文類曰:「龍子曰螭。」張揖云:「雌龍也。」 説皆非。 廣雅云:「有角曰虬、無角曰螭。」案:虬螭皆龍類而非龍。 [正義] 螭,丑知反。 文類云「龍子爲螭」,張揖曰「雌龍也」,二

[异] 樂解] 徐廣曰:「螹音漸。」駰案:郭璞曰「魱鰽,鮪也。」音互瞢。 漸離未聞。 正義」魱、古鄧反。 鰽,末鄧反。

李奇云:周洛日鮪,蜀日魱鰽。 出鞏山穴中,三月遡河上,能度龍門之限,則爲龍矣。」

[] 集解]徐廣日:「鰅音娱匈反。 皮有文,出樂浪。 鰬音虔。 魠音託,哆口魚。」 關案:郭璞曰「鳙似鰱而黑」。 }漢

書音義日「鰒似鯉而大」也。

態,一作『魼』,音榻。 納音納,一作『鰨』。」關案:漢書音義曰「魼,比目魚也。

納,鯷魚」。

[80] [正義] 揵音乾。鰭音祁。揵,皋也。鰭者,魚背上鬣也。

[四] 集解] 郭璞曰:「靡,崖也。」 索隱的樂江靡。 應劭曰:「靡,邊也。明月珠子生於江中,其光耀乃照于江邊。」

張揖曰:「靡,涯也。」郭璞曰:「的皪,照也。」

[四] [集解] 郭璞曰:「水玉,水精也。」[四] [集解] 郭璞曰:「碝石黄色也。」

[四][集解]郭璞曰:「鵏,鶺霜。 鹍鴰,似鴨而大,長頸赤目,紫紺色也。」 |索隱| 鴇音保。 郭璞云:「鴇似鴈,無後

毒,生子在深谷澗中。若時有雨,鳴。 指。」毛詩鳥獸疏云:「鴇似鴈而虎文也。」 雌者生子,善鬭。 正義 · 鸀鳿,燭玉二音。 郭云:「似鴨而大,長頸赤目,紫紺色。 江東呼爲燭玉。」 辟水

[四][正義]郭云、「敦鲭似鳧而脚高,有毛冠、辟火災。」

[15][集解]徐廣曰:「뤯音環。」 目,目旁毛長而旋,此其旋目乎了翳音旋。 索隱 調目。 郭璞云未詳。小顔云:「荆郢閒有水鳥,大如鷺而短尾,其色紅白,深

司馬相

如列傳第五十七

[四]][集解]徐廣曰:「煩鶩,一作『番蠓』。鸕音容。」|駰案:漢書音義曰「煩鶩,鳧也。 | 煩驚鶶渠。郭璞云:煩鶩,鴨屬。 鶶渠,一名章渠也。」 **鸝**縣似騖,灰色|而雞足」。

[黑][樂]||徐廣日:「鸃音斟。水鳥也。鴟音斯。鴳音火交反。」||駰案:漢書音義日「鸃鴟,蒼黑色」。郭璞曰「鴳, **鴳也,脚近尾。鸕,鸕鷀也」。** [索隱] 蔵嶌。張揖云「蔵嶌似魚虎而蒼黑」。郷誕本作「鴟嶋」也。 魚

[5] [索隱]郭璞云:「皆鳥任風波自縱漂皃。」汎音馮。泛音芳劍反。廣雅云:「汎汎,氾氾,浮也。」

[EO][索隱]張揖云:「掩,覆也。 草叢生日薄也。」 [正義]掩,覆也。 薄,依也。 言或依草渚而游戲也。

[三][正義] 唼,疏甲反。喋,丈甲反。鳥食之聲也。

[三] [樂解] 郭璞曰:「菁,水草。 吕氏春秋曰 [太湖之菁』也。」 [索隱] 郭璞云:「菁,水草;藻,藂也。吕氏春秋曰 [太 湖之青』。左傳云『蘋蘩蘊藻』。 **瀘即聚。**」

芳揚烈,至前郁斐斐,衆香發越,肸蠁布寫,腌暖茲勃。〔110〕 橙若蓀,〔云〕鮮枝黄礫,〔云〕蔣芧青蘋,〔云〕布濩閎澤,延曼太原,麗靡廣衍,應風披靡,吐 雜以流夷。〔110〕專結縷,〔11〕攢戾莎,〔11〕揭車衡蘭,稟本射干,〔111〕茈薑〔112〕蘘荷,〔115〕葴 鬻、口思散涣夷陸,口以亭皋千里,靡不被築。口也掩以緑蕙,口心被以江離,糅以麋蕪,口也 島、「『一歲魄嵔瘣,「10]丘虚崛區,「二]隱轔鬱櫑,「三]登降施靡,「三]陂池貏豸,「三)沈溶淫 峨、『一巖陁、『一甗錡、推崣崛崎、「『一振谿通谷、「、」蹇産溝瀆、「『一治呀豁閜、「へ」自陵别 於是乎崇山巃從,崔巍嵯峨,〔一〕深林鉅木,嶄巖嵾嵯,〔三〕九嵏、嶻嶭,南山峨

- [一][正義] 巖,力孔反。嵸,子孔反。崔,在回反。巍,五回反。郭云:「皆峻貌。」
- [三][正義] 嶄音咸,又仕衝反。 嵾音楚林反。 嵳楚宜反。 顔云:「嶄巖,尖鋭貌。 **鬖嵳,不齊也。」**
- [三][集解]漢書音義曰:「九嵏山在左馮翊谷口縣西。 **嶻嶭山在池陽縣北。**」 正義义,子公反。 嶻, 才切反。 嶭

五結反。

[四] 集解] 音遅。

五] 樂解] 郭璞曰:「陁,崖際。 甗音魚晚反。 錡音蟻。 推音作罪反。」 索隱 推崣崛碕,郭璞云:「皆崇屈窳折皃。

雅音作罪反。崣音委。崛音掘。崎音倚。]

[六][索隱]張揖云:「振,拔也。 水注川曰溪,注溪曰谷。」郭璞曰:「振猶灑也。」

[4][樂解] 漢書音義曰:「蹇産,屈折也。」

[八](樂解)郭璞曰:「皆澗谷之形容也。谽音呼含反。呀音呼加反。 閜音呼下反。」 索隱一谷呀豁問。 司馬彪云

「 俗呀,大皃。 豁閜,空虚也。」

[九][正義] 高平日陸,大陸日阜,大阜日陵,水中山日島。

[10] [正義] 嵗,於鬼反。磈,魚鬼反。嵔,烏罪反。瘣,胡罪反。皆高峻貌。

[一] [正義] 虚音墟。崫,口忽反,又口罪反。 皛,力罪反。 皆堆壟不平貌。

[三][正義] 櫑音律。郭云:「皆其形勢也。」

[一][正義]郭云:「施靡猶連延。」

[四]集解 郭璞曰:「貏音衣被。 **豸音蟲豸也。**」 索隱 郭璞曰:「陂池,旁穨皃。 陂音皮。貏音『衣被』之『被』。」

司馬相如列傳第五十七

[三] [索隱] 郭璞云:「游激淖衍皃。」 [正義] 溶音容。鬻音育。張云:「水流谿谷之閒。」

[[於][索隱]司馬彪曰:「平地。」

[1七] [集解] 郭璞曰:「言爲亭候於皋隰,皆築地令平,賈山所謂『隱以金椎』也。」

[1<] [正義] 張云:「緑,王蒭也。 蕙,薰草也。」顔云:「緑蕙,言蕙草色緑耳,非王蒭也。」爾雅云菉一名王蒭。

[元] 正義 糅,女又反。

[110] [集解] 漢書音義曰:「流夷,新夷也。」

[三] [集解]徐廣曰:「專,古『布』字,一作『布』。」>>> | 國案:漢書音義曰「結縷似白茅,蔓聯而生,布種之者」。

[三] 樂解] 徐廣曰:「草,可染紫。」

[三][樂解]徐廣曰:「揭音桀。」駰案:郭璞曰「揭車,一名乞與。稟本,稟茇;射干,十月生:皆香草」。 索隱棄

本,案桐君藥錄云「苗似穹窮也」。

[三] [正義] 蘘,人羊反。 柯根旁生笋,若芙蓉,可以爲菹,又治蠱毒也。

[三] [索隱] 張揖云:「子薑也。」案:四人月令云「生薑謂之茈薑,音紫」。

[云] [樂解] 郭璞曰:「葴,未詳。 橙,柚。 若蓀,香草也。」 |揖云:「蓀,香草。」|姚氏云:「蓀草似昌蒲而無脊也,生溪澗中。 蓀音孫。」 此前後皆草、非橙也。 小顔云:「葴、寒漿也。持當爲『符』,符,鬼目也。」案:今讀者亦呼爲登,謂金登草也。張 [索隱] 張揖云:「葴,持闕。」郭璞云:「橙,柚也。」姚氏以爲

[三七] (集解) 郭璞曰:「皆未詳。」 香草也。」小顔云「黄礫、黄屑木」、恐非也。 索隱鮮支黄礫。 張揖云:「皆草也、未詳。」司馬彪云:「鮮支,支子。或云鮮支亦

[云] [樂解] 徐廣曰:「芧音佇。」駟案:漢書音義曰「蔣,菰也。芧,三稜」。 索隱蔣,茲也。 郭琰茅音佇。又云三

薠音煩。

[元] [集解] 郭璞曰:「香酷烈也。」

[=0] [正義] 腌暖,奄愛二音。 皆芳香之盛也。 詩云「苾苾芬芬」,氣也。

験橐馳,蛩蛩驒騱,駃騠驢騾。[10] 題、「『」窮奇象犀。「、」其北則盛夏含凍裂地,涉冰揭河;「『」獸則麒麟「八」角腨,「、」駒 於西陂。〔三〕其南則隆冬生長,踊水躍波;獸則镛旄獏犛,〔刑〕沈牛麈麋,〔四〕赤首圜 「於是乎周覽泛觀,瞋盼軋沕,气」芒芒恍忽,視之無端,察之無崖。日出東沼,入

[一] [樂解] 徐廣曰:「瞋音丑人反。盼,一作『緡』。」> 關案:郭璞曰「皆不可分貌」。

[三] [索隱] 張揖云:「日朝出苑之東池,暮人于苑西陂中也。」

[三][樂解]徐廣日:「糖音容,獸類也。 犛音貍,一音茅。」駟案:郭璞曰「旄,旄牛。 獏似熊, 庫脚鋭頭。 犛牛,黑色, 四節生毛。獏,白豹也,似熊,庳脚鋭頭,骨無髓,食銅鐵。音陌。犛音貍,又音茅,或以爲貓牛。犛牛黑色,出西 出西南徼外也」。 南徼外,毛可爲拂是也」。 [索陽] 郭璞云:「镛,镛牛,領有肉堆,音容。」案:今之犎牛也。 張揖云「旄,旄牛,狀如牛而

四〕[集解] 漢書音義曰:「沈牛,水牛也。」

35. 集解 相如列傳第五十七 |郭璞曰:「題,額也,所未詳。」

司 馬

[六] (集解] 漢書音義曰:「窮奇狀如牛而蝟毛,其音如嗥狗,食人也。」 嗥狗,食人。」郭璞云:「象,大獸,長鼻,牙長一丈。 犀,頭似豬,庳脚,一角在頭也。」 [索隱] 張揖云:「窮奇狀如牛而蝟毛,其音如

[4][集解]郭璞曰:「言水漫凍不解,地坼裂也。揭,褰衣。」

八][索隱]張揖曰:「雄曰麒、雖曰麟。其狀麇身、牛尾、狼蹄、一角。」郭璞云:「麒似麟而無角。」 色,角端有肉。」京房傳云:「有五采,腹下黄色也。」 毛詩疏云:「麟黄

九][集解]郭璞曰:「角鯿,音端,似豬,角在鼻上,堪作弓。 角鯑似牛。」郭璞云:「似豬,角在鼻上。、毛詩疏云可以爲弓。」李陵曾以此弓遺蘇武。」 李陵嘗以此弓十張遺蘇武也。」 索隱張揖云:音端。

[10] [正義] 騊駼,桃徒二音。橐音託。駝,徒河反。蛩音其恭反。驒騱,頗奚二音。駃騠音決啼。

旁唐、日日寶編文鱗、日日赤瑕駁犖,日日雜臿其閒,日日垂綏琬琰,和氏出焉。「日日 槃石裖崖,行三嶔巖倚傾,嵯峨磼碟,行三刻削峥嵘,行到玫瑰碧琳,珊瑚叢生,行吾瑉玉 清、「「氫靈圉」、「煮於閒觀、屋栓」「〇」之倫暴於南榮、「一」醴泉涌於清室,通川過乎中庭。 橑而捫天, 屬,步櫚周流,長途中宿。〔四〕夷嵏築堂,纍臺增成,巖穾洞房,〔五〕俛杳眇而無見,仰攀 「於是乎離宫別館,彌山跨谷,「己高廊四注,重坐曲閣,「己華榱璧璫,「己輦道纚 奔星更於閨闥,宛虹拖於楯軒。[k]青虯蚴蟉於東箱,[l]象輿婉蟬於西

[一] [正義] 彌,滿也。跨猶騎也。言宫館滿山,又跨谿谷也。

[二] 樂解 郭璞曰:「重坐、重軒也。

曲閣,閣道曲也。」

- [三][索隱]韋昭曰:「裁玉爲璧,以當機頭。」司馬彪曰:「以璧爲瓦當。」
- [四][集解] 郭璞曰:「途,樓閣閒陛道。中宿言長遠也。」
- 35. 集解 也。」郭璞曰:「言在巖突底爲室,潛通臺上。」突音一弔反,釋名以爲突,幽也。楚辭云「冬有突厦夏屋寒」,王逸 索隱 服虔云:「平此山以爲堂。」如淳云:「嵏,山名也。」張揖云:「重累而成之,故曰增成。 郭璞曰:「嵏,山名。平之以安堂其上。成亦重也。 周禮曰『爲壇三成』。在巖穴底爲室,潛通臺上者。」 **?禮** 曰 『爲壇三成』
- [六]集解]徐廣曰:「楯音食尹反。」 也。言室宇之高,故星虹得經加之。」 正義 拖音徒我反。 顔云:「宛虹,屈曲之虹。 拖謂中加於上也。楯,軒之闡板

以爲複室也。

- [十][正義] 蚴,一糺反。蟉,力糺反。
- 八]集解]漢書音義日:「山出象輿,瑞應車也。」郭璞曰:「西清,西箱清淨地也。」 蚴蟉婉蟬,皆行動之貌也。」 正義 婉蟬,宛善二音。 顔云:
- 九]集解]郭璞曰:「靈圉,淳圉,仙人名也。」 圉"仙人也」。 索隱 |張揖云:「衆仙號。」 淮南子云「騎飛龍,從淳圉」, 許慎日「淳
- [10][樂解]漢書音義曰:「偓佺,仙人名也。」 體生毛數寸,方眼,能行追走馬也。」 [索隱] 韋昭曰:「古仙人,姓偓。」列仙傳云:「槐里採藥父也,食松,形
- [三] 集解 「二」「索護」 徐廣曰:「振音振。」 應劭云「屋檐兩頭如翼也」。 索隱 故鄭玄云「榮、屋翼也」。、七誘云「飛樂似鳥舒翼」是也。 盤石祳厓。 如淳曰:「裖音振,盛多也。」李奇曰:「裖,整也,整頓池外之厓, 暴、偃卧日中也。

司馬相

如列

傳第五十七

音之忍反也。」

[一] [集解] 徐廣曰:「義,一作『池』。 磼音雜。 碟音五合反。_」 [索隱] 磼磔,埤蒼云「高皃也」。上士劫反,下魚揖反。

又字林音磼,才币反。碟,五币反。

[12][正義]郭云:「言自然若彫刻也。」

[1三] [正義] 郭云:「珊瑚生水底石邊,大者樹高三尺餘,枝格交錯,無有葉。」

[1+][集解]徐廣曰:「瓊音彬。鴻音班。」

[1六] [索隱] 赤瑕駮犖。説文云:「瑕,玉之小赤色。」張揖曰:「赤玉也。」司馬彪曰:「駮犖,采點也。 犖音洛角反。」

[元][集解]徐廣曰:「雜,一云『插』。 臿,一云『遝』。」

[110] [集解] 徐廣日:「垂綏,一作『朝采』。」關案:郭璞曰「汲冢竹書曰『桀伐岷山,得女二人,曰琬曰琰。 桀愛二女, **斲其名于苕華之玉』。 苕是琬,華是琰也」。**

暢,實葉葰茂,攢立叢倚,連卷累佹,崔錯癹骫,〔云〕阬衡問砢,〔日〕垂條扶於,落英幡 氾檘櫨,[1三]留落胥餘,仁頻并閭,[1四]欃檀木蘭,豫章女貞,[1三]長千仞,大連抱,夸條直 梅、「宀」櫻桃「宀」蒲陶、「宀」隱夫鬱棣,榙樏荔枝、「宀」羅乎後宫,列乎北園。 賘丘陵、「宀」 下平原,揚翠葉,杌紫莖,ᠬ三發紅華,秀朱榮,煌煌扈扈,照曜鉅野。沙棠櫟橚,川三華 「於是乎盧橘夏孰、「一」黄甘橙榛、「一」枇杷橪柿、「一」楟柰厚朴、「『」梬棗「罒」楊

茈虒,<a>[三]旋環後宫,雜遝累輯,<a>[三]被山緣谷,循阪下隰,視之無端,究之無窮。 纚,二〇紛容蕭蔘,旖旎從風,「三)劉莅芔吸,「三)蓋象金石之聲,「三)管籥之音。「三)柴池

[一] [集解] 郭璞曰:「今蜀中有給客橙,似橘而非,若柚而芬香,冬夏華實相繼,或如彈丸,或如拳,通歲食之,即盧橘 録云「建安有橘,冬月樹上覆裹,明年夏色變青黑,其味甚甘美」。 盧即黑是也。 方珍奇,不係於一也。」案:簇州記云「盧橘皮厚,大小如甘,酢多,九月結實,正赤,明年二月更青黑,夏孰」。 吴 索隱 應劭曰:「伊尹書『果之美者,箕山之東,青鳥之所,有盧橘,夏孰』。」晉灼曰:「此雖賦上林,博引異

〔三〕集解 一徐廣日:「音湊,橘屬。」

[] 集解]徐廣曰:「橪音而善反,果也。」 勤也。 [索隱] 張揖曰:「橪,橪支,香草也。」 韋昭曰:「橪音汝蕭反。」郭璞云:

【四】[集解] 徐廣曰:「楟音亭,山梨。」 柰棕熟」也。 厚朴,藥名。 |索隱||張揖云:「楟柰,山梨也。」司馬彪曰:「上黨謂之楟柰。」齊都賦云「楟

(豆) 集解 徐廣曰:「梬音弋井反。 **梬棗似柿。**」 索隱上音弋井反。 梬棗似柿也。

六] [索隱] 張揖云:「其大小似穀子而有核,其味酢。 出江南。」荆楊異物志:「其實外肉著核,熟時正赤,味甘酸。」

七」索隱 郭璞曰:「蒲陶似燕薁、可作酒也。」 張揖曰:「一名含桃。」吕氏春秋「爲鸎鳥所含,故曰含桃」。 爾雅云爲荆桃也。

集解 徐廣日:「鬱,一作『爽』。 列 傳 第 五 十七 格音荅。」 | 駅 案 郭璞曰「鬱,車下李也。 棣,實似櫻桃。

司 馬 相

如

榙樏似李。

棣音速。

11011

肌如雞子中黄,其味甘多酢少。」、廣異志云:「樹高五六丈,如桂樹,緑葉,冬夏青茂,有華朱色。」離字或作「荔」, **樏音沓。** 隱夫未聞」。 索隱菩逕離支。 郭璞云:「荅遝似李,出蜀。」晉灼曰:「離支大如雞子,皮麤,剥去皮,

音力致反。

[10] 集解] 郭璞曰:「雎猶延也、音施。」 索隱 貤丘陵。郭璞曰:「貤,延也。」

[二] 集解] 郭璞曰:「杌、摇也。」

[三] [樂解] 漢書音義曰:「沙棠似棠,黄華赤實,其味如李。 吕氏春秋曰『果之美者沙棠之實』。 櫟,果名。儲似柃,葉

冬不落也。」

[一三] 集解] 徐廣曰:「氾,一作『楓』。」翺案:漢書音義曰「華,木,皮可以爲索也」。 可以爲索。」古今字林云:「櫨,合樺之木。楓,木,厚葉弱支,善摇。」郭璞云:「似白楊,葉圓而岐,有脂 [索隱] 華楓檘櫨。張揖曰:「華皮 而香。犍

爲舍人曰『楓爲樹厚葉弱莖,大風則鳴,故曰楓』。」爾雅云一名欇。檘枰卽平仲木也。櫨,今黄櫨木也。

一云玉

精,食其子得仙也。

[12] [樂解] 徐廣曰:「頻,一作『賓』。」翢案:郭璞曰「落, 楼也。 胥餘似 并閭。 并閭, 椶也, 皮可作素。 餘未詳」。

高十尋,葉在其末。」異物志:「實大如瓠,繫在顛,若挂物。實外有皮,中有核,如胡桃。 索屬] 留落胥邪。晉灼云:「留落,未詳。」郭璞曰:「落,檴也,中作器索。胥邪似并閭。」司馬彪云:「胥邪,樹 核裏有膚,厚半寸,如豬

膏。裹有汁斗餘,清如水,味美於蜜。」孟康曰:「仁頻,椶也。」 張揖云:「并閭皮可爲索。」 姚氏云:「檳,一名椶,

即仁頻也。」林邑記云:「樹葉似甘蕉。」頻音賓。

[三] 集解] 漢書音義曰:「欃檀,檀别名也。女貞,木,葉冬不落。」 [索隱] 檢音讒,檀别名也。皇覽云「孔子墓後有

橡檀樹」也。 荆州記云:「宜都有喬木、叢生、名爲女貞、葉冬不落。」

[云] 樂解古「委」字。

[1+][集解]徐廣曰:「登音拔。」駟案:郭璞曰「骫音委。 戾相摎」。楚詞云林木。登音跋。骫音委。阬衡閘砢,郭璞云「揭孼傾欹皃」。 閜音惡可反。 何音魯可反」。 索隱 崔錯受骫,郭璞

八云「蟠

[二] 集解] 郭璞曰:「扶於猶扶疏也。 幡纚,偏幡也,音灑。」 [索隱]張晏云:「飛揚兒。」繼音所綺反。

[一] [索隱] 張揖云:「旖旎,阿那也。」

[10][集解]徐廣日:「莅音栗。」 [索隱] 劉莅芔歙。郭璞云:「皆林木鼓動之聲。 瀏音留。 莅如字,又音栗也。」

[三][正義] 金,鐘。 石,磬。

(三) 正義 | 廣雅云:「象篪,長一尺,圍一寸,有六孔,無底。 籥謂之笛,有七孔。」説文云:「籥,三孔籟也。」

[三] [集解] 徐廣日:「柴音差。 虒音豸。」 [索隱] 張揖曰:「柴池、參差也。 茈虒,不齊也。 柴音差。 虒音惻氏反。」

[四][樂解]徐廣日:「雜,一作『插』。」

踔稀閒,C☆」牢落陸離,爛曼遠遷。[10] 鳴,翩幡互經,〔四〕天蟜枝格,偃蹇杪顛。〔四〕於是乎隃絶梁,〔六〕騰殊榛,〔七〕捷垂條,〔六〕 「於是玄猨素雌,蜼玃飛鸓,〔〕蛭蜩蠷蝚,〔〕螹胡豰蛫,〔〕棲息乎其閒; 長嘯哀

[一] [樂解] 徐廣曰:「蜼音于季反。」 | 飘案:漢書音義曰「蜼似獼猴,仰鼻而長尾。 狀如兔而鼠首,以其額飛也」。 [索隱] 張揖曰:「蜼似獼猴,卬鼻而長尾。獲似獼猴而大。 獲似獼猴而大。 飛蠝,飛鼠也。 飛鸓,飛鼠 心。其

司馬相如列傳第五十七

能攫搏人,故云玃也。」 雄者色也。素雌,猨之雌者色也。」獲音鑁。蜼似猴,尾端爲兩岐,天雨便以尾窒鼻兩孔。郭璞云:「玃色蒼黑, 如兔而鼠首,以其額飛。」郭璞曰:「蠝,飛鼠也。 毛紫赤色。 飛且生, 一名飛生。 雖音遺。 蠝音誄。

(二] (集解) 徐廣日:「蛭音質。」駅案:漢書音義日「山海經日『不咸之山有飛蛭,四翼』。郭璞白『蟬蝚似獼猴而黄。 角,名爲玃』。玃猱即此也。字作『玃』。郭璞云玃,非也。上已有雌玃,此不應重見。又辨異經云『西方深山有 璞云:「蛭蜩未聞。」如淳曰:「蛭音質。」顧氏云:「玃音塗卓反。山海經白『阜塗山下有獸,似鹿,馬足人首,四 獸,毛色如猴,能緣高木,其名曰蜩』。。字林耀音狄,蛭音質,蛭蜩二獸名。」 蜩未聞』」。 索隱蛭蜩蝬蝚。 司馬彪云:「山海經云『不咸之山有飛蛭》四翼』。」蜩,蟬也。 蠼蝚,獼猴也。 郭

[] [集解]徐廣曰:「螹音在廉反,似猨,黑身。 縠音呼谷反。 蛫音詭。」 駰案:漢書音義曰「縠,白狐子也」。 若帶,手有長白毛,似握板也」。 毅,白狐子也。 蛫未聞。」姚氏案:山海經「卽山有獸,狀如龜,白身赤首,其名曰蛫」。 又説文云「獑胡黑身,白腰 獅胡穀蛫。 張揖曰:「獅胡似獼猴,頭上有髦,腰以後黑。」 郭璞曰:「榖似鼯而大,腰以後黄,一名黄腰, 食獼猴。 索隱

[四][正義]郭云:「互經,互相經過。」

[]] 正義] 夭音妖。蟜音矯。杪音弭沼反。 郭云:「皆猨猴在樹共戲恣態也。 天鱊,頻申也。」

[六]正義]張云「絶梁、斷橋也。」郭云「梁,厚石絕水也。」

[r] [正義] 捷音才業反。[張云:「捷持懸垂之條。」 [r] [正義] 榛,仕斤反。(爾)[廣]雅云「术叢生爲榛」也。殊,異也。

[九]集解]郭璞曰:「踔,縣蹢也,託釣反。」 [索隱] 踔,懸蹢也。

[10] [正義] 郭云:「奔走崩騰狀也。」顚云:「言其聚散不常,雜亂移徙。」

「若此輩者,數千百處。嬉游往來,宮宿館舍,庖廚不徙,後宫不移,〔〕百官備具。

[一][正義] 说文云:「庖,廚屋。」鄭玄注周禮云:「庖之言苞也。苞裹肉曰苞苴也。」後宫,内人也。言宫館各自有。

緣陵流澤,雲布雨施。 者、「一」江河爲法、泰山爲櫓、「八」車騎靁起、隱天動地、先後陸離、離散别追、淫淫裔裔、 軒,後道游、「图」孫叔奉轡,衞公驂乘,「馬」扈從横行,出乎四校之中。「太」鼓嚴簿,縱獠 「於是乎背秋涉冬,天子校獵。乘鏤象,六玉虯、「己拖蜺旌,「三」靡雲旗、「三〕前皮

[一][樂解]徐廣曰:「以玉爲飾。」駟案:郭璞曰「鏤象山所出與,言有雕鏤。虯,龍屬也。 龍是也」。 韓子日『黄帝駕象車六交

[三][正義] 拖音徒可反。張云:「析毛羽,染以五采,綴以鏤爲旌,有似虹蜺氣。」

[三][正義] 張云:「畫熊虎於旌似雲氣也。」

[四][樂解]郭璞曰:「皮軒,革車也。或曰即無禮『前有士師,則載虎皮』者也。道,道車,游,游車:皆見爲禮也。」

[集解] 漢書音義曰:「孫叔者,太僕公孫賀也。衞公者,衛青也。太僕御,大將軍驂乘也。」 太僕公孫賀。衛公,大將軍衞青也。案:大駕出,太僕御,大將軍驂乘也。 索隱孫叔,鄭氏云

[K] [集解] 郭璞曰:「言跋扈縱恣,不安鹵簿矣。」 [索隱] 晉灼曰:「扈,大也。」張揖曰:「跋扈縱横, 不案鹵簿也。」

司

文穎曰:「凡五校,今言四者,一校隨天子乘輿也。」

嚴鼓也。簿,鹵簿也。謂擊嚴鼓於鹵簿中也。」

P] [集解] 漢書音義曰:「鼓嚴、嚴鼓也。簿、鹵簿也。」> 駰謂鼓嚴於林薄之中,然後縱獠也。 索隱 張揖曰:「鼓,

《〕集解 郭璞曰:「櫓,望樓也。 因山谷遮禽獸爲法,音去車反。」 |索隱||郭璞曰:「因山谷遮禽獸爲法。 櫓,望樓

世

電,遺光燿,ᠬ凸追怪物,出宇宙,ᠬ回彎繁弱,何回滿白羽,何回射游梟, 弓不虚發,應聲而倒。於是乎乘輿彌節裴回,翺翔往來, 睨部曲之進退, 覽將率之變 廉、[二]弄解多,[三]格瑕蛤,鋌猛氏,[三]霉褻,射封豕。[三]箭不苟害, 文、[+]跨野馬。[<]陵三嵏之危、[+]下磧歷之坻、[10]徑陖赴險,越壑厲水。 後發,先中命處,弦矢分,藝殪仆。〔三〕 態。然後浸潭促節,自己儵敻遠去,自己流離輕禽,蹴履狡獸,轉白鹿, 「生貔豹、「」搏豺狼、「三」手熊羆、「三足野羊、「巴蒙島蘇、「三跨白虎、「八」被 櫟蜚虡、气气擇肉 捷狡兔、二〇軼赤 解脰陷腦;三 推 豳

[一] [集解] 郭璞曰:「貔,執夷,虎屬也,音毗。」

[三][正義] 搏,擊也。 杜林云:「豺似貊,白色。」説文云:「狼爪。」

[三] [正義] 張云:「熊,犬身人足,黑色。 羆大於熊,黄白色。 皆能攀沿上高樹。 冬至入穴而蟄,始春 而出也。」

[四] 集解 郭璞曰:「野羊如羊、千斤。手足、謂拍蹹殺之。」

- . E. (集解)徐廣曰:「蘇,尾也。」 而取之。鶡以蘇爲奇,故特言之以成文耳。 |索險||孟康曰:「鶡尾也。蘇,析羽也。」張揖曰:「鶡似雉,鬭死不卻。」案:蒙謂覆 鶡音曷。決疑注云「鳥尾爲蘇」也。
- 六][集解]徐廣日、「絝音袴。」駰案、郭璞日「絝謂絆絡之」。

也。

- 中][集解]郭璞曰:「著斑衣。」 索隱被班文。 文顯曰:「著班文之衣。與服志云『虎黄騎被虎文單衣』,單衣卽此
- 「八」「索隱」跨壄馬。案:'壄音野。跨,乘之也。

斑文也。」

- [九][集解]漢書音義曰:「三嵏,三成之山。」
- [10][集解]郭璞曰:「碛歷,阪名也。」 [正義] 坻音遅。磧歷,淺水中沙石也。坻,水中高處。言獵人下此也。
- [一] [集解] 郭璞曰:「飛廉,龍雀也,鳥身鹿頭者。」 [索隱] 椎蜚廉。郭璞曰:「飛廉,龍雀也,鳥身鹿頭,象在平樂觀。」 椎音直追反。
- [集解] 漢書音義曰:「解豸似鹿而一角。 日:「解豸似鹿而一角。 人君刑罰中則生於朝,主觸不直者。 人君刑罰得中則生於朝廷,主觸不直者。 言今可得而弄也。」解音蟹。豸音丈妳反, 可得而弄也。」 索隱 又音丈 |張|

介反。

- [一] 集解]漢書音義曰:"瑕蛤、猛氏皆獸名。」 蛤闕。」郭璞曰:「今蜀中有獸,狀如熊而小,毛淺有光澤,名猛氏。」説文云「鋋,小矛也」,音蟬 索隱格蝦蛤,鋋猛氏。 孟康曰:「蝦蛤、猛氏皆獸名。」晉灼曰:「蝦
- 司馬相如列傳第五十七[1四][樂解]郭璞曰:「騕嵏,神馬,日行萬里。 兩音窈嫋。 封豕,大豬。」

[三] ||索||層||張揖云:「脰,頸也。」'陷音苦念反,亦依字讀也。

[六] |索隱] 浸潭猶漸再也。 漢書作「浸淫」。或作「乘輿案節」也。 潭音尋。

[刊][集解]郭璞曰:「夐音詡盛反。」

[14] [集解]徐廣曰:「轊音鋭。一作『惠』也。」 正義」轊音衛。 · 抱朴子云:「白鹿壽千歲,滿五百歲色純白也。」 晉徵

祥記云:「白鹿色若霜,不與他鹿爲羣。」

[14] [集解] 徐廣曰:「超陵赤電,電光不及,言去速也。」

[三0] [正義] 怪物,謂游梟飛虡也。 張揖云:「天地四方曰字,往古來今曰宙。」許慎云:「宙,舟輿所極也。」案: |許 説

宙是也。

[三] [正義] 上鳥繁反。文穎云:「彎,牽也。繁弱,夏后氏良弓名。左傳云『分魯公以夏后之璜,封父之繁弱』。」

[三] [正義] 文穎云:「引弓盡箭鏑爲滿。以白羽羽箭,故云白羽也。」

[三] [集解] 郭璞曰:梟,梟羊也。似人,長脣,反踵,被髮,食人。蜚虡,鹿頭龍身,神獸。 櫟,梢也。」

[三] [集解] 徐廣曰:「射準的曰藝。仆音赴。」

道孔鸞,促鵔鶵,拂鷖鳥,捎鳳皇,「『」捷鴛雛,掩焦明。「ĦJ 「然後揚節而上浮,陵驚風,歷駭飈,「二乘虚無, 與神俱、气三鳞玄鶴、气三亂昆雞,

[一][正義] 飈音必遥反。 爾雅云扶摇暴風,從下升上,故曰飈

[二][正義] 張揖云:「虚無寥廓,與天通靈,言其所乘氣之高,故能出飛鳥之上而與神俱也。」 集解 徐廣曰:「轔音躪。」 [正義] 轔音吝。鶴二百六十歲則淺黑色也

- [四][樂解]漢書音義曰:「遒,秦由反。爲,烏雞反。張云『山海經云九疑之山有五采之鳥,名曰鷖鳥』也。」 捎,山交反。 京房易傳云:「鳳皇,鴈前麟後,雞喙燕領,蛇頸龜背,魚尾駢翼,高丈二尺。」 東山經云:「其狀如鶴, 五采,而首文曰經,翼文曰順,背文曰義,膺文曰仁,股文曰信。 是鳥自歌自舞,雄曰鳳,雌曰皇。 」 正義
- (五) 集解 焦明似鳳。 正義一案:長喙,疏翼,員尾,非幽閑不集,非珍物不食。 [索隱] 張揖曰:「焦明似鳳,西方鳥。」樂叶圖徵曰:「焦明狀似鳳皇。」宋衷曰水鳥。

轢、[10]乘騎之所蹂若、[三]人民之所蹈聯,與其窮極倦谻、[三]驚憚慴伏,不被創刃而死 首、「『一登龍臺、「『一掩細柳、「八」觀士大夫之勤略,釣獠者之所得獲。「九〕徒車之所轔 者,佗佗籍籍,填阬滿谷,揜平彌澤。 **蹷石(闕)[關],歷封巒,過雄鵲,望露寒,[『]下棠梨,[『]息宜春,[『]西馳宣曲,** 「道盡塗殫,迴車而還。招摇乎襄羊,「一降集乎北紘,「三率乎直指, 闇乎反鄉。 濯鐫牛

- [一] [索隱] 消摇乎襄羊。郭璞曰:「襄羊猶仿佯。」
- (三][集解]郭璞曰:「然,維也。北方之紘曰委羽。」
- [三][樂解]徐廣曰:「強音支。」關案:漢書音義曰「皆甘泉宫左右觀名也」。
- 四〕集解,漢書音義曰:「宮名也,在雲陽縣東南三十里。」
- 「三」<u>[正義]</u> 括地志云:「宜春宫在雍州萬年縣西南三十里。」
- 《〕[樂解] 漢書音義曰:「宣曲,宫名,在昆明池西。 牛首,池名,在上林苑西頭。」

司馬相如列傳第五十七

[七][集解] 漢書音義曰:「觀名,在豐水西北近渭。」

[〈][正義] 郭云:「觀名,在昆明南柳市。」

[九][集解]徐廣日:「鈞,一作『診』也。」

[10] 正義] 轔,踐也。轢,輾也

[二] [集解] 徐廣曰:「蹂音人久反。」

[三] 樂解] 徐廣曰:「音劇。」

爛漫於前、三點曼美色於後。三三 之音,鄢郢繽紛,激楚結風,[10]俳優侏儒,狄鞮之倡,[1]所以娱耳目而樂心意者,麗靡 人和,山陵爲之震動、「馬」川谷爲之蕩波。巴俞宋蔡,淮南于遮、「氐」文成顯歌、「忠」族舉 石之鉅;建翠華之旗,樹靈鼉之鼓。〔三〕奏陶唐氏之舞,聽葛天氏之歌,〔四〕千人唱,萬 遞奏、「く」金鼓迭起,鏗鎗鐺鼛,洞心駭耳。「ま」荆吳鄭衞之聲,韶濩武象之樂,陰淫案衍 「於是乎游戲懈怠,置酒乎昊天之臺、、「〕張樂乎轇輵之字、、「〕撞千石之鐘,立萬

家屬 張揖云 「臺高上干晧天也。」

| 集解||徐廣日:「輵音葛。」 |索隱||郭璞云:「言曠遠深貌也。」

[三] 集網 郭璞曰:「木貫鼓中,加羽葆其上,所謂樹鼓。」

|[集解]漢書音義曰:「葛天氏,古帝王號也。 吕氏春秋日『葛天氏之樂,三人操牛尾,投足以歌』。」

索隱張揖

曰:「葛天氏,三皇時君號也。 吕氏春秋云『其樂三人持牛尾,投足以歌。 八闋:一曰載人,二曰玄鳥, 三日

大,四日奮五穀,五日敬天常,六日建帝功,七日依地德,八日總禽獸之極』。」

[] [集解] 徐廣田:「一作『勳』。」

] 集解 郭璞曰: 巴西閬中有俞水,繚人居其上,皆剛勇好舞,漢高募取以平三秦。 後使樂府習之,因名 巴俞舞

三秦,後使樂人習之,因名巴俞舞也。」張揖曰:「禮樂記曰『宋音宴女溺志』。 蔡人謳,員三人。 楚詞云 『吴謡 蔡

[索隱] 郭璞曰:「巴西閬中有俞水、潦人居其上、好舞。初,高祖募取以平

謳』。淮南鼓,員四人,于遮曲是其意也。」

也。」漢書音義曰:「于遮,歌曲名。」

[中][樂解]郭璞曰:「未聞也。」 [索隱]郭璞云:「未聞。」文類曰:「文成,遼西縣名,其縣人善歌。 顛, 益州頭縣,其

[《][集解]徐廣曰:「舉,一作『居』。」

人能作西南夷歌。顛即滇也。」

元][集解]郭璞曰:「鐺鼛,鼓音。」

風,回亦急風也。 [集解] 郭璞曰:「激楚,歌曲也。列女傳曰『聽激楚之遺風』也。」 楚地風氣既自漂疾,然歌樂者猶復依激結之急風以爲節,其樂促迅哀切也。」 |索隱||文穎曰:「激,衝激,急風也。結風,

回

[1] [集解]徐廣曰:「韋昭云狄鞮,地名,在河内,出善倡者。」

[三] [索隱] 郭璞云:「言恣其觀也。 列女傳曰『葉造爛漫之樂』。」

(一三) [索隱] 張揖曰:「靡,細;曼,澤也。 韓子 『曼服晧齒』也。」

著夫青琴宓妃之徒,「己絶殊離俗,「己姣冶嫺都,「己靚莊刻飭,便嬛綽約,「日」柔

燒嬛嬛?[D斌娟娟嫋? K D抴獨繭之褕袘?[PD眇閻易以戌削,[C D嬶姺徶猾,[c D與世 宜笑的皪;[10]長眉連娟,微睇縣藐;[1]色

授魂與,心愉於側。〔三〕

殊服;

芬香漚鬱,

酷烈淑郁;

皓齒粲爛,

一〕(集解) 漢書音義日:「皆古神女名。」 索隱 |伏儼曰:「青琴,古神女也。」如淳曰:「宓妃,伏羲女, 溺死洛水、遂

[三] 索隱] 郭璞云:「俗無雙。」

爲洛水之神。」宓音伏。

[索隱] 姣冶閑都。郭璞云:「姣,好也。 説文曰:「嫺、雅也。」或作「閑」。 都,雅也。」詩云:「姣人嫁兮。」方言云:「自關而東,河濟之閒,凡好或謂

小雅日都、盛也。

[四][集解]郭璞曰:「靚莊,粉白黛黑也。」

之姣。」音絞。

五年 集解徐廣曰:「音娟。」 **嬛嬛猶婉婉也。**」 [索隱] 郭璞曰:《柔橈嬛嬛,皆骨體耎弱長豔皃也。」 廣雅云:「嬛嬛,容也。」 張揖曰:

(A) [集解] 徐廣曰:「明音乃冄反。嫋音弱。」 [索隱] 嫵媚孅弱。埤蒼云:「嫵媚,悦也。」通俗文云:「瘦輔謂之嫵 媚。」郭璞云:「孅弱,弱皃。」埤蒼日:「孅弱,謂容體纖細柔弱也。」

り」集解除廣日:「拙音曳。襜褕。」 埤蒼云:「袣,衣長皃也。」 索隱褕袣。 張揖云:「褕,襜褕也。 袣,袖也。」郭璞曰:「獨繭,一繭絲也。」

八〕[集解]徐廣曰:「閻易,衣長貌。 戌削,言如刻畫作之。」 言如刻畫作也。」 索隱眇閻易以恤削。 郭璞曰:「閻易,衣長兒。恤削,

[f] (集解) 郭璞曰:「衣服婆娑貌。」 [正義] 媥,白眠反。 姺音先。 徶音白結反。 猴音屑。

[10] [索隱] 郭璞曰:「鮮明皃也。」楚詞曰:「美人晧齒〔嫮〕以姱。」爻曰:「娥眉笑以旳皪。」噪音磔也。

[索隱]郭璞曰:·連娟,眉曲細也。縣藐,遠視皃也。」娟音一全反。睇,大計反。藐音邈。

〔三〕 [索隱] 張揖曰:「彼色來授我,我魂往與接也。」愉音踰,往也。 愉,悦也。 二義並通也。

業垂統也。』於是乃解酒罷獵,而命有司曰:『地可以墾辟,悉爲農郊,以贍萌隸,隤牆 填漸,使山澤之民得至焉。實陂池而勿禁,「」虚官觀而勿仞。「三〕發倉廩以振貧窮,補 閒,無事弃日,順天道以殺伐,時休息於此,恐後世靡麗,遂往而不反,非所以爲繼嗣創 不足,恤鰥寡,存孤獨。出德號,省刑罸,改制度,易服色,更正朔,與天下爲始。』 「於是酒中樂酣,天子芒然而思,似若有亡。曰:『嗟乎,此泰奢侈!朕以覽聽餘

〔二〕[正義] 仞音刃,亦滿也。言離宫别館勿令人居止,並廢罷也。〔一〕[正義] 實,滿也。言人滿陂池,任采捕所取也。

義之塗,覽觀春秋之林、「三」射貍首,兼騶虞、「三弋玄鶴,建干戚,載雲罕、「『」揜羣 獸、自己登明堂,坐清廟,自己恣羣臣,奏得失,四海之内,靡不受獲。自己於斯之時,天下 雅、「見悲伐檀、「不」樂樂胥,「中」修容乎禮園、「八」朝翔乎書圃、「九」述易道,「10」 放怪 「於是歷吉日以齊戒,襲朝衣,乘法駕,建華旗,鳴玉鸞,游乎六藝之囿,〔〕鶩乎仁

大說,嚮風而聽,隨流而化,喟然[四興道而遷義,刑錯而不用,德隆乎]三皇, 功羨於五

帝。自己若此,故獵乃可喜也。

〔一〕[正義] 六藝,云言田獵訖,則遍遊,六藝,而疾驅於仁義之道也。

(三) (集解) 郭璞曰:春秋所以觀成敗,明善惡者。」

[三][樂解]禮射義曰:「天子以騶虞爲節,諸侯以貍首爲節。 翳虞者,樂官備也。

案中朝鹵簿圖云「雲罕駕駟」,不兼言九旒,罕車與九旒車别。

[8] [索隱] 張揖云:「罕,畢也。」文穎曰:「卽天畢,星名。前有九旒雲罕之車。」案:説者以雲罕爲旌旗,非也。

貍首者,樂會時也。」

且

〔至〕[樂解] 漢書音義曰:「大雅、小雅也。」 [索隱] 揜,捕也。 張揖曰:「詩小雅之材七十四人,大雅之材三十一人,

[六][索隱] 張揖曰:「其詩刺賢者不遇明主也。」

故日羣雅也。言雲罕載之於車,以捕羣雅之士。」

[+] [索隱] 毛詩云「君子樂胥,受天之祜」。 言王者樂得賢材之人,使之在位,故天與之福禄也。 胥音先吕反。

「た」[正義] 尚書所以明帝主君臣之道也。

[八][正義]禮所以自修飾整威儀也。

[10] [正義] 揚所以絜静微妙,上辨二儀陰陽,中知人事,下明地理也。 言田獵乃射訖,又歷涉六經之要也。

[二] [正義] 張揖云:「苑中奇怪之獸,不復獵也。」

(三)[正義]明堂有五帝廟,故言「清廟」,王者朝諸侯之處。

[三][正義] 言天下之人無不受恩惠。

[四][索隱]喟,漢書作「芔」,音許貴反。

[三] 索隱] 司馬彪云:「羡,溢也。」音怡戰反。

也。夫以諸侯之細,而樂萬乘之所侈,僕恐百姓之被其尤也。」 之,齊楚之事,豈不哀哉!地方不過千里,而囿居九百,是草木不得墾辟,而民無所食 德厚之恩,務在獨樂,不顧衆庶,忘國家之政,而貪雉兔之獲,則仁者不由也。從此觀 「若夫終日暴露馳騁,勞神苦形,罷車馬之用,抏士卒之精、「□費府庫之財,而無

〔一〕 索隱 抚音五官反。

於是二子愀然口改容,超若自失,逡巡避席曰:「鄙人固陋,不知忌諱,乃今日見

教,謹聞命矣。」

[一][索隱]郭璞云:「變色兒。」音作酉反。

衆,侈靡過其實,且非義理所尚,故删取其要,歸正道而論之。〔二〕 賦奏,天子以爲郎。無是公言天子上林廣大,山谷水泉萬物,及子虚言楚雲夢所有甚

[一] [索隱] 大顔云:「不取其夸奢靡麗之論,唯取終篇歸於正道耳。」小顔云:「删要,非謂削除其詞,而説者謂此 賦已 經史家刊剟,失之也。」

司馬相如列傳第五十七

漕萬餘 相如爲郎數歲,會唐蒙使略通「一」夜郎西僰中,「一」發巴蜀「一」吏卒千人,郡又多爲發轉 用興法「鬥誅其渠帥,鬥燭民大驚恐。 上聞之,乃使相如責唐蒙,因喻告巴蜀民

以非上意。檄曰:

[一][索隱]張揖曰:「蒙,故鄱陽令,今爲郎中,使行略取之。」

(三) 集解 徐廣日一羌之别種也。 音扶逼反。」 索隱一夜郎、僰中,文穎曰皆西〔南〕夷。後以爲夜郎屬牂柯,僰屬

犍爲。音步北反。

(三)[索隱]案:巴、閩,二郡名。

[四][集解]漢書曰「用軍興法」也。

各五百人,以奉幣帛,衞使者不然,靡有兵革之事,戰鬭之患。 阻深,不能自致。 之長,常效貢職,不敢怠墮,延頸舉踵,喁喁然气心皆争歸義,欲爲臣妾,道里遼遠,山 下,輯安中國。 重譯請朝,稽首來享。 告巴蜀太守:蠻夷自擅不討之日久矣,時侵犯邊境,勞士大夫。 然後興師出兵,北征匈奴,單于怖駭,交臂受事,詘膝請和。康居西域, 夫不順者已誅,而爲善者未賞,故遣中郎將往賓之,
(三)發巴蜀士民 移師東指,閩越相誅。右弔番禺,太子入朝。「己南夷之君,西僰 今聞其乃發軍興制、四 陛下卽位,存無天

驚懼子弟,憂患長老,郡又擅爲轉粟運輸,皆非陛下之意也。 當行者或亡逃自賊殺,亦

非人臣之節也。

[1] [索隱] 文穎曰:「番禺,南海郡理也。 弔,至也。 東伐閩越,後至番禺, 故言右至也。」案: 姚氏 弔讀如字。 小顔 云「兩國相伐,漢發兵敷之,令弔番禺,故遣太子人朝,弔非至也」。

[三][正義]隅,五恭反,口向上也。

「一」「索隱」 賈逵云:「賓,伏也。」

【四] 索隱] 張揖曰:「發三軍之衆也。 興制、謂起軍法制也。」案:唐蒙爲使、而用軍興法制也。

民,而與巴蜀異主哉。計深慮遠,急國家之難,而樂盡人臣之道也。故有剖符之封,析 爲天下笑。人之度量相越,豈不遠哉!然此非獨行者之罪也,父兄之教不先,子弟之 居位甚安佚,名聲施於無窮,功烈著而不滅。是以賢人君子,肝腦塗中原,膏液潤野草 珪〔『〕而爵,位爲通侯,居列東第,〔『〕終則遺顯號於後世,傳土地於子孫,行事甚忠敬, 白刃,冒流矢,義不反顧,計不旋踵,人懷怒心,如報私讎。彼豈樂死惡生, 率不謹也,寡廉鮮恥,而俗不長厚也。 而不辭也。今奉幣役至南夷,卽自賊殺,或亡逃抵誅,身死無名,謚爲至愚,恥及父母, 夫邊郡之士,聞烽舉燧燔,〔〕皆攝弓〔〕而馳,荷兵而走,流汗相屬,唯恐居後,觸 其被刑戮,不亦宜乎! 非編列之

[集解]漢書音義曰:「烽如覆米籅、縣著桔槔頭、有寇則舉之。燧、積薪、有寇則燔然之。」 日:魔,東草置之長木之端,如挈皋,見敵則燒舉之。燧者,積薪,有難則焚之。燧主畫,燧主夜。」字林云:「薁, 應米籔也,音一六反。」又<u>纂</u>要云:「籅,浙箕也。」此注是孟康說。 索隱 韋昭

[三] 索隱] 上音奴頰反。

〔三〕 索隱] 如淳曰:「析,中分也。白藏天子,青在諸侯也。」

[四][索隱]列甲第在帝城東,故云東第也。

數之以不忠死亡之罪,讓三老孝弟以不教誨之過。方今田時,重煩百姓,「己已親見近 縣,恐遠所谿谷山澤之民不徧聞,檄到,亟下縣道,〔〕使咸知陛下之意,唯毋忽也。 陛下患使者有司之若彼,悼不肖愚民之如此,故遣信使曉喻百姓以發卒之事,因

[一] 索隱] 重猶難也。

〔三〕[集]解]漢書百官表曰:「縣有蠻夷日道。」 [索隱] 亟音紀 力反。亟,急也。

歲,道不成,士卒多物故,費以巨萬計。「一園民及漢用事者「一」多言其不便。是時邛筰之 愈於南夷。」「馬」天子以爲然,乃拜相如爲中郎將,「太」建節往使。 曰:「邛、筰、冄、駹者近蜀,道亦易通,秦時嘗通爲郡縣,至漢興而罷。今誠復通,爲置郡縣, 君長「『」聞南夷與漢通,得賞賜多,多欲願爲内臣妾,請吏,比南夷。「『」天子問相如, 相如還報。唐蒙已略通夜郎,因通西南夷道,發巴、蜀、廣漢卒,作者數萬人。治道二 副使王然于、壺充國ハヤン 相如

日越人馳四乘之傳,因巴蜀吏幣物以賂西夷。至蜀,蜀太守以下郊迎,縣令負弩矢先驅,「八日 蜀人以爲寵。[f]於是卓王孫、臨邛諸公皆因門下獻牛酒以交驩。 卓王孫喟然而歎,自以得

關道,自己橋孫水自己以通邛都。自己還報天子,天子大說。 斯榆口之君皆請爲內臣。除邊關,關益斥,自三西至沫、 使女尚司馬長卿晚,[10]而厚分與其女財,與男等同。 司馬長卿便略定西夷,邛,筰、冄、駹、 若水、二三南至牂柯爲徼、二三通零

[一][潔隱]案:巨萬猶萬萬也。案:數有大小二法。張揖曰「算法萬萬爲億」,是大數也。 뾇子曰「十萬爲億」,是小

數也。

[三] 索隱案:謂公孫弘也。

四][索隱] 謂請置漢吏,與南夷爲比例也。

索隱 張揖曰:「愈,差也。」又云:「愈猶勝也。」晉灼曰:「南夷謂犍爲、牂柯也。西夷謂越巂、益州。」

[´´`] [索隱] 張揖曰:「秩四百石,五歲遷補大縣令。」

[4] [索隱] 案: 漢書公卿表太初元年爲鴻臚卿也。

八][索隱]案:亭吏二人,弩矢合是亭長負之;,今縣令自負矢,則亭長當負弩也。且負弩亦守宰無定,或隨輕重耳。 案:霍去病出擊匈奴,河東太守郊迎負弩。又魏公子救趙擊秦,秦軍解去,平原君負斕矢迎公子於界上。

蜀以爲寵。 華陽國志云:「蜀大城北十里有升仙橋,有送客觀也。 相如初入長安、題其門云『不乘赤 車駟

司馬相如列傳第五十七

華陽國志邛都縣有四

馬,不過汝下」也。」

[二][索隱]斯,鄭氏音曳。張揖云「斯俞,國也」。案:今斯讀如字,益部耆舊傳謂之「斯臾」。 [10] 索隱]小顔云:「尚猶配也。」本或作「當」也。

部,斯臾一也。

[三] [索隱] 張揖曰: 「沬水出蜀廣平徼外,與青衣水合也。 [三] [寮陽] 張揖曰:「斥,廣也。」

者水出旄牛徼外,至僰道入江。」華陽國志漢嘉縣有沫

[四] 索屬 張揖曰:「徼,塞也。 以木栅水爲蠻夷界。」

水。音妹,又音末。

[一吾] (集解) 徐廣日: 「越嵩有零關縣。」

[1六] (集解) 韋昭曰:「爲孫水作橋。」

[一] 索隱 橋孫水通笮。韋昭曰:「爲孫水作橋也。」案: 華陽國志云「相如卒開僰道通南夷,置越嶲郡。 韓説開益

州,唐蒙開牂柯,斬筰王首,置牂柯郡」也。

不敢,乃著書,籍以蜀父老爲辭,而己詰難之,以風天子,且因宣其使指,令百姓知天子之 相如使時,蜀長老多言通西南夷不爲用,唯大臣亦以爲然。 相如欲諫,業已建之,「」

意。 其辭曰:

[一] [索隱] 案:業者,本也。謂本由相如立此事也。

乎方外。 漢興七十有八載、「二德茂存乎六世、「三」威武紛紜,湛恩「三汪濊、羣生澍濡,洋溢 於是乃命使西征,隨流而攘,〔□〕風之所被,罔不披靡。 因朝日從駹,定作存

邛,略斯榆,舉苞滿、「哥」結軼「八」還轅,東鄉將報,至于蜀都。

[二] (樂解] 徐廣日:「元光六年也。」

[三] [正義] 高祖、惠帝、高后、孝文、孝景、孝武。

(三) 索隱 韋昭云:「上音沈。」

[四][索隱]攘,卻也,汝羊反。

至] 索隱 服虔云:「夷種也。」「滿」字或作「蒲」也。

【六〕[索隱]下音轍。漢書作「軌」。張揖云「結,屈也」。

狄也,其義羈縻气力勿絶而已。今罷三郡之士,通夜郎之塗,三年於兹,而功不竟,士 以力并,意者其殆不可乎!今割齊民以附夷狄,弊所恃以事無用,鄙人固陋,不識所 卒勞倦,萬民不贍,今又接以西夷,百姓力屈,恐不能卒業,此亦使者之累也,竊爲左右 患之。且夫邛、筰、西僰之與中國並也,歷年兹多,不可記已。 仁者不以德來, 彊者不 耆老大夫薦紳先生之徒二十有七人,儼然造焉。 辭畢,因進曰:「蓋聞天子之於夷

計

[一] [索隱] 案:羈,馬絡頭也。縻,牛韆也。漢官儀[馬云羈,牛云縻]。言制四夷如牛馬之受羈縻也。

然斯事體大,固非觀者之所覯也。余之行急,其詳不可得聞已,請爲大夫粗陳其略。 使者曰:「烏謂此邪?必若所云,則是蜀不變服而巴不化俗也。余尚惡聞若説。〔〕〕

[一] 索隱] 張揖曰:「惡聞若曹之言也。」包愷音一故反。又音鳥。鳥者,安也。

固常[人]之所異也。[二故曰非常之原,黎民懼焉、三及臻厥成,天下晏如也。 「蓋世必有非常之人,然後有非常之事,有非常之事,然後有非常之功。非常者,

[一][索隱] 案:常人見之以爲異。

「□] [索隱] 張揖曰:「非常之事,其本難知,衆人懼也。」

慮而身親其勞,躬胝無胈,膚不生毛。〔『〕故休烈顯乎無窮,聲稱浹乎于兹。 决江疏河,漉沈贍菑、门〕東歸之於海,而天下永寧。當斯之勤,豈唯民哉。行己心煩於 「昔者鴻水浡出,氾濫衍溢,民人登降移徙,陭嘔而不安。」夏后氏戚之,乃堙鴻水,

[一] [樂解] 徐廣曰:「漉,一作『灑』。」 [索隱] 漉沈澹菑。漉音鹿。菑音災。漢書作「澌沈澹灾」,解者云「澌作『灑』, 灑,分也,音所綺反。 澹,安;沈,深也。 澹音徒暫反」。

(三] [索隱] 案: 謂非獨人勤,禹亦親其勞也。

[||] [集解] 徐廣曰:「胝音竹移反。胈,踵也。一作『腠』,音凑。膚,理也。胈音魃。」 奏,作『戚』。躬,體也。戚,腠理也。」章昭曰:「胈,其中小毛也。」胝音丁私反。莊子云「禹 腓無 胈,脛 不 生 |索隱| 躬奏胝無胈。張揖曰: 德,反衰世之陵遲,繼周氏之絶業,斯乃天子之急務也。百姓雖勞,又惡可以已哉? 流,願得受號者以億計。故乃關沫、若,〔+〕徼牂柯,鏤零山,梁孫原。創道德之塗,垂仁 聖,又惡能已?故北出師以討彊胡,南馳使以誚勁越。四面風德,二方之君「к〕鱗集仰 序,父兄不辜,幼孤爲奴,係纍號泣,内嚮而怨,曰『蓋聞中國有至仁焉,德洋而恩普,物 加,流風猶微。内之則犯義侵禮於邊境,外之則邪行横作,放弑其上。君臣易位,尊卑失 獲嘉祉,靡有闕遺矣。 而夷狄殊俗之國,遼絶異黨之地,舟輿不通,人迹罕至, 政教未 之外,浸潯「鬥一行溢,懷生之物有不浸潤於澤者,賢君恥之。今封疆之内,冠帶之倫,咸 詩不云乎:『普天之下,莫非王土,率土之濱,莫非王臣。』「心是以六合之内,八方 必將崇論閎議,創業垂統,爲萬世規。故馳騖乎兼容并包,而勤思乎參天貳地。〔三〕且 於此,而息誅伐於彼。遐邇一體,中外提福,〔10〕不亦康乎。 夫拯民於沈溺,奉至尊之休 義之統。將博恩廣施,遠撫長駕,使疏逖不閉,〔〈〕阻深闇昧〔衰〕得耀乎光明,以偃甲兵 靡不得其所,今獨曷爲遺己』。舉踵思慕,若枯旱之望雨。盭夫爲之垂涕,〔禹〕況乎上 「且夫賢君之踐位也。豈特委瑣握躖,「「拘文牽俗,循誦習傳,當世取説云爾哉!

司馬相如列傳第五十七[索隱]孔文祥云:「委璅、細碎。握躖、局促也。」

[二][索隱]案:天子比德於地,是貳地也。與己并天爲三,是參天也。故禮曰「天子與天地參」是也。

[三][樂解] 毛詩傳曰:「濱、涯也。」

[四][索隱]浸淫。案:浸淫猶漸浸。

一集解 徐廣曰:「盩音戾。」 [索隱]張揖曰:「很戾之夫也。」字或作「戾」。 盭,古「戾」字。

[六] | 索隱] 謂西夷邛、僰,南夷牂柯、夜郎也。

[中][樂解] 漢書音義曰:「以沬、若水爲關。」

[八][索隱]逖,遠。言其疏遠者不被閉絶也。

[九][索隱] 曶爽闇昧。[三蒼云:「曶爽,早朝也。 曶音昧。」案:字林又音忽。

〔10〕[集解]徐廣曰:「提,一作『提』,音支。」 [索隱] 褆福。説文云:「褆,安也。」市支反。

未聞音,猶鷦明已翔乎寥廓,而羅者猶視乎藪澤。悲夫」 方將增泰山之封,加梁父之事,鳴和鸞,揚樂頌,上咸五,下登三。〔三〕觀者未睹指,聽者 「且夫王事固未有不始於憂勤,而終於佚樂者也。然則受命之符,合在於此矣。〔一〕

[一] 索屬] 張揖云:在於憂勤佚樂之中也。」

[三][集解]徐廣曰:「咸,一作『函』。」駰案:章昭曰「咸同於五帝,登三王之上」。 之。然以漢爲五帝之數,自然是登於三王之上也。」今本「減」或作「咸」,是韋昭之説也。 「五帝之德,漢比爲減;三王之德,漢出其上:故云『減五登三』也。」虞憙志林云:「相如欲減五帝之一,以漢盈 索隱]上減五,下登三。李奇日:

於是諸大夫芒然喪其所懷來而失厥所以進,喟然並稱曰:「允哉漢德,此鄙人之所

顧聞也。 百姓雖怠,請以身先之。」敞罔靡徙,口因遷延而辭避。

[一][索隱]案:敞罔,失容也。靡徙,失正也。

其後人有上書言相如使時受金,失官。居歲餘,復召爲郎。

之事,稱病閒居,不慕官爵。常從上至長楊獵,二一是時天子方好自擊熊彘,馳逐野獸,相如 相如口吃而善著書。 常有消渴疾。與卓氏婚,饒於財。其進仕宦,未嘗肯與公卿國家

上疏諫之。其辭曰:

[一][正義] 括地志云:「秦長楊宮在<u>雍州盩</u>厔縣東南三里。上起以宫,內有長楊樹,以爲名。」

息,然本非天子之所宜近也。 用、行动枯木朽株盡爲害矣。是問越起於轂下,而羌夷接軫也,豈不殆哉!雖萬全無 之地、「己犯屬車之清塵、「宀」輿不及還轅,人不暇施巧,雖有鳥獲、逢蒙之伎,力不得 竊以爲人誠有之,獸亦宜然。今陛下好陵阻險,射猛獸,卒然[B]遇軼材之獸, 駭不存 臣聞物有同類而殊能者,故力稱鳥獲,「」捷言慶忌,「」」勇期貴、育。「」」臣之愚,

司馬相如列傳第五十七[索隱]張揖曰:「秦武王力士,舉龍文鼎者也。」

[三] 索隱] 張揖曰:「吴王僚之子。」

[三][正義] 賁音奔。 孟賁,古之勇士,水行不避蛟龍,陸行不避豺狼,發怒吐氣,聲音動天。 夏育,亦古之猛士也。

[四][索隱] 猝然。廣雅云:「猝,暴也,音倉兀反。」

[五][索隱] 謂所不慮而猛獸駭發也。

[六] [集解] 蔡邕曰:「古者諸侯貳車九乘,秦滅九國,兼其車服,故大駕屬車八十一乘。」

[P] [集解] 吴越春秋日:「界傳射於逢蒙。」 [索隱] 孟子云「逢蒙學射於羿,盡羿之道」也。

有利獸之樂而内無存變之意,其爲禍也不亦難矣!夫輕萬乘之重不以爲安而樂,出於 且夫清道而後行,中路而後馳,猶時有銜橛之變,〔一〕而況涉乎蓬蒿,馳乎丘墳,前

萬有一危之塗以爲娱,臣竊爲陛下不取也。

【一〕[集解] 徐廣曰:「橛音巨月反。鉤逆者謂之橛矣。」 [索隱] 銜糜之變。張揖曰:「銜,馬勒銜也。糜,騑馬口長 衡也。」周遷輿服志云:「鉤逆上者爲魇。 魘在衡中,以鐵爲之,大如雞子。」鹽鐵論云:「無銜檿而禦捍馬。」 魘音

巨月反。

故鄙諺曰「家累千金,坐不垂堂」。〔〕此言雖小,可以喻大。臣願陛下之留意幸察。 蓋明者遠見於未萌而智者避危於無形,禍固多藏於隱微而發於人之所忽者也。

[1][索隱]張揖云:「畏簷瓦墮中人。」樂産云:「垂,邊也。恐墮墜(之)也。」

上善之。還過宜春宫、[1]相如奏賦以哀二世行失也。其辭曰:

[一][正義] 括地志云:「秦宜春宫在雍州萬年縣西南三十里。宜春苑在宫之東,杜之南。 始皇本紀云葬二世杜南宜

春苑中。」案:今宜春宫見二世陵,故作賦以哀也。

兮,拾九天而永逝。[10]嗚呼哀哉! 墳墓蕪穢而不脩兮,魂無歸而不食。 巖巖深山之谾谾兮、「四〕通谷縖兮谽翎。「馬〕汨淢噏「六」習以永逝兮,注平皋之廣衍。觀 衆樹之塕薆兮、「も」覽竹林之榛榛。東馳土山兮、北揭石瀬。「へ」彌節容與兮、ても〕歴弔 二世。持身不謹兮,亡國失埶。信讒不寤兮,宗廟滅絶。 登陂阤⊆〕之長阪兮,坌人⊆〕曾宫之嵯峨。臨曲江之隑州兮、⊆〕望南山之參差。 **敻邈絶而不齊兮,彌久遠而愈侏。** 嗚呼哀哉!操行之不得兮, 精罔閬而飛揚

[一] [索隱] 登陂陁。陂音普何反。陁音徒何反。

[二][集解]漢書音義曰:「坌,並也。」 [索隱] 上音步寸反。

[黑][集解]漢書音義曰:「隑,長也。苑中有曲江之象,泉中有長洲也。」 [索隱]案:'隑音祈。隑即碕,謂曲岸頭也。 張揖曰:「隑,長也。苑中有曲江之象,中有長州,又有官閣路,謂之曲江,在杜陵西北五里。」又三輔舊事云「樂

游原在北」是也

[三] 索隱] 呼含呼加二反。 [四][集解]徐廣曰:「谾音力工反。」 兒也。 」 [索隱] 谾音苦江反。晉灼曰:「音籠,古『豅』字。」蕭該云:「谾,或作『豅』,長大

司馬相如列傳第五十七四人工

[六][索隱]上音于筆反。減音域,疾兒也。 噏音許及反。漢書作「報」,報,輕舉意也。

[七][索隱] 菱音菱,謂隱也。

[八][索隱]説文云:「瀨,水流沙上也。」

[九][索隱]容與,游戲貌也。

[10] [正義] 太玄經云:九天謂一爲中天,二爲羨天,三爲從天,四爲更天,五爲晬天,六爲廓天,七爲減天,八爲沈

天,九爲成天。」

也,尚有靡者。臣嘗爲大人賦,未就,請具而奏之。」相如以爲列僊之傳居山澤閒,「三形 相如拜爲孝文園令。「一〕天子既美子虚之事,相如見上好僊道,因曰:「上林之事未足美

容甚臞、「」此非帝王之僊意也,乃遂就大人賦。其辭曰:

[一] 索隱] 百官志云「陵園令,六百石,掌案行掃除」也。

[三][索隱]列仙之傳居山澤。案:傳者、謂相傳以列仙居山澤閒、音持全反。 小顏及劉氏並作「儒」。儒,柔也,術士

之稱,非。

『] [集解] 徐廣曰:「臛,痩也。」 [索隱] 韋昭曰:「臛,瘠也。」舍人云:「臛,痩也。」文子云:「堯癯痩。」音巨俱反。

揭輕舉而遠遊。垂絳幡之素蜺兮,載雲氣而上浮。建格澤之長竿兮,總光耀之采旄。[l] 世有大人「一一兮,在于中州。宅彌萬里兮,曾不足以少留。悲世俗之迫隘兮,〔一〕

垂旬始以爲幓兮,抴彗星而爲髾。〔四〕掉指橋以偃蹇兮,〔三〕又旖旎以招摇。攬機槍以

卷。〔10〕沛艾赳螑仡以佁儗兮,〔1〕放散畔岸驤以孱顔。〔1三]跮踱輵轄容以委麗兮,綢繆 雙略逶麗兮,驂赤螭青虯之幽蟉蜿蜒。低卬天蟜据以驕驁兮,〔宀〕詘折隆窮蠼以連 偃蹇怵臭以梁倚。自己糾蓼叫奡蹋以艐路兮,自己蔑蒙踊躍騰而狂趙。自己莅颯卉翕熛至 爲旌兮、「八」靡屈虹而爲綢。「七〕紅杳渺以眩湣兮,「八〕猋風涌而雲浮。駕應龍象輿之

電過兮,煥然霧除,霍然雲消。

[三] [索隱] 如淳曰:「武帝云『誠得如黄帝,去妻子如脱屣』,是悲世俗迫隘也。」

[w] <u>集</u>解]漢書音義曰:「格澤之氣如炎火狀,黄白色,起地上至天,以此氣爲竿。 旄,葆也。 總,係也。 係光耀之氣

於長竿,以爲葆者。」

〔五〕<u>集解</u>漢書音義曰:「指橋,隨風指靡。」 [四] [集解] 漢書音義曰:「旬始氣如雄雞,縣於葆下以爲旒也。皆,燕尾也。 抴彗星,綴著旒以爲燕尾。」 [索隱] 棹音徒弔反。指音居桀反。橋音矯。張揖曰:「指矯,隨風指

靡。偃蹇,高皃。」應劭云:「旌旗屈撓之皃。」

[刊] (集解) 漢書音義曰:「綢,韜也。以斷虹爲旌杠之韜。」 索隱調音籌,或音韜。 屈虹、斷虹也。

「八」(集解)漢書音義日:「旬始,屈虹,氣色。紅杳渺,眩湣,闇冥無光也。」 潛音麪。」晉灼曰:「紅,赤色皃。杳眇,深遠;泫潛,混合也。」紅,或作「虹」也。 |索隱| 紅杳眇以泫滑。蘇林曰:「泫音炫。

可馬相如列傳第五十七

- 「九」索際 |張揖曰: 「据,直項也。縣鰲,縱恣也。」据音據。縣音居召反。鰲音五到反。
- 索隱 躩以連卷。 韋昭曰:「龍之形皃也。」躩音起碧反。 連卷音輦卷也。
- [一][集解]漢書音義曰:「赳蟆,申頸低卬也。 佁儗,不前也。」 牙跳也。」赳音居幼反。 螑音許救反。 張揖曰:「仡,舉頭也。 佁儗,不前也。」 佁音勑吏反。 儗音魚吏反也。 [索隱] 孟康曰:「赳螑、申頸低頭。」張揖曰:「赳蟆、
- [1三] [索隱] 服虔曰:「馬仰頭,其口開,正孱顏也。」韋昭曰:「顏音吾板反。」詩云「兩服上驤」,注云「驤,馬」是也。
- [一三] [集解] 徐廣日:「跮踱,乍前乍卻也。 跮音丑栗反。 踱音勑略反。輵,鳥葛反。 「偃蹇,卻距也。」廣雅日:「偃蹇,夭矯之皃。」張揖曰:「怵奧,奔走。梁倚,相著。」韋昭曰:「奧音笞略反。 前卻也。」跮音褚栗反。踱音褚略反。輵音鳥葛反。磄音曷。蜩蟉偃蹇。蜩音徒弔反。蟉音勑弔反。張揖曰: 傳云『倏奧遠去』,奧,視也。」 略反。」翺案:漢書音義曰「怵臭,走也。梁倚,相著也。」 [索隱] 跮踱輵磄。張揖曰:「跮踱,疾行兒。輵磄, 轄音曷。綢,一作『雕』。 臭音他 祖如
- [1四] 集解] 徐廣曰:「艐音介,至也。」 屆。三倉云:「踏,著地。」孫炎云:「艐,古『界』字也。」 [索隱] 蓼音了。界音五到反。小顔云:「叫界,高舉皃。」踏音徒答反。 艘音
- []吾] (樂解] 漢書音義曰:「蔑蒙,飛揚也。 魋,走。」 索隱篾蒙。 張揖曰:「篾蒙,飛揚也。 趙,走克。」

[三]悉徵靈圉而選之兮,部乘衆神於瑶光。 [三]使五帝先導兮, [四]反太一而後陵 「明」左玄冥而右含靁兮、「き」前陸離而後潏湟。「り」斯征伯僑「こ」而役羨門兮、「も」屬 邪絶少陽而登太陰兮,與真人乎相求。〔一〕互折窈窕以右轉兮,横厲飛泉以正

岐伯使尚方。[10]祝融驚而蹕御兮、[1]清雰氣而後行。 屯余車其萬乘兮,綷雲蓋而樹

華旗。〔三〕使句芒其將行兮,〔三吾欲往乎南嬉。

[一] [集解] 漢書音義曰:「少陽,東極;太陰,北極。 邪度,東極而升北極者也。」

[二][正義]厲,渡也。張云:「飛泉,谷也,在崑崙山西南。」

[三][集解] 漢書音義曰:「摇光,北斗杓頭第一星。」

四][正義]遵,導。應云「五帝,五時,帝太晧之屬也。」

[H] [集解] 漢書音義曰:「仙人陵陽子明也。」 [正義] 天官書云:「中官天極星,其一明者,太一常居也。」列仙傳云:

「子明於沛蛭縣旋溪釣得白龍,放之,後白龍來迎子明去,止陵陽山上百餘年,遂得仙也。」

[6] [集解] 漢書音義日:「含靁,黔嬴也,天上造化神名也。或日水神。」

[4] 集解] 漢書音義曰:「皆神名。」

[八][集解]徐廣曰:「燕人也,形解而仙也。」 [索隱] 應劭曰:「厮,役也。」張揖曰:「王子喬也。」漢書郊祀志作「正

伯僑」,此當别人,恐非王子喬也

「丸」正義]張云:「羨門,碣石山上仙人羨門高也。」

[二] [正義] 張云:「祝融,南方炎帝之佐也。獸身人面,乘兩龍,應火正也。 火正祝融警蹕清氛氣也。」 [10] [集解] 徐廣日:「岐伯,黄帝臣。」 駰案:漢書音義日「尚,主也。 岐伯,黄帝太醫,屬使主方藥」。

[1三] [索隱] 綷音祖内反。如淳曰:「綷,合也。合五綵雲爲蓋也。」

] [正義] 張云:「句芒,東方青帝之佐也。 鳥身人面,乘兩龍。」 頗云:「將行,領從者也。」

司 馬 相 如 列 傳第 五十七

渡九江而越五河。「引經營炎火而浮弱水兮,「八」杭絕浮渚而涉流沙。「九」奄息總極氾濫 陸離。「馬」徑人靁室之砰磷鬱律兮,洞出鬼谷之崫礨嵬磙。「尽」偏覽八絃而觀四荒兮,揭 騷擾衝蓯「『〕其相紛挐兮,滂濞泱軋灑以林離。鑽羅列聚叢以蘢茸兮,衍曼流爛壇以 生若此而不死兮,雖濟萬世不足以喜。 吾乃今目睹西王母皬然白首。与司載勝而穴處兮,与司亦幸有三足烏爲之使。自己必長 水嬉兮,自己使靈媧鼓瑟而舞馮夷。自己時若薆薆將混濁兮,召屏翳自己誅風伯自己而刑 玉女而與之歸。こ己舒閬風而摇集兮,己己亢烏騰而一止。こ己低回陰山翔以紆曲兮,こ己 雨師。[12]西望崑崙[15]之軋沕洸忽兮,直徑馳乎三危。[15]排閶闔而入帝宫兮,[17] 載 歷唐堯於崇山兮,過虞舜於九疑。〔一〕紛湛湛〔三〕其差錯兮,雜遝膠葛〔三〕以方馳。

[一][正義]張云:「崇山,狄山也。海外經云『狄山,帝堯葬其陽』。 九疑山,零陵營道縣,舜所葬處。」

[三]|索隱||膠輵。廣雅云:「膠輵,驅馳也。」

[三] 索隱] 音徒感反。

四 | 索隱 | 上昌勇反,下息冗反。

[刊] 集解]徐廣曰:「壇音坦。」

嵬音鳥迴反。 礇音回。 張云:「 崫罍嵬礇,不平也。」 漢書音義曰:「鬼谷在北辰下,衆鬼之所聚也。 楚辭日『贅鬼谷于北辰』也。」 [正義] 嵐,口骨反。 粤音力

[中][正義] 顏云:「五色之河也。仙經云紫、碧、絳、青、黄之河也。」

〈」[正義] 姚丞云:「大荒西經云崑崙之丘,其外有炎火之山,投物輒然。」括地志云:「弱水有二原,俱出女國北阿傉 其山爲天柱,在雍州西南一萬五千三百七十里。」又云:「弱水在甘州張掖縣南山下也。」 遠山,南流會于國北,又南歷國北,東去一里,深丈餘,闊六十步,非乘舟不可濟,流入海。阿傉達山一名崑崙山

[九][集解]漢書音義曰:「杭·船也。絶,渡也。浮渚,流沙中渚也。」

[10] 集解] 漢書音義曰:「總極,蔥領山也,在西域中也。」

[二] [樂解] 徐廣曰:「媧,一作『貽』。」 駰案:漢書音義曰「靈媧,女媧也。 [正義] 姓馮名夷,以庚日溺死。 河常以庚日好溺死人。 馮夷, 河伯字也。 淮南子日『馮夷得道,以

[三] [正義] 張云:「風伯字飛廉。」

[三] [正義] 應云:「屏翳,天神使也。」章云:「雷師也。」

(四)正義 沙州有雨師祠

〔一〕[正義] 張云:「海內經云崑崙去中國五萬里,天帝之下都也。 其山廣袤百里,高八萬仞,增城九重,面九井,以玉 爲檻,旁有五門,開明獸守之。」括地志云:「崑崙在肅州酒泉縣南八十里。十六國春秋後魏昭成帝建國十年,涼

大夏國人西海。黄河出東北隅吐牛口,東北流經濫澤,潛出大積石山,至華山北,東人海。 其三河去山人海各 達山,亦名崑崙山。恒河出其南吐師子口,經天竺人達山。嬀水今名爲滸海,出於崑崙西北隅吐馬口,經安息 鏤飾,焕若神宫。』又删丹西河名云弱水,禹貢崑崙在臨羌之西,即此明矣。」括地志云:「又阿傉達山亦名建末 張駿酒泉太守馬岌上言:『酒泉南山即崑崙之體,周穆王見西王母,樂而忘歸,即謂此山。 有石室"王母堂,珠璣

司馬相

如列傳

第五十七

三萬里。此謂大崑崙、肅州謂小崑崙也。禹本紀云『河出崑崙二千五百餘里,日月所相隱避爲光明也』。」

[1六] 集解] 三危,山名也。 [正義] 括地志云:「三危山在沙州東南三十里。」

二 正義正義 韋昭云:「閶闔,天門也。 淮南子曰『西方日西極之山,閶闔之門』。

[一][正義] 張云:「玉女,青要、乘弋等也。」

[1·元] [正義] 張云:「閬風在崑崙閶闔之中。楚辭云『登閬風而緤馬』也。」

集解 漢書音義曰:「亢然高飛,如烏之騰也。」

[三] 正義] 張云:「陰山在大崑崙西二千七百里。」

[三] (集解)徐廣曰:「確音下沃反。」 索隱」確音鶴也。

正義]張云:「西王母,其狀如人,豹尾,虎齒,蓬鬢,曜然

白首。石城金穴,居其中。」

郭璞曰:「勝、玉勝也。」 [正義] 顏云:「勝(代)、婦人首飾也,漢代謂之華勝也。」

〔三〕[正義] 張云:「三足烏,,青烏也。 主爲西王母取食,在昆墟之北。」

沛。 聽惝恍而無聞。 騎於玄闕兮,軼先驅於寒門。〔廿〕下峥嶸而無地兮,上寥廓而無天。 瓊華。〔三〕嬐侵潯〔三〕而高縱兮, [三]馳游道而脩降兮、[5]騖遺霧而遠逝。 回車朅來兮,絕道不周,仁一」會食幽都。 乘虚無而上假兮,超無友而獨存。 紛鴻涌而上厲。貫列缺之倒景兮,「鬥涉豐隆之滂 呼吸沆瀣[兮]餐朝霞(兮), 迫區中之隘陝兮,舒節出乎北垠。 視眩眠而無見兮, **噍咀芝英兮嘰** 遺屯

- 〔一〕[樂解] 漢書音義曰:「不周山在崑崙東南。」
- [二][集解]徐廣曰:「嘰音祈,小食也。」、關案:韋昭曰「瓊華、玉英」。
- 〔三〕[集解]徐廣曰:「嬐音孅。」 [索隱]漢書「嬐」作「僸」。傑,仰也,音襟。 嬐音魚錦反。
- [四][樂解] 漢書音義曰:「列缺,天閃也。倒景,日在下。」
- 〔五〕[正義] 張云:「豐崇,雲師也。 淮南子云『季春三月,豐崇乃出以將雨』。」案:豐崇將雲雨,故云「滂沛」。
- [八][正義]游,游車也。道,道車也。脩,長也。降,下也。
- [4] (集解) 漢書音義曰:「玄闕,北極之山。寒門,天北門。」
- [八] (集解) 徐廣日:「假音古下反,至也。」

相如既奏大人之頌,天子大説,飄飄有凌雲之氣,似游天地之閒意。

言封禪事,奏所忠。忠奏其書,天子異之。其書曰: 矣。」使所忠气〕往,而相如已死,家無書。問其妻,對曰:「長卿固未嘗有書也。時時著書, 人又取去,卽空居。長卿未死時,爲一卷書,曰有使者來求書,奏之。無他書。」其遺札書 相如既病免,家居茂陵。天子曰:「司馬相如病甚,可往後悉取其書,若不然,後失之

[一] [索隱] 張揖曰:「使者姓名,見食貨志。」 [正義] 姓所,名忠也。 風俗通姓氏云:「漢書有諫大夫所忠氏。」

伊上古之初肇,自昊穹兮生民,歷撰与了列辟,以迄于秦。率邇者踵武,与己逖聽者

風聲。〔三〕紛綸葳蕤〕〔四堙滅而不稱者,不可勝數也。 續蹈夏,崇號諡,略可道者七十

有二君。〔四周若淑而不昌,疇逆失而能存。〔《〕

[一] 集解] 徐廣曰:「撰,一作『選』。」 [索隱] 歷選。 文穎曰:「選,數之也。」

[三] <u>樂</u>解] 徐廣曰:「率,循也。邇,近也。武,迹也。循省近世之遺迹。」 [索隱] 案:率,循也。邇,近也。 言循魔

(二) (集解) 徐廣日:「逖,遠也。聽察遠古之風聲。」 [索隱] 風聲,風雅之聲。以言聽遠古之事,則著在風雅之聲

近代之事,則繼跡可知也。

[四] [索隱] 紛綸威蕤。胡廣曰:「紛,亂也。綸,没也。威蕤,委頓也。」張揖云:「亂皃。」

〔三〕[集解] 漢書音義曰:「昭,明也。 夏,大也。德明大,相繼封禪於泰山者七十有二人。」 [索隱] 七十有二君,韓詩 外傳及封禪書皆然。

[K][集解]徐廣曰:「若,順也。」翢案: 韋昭曰「疇,誰也。 言順善必昌,逆失必亡」。

聲、「『〕豈不善始善終哉。然無異端,慎所由於前,謹遺教於後耳。故軌迹夷易,易遵 也;湛恩濛涌,易豐也;憲度著明,易則也;垂統理順,易繼也。是以業隆於繦褓而 公劉發迹於西戎,文王改制,爰周郅隆,〔三〕大行越成,〔三〕而後陵夷衰微,千載無 曰「元首明哉、股肱良哉」。因斯以談、君莫盛於唐堯、臣莫賢於后稷。后稷創業於唐, 軒轅之前,遐哉邈乎,其詳不可得聞也。五三六經「」載籍之傳,維見可觀也。書

以爲薄,不敢道封禪。蓋周躍魚隕杭,休之以燎,曰己微夫斯之爲符也,以登介丘,不亦 黄乘龍於沼。〔1十〕鬼神接靈圉,賓於閒館。〔1〇奇物譎詭,俶儻窮變。欽哉,符瑞臻兹,猶 之怪獸,自己漢一莖六穗於庖,自己犧雙絡共抵之獸,自己獲周餘珍收龜于岐,自己招翠 崇冠于二后。〔馬〕揆厥所元,終都攸卒,[k〕未有殊尤絶迹可考于今者也。然猶躡梁父, 沫,[10]首惡湮没, 闇昧昭晢,[11]昆蟲凱澤,回首面内。[15]然後囿騶虞之珍羣,徼麋鹿 上暢九垓,下泝八埏。「宀」懷生之類霑濡浸潤,協氣横流,武節飄逝,邇陝游原,迥闊泳 登泰山,建顯號,施尊名。大漢之德,逢涌原泉,ても〕沕潏漫衍,旁魄四塞,雲專霧散,て入

[1] 索閱] 胡廣云:「五,五帝也。三,三王也。六,六經也。」案:六經,詩、書、禮、樂、易、春秋也。

恧乎![10]進讓之道,其何爽與?[11]

- [三][樂解]徐廣日:「『郅』蓋字誤。皇甫謐日『王季徙郢』、故周書曰『維王季宅郢』。孟子稱『文王(生)〔卒〕於畢郢』。 爰,於,及也。郅,大也。隆,盛也。應劭曰「郅,至也」。樊光云「郅,可見之大也」。徐及皇甫之説皆非也。以言 或者『郅』字宜爲『郢』乎?或爲『胵』,北地有郁郅縣。 胵,大也,音質。」 駰案:漢書音義云「郅,至也」。
- [三] 集解 漢書音義日:「行,道也。 越,於也。以言道德大行,於是而成之也。 文王始開王業,改正朔,易服色,太平之道於是成矣。」 索隱 案: 行, 道也。

文王改制,及周而大盛也。

「四」集解 徐廣日:同之王四海,千載之後聲教乃絶。」 駰案:章昭日「無惡聲」。 馬相如列傳第五十七

- ee. L 集解 漢書音義曰:「繈褓謂成王也。二后謂文、武也。 周公負成王致太平,功德冠於文武者,道成法易故也。」
- [六]集解]漢書音義曰:「都,於;卒,終也。」
- [4][集解] 韋昭曰:「漢德逢涌如泉原也。」 峰」,讀日烽。 胡廣日:「自此已下,論漢家之德也。」 [索隱] 遙源泉。張揖曰:「遙,遇也。喻其德盛若遇泉源之流也。」又作
- [八] 樂解] 徐廣日:「専音布。」
- [九] 樂解] 徐廣曰:「音衍。」 駰案:漢書音義曰「暢,達;垓, 九重之天,下流於地之八際也」。 重也。 泝,流也。 埏音延,地之際也。 言其 德上達於
- [10] [集解] 漢書音義曰:「邇,近;原,本也。 沫。」 迥,遠; 闊,廣也。 泳,浮也。恩德比之於水,近者游其原, 遠者浮其
- [一][樂解]漢書音義曰:「始爲惡者皆湮滅。 闇昧,喻夷狄皆化。」
- [二三] 樂解] 韋昭曰:「面,向也。」
- [1三] 集解] 漢書音義曰:「徼、遮也。麋鹿得其奇怪者、謂獲白麟也。」
- [1四] [樂解] 徐廣日:「巢,瑞禾也。」 駰案:漢書音義日「謂嘉禾之米,於庖廚以供祭祀」。 玄云:「巢,擇也。」說文云:「嘉禾一名巢。」字林云:「禾一莖六蕙謂之巢也。」 索隱。

 薬一莖六萬。

鄭

- [一三] [集解] 徐廣日:「抵音底。」 翺案:漢書音義曰「犧,牲也。 觡,角也。 底,本也。 武帝獲白麟,兩角共一本,因以
- 爲牲也」。
- 【1张] (集解) 徐廣日:「一作『放龜』。」 翺案:漢書音義日「餘珍,得周鼎也。 岐,水名也」。 索隱餘珍,案謂得周鼎

<u>〔□+〕 操解]漢書音義曰:「翠黄,乘黄也。龍翼馬身,黄帝乘之而登仙。言見乘黄而招呼之。</u> 來下』。 余吾渥洼水中出神馬,故曰乘龍於沼。」 [索隱]服虔云「龍翠色」。 又云「卽乘黄也。乘四龍也」。周書 禮樂志日『營黄其何不

[| <] [集解] 徐廣日:「言至德與神明通接,故靈圉爲賓旅于閒館矣。」郭璞曰:「靈圉,仙人名也。」

云「乘黄似狐,背上有兩角」也。

[1元] [索隱] 杭,舟也。 胡廣云:「武王渡河,白魚人于王舟,俯取以燎。 隕,墜之於舟中也。」

[三0] [集解] 漢書音義曰:「介,大;丘,山也。言周以白魚爲瑞,登太山封禪,不亦慙乎!」

[三] [樂解] 徐廣曰:「爽,差異也。」 駰案:漢書音義曰「進,周也。讓,漢也。言周未可封禪而封禪爲進, 不封禪爲讓也」。 [索隱] 何其爽與。爽猶差也。言周未可封而封,漢可封而不封,爲進讓之道皆差之也。 漢可封禪而

山靡記而梁父靡幾也。 [5]亦各並時而榮,咸濟世而屈,[5]説者尚何稱於後,[10]而云 款天神、自己勒功中嶽,以彰至尊,舒盛德,發號榮,受厚福,以浸黎民也。皇皇哉斯事! 七十二君乎? 驩,「宀」缺王道之儀,羣臣恧焉。 幸、「『」蓋號以況榮、「『』上帝垂恩儲祉, 功無與二,休烈浹洽,符瑞衆變,期應紹至,不特創見。〔三〕意者泰山、梁父設壇場望 於是大司馬進曰:「陛下仁育羣生,義征不憓,〔〕諸夏樂貢,百蠻執贄,德侔往初, 夫修德以錫符,奉符以行事,不爲進越。〔三〕故聖王弗替,而修禮地祇,謁 或謂且天爲質闇,珍符固不可辭,〔十〕若然辭之, 將以薦成、「国」陛下謙讓而弗發也。挈三神之 是泰

司

天下之壯觀,王者之丕業,不可貶也。願陛下全之。而後因雜薦紳先生之略術,使獲 以永保鴻名而常爲稱首者用此,四四旬命掌故悉奏其義而覽焉。」四四 舊六爲七,自己據之無窮,自己俾萬世得激清流,揚微波,蜚英聲,騰茂實。自己前聖之所 燿日月之末光絶炎,以展采錯事,自己猶兼正列其義,校飭厥文,作春秋一藝,自己將襲

- [一] [集解] 漢書音義曰:「大司馬,上公也,故先進議。 憓音惠,順也。」
- [三][集解]徐廣曰:「不但初顯符瑞而已,蓋將終以封禪之事。」 「符瑞衆多,應期相繼而至也。」 [索隱] 文穎曰:「不獨一物,造次見之。」胡廣云:
- 四][集解]徐廣曰:「以況受上天之榮爲名號。」 [索隱]案:文穎曰「蓋,合也。 言考合前代之君,揆其榮而相比況 三] ||索隱] 設壇場望幸華。 設壇場望幸者,望聖帝之臨幸也,義亦兩通。而孟康、服虔注本皆云「望幸」下有「華」字,而擊虞流別集則唯云 「望幸」,當是也,於義易通。直以後人見「幸」下有「蓋」字,又「幸」字似「華」字,因疑惑,遂定「華」字,使之誤也。 案:諸本或作「望華蓋」。華蓋,星名,在紫微太帝之上。今言望華蓋、太帝耳。且言
- 質,又上與「幸」字連文,致令有「華蓋」之謬也。 而爲號也。」大顏云「蓋,語辭也。言蓋欲紀功立號,受天之況賜榮名也」。於義爲愜。然其文云「蓋」,詞義典
- [耳][集解]徐廣曰:「以衆瑞物初至封禪處,薦之上天,告成功也。」 [索隱] 薦,案漢書作「慶」,義亦通也。
- 猶垂」,非也。應劭作「绝」,李奇、韋昭作「闕」,意亦不遠。三神,韋昭以爲上帝、太山、梁父,如淳謂地祇、天神 |【樂解】徐廣曰:「挈猶言垂也。」駰案:韋昭曰「挈,缺也。 三神,上帝、泰山、梁父也」。 索屬 案:徐氏云「挈

山岳也。

[中] (集) [解] 漢書音義曰:「言天道質昧,以符瑞見意,不可辭讓也。」 [索隱] 孟康曰:「言天道質昧,以符瑞見意,不可

辭讓也。」

[八][樂解]漢書音義日:「太山之上無所表記,梁父壇場無所庶幾。」 |索隱| 案:幾音冀。

[九] [集] 漢書音義曰:「屈,絶之也。言古帝王但作一時之榮,畢代而絶也。」 時而榮貴,咸有濟代之勳;而屈者,謂言抑屈總不封禪,使説者尚何稱述於後代也,如上文云「七十二君」者 |索隱||言自古封禪之帝王,是各並

[10] [集解] 徐廣曰:「若無封禪之遺迹,則榮盡於當時,至於歷世之後,人何所述。」

[二] 索隱] 文顯曰:「越,踰也。不爲苟進踰禮也。」

[三] [樂解] 漢書音義曰:「款,誠也。 謁告之報誠也。」

[一] [樂解] 徐廣曰:「錯音厝。」 駰案:漢書音義曰「采,官也。 使諸儒記功著業, 得覩日月末光殊絶之用,以展其官

職,設厝其事業者也」。

[18] [樂解] 徐廣曰:「校,一作『祓』。 祓猶拂也,音廢也。」駰案:漢書音義曰「春秋者,正天時,列人事,諸儒既得展 事業,因兼正天時,列人事,敍述大義爲一經」。

[三] [集解] 韋昭曰:「今漢書增一,仍舊六爲七也。●

[一六] 樂解] 徐廣曰:「攄,一作『臚』。臚,敍也。」 索隱 廣雅云:「攄,張舒也。」

[一古] [索隱] 胡廣日:「飛揚英華之聲,騰馳茂盛之實也。」

司 馬 相 如 列

傳第五十七

(1八)[索隱]案:謂用此封禪。

[一九] [集解] 漢書音義曰:「掌故,太史官屬,主故事也。」

於是天子沛然改容,曰:「愉乎,朕其試哉」乃遷思回慮,總公卿之議,詢封禪之

事,詩大澤之博,廣符瑞之富。〔〕乃作頌曰:

(一) [樂解] 漢書音義日:「詩,歌詠功德也,下四章之頌也。大澤之博,謂『自我天覆,雲之油油』。廣符瑞之富,謂『斑 斑之獸』以下三章,言符瑞廣大富饒也。」

自我天覆,雲之油油。〔一〕甘露時雨,厥壤可游。滋液滲漉,〔三〕何生不育;嘉

穀六穗,我穡曷蓄。〔三〕

〔一〕[樂解] 漢書音義曰:「油油,雲行貌。 孟子曰『油然作雲,沛然下雨』。」

〔三〕[樂解]徐廣曰:「滲音色蔭反。」 [索隱]案:説文云「滲漉、水下流之見也」。

/ [] [集解] 徐廣曰:「何所畜邪?畜嘉穀。」

非唯雨之,又潤澤之,非唯濡之,氾尃濩之。〔〕萬物熙熙,懷而慕思。名山

顯位,望君之來。〔三]君乎君乎,侯不邁哉!〔』〕

|[樂解]徐廣曰:「古『布』字作『尃』。」 [索隱] 胡廣曰:「氾,普也。 言雨澤非偏於我,普徧布散,無所不獲之也。」

〔三〕[集解] 韋昭曰:「名山,大山也。 顯位,封禪也。」

[]] [索隱] 李奇云:「侯,何也。言君何不行封禪之事也。」案:邁訓行也。如淳云「侯,維也」。

能。「三蓋聞其聲,今觀其來。 般般之獸,[]樂我君囿,白質黑章,其儀可(嘉)[喜],旼旼睦睦,君子之 厥塗靡蹤,天瑞之徵。〔『〕兹亦於舜,虞氏以興。〔『〕

[一] [索隱] 案:般般,文彩之皃也,音班。胡廣曰「謂騶虞也」。

[二][集解]徐廣曰:「旼音旻,和貌也。 能,一作『態』。」駟案:漢書音義曰「旻和穆敬,言和且敬,有似君子」。

索隱 旼音旻。

[三] [樂解] 徐廣曰:「其所來路非有迹,蓋自天降瑞,不行而至也。」

[8] [索隱] 文穎曰:「舜百獸率舞,則騶虞亦在其中者已。」

濯濯之麟,〔〕游彼靈畤。〔三]孟冬十月,君俎郊祀。 馳我君輿,帝以享祉。三

代之前、蓋未嘗有。

[二][集解]漢書音義曰:「武帝祠五畤,獲白麟,故言游靈畤。」[一][索屬]詩人云「麀鹿濯濯」,注云「濯濯,嬉遊兒」也。

宛宛黄龍、「「興德而升,采色炫燿,熿炳煇煌。「三」正陽顯見、「三覺寤黎烝。

於傳載之,云受命所乘。〔四〕

[二] 索隱] 胡廣日:「屈伸也。」

【二】[集解]徐廣日:「廣音晃。煇音魂。」

司馬相如列傳第五十七

[四] [索隱] 如淳云:「書傳所載,揆其比類,以爲漢土德,黃龍爲之應,見之於成紀,故云受命所乘也。」

厥之有章,不必諄諄。〔□依類託寓,諭以封巒。〔□〕

[一] [集解] 徐廣曰:「諄,止純反。告之丁寧。」駟案:漢書音義曰「天之所命,表以符瑞,章明其德,不必諄諄然有語 言也」。

[三][集解]漢書音義曰:「寓,寄也。 巒,山也。言依事類託寄,以喻封禪者。」

衰,安必思危」。是以湯武至尊嚴,不失肅祗,舜在假典,自己顧省厥遺:此之謂也。 披藝觀之,天人之際已交,上下相發允答。聖王之德,兢兢翼翼也。故曰「興必慮

[一] (集解) 徐廣曰:「假,大也。」

司馬相如既卒与五歲,天子始祭后土。八年而遂先禮中嶽,与封于太山,至之梁父

禪肅然。[四]

[一][集解]徐廣曰:「元狩五年也。」

[二][正義] 嵩高也,在洛州陽城縣西北二十二里。

「三」[正義] 在兖州博城縣西北三十里。

[四] 集解]徐廣曰:「小山,在泰山下趾東北。」

相如他所著,若遺平陵侯〔〕書、與五公子相難、草木書篇不采,采其尤著公卿者云。

[二] 集解 徐廣曰:「蘇建也。」

奏雅,不已虧乎?余采其語可論者著于篇。 歸引之節儉,此與詩之風諫何異。楊雄以爲靡麗之賦,勸百風一,猶馳騁鄭衞之聲,曲終而 雅譏小己之得失,其流及上。「四」所以言雖外殊,其合德一也。相如雖多虚辭濫説,然其要 太史公曰:春秋推見至隱,气以易本隱之以顯,气以大雅言王公大人而德逮黎庶,气则小

- 〔三〕[樂解] 韋昭曰:「湯本隱微妙,出爲人事乃顯著也。」 [索隱] 韋昭曰:「湯本陰陽之微妙,出爲人事乃更昭 著也。」 彰而文微,若隱公見弒,而經不書,諱之。」韋昭曰:「推見事至于隱諱,謂若晉文召天子,經言『狩河陽』之屬。」 [樂解] 韋昭曰:「推見事至於隱諱,謂若晉文召天子,經言『狩河陽』之屬。」 |索隱||李奇日:「隱猶微也。言其義
- |虞喜志||林曰:「春秋以人事通天道,是推見以至隱也。 |易以天道接人事,是本隱以之明顯也。]
- 「四] [集解] 韋昭曰:「小雅之人志狹小,先道己之憂苦,其流乃及上政之得失者。」 [索隱] 文穎曰:「小雅之人材 志狹 〔三〕[集解] 韋昭曰:「先言王公大人之德,乃後及衆庶也。」 [索隱] 文穎曰:「大雅先言大人王公之德,後及 衆庶。」 小,先道己之憂苦,其末流及上政之得失也。故禮緯云小雅饑已得失,及之於上也。」

惜哉封禪,遺文卓爾。

【索隱述贊】相如縱誕,竊貲卓氏。基學無方,其才足倚。子虚過吒,上林非侈。四馬還邛,百金獻伎。

三〇七四

